



SEBASTIA-

NI CORRADI EGNA-

TIVS, SIVE

QVAESTVRA,

CVIVS PRAECIPVA CA-
pita hęc sunt:



- M. T. Ciceronis uita undiq; collecta, & defenſa.
- Multa e Plutarcho, ceterisq; Græcis conuerſa.
- Multa comprobata. Multa confutata.
- Oratio Sallustij in Ciceronē confutata, & explicata.
- Oratio Ciceronis in Sallustiū cōſutata, & explicata.
- M. T. Ciceronis opera numerata, & digesta.
- M. T. Ciceronis filij uita.
- Q. T. Ciceronis fratris uita.
- Q. T. Ciceronis filij uita.
- Q. T. Ciceronis fratris Liber de Petitione cōſula-
tus, explicatus.
- Eorum, qui ſcribunt apud Ciceronem, uita de-
monſtrata.



Accesseit, præter ista, locuples rerum & uerborum
memorabilium INDEX.

[Handwritten signature]
Simonis Vagnneri

BASILEAE, PER IOAN-
NEM Oporinum.

Remig f m
libet p m m

AD D. SEBASTIANVM COR-
radum, uirum doctiss. atque humaniss.
Fabricius Resecus Forocor-
neliensis.

Si Corrade modò undecunq; doctus
Multa expensa uiris tulisti ad unguem
Tu quæstor Latine talenta lingua,
Vt Latina tuo labore facta
Sit Respublica diues, ac beata:
Quid mirum, tibi si grauis Senatus
Praturam quoque detulit gerendam?
Vt ius cuiq; suum ex utraque lingua
Reddas Picrio in foro, eminenti
E' sella: unde tuo frequens ab ore
Dicentis iuuenum cæterua pendet?
O' Consul quoque, Pontifexq; summus
Fias, ac titulo decorus omni:
Vt iam non modò litteras in aures,
Sed mentes quoque liberas in astra
Tollas, Ambrosia institutione.
Certè aut unus honore dignus omni
Es tu, aut nullus honore dignus ullo est.

SEBASTIANI CORRA-

DI QVAESTVRA, VEL

Egnatius:

AD SENATVM, POPVLVM QVE
Bononicensem.



GNATI praeceptoris mei
magnum fuit ingenium, ma-
gnum optimarum artium stu-
dium: & eloquentia tanta, ut
eo tempore, quo Venetijs pu-
blice docens florebat, omnes

qui literas in Italia profitebantur, in eo genere lon-
gè, multumq; superaret. Quo quidè tempore nos,
qui iuvenes eramus, illum, cuius aetas iam senesce-
bat, ut iam tum cessaret, imprudenter fortasse
quidem, sed tamen amice monebamus: illud usur-
pantes, Solue senescentem mature sanus equum,
ne Peccet ad extremum ridendus, & ilia ducat.

Ille uerò, qui uir prudentissimus esset, & optimè,
qui sit orbis in rebus humanis, nosset, ut in otium,
solitudinemq; se conferre cupiebat, sic etiam saepe
tentauit: sed, quod cupiebat, à senatu Veneto, qui
iuuentutem talis & tanti uiri consuetudine, fru-
ctusq; priuari nolebat, id nunquam, nisi senex ad-
modum,

modum potuit impetrare. Quapropter ultimis annis, ut audimus, ita frigebat, ut, qui tunc eum sic iam deflorescentem cognouerunt, existimauerint illum uirum non satis eruditum fuisse. Quin his proximis annis, ut nobis refertur, non defuerunt, qui uirum talem senem, si dys placet, indoctum uocare non dubitarint. Quos quidem nos homines, qui, quo doctiores ipsi uideantur, alios indoctos appellant, quauis ipsius scriptis, quæ iam multa leguntur, facile refutare possemus: quia tamen ille multo melius, ut Ser. Galba, ut Q. Hortensius, ut alij, dixit, quàm scripsit, facilius eos testibus, qui sunt adhuc innumerabiles, confutari posse, si res poscat, arbitramur. Nos certè, quod omnes, qui tunc Venetijs erant, audire potuerunt, affirmare non dubitamus: illum, quum Pontificis olim legatus orationi, quam memoriter iam penè totam dixerat, interuenisset, illud idem, quod pronūciarat, diuersis uerbis à principio repetitum multo melius, elegantiusq; dixisse. Quare, quū descendisset, sic nos illi diximus: Tu uerò posthac nihil unquam scribito. Meminimus item Romulum Amasæum, qui tunc inter eloquentes principem locū tenebat, ita, quum fortè nobiscum quasi peregrinus, nec ab eo
qui

qui penè cæcus erat, uisus, ad audiendum uenisset, exclamare: *Dij magni, salicippiu disertum. Fortu-
nius uerò Spyræ, uir optimus, et homo doctissimus, Egnatij rerum cognitionē solebat optare: quē rerū
thesaurum frequenter appellabat. Habuit enim uir ille, quod de L. Lucullo dicitur, diuinā quan-
dam memoriam rerum: quas quidem res penè om-
nes ut legerat, uel audiuerat, sic ijs qui scire uole-
bant, memoriter, iucundeq₃ narrabat. Res uerò
tam multas ille legerat, uel audiuerat (ut omnium
maximè studiosus, atq₃ etiam planè curiosus fuit)
ut de omni re, quæcunque in disceptationem, qua-
stionemq₃ uocaretur, copiosissimè, tanquam Gor-
gias, posset, & soleret etiam sæpe, disputare. Nam
de iure ciuili cautè, de totius orbis & cæli regioni-
bus ac gentium moribus peritè, de poetica diuini-
tùs, de philosophia sapienter, atque de religione piè
respondebat. Quòd si quis eum, ut de rebus ad hi-
storiam, uel ad Rhetoricam pertinentib. loquere-
tur, rogasset: id ille sic libèter, sic humaniter, sic or-
natè, sic copiose faciebat, ut uerè Lydus, quod a-
iunt, in campū uideretur esse pronocatus. Quare,
præter studiosos adolescentes, quorum maxima fre-
quentia semper Egnatij ianua & uestibulū fre-*

modum potuit impetrare. Quapropter ultimis annis, ut audimus, ita frigebat, ut, qui tunc eum sic iam deflorescentem cognouerunt, existimauerint illum uirum non satis eruditum fuisse. Quin his proximis annis, ut nobis refertur, non defuerunt, qui uirum talem senem, si dys placet, indoctum uocare non dubitarint. Quos quidem nos homines, qui, quo doctiores ipsi uideantur, alios indoctos appellant, quāuis ipsius scriptis, quae iam multa leguntur, facile refutare possemus: quia tamen ille multo melius, ut Ser. Galba, ut Q. Hortensius, ut alij, dixit, quā scripsit, facilius eos testibus, qui sunt adhuc innumerabiles, confutari posse, si res poscat, arbitramur. Nos certè, quod omnes qui tūc Uenetis erant, audire potuerunt, affirmare non dubitamus: illum, quum Pontificis olim legatus orationi, quam memoriter iam penè totam dixerat, interuenisset, illud idem, quod pronūciarat, diuersis uerbis à principio repetitum multo melius, elegantiusq³ dixisse. Quare, quū descendisset, sic nos illi diximus: Tu uerò posthac nihil unquam scribito. Meminimus item Romulum Amaseum, qui tunc inter eloquentes principem locū tenebat, ita, quum forè nobiscum quasi peregrinus, nec ab eo
qui

qui penè cæcus erat, uisus, ad audiendum uenisset, exclamare: *Dij magni, salicippiu disertum.* Fortu-
 nius uerò *Spyra*, uir optimus, et homo doctissimus,
Egnatij rerum cognitione solebat optare: quæ reru
 thesaurum frequenter appellabat. Habuit enim
 uir ille, quod de *L. Lucullo* dicitur, diuinā quan-
 dam memoriam rerum: quas quidem res penè om-
 nes ut legerat, uel audiuerat, sic ijs qui scire uole-
 bant, memoriter, iucundeq; narrabat. Res uerò
 tam multas ille legerat, uel audiuerat (ut omnium
 maximè studiosus, atq; etiam planè curiosus fuit)
 ut de omni re, quacunque in disceptationem, qua-
 sitionemq; uocaretur, copiosissimè, tanquam *Gor-
 gias*, posset, & soleret etiam sæpe, disputare. Nam
 de iure civili cautè, de totius orbis & cæli regioni-
 bus ac gentium moribus peritè, de poetica diuini-
 tûs, de philosophia sapienter, atque de religione piè
 respondebat. Quòd si quis eum, ut de rebus ad hi-
 storiam, uel ad Rhetoricam pertinentib. loquere-
 tur, rogasset: id ille sic libèter, sic humaniter, sic or-
 natè, sic copiose faciebat, ut uerè *Lydus*, quod a-
 iunt, in campu uideretur esse prouocatus. Quare,
 præter studiosos adolescentes, quorum maxima fre-
 quentia semper *Egnatij* ianua & uestibulū fre-

frequentari solebant, multi nobilissimi & optimi
senatores, ut magnis de rebus deliberarent, ad
eum penè quotidie ueniebant, ita ut eius domus o-
raculum totius ciuitatis uerè posset appellari. Nos
certè, quum Venetijs essemus, ut ea quæ domi uel
in porticu inambulans, uel in hemicyclo sedens, So-
cratico more disputabat, audiremus: sic ad eum fe-
rè quotidie ueniebamus, ut, quoad possemus, & li-
ceret, ab eius latere nunquam penè discederemus.
Quin in patriâ nos, ut publicè literas Græcas &
Latinas profiteremur S. Crenocati, Venetias sæ-
pe reuertebamur, ut eum uirum, quæ semper loco
parentis coluimus, interdū saltem, quum, ut antè,
quotidie nō liceret, uideremus. Superioribus igitur
annis ea causa Venetias profectus, illū, Ioannemq;
Pierium Valerianū, quum Consules etiam tunc
essent, & de Rep. cuius ararium uidebant exhau-
stum, loquerentur, conueni: qui mē quū uidiſſent,
benigneq; & comiter, ut antè solebāt, excepissent,
cū saluum uenisse gauisi sunt, tum diuinitus
esse factum crediderunt, ut is qui Quæstor esset,
eo potissimum tempore, quo de Reip. rationib. ipsi
commentabantur, adueniret. Itaq; merogare, uel
potius urgere cœperunt, ut Quæstura rationē, quā
prius

prius inchoassem, aliquando tandē totam referre.
 Ego uerò, qui paratus eò uenerā, quāuis à princi-
 pio cum uiris doctis & facietis iocans, dissimulas-
 sem: rationem tamen, ut ipsi uolebant, totam cum
 retuli, tum uerbis etiam totidem, quot relata sunt,
 describendam curavi: domumq; reuersus, inde ser-
 monem, quē nunc ad uos mitto, confeci. Nec sum
 ueritus, ne quis diceret, hasce res indignasse, qua
 dialogo comprehendantur: quū rationes huiusce-
 modi nemo solus unquam soleat, aut etiam possit
 referre: & satis constet, nihil esse, de quo frequen-
 tius inter homines omnis generis, etatū, ordinum,
 non disputetur modo, sed etiā planē contendatur.
 Quod si dialogus, ut Græci dicunt, uel de Philoso-
 phia, uel de Rep. ferē semper habetur, & de rebus
 hisce disputando quarit: hic noster, quū de magno-
 rum uirorū morib. & uita, tum de numis, quib.
 Resp. seruari solet, habetur, & de reb. hisce dispu-
 tando, uel potius exigendo quarit ita, ut uel ob id
 Quæstura dicatur. Personarū uerò ratio sic habe-
 tur, ut, quamuis etiā sæpe iocentur, ut fieri solet, di-
 gnitatem tamen nō minus iocando quā dicendo
 cōseruent. Quin ita grauitè interdū dicunt, ut ego
 uerear, ne quis hoc ipsum nō esse dialogi calumnie

tur: nisi, qui loquuntur, eos, ut non sint, Quæstores
tamen & Consules uocari: nec Consules modò, sed
etiam reges & deos in dialogis loqui, recorderetur.
Iam, si quis, quòd interdum contrà tenuiter &
summissee loquatur, accuset: ille primùm sciat, eos,
qui possint utrunque præstare, laudari: deinde, qui
doceant, omnes ita loqui solere: postremò, qui tam
multa conuertant, tam multa mutuentur, tam
multa congerant, eos, quamuis conentur, nò posse
tamen unum dicendi genus semper & ubiq; serua
re. Sed uos, qui de rebus magnis soletis, de nostris
etiam, qualescunq; sint, poteritis, quum uoletis, uel
legentes, uel audientes, indicare.

EGNATIUS. Tuo quidè more facis Cor
rade, nos quum uisis, & amas: sed uereor, ne tuo
quoq; more iam facias, ut nescio quid in te patiaris
desiderari. COR. Ego uerò facile patior, aliquid
in me desiderari: atque utinam quidem aliquid,
& unum, nò etiam multa desiderentur. EGN.
Nos, ut nunc est, unum tantum desideramus.
COR. Quid' nam tandem? EGN. Maiorem fi
dem. COR. In eo 'ne homine, quem Regienses
Accensi inuenes Academici fidelè cognomento
uocent? EGN. Fieri potest, ut illi te fidelem sint
expertii:

experti: nos certè cū fidem tuam requirimus,
 tum uerò interdū tibi subiraſcimur: qui, quæ no-
 bis olim non uoce modo, ſed ſcriptis etiam pollicitus
 es, ea nondū præſtitisti. COR. Quæ? EGN. Te
 primo quoque tempore totam Quæſturæ tuæ ra-
 tionem relaturum. COR. Iam me ſaluū ſaluo
 officio & fide ueniſſe poteſtis gaudere. EGN. An
 huc ueniſti, ut eam reſerres? COR. Quid eam
 referam, quam me relaturum nunquā promiſi?
 EGN. Quando ſic præciſe, & penè impudenter
 negas, tecum tabulis obſignatis agemus, & te tuis
 ſcriptis conuincemus. Hic tuam Quæſturam lege.
 COR. Operam dabo, ut reliquum quod ſit, primo
 quoq; tempore referam. EGN. Quid hic pollice-
 ris? COR. Operam me daturum. EGN. Qua-
 ſi tu dicas, fidem te ſeruāſſe, modo rei cuiſiam ope-
 ram dederis. Ut, Pieri, qui ſoluendo non ſunt, ad
 omnes captiones confugiunt? COR. Ego uerò &
 ſoluēdo ſum, ſi quid debeo: nec ullas quero captio-
 nes. ſed tu meā uerba multo aliter, atque uel olim
 ſcripta ſunt, uel nunc dicuntur, interpretaris.
 EGN. Quin igitur ea tu nunc explicas? COR.
 Pollicitus inquam ſum, me, quū primū poſſem,
 curaturum, ut reliquum quod eſſet rationis, non

totam rationem, referre. EGN. At tu ne id quidem curasti. COR. At qui ne potui quidē. Nam quum ex amicorū literis cognouissem, fore, qui mihi uel accusatorē ponerent, uel accusarent ipsi: non putavi mihi faciendū, ut prius reliquū quod esset, referrem, quā de parte relata fuisset iudicatum. PIER. Quis ea de re sententiā ferre poterat, quā de Consules nondū statuissent? COR. Nemo uerē: sed ego tanquā Apelles, obseruabam, quid homines ea de parte iudicaret. PIER. Sutor ne aliquis supra crepidā iudicauit? COR. Fortasse multi, ut sunt homines ad uituperandum, quā ad laudandum propensiores: sed ego de nemine audiui, nisi de Ioanne Baptista Goineo, uicino tuo Pieri, iuvene erudito, et ad dicendū parato: qui nihil in Venere, ut par est credere, quū inuenisset, quod carperet, sandali tamen crepitū reprehendit. Nam quū de Questura ipsa ne uerbū quidem fecisset, calūniatus est, me nescio quid paulo iniquius de Romulo Amaseo scripsisse: quem uirum, ne sim, nisi ita collo & obseruo, ut um Pompilio filio, prater ea nemini concedā, quod & ipse agnoscit, nec iam Goineus ignorat: qui postquā uerē cognouit, me alium esse, atque ipse sibi finxerat, nihil habuit antiquius, quā

quàm ut meam sibi gratiam per communes amicos cōciliaret. Itaq; nunc mihi est, ut qui maximè, charus. EGN. Iam satis de accusatore, uel eo qui uoluerit *Notum* imitari, audiuius: sed tu nulum nobis adhuc laudatorem nominasti. PIER. Nullum quidem ille laudatorē Egnati nominauit: sed nos, quod è uerbis ipsius penè sequitur, inferre possumus. nemo. prater unum, uituperauit: reliqui igitur omnes quodā modo uidentur laudasse. COR. Sequatur, nec'ne, uos ipsi uideritis: ego certè non mihi tantum tribuo, ut ita concludi uelim. illud quidem certè iure meo possum affirmare, mihi laudatores tam multos fuisse, ut non solum decem, more Romano, sed sexcentos etiam dare poterim. EGN. Eos uellem dedisses. COR. Dedissem profectò, si fuisset opus. sed quum iam nulli essent accusatores, cur ego laudatores darē? EG. Da nunc aliquos saltem, ut nos aliorū iudicia & testimonia habentes, facilius de re tua statuere possimus. COR. Nec uos, qui prudentissimi estis, quiq; optimè de alijs iudicatis, aliorum iudicio egeris: nec nos de nobis loqui libenter solemus, ne nos ipsi, quod turpissimum est, laudare uideamur. EG. Imò & nos, & omnes qui de re aliqua rectè
uolunt

uolunt decernere, aliorū saepe iudicio egent: nec tu
 te, aliorum opiniones de rebus tuis referens, lauda-
 bis. COR. Lazarus igitur Bonamicus, uir opti-
 mus, & homo doctissimus, nos uel de Quæstura,
 quum uidisset nunquam, dignos iudicauit, quos in
 Istriam primum, deinde in Sarmatiam ad docen-
 dum publicè mitteret. EGN. Ego sanè quidē re-
 corder, Iustinopolitanos oratores ad me adijisse, ut
 ego te ad eam rem cohortarer: et Martinū Crome-
 rum Sarmatā saepe literas ad te Patauio dedisse,
 quibus te rogabat, ut Quæsturam ad Regem suum
 in Sarmatiam mitteres, & te ipse eodē postea con-
 ferres: quum ego tibi autor fui, ut tu Italus in Italia
 maneres. COR. Morem tibi gessi: & quidē ita,
 ut neq; Cromerus ipse, neque Regis legatus, modò
 non montes auri pollicentes, unquam me de sen-
 tentia mouere potuerint: etsi Venetias uenerunt
 illi, & omnem, quod aiunt, mouerunt lapidem, ut
 me etiam mouerent. EGN. Id ego recenti re au-
 diui. COR. Non audisti, opinor, eodem tempore
 Magnum Gruberū, uirum in literis nomine &
 re magnum, & duos nobilissimos adolescentes Ger-
 manos Venetias uenisse, ut tuum Quæstorem ui-
 derent, utq; ab eo scriptum aliquod auferrent, quo
 apud

apud suos testari possent, Quæsturam sibi ab auctore donatam fuisse. EGN. Praclarum Quæsturæ probatæ testimoniū, si uera dicis. COR. Aderant testes non pauci, quos, si uoletis, producam. EGN. Tibi iam credimus. COR. Hoc magis credetis. PIER. Qui libellus iste? COR. Quæ Ioannes Oporinus, nisi fallor, ex eorum libris, qui aliquid in Ciceronis epistolas ad Atticū scripserant, confecit. EGN. Quid in eo de tua Quæstura scriptum? COR. Alia multa, sed unū illud audiat is uelim. EGN. Recita. COR. Quod autem tribus uiris nupserit Tullia, uide Sebastianū Corradum in Quæstura sua, doctissimis id quoq, ut alia omnia, argumentis probantem. EGN. Itā ne scriptum? COR. Vide. EGN. Non ille modo, quisquis est, Quæsturam probat tuam, sed pedem etiam in nostro choro ponit. COR. Rectè facit, quando uos minus saltatis. EGN. Saltemus profecto, si tu restim ductes. COR. Id ego uerò iam pridem fecissem, nisi, qui cantitaret, fuissent expectandi. EGN. At iam, ut uideo, multi sunt anni, quum cantarunt illi. COR. Cantarūt aliqui, sed multis opus erat, qui simul cantarent. PIER. Atqui iam multi simul etiam, nec obscure cantarunt:

runt: ut ille te Corrade cantus & multum delectare, & prorsus ad saltandum potuerit excitare. COR. Sic igitur excitauit, ut cupiam saltare: certe delectauit non aliter, atque Themistoclem uox eius, à quo uirtutem suam optimè prædicari audiebat: sed non plus tamen oblectauit, quàm Marj Nizolij doctæ & accuratè scriptæ literæ: quàm Scipionis Blanchinij prædicatio: quàm M. Antonij Flaminij, Romuli Amasæi, Achillis Bochy, Fortunij Spyræ, Bernardi Feliciani, Martialis Rotæ, & Iouitæ Rapicij, summorum hominum cohortationes: quàm Petri Bembi, uiri clarissimi, familiaris approbatio, & commendatio Quæsturæ: quàm deniq; iudicium Francisci Sabini, tunc in lieris uerè Floridi: qui quæ omnium penè, qui aliquid nostra uel patrum memoria scripserunt, errores, quasi Timæum imitatus, collegisset, à Ruberto Saliceto Bononiæ interrogatus, an erroris aliquid in Quæstura nostra inuenisset, respondit, nihil, quod ualde reprehendi posset. Sed quid multa? Ciuēs mei Regienses ita Quæsturam probarunt meam, ut me uel absente, & penè inuitum, adilem curulem designarint. E G. Ita inuitum Pieri, ut ad illos excusationem pararit: nec fuerit

fuerit magistratum initurus, nisi ego, ut se sta-
 tim Regium conferret, impulissem. *PIER.*
 Quo'nam consilio Corrade, patria tua honores
 repudiabas? *COR.* Eodem, quo sacerdotium
 mihi à Bartholomæo Croto Regiensi, poeta gra-
 ui, & nobili, datum, & curationem Pontificiam
 ab eodem oblatam paulo antiè repudiaram: ut uo-
 biscum, & cum uestri similibus, in hoc tranquil-
 lissimo portu uiuerem. Tu tamen Egnati, non
 uerbis solum, sed exemplo etiam tuo mihi persua-
 sisti, ut ciuium uoluntati obsequerer. *EGN.* Nec
 te consilij, ut audio, pœnitet. *COR.* Haud sanè
 quidem pœnitet, quum tam gratos ciues sim ex-
 pertus: qui nullum genus officij & honoris non in
 me contulerunt. sed doleo, mihi nunquam tan-
 tum otij fuisse, ut hanc Quæstura rationē, quam
 uos tantopere petitis, possem conficere. *EGN.*
 Nunc tandem conficies. Ut enim dissimules, nos
 tamen ea causa huc te uenisse credimus. *COR.*
 Credatis licet, quod lubet: ego tamen, ut dicebam,
 huc ueni, uos ut in primis uiserem. sed, si uos i-
 ta uultis, & estis otiosi, non grauabor, quicquid
 mecum rationis huius attuli, iam nunc referre.
EGN. Nos uerò uolumus, ut audis: & sumus,
 ut quum

ut quum maximè, feriati. COR. Sed uelim, rationes in prouincia relictas pro latis habeatis. EG. Sumus uidelicet rerum omnium imperiti, & tibi acceptum referemus, quod tu nobis expensum non tuleris. COR. Feram. EGN. Re, an uerbo? COR. Utroq. EGN. Incipe igitur numerare. COR. Incipiam, inquam, si uos rationes, quæ lege Iulia sint in prouincia relictæ, estis delaturi. EG. Deferemus, & legem illam, quæ ne tum quidem, quum lata est, à Bibulo seruata scimus, nos tamen seruabimus: si tu, qui legis illius mentionem facis, eam prorsus seruaisti. COR. Ego scio me rationes consecratis, ut lex illa iubeat, apud Regienses meos deposuisse. EGN. Tantum abest, si uera dicis, ut eam seruaris, ut eam mihi, quod in te fuit, sustulisse uidearis: quum ea nihil minus iubeat, quàm ut quis apud quamlibet ciuitatem, & apud suos, rationes publicas deponat. COR. Sciebam quidem eas apud duas ciuitates, quæ maxime uideantur, nec apud suos, ne suspiciosum sit, deponi oportere: sed mihi nulla maior erat ciuitas, quàm Regiū: & Regienses ea fide & religione sunt præditi, ut in nullam uobis suspiciōe uenire debeant. EGN. Tu rectè facis, qui ciues tuos de te tam bene meritos

meritos, laudas: & nos item credimus eos esse, quibus cum in tenebris, ut aiunt, micare possimus. sed tu non nescis, quid sit personam publicam sustinere. Non enim solum nobis utilitati publicæ consulendum, sed, quid etiam possint homines dicere, providendum: præsertim quum tot hodie sint Atomii, quibus etsi neminem satisfacere posse scimus, nobis tamen est opera saltem danda, quoad eius fieri potest, ne quid illi merito possint reprehendere. An non credis fore, qui nos uel amore, uel cupiditate, uel temeritate prolapsos dicant & accusent, si rationes ita relictas probemus? Quid quod neque prædes, ut uideris, pecuniæ publicæ accepisti, neque literas tuæ ciuitatis attulisti? COR. Ego uero & illos accepi, & hasce ab amplissimis uiris nostræ ciuitatis obsignatas attuli, ne me rem tantam temerè egisse censeatis. EGN. At illud dicent maledici: ratio quidem hercle apparet, sed argentum oïxetai. COR. Poteras à principio dicere, rem sine nummis omnibus agi non posse: & ego aliud egissem. EGN. Hoc agas, necesse est. COR. Qui possum, quum uestre manus ita sint oculatæ, ut ne credant quidem, quod uident? EGN. Nihil uident, nisi te uerba tantum dare, res & uerba pol-

b licitum.

licitū. COR. Dem res quoq^{ue}, nisi uos numos omneis petatis, quum paucos ego mecum nunc attulerim.

EGN. Non est uerissimile, te domo profectum, huc ut uenires, ubi rationem tibi scires esse reddendam, & ubi multa esse non ignorares, qua necesse est emas, uelis nolis, paucos tecum numos attulisse.

COR. Dabo, quotquot attuli: sed quid si postea rationum summa non quadrarit?

EGN. Operam tu dabis, ut pares sint rationes.

COR. Qui? PIER. Ego tibi dicam Corrade. In hac urbe sunt argentarij, sunt tabulae, sunt fœneratores.

COR. Quin tu recte mones. Quare uel mutuatione, uel permutatione, uel fœnore, si quid fuerit reliqui, soluam, ut aliquādo tandem hac molestia me liberem. Sed illud à uobis quæro, iubeatis ne rationem totam referri, an reliquum quod sit solui?

EGN. Volumus utrunque.

COR. Non putabam de relata parte mihi laborādum, qua tot hominum doctissimorum testimonijs esset comprobata.

EGN. Quid uerbis opus? an non tu recordaris, inter nos ita conuenisse, ut nihil prius nos de parte, qua relata esset, statueremus, quàm tu rationem totam simul retulisses?

COR. Recordor sanè quidem.

EGN. Refer igitur.

COR. Referte & uos, uel
potius

potius reddite, quam tum dedi, pecuniā, ut totam simul, & præsentem commodius soluam. *PIER.* Aequum petit Egnati. *EGN.* Vereor, ne, cum Venetijs nunc sit, nauem potius quàm equum petat, si nos illi pecuniā, quam numerauit olim, reddamus. *COR.* Quum te fraudaro semel, & profugero, tu nihil unquam postea mihi quicquā credito. *EGN.* Cauebo potius, ne semel fraudes, & profugias: nam claudi fores iubebo. sed extra iocū, tu pecuniā accipe tuam, & rursus totam, & præsentem simul, ut dicis, numera. *COR.* Numerabo, si prius à uobis cauero, amplius eo nomine neminem, cuius petitio sit, petiturum. *EGN.* Nos uel te præsentem, in tabulas publicas referemus. *COR.* Cautio non spernenda: sed uereor tamen, ut aduersus improbos sit firma satis. *EGN.* Ita firma, ut nemo possit amplius à Quastore quicquam petere. Quòd si quis improbus esse uelit, nec, quod scriptum sit, probare, potest ille Consulib. qui retulerint in tabulas publicas, non Quaestori, quem tabula ipsa publica soluisse testentur, negotium successere. *COR.* Placet cautio: sed uelim, uobis item lex illa, quā tulimus olim, nunc etiam placeat, ut nummos omnis generis accipiat: ne, quum Veneti

sitis, uestro more Venetos numos semper queratis.
 EGN. Placet, ut etiā pro Pierio respōdeam? PIE.
 Placet quidem: sed uolumus Corrade, ut alium, ac
 que olim secutus es, ordinē adhibeas. COR. Ver-
 bum Consulis agnosco: sed tamē id quod mihi nūc
 imperas, egomet ipse mecum cogitabam. Scio enim
 tum, cū rus ad uos sine tabulis uenissem, ordinē
 seruare non potuisse: sed quicquid in solum uenit,
 ut dicitur, retulisse. Nunc illum sequar ordinem:
 ut quamuis pecunias in tota prouincia exegerim,
 eas tamen tanquam signatas in prima prouincia,
 & ciuitatibus quæ sunt attributa, referam. Nam
 primū quicquid ad Ciceronis ipsius uitā & mo-
 res pertinet: deinde reliquorum, quorum scripta
 sunt in Ciceronis libros cōgesta, cū uitas, tum scri-
 pta ipsa quā diligētissimē & breuissimē fieri po-
 terit, explicabo. EGN. Parturiēt mōtes. COR.
 Nec tamen, opinor, mus ridiculus nascetur: sed ho-
 mines, quos uel ipsa uetustas obruit, uel scriptorū
 negligentia modo nō extinxit, renascuntur. EGN.
 Erit igitur aliquis, qui possit illud usurpare: Ipse e-
 go (nam memini) Troiani tempore belli Panthoi-
 des Euphorbus eram. COR. Erit aliquis potius,
 cui nos dicemus: Tu qui fuisti Hippolytus, nunc idē
 Virbius

Virbius esto. EGN. At tu caueto, ne si id feceris, tum Pater omnipotēs aliquem indignatus ab umbris Mortale infernis ad limina surgere uita, Ipse repertorem medicina talis, & artis, Fulmine correptum Stygias detrudat in undas. COR. At nullum uidebit pæonijs reuocatum herbis & amore Dianæ: sed scriptis omnes, quos diximus, ab inferis excitatos. Ut uerò Ciceronem primum iam nunc ab inferis excitandum possimus agnoscere, necesse est ut nos illum deinceps qualis ante Quæsturam, ante Aedilitatem, ante Præturam, ante Consulatam, ante mortem fuerit, depingamus.

EGN. Depinge quod libet, dum nobis aliquando eadē numos incipias numerare. COR. Accepi.

EGN. At hodie dabis, non accipies. COR. Nec ego me accepturū, sed accepisse dico; atq; idipsum more Quæstorum, qui, quod in Verrina tertia legimus, rationes ita referebāt.

EGN. Quid igitur accepisti? COR. Hunc numum.

EGN. Quid dedisti? COR. Eundem numum, de quo Plutarchus, Dion, Appianus, & alij tam multa falso retulerunt.

EGN. Id posterius uidebimus: tu nunc perge, ut cœpisti, referre. COR. Scire prius uelim, placeat ne uobis hic numus? EGN. Ipsa quidem

forma, ut qui maximè placet: sed quanti sit, ignoramus. COR. Non mirum de uobis, qui uestris tantum numis utamini: uerum apud nos numis omnibus praefertur. EGN. Ubi signatus? COR. Arpini, tribus literis. EGN. Quibus? COR. M. T. C. EGN. O gratos Arpinates, qui Marci Tullij Ciceronis non modo laudes olim praedicarunt, ut in oratione pro Plancio cognoscitur: sed adhuc etiam uel numis memoriam seruent. Quare uel hoc nomine dignus est numus, qui numis, ut tu dicis, omnibus praefertur. COR. Praefertur igitur. PIER. Iam praelatus est: tu uerò perge. COR. Pergam, si prius illud dixero, idem propemodum summis poetis Homero & Virgilio contigisse: nisi quod illi numi sunt anei, hic aureus & uetus, si cum Virgilij numo conferratur. Numi uerò huiusmodi quo uetustiores sunt, eo magis hodie probari solent. PIER. Corradus, Egnati, quantum ex hisce uerbis quæ modo retulit, conijcio, uidetur nobis ueteres numos daturus. COR. Ita ueteres, uix ut signa & imagines appareant. EGN. Si Romani sunt, naualis in ære altera signata est, altera forma biceps. COR. Romani sunt illi sanè quidem maio-

rem partē, & aurei ferē omnes. E G N. Non tam ueteres igitur esse possunt: siquidem constat, aureos numos tempore belli Punici secundi signatos fuisse. C O R. Tam ueteres certē, ut ne peritissimi quidem homines antiquitatis, eos facile cognoscant. E G N. Si tu nos igitur consulas, tibi consilium demus, ut eos ne proferas. Nos enim non sumus tam stulti, ut numos accepturi simus quos nemo cognoscat. C O R. Nos faciemus, ut omnes cognoscant. E G N. Tu uidelicet eos in splendorem, ut ait Plautus, ita dabis, ut signa patefacias. C O R. Non dicemus quid facturi simus, ne fortasse uideamur maiora polliceri quā qua praeſtare poſſimus: ſed ſperamus tamen fore, ut uos nullum numigenus libentius accipiat. E G N. Scimus te diu multumq³ in ueterum rebus eſſe uerſatum, neque id ipſum ſine reprehensione. C O R. Qui me tandem reprehēdunt? E G N. Qui ſuum ſtudium in philoſophia, uel in iure ciuili, uel in ſacris literis collocarunt. C O R. Quid reprehēdunt? E G N. Chriſtianū hominem tantum temporis hiſce rebus perquirēdis conſumere. C O R. Quasi uerò parum, uel nihil omnino iuuee hominem Chriſtianum, quum quae iactant iſti,

quantum satis est norit, historias quoque quas maiores nostri prorsus ediscebant, nosse: aut iam cōiicerint ipsi, Christianos esse magis qui terrarum orbem captionibus, litibus & erroribus replent ac perturbant, quàm qui historias ita legunt, ut interea tamen uerè philosophentur, leges seruent, & Deum colant. EGN. Ea'ne tu facis? COR. Faciam necne, tu unus omnium optimè nosti. eos ceriè qui faciunt, imitor: ut qui me accusant, non iam Nauium, Plautū, Ennium, sed Egnatium, Pierium & Victorium accusent. EGN. Ut malus culpa socios quærit? COR. Immo laudis duces. EGN. Nisi foriè interdum ut signa deseras. COR. Quando? EGN. Quando minima quæq; persequeris, in quibus duces ipsi cōineant. COR. Nec elephantes murem aut culicem capiunt. quàm uideo interdum ne duces quidem ipsos huius diligentia pudere: quòd si tamen pudeat, alios ego duces, quos hac in parte sequar, habeo. EGN. Quos? COR. Macrobiū, Gellium, Plutarchum, Plinium, Tacitum, Suetonium, Asconium, Varronem: & hunc denique ipsum quem mihi imitandum proposui, Ciceronem. EGN. Ipse tamen ineptias uocauit. COR. Veritus for-
tasse,

tasse, ne molestus, ac plane ineptus Attico uideretur, à quo tam saepe de rebus hisce quarebat: uerum nemo unquam diligentius & melius huiusce modi res est persecutus. EGN. Id ille faciebat, ut Reip. sua prodesset, sed tu quam Remp. habes, cui prodesse uelis? COR. Eorum, qui literarum studia paulo rudiores colunt. EGN. Quid his utilitatis affers? COR. Id, ut legentes intelligant. EGN. Nos igitur rudes Pieri, si, quum tam multa legerimus, ea nondum intellèximus. COR. Vos literarum studia non rudes, sed omnium doctissimi colitis, ut iam non modo scire, sed testari etiam possitis, quod olim diximus: hæc neque uobis, neque cæteris doctissimis hominibus, sed rudioribus, aut Tarentinis, ut dixit Lucilius, scribi: & mihi satis esse, si quid utilitatis hisce uidear attulisse. EGN. Ut scilicet intelligant, quæ fuerit Hecubæ mater, aut quid Sirenes solitæ fuerint cantare. COR. Ego ut hæc enugas curem? EGN. Quid igitur curas? COR. Ut alicuius uerbi uim, & autoris sententiam cognoscant. EGN. Habes exempla quæ proferas? COR. Multa, sed uno nunc ero contentus. Hæc sunt Ciceronis uerba libro decimotertio ad Atticū scripta: Libri quidem exie-

runt. *PIER.* Quis hic dubitare potest, quin interpretandum sit, *Exierunt, edicti sunt?* *COR.* Qui sapius infra legerit, & animaduertit, eos libros ne Bruto quidem, cui scribebantur, tum datos fuisse. *PIER.* Quo tu igitur pacto uerbum illud interpretaris? *COR.* *Exierunt, absoluti sunt:* ut illud Horatii, *Urceus exit.* *PIER.* Tu nobis hoc facile probas: sed proba item quod ad sententiam pertinet. *COR.* Differam potius, & ne praeposterè agam, referenda ratione tota suis locis probabo: & quidem ita, ut sperem fore, ne dicatis amplius nos in ueterum rebus cum reprehensione uersatos esse, quum tam multa hac ratione à nobis in Ciceronis libris, & aliorum explicata cognoscetis. *EGN.* Cogitat hic homo non Romanos solum & ueteres, ut pollicitus est, sed externos etiam numos dare. *COR.* Id uestra refert nihil, dum sint probi: quanquam sunt ij quidem omnes ferè Ciceroniani, & ita Romani: fieri tamè potest, ut externi etià multi sint admisti: quisi in manus uenerint, non credo uos propter legem latam reiecturos. *EGN.* Bene credis, nisi fuerint reijciendi. *COR.* Spectabitis. *EGN.* Fac tandem spectemus. *COR.* Vita. *EGN.* Libenter hunc numum

mum Corrade spectamus: atq, utinam quidem no-
 bis ipsum liceat quàm diutissimè spectare. COR.
 Animaduertas, idem ferè omnes, qui semel hunc
 numū uident, optare. EGN. Nec mirum uideri
 debet. est enim dignus, quē semper omnes spectent.
 COR. Ea est, opinor, causa, cur quāuis sit admo-
 dum uetus: ipse tamē magis quàm ceteri, spectatus
 & tritus hominum manib, esse uideatur. EGN.
 Non uidetur admodum uetus, cū signa sic appa-
 reant. COR. In Arpinati uilla, nō procul à Fibre
 no & Liri fluminibus est signatus, anno ab U. C.
 sexcētesimo quadragessimooctauo, C. Attilio Ser-
 rano, Q. Seruilio Capione Cos. EGN. Quis au-
 tor? COR. Multi, & in his ipse Cicero, qui libro
 secundo de Legib. ita scribit: Hanc uides uillam,
 ut nunc quidem est, laucius adificatam patris
 nostri studio: qui quum esset infirma ualeitudi-
 ne, hic ferè atatem egit in literis. sed hoc ipso in
 loco, quum auus uiueret, & antiquo more par-
 ua esset uilla, ut illa Curiana in Sabinis, me
 scito esse natum. Deinceps & alia dicit, quibus
 omnino docet, in ea uilla se natum fuisse. In Bru-
 to uerò, de Consulib. ita loquitur: His Consulibus
 Seruiliam legem suasit Crassus, quib, nati sumus,
 quum

quum ipse esset Q. Cephione consule natus, & C. Lelio. Quæ quidem uerba, quum superioribus annis interpretaremur (facile quod apparebit in commentario quem breui nos edituri sumus) ostendimus, ea Ciceronem dixisse, ut & quib. Consulibus esset natus ostenderet: & admoneret penè fatum fuisse, ut L. Crassus, sub cuius persona Cicero saepe latet, & Cicero ipse, consule nominis eiusdem, hoc est Q. Seruilio Cephione, tam diuerso tempore nascerentur. Idem Blondus in duodecima Italiae regione de uilla, & Gellius lib. decimoquinto, cap. uigesimo octauo de Consulibus, affirmant. EGN. Post Ciceronem tu nobis Atticos testes dedisti: quasi uerò Gellio, & Blondo plus, quàm Ciceroni sit credendum. COR. Id eò feci, ne quis Ciceronem ipsum testem domesticum nimis esse calumniatur: quanquam satis constat, omnes qui uitas uel oratorum, uel poetarum scripserunt, ex ipsorum scriptis omnia penè collegisse. ut iam nemo mirari debeat, si nos quoq; de Ciceronis uita dicturi, ex ipsius scriptis eam potissimum colligemus: quum præsertim Cornelij Nepotis, Tironis, Fenestella, Asconij & aliorum scripta, quibus illi Ciceronis res mandant, desiderentur. EGN. At ea quæ Plutarchus,

chus, & Leonardus Arretinus de Cicerone scripserunt, non desiderantur. COR. Non desiderantur quidem, sed uereor ne multis in rebus cacus caco dux fuerit. EGN. Hic Pieri oculos cornicum confixit: qui, quod Plutarchus & Leonardus Arretinus, uiri tales, non uiderunt, ipse tot post annis uideat: cum, quod ante pedes habet, uix uidere possit. COR. Quid rides Pieri? PIER. Te lippum, uel luscum, certè parum uidentem ab eo significari, qui nunquam domo sine conspicijs, ut uocat Plautus, quasi Politiani Lamia egreditur. COR. Dicitamen solet, Loripedè rectus derideat: sed ille quicquid in me dicit, id suo iure, & nunc in suo regno dicit. Verùm, si quis ex eo separatim querat, ecquid Corradus uideat, pro eo amore quo discipulos omnes suos prosequitur, eum uel Lynceum esse dicat. EGN. Dicam, si uerum sit. COR. Hac in re dicas licet: quādo uerum est, ea nos, in quib. quasi tenebris Plutarchus & Leonardus Arretinus offenderunt, uidisse. EGN. Dicam, cum ego quoq. uidero. COR. Oportebit in Aesculapij prius incubare. EGN. Est hic mihi discipulus, qui me uel in eo semper est imitatus. COR. Dignus est profecto, qui quanto lux est ceteris

teris rebus charior, tãto magis laudetur, quã qui
 latos Platonis humeros, uel qui linguã Aristote-
 lis paulum balbutientẽ sunt imitati. Sed, quoniã de
 loco & anno diximus, dies etiã uidetur addendus:
 qui fuit 111. Non. Ian. ut ipse Cicero lib. septimo,
 & decimotertio ad Atticum scripsit, EGN. Idẽ
 scripsit in uita Plutarchus. COX. Dubitat tamẽ
 eruditi, quum gracẽ sic ille dicat, ἡμὸς αὖ τρίτην
 τῶν νέων ἡμελόμεθα. Nam multi uertunt, 111.
 Calen. Ian. arbitrati, Plutarchum gracẽ simul &
 latinẽ locutum fuisse: multi, 111. Non. Ian. ipsum
 Ciceronem fortasse imitati, qui suũ natalem 111.
 Non. Ian. celebrat. Sed si quis fortẽ roget, cur Plu-
 tarchus ita sit locutus, nemo facile dicat. Nam ui-
 ros etiam doctos audiui, qui die tertia post nouas
 Calendas, interpretarẽtur, quod Attici saepe prae-
 positiones omittant. Verum si uertamus hoc modo,
 latinẽ dicere poterimus: Prid. Non. Ian. qui dies
 est tertius post Cal. Ian. quas Plutarchus nouas uo-
 cat, quod ab his nouus annus, & nouus mensis in-
 cipiat. & ita Plutarchus de die natali uideatur à
 Cicerone dissentire, praesertim quum dicat, postea
 morem fuisse, ut Romani pro salute principis eo
 die uota nuncuparent: quod certẽ prid. Non. Ian.
 fiebat,

fiebat, ut uiri docti putant, cum uideant ita Caium
 Iuriconsultū libro quinquagesimo Digestorū scri-
 pisse: Post Calendas Ianuarias die tertio pro salute
 principis uota suscipiuntur. EGN. Cum Plutar-
 chus & Caius uiri tales consentiāt, eum diem post
 Calendas Ianuarias tertium, hoc est, ut ais, Prid.
 Non. Ianuar. fuisse: uide, ne numerus apud Gel-
 lium & Ciceronem sit mutandus, & 11. id est,
 Prid. Non. Ian. legendum. COR. Videndum
 potius, ne sit locutio uetus, qualis illa, ante diem
 111. Non. Ian. id est, 111. Non. Ian. ut sit, post
 Calendas Ian. die tertio, hoc est, tertio die cum Ca-
 lendis ipsis. Sic enim multi uerba Pauli Iuriconsf.
 lib. quinquagesimo Digestorum sunt interpretati:
 Ante diem decimū Calend. post diem decimū Ca-
 lend. utroque sermone undecima dies significatur.
 EGN. Hic sacer ancipiti mirandus imagine Ia-
 nus Bina repenti oculus obtulit ora meis: siquidem
 ante quod est in re, post' que uidetur idem. COR.
 Ne sit mirum, cum Gellius, intra Calendas, & in
 Calendis, idem esse putet: quamuis ego saepe dubi-
 tarim, ne, quum ueteres intra Calendas dicebant,
 Calendas significarent, quas Macrobius quinta-
 nas & septimanas appellat: quum dicamus, Intra
 dies,

dies, non intra diem: ut necesse esset dicere, si Calendas hic pro die primo mensis acciperemus. EGN. Quid igitur tu putas? COR. Veteres, dies omnes qui sunt ad Nonas, Calendas appellasse, quod Pontifex uerbum $\lambda\alpha\lambda\omega$ quinquies uel septies, ut Nonarum ratio postulabat, usurparet. Nam quod Macrobius ait, hunc diem qui ex his diebus qui calarentur, primus esset, placuit Calendas uocari: sic interpretor, ut putem eum potissimum Calendas uocari: quamuis etiam ceteri qui sunt ad Nonas, Calenda uocentur. EGN. Macrobius quidem ita loquitur, ut nescias, Calendas ne, an Nonas, quintanas aut septimanas appellet: sed Varro & Censorinus aperire Nonas quintanas & septimanas uocant. Quare nescio quid in mentem tibi ueniat, ut audeas à uiris huiusmodi dissentire. COR. Tantum abest ut ab illis dissentiam, ut ego maxime quod illi scribunt, affirmem: illud tamen dico simile uero uideri, Calendas toties, quoties uerbum $\lambda\alpha\lambda\omega$ diceretur, appellatas fuisse. quod ego ne dixissem quidem, nisi libro quadragesimo quinto Digestorum, apud Ulpianum ita scriptum uidissem: Si quis ita interrogatus, intra Calendas quintas dabis? responderit: Dabo Idibus, non obligatur.

gatur. Apparet enim Iurisconsultum de eodem mense loqui, quum respōdeat ille, Dabo Idib. quòd penè sit necesse dicere, Idibus eius mensis, de cuius quintis Calendis interrogasti. Aliter enim nemo intelligat, quas Idus significet. Sunt tamen, qui credant, quinq; menses, uel quinq; dies primos, hoc est Calendas quinq; mensium significari: quod mihi uel in primis absurdum uideri solet. Nam quis interrogatus, an intra quinq; menses, siue Calendas quinq; mensiu sit daturus, respondeat, se proximis Idib. daturū? Relinquitur, opinor, ut de Calēdis interrogatus, de Idib. eiusdē mēsis respōdeat, & quae Calēdas, de quib. est interrogatus, sequantur. Idus uerò quintas Calendas in eodem mēse nullo modo sequi possunt, nisi Calēda, quomodo diximus, an rē collocetur. Quod si uerum credimus, credamus etiā, Plutarchū, quū dixit, tertia die Calendarum Ian. pro III. Non. Ian. recte locutum fuisse: praeferim quū M. Cato uinū ante Cal. Ian. primas accipiendum, & Liuius frumentum ex agris in urbes ante Cal. Iul. primas conuehendum dicant: & uinum in triduo daretur, nec frumentum in agris in annum sequentem seruari soleat: ita ut necesse fuerit addere primas Cal. ne secundas significaret, ut

multi arbitrantur. EGN. Hoc ipsum mihi facile probas, & si cupio pluribus à te uerbis explicari. COR. Eos imitabor scilicet interpretes, qui superioribus annis, ne parum multa scire uiderentur, quaecumque de re aliqua scripta recordabantur: & si parum, uel nihil potius ad id quod interpretabatur, pertinebant, ea tamen unum in locum cogerebant. EGN. Quasi uero res ea parum studiosis prodesset. COR. Proderat fortasse tunc, & nunc, ut quum maxime prodest illis, qui quasi ex commentario, ut loquitur Seneca, semper uolunt sapere: sed illis, quos iuuaret haurire, & petere è uiuis libandas fontibus undas, tantum abest ut profit, ut maxime etiam obesse credatur. Nam praterquam quod aquam saepe turbidam bibunt, fit etiam interdum, ut illa contenti, tamquam poculo Circeo, retardetur, quo minus fontes, unde fluat aqua liquidior, inuestigent. EGN. Non negabis, opinor, eos, qui tam multa, ut ais, congerebant, multo melius studiosorum commodis consuluisse, quam qui tam pauca, tam breuia, tam concisa, ut ne intelligi quidem possint, contulerunt. COR. Quid ego negem, qui neutrum probo, neque, quod in utrisque sit uitiosum, ut extremum, sequendum puto? EGN. At uos, qui nunc τὰ σχόλια datis, ea scribitis,
quae

quæ propter breuitatem, Delio natatore prorsus indigeant. COR. Sumus uidelicet ita σκοτεινοί, ut quæ scribimus, neq₃ Egnatius neq₃ Pierius, duo Socrates intelligant. EGN. Nos mitte, quibus ea scribi negas, & à rudioribus finge, atq₃ à Tarentinis, quib. scribuntur, ea legi: an ex his quenquã fore putas, qui tuas coniecturas interpretari possit?

COR. Quando me unum petis, ego unus nunc istam petitionem uitare conabor, & respōdebo, primum me tum, quum *σχόλια* illa describenda curauī, neque temporis, neq₃ loci, propter librariorum festinationem, & libri formam ac exiguitatem, tantum habuisse, ea ut possem latius explicare: deinde eo consilio scripsisse, ut neq₃ ab indoctissimis, neq₃ à doctissimis, sed à mediocriter eruditis, quos ego rudiores, & Tarentinos uoco, legerentur: quod si fieret, sperabam fore, ut multo plures meam parsimoniam, quàm aliorum luxuriam, laudarent. Nec ea me spes fefellit: siquidem ipsa τὰ *σχόλια* doctis etiam hominibus ita uideo placuisse, ut iam sæpius in Germania, Gallia & Italia sint à librarijs descripta. EGN. In his tamen omnes autorum, quos ipse fueris secutus, nomina desiderant. COR. At in his quæ iampridē in Ciceronis epistolas ad Att-

ricū, & in Valerij Maximi libros edidimus: quæ
 que propediem sumus edituri, non desiderabunt.
 EGN. Quæ polliceris, expectabimus: nunc, quan-
 do satis de loco, anno & die dixisti, recte feceris, si
 reuerteris eò, ut, si modo scis, dicas, quis hunc nu-
 mum signauit. COR. Fullo. EGN. Haud equi-
 dem miror amplius, maculam nullam habere. sed
 quo' nā modo, fullo cū esset, numos signabat? COR.
 Eo modo quo uites & oliuas semper ferendas con-
 ducebat. EGN. Qui uites et oliuas etiā alienas sem-
 per sereret, nō uideo, quī fullo dici debuerit. COR.
 Dion tamē hoc dixit, nec, quod ipse dicis, animad-
 uertit, nō posse fullonē esse, qui semper arbores se-
 rat, nisi forte possit etiā stare simul, et sorbere. sed
 Dion studio de nostris hominibus, & potissimum
 de Cicerone detrahēdi saepe mētitur. Itaq, fit inter-
 dum, ut & secum pugnet, & ab alijs dissentiat: ut
 hic à Plutarcho dissentit, quū refert, eū, quē Plu-
 tarchus ἐπὶ κνῶφείῳ tantu natū, & altum ex alio
 rū opinione scribit, uerē fullonē & agricolā fuisse:
 quasi uerò fullones sint omnes, qui ἐπὶ κνῶφείῳ, et
 agricola, qui ruri nascuntur: quanquam Dion in
 Caleno M. Antoniū uidetur exprimere uoluis-
 se, qui & ipse quum diceret contra Ciceronem, se-

cum in tota oratione pugnavit, & ea dixit, quæ Cicero nullo negotio confutavit: ut nos ea, quæ Dion de Cicerone secus scripsit, sed hoc in primis, quod de agitur, hodie confutabimus. Pater igitur Ciceronis, quum esset infirma valetudine, in Arpinati ferè ætatem egit in literis, ut ipse Cicero libro secundo de Legib. affirmat. Qui uerò sunt infirmi, uide rit Dion, quàm bene fullones, uel agricole possint esse: nos certè scimus eos, qui domi suæ in literis agunt ætatem, non alienas arbores serere, sed uere suos agros irrigare. Nec dubitari potest, quin Ciceronis pater eruditus fuerit, quum uir optimus & prudentissimus à filio libro secundo de Oratore dicatur, & is describatur, qui de L. Crassi oratoris studio & doctrina posset iudicare. Fuit enim L. Crassi, & C. Caesaris oratorum familiaris. hinc C. Caesar libro secundo de Oratore loquitur ita: Ut illud, Marcus Cicero senex, huius uiri optimi nostri familiaris pater, nostros homines similes esse Syrorum uenaliū, ut quisq; optimè græcè sciret, ita esse nequissimum. PIER. Uide Corrade, ne tua te coniectura decipiat, dum, qui filius esse dicatur, eum tu patrem esse credis. COR. Credo igitur, quod optimi quiq; Christiani credunt, & uos

in primis, qui de nostra religione semp optimè sensis-
 sis. *PIE.* Nos rectè credimus: tu an rectè credas,
 ostende. *COR.* Quādo iubes, ex uerbis, quæ modo
 recitauimus, ostendemus. *M.* Cicero, inquit, senex.
 at Ciceronis nostri pater *L.* Marcio Philippo,
Sex. Iulio Casare Consulibus, quib. sermo de Orato-
 re fingitur habitus, senex esse non poterat, qui po-
 stea uigintiseptē minimū annos, hoc est usq. ad *L.*
Casare, *C.* Figulū Consules, quib. Cicero filius Con-
 sulatū petijt, uixerit, ut *Asconius*, et ipse Cicero te-
 statur. Nec se uirū optimū Cicero noster in suis scri-
 ptis appellasset. Fac tamen & eius patrē senē fuis-
 se, & ipsum laudis cupidū, se uirū certè appellare
 non poterat, quū uixdū eo tēpore sextūdecimum
 annū ageret, ita ut ne familiaris quidē *C.* Casaris
 tunc appellari posset. Quis igitur, dicet aliquis, fuit
 hic senex? *M.* Tullius Cicero, qui duos habuit fi-
 lios, *M.* & *L.* Tullios Cicerones, quorū *M.* Cicero-
 nis nostri pater, *L.* Crassi & *M.* Catonis patris,
 familiaris fuit: *Lucius* uerò Ciceronis patruus, *M.*
Antony fuit amicus, ut in exordio libri secūdi de
 Oratore demonstratur: & *Marcus* quidē maior
 fuit natus, & ob id de more patris prænomen refere-
 bat: *Lucius* uerò minor, qui *Lucium* Ciceronem
 filium

filium reliquit: quem Cicero fratrem suū patruelem libro quinto de Finibus, & in Verrinis appellat, & libro primo ad Atticum mortuum deplorat. Ex Marco M. & Q. Tullij Cicerones nati sunt: quorum Quintus infra describetur: Marcus uerò patris habuit prænomen, quia maior fuit natu, ut ex libro primo & undecimo ad Atticum cognoscas. Nunc à te Pieri quæro, me ane me coniectura deceperit? PIER. Deceperit autem? tantum abest, ut nunc mihi tandem recte credere uidearis. Quin ea de re multo plura, quàm sperabamus, dixisti. Itaq; tu contrà facis, atq; solent alij debitores, qui uix cogi possunt, ut soluant: uel, quæ nunquam soluerunt, sæpe soluisse uolunt uideri, atq; in eo conceptis etiam uerbis peierant: tu uerò numos, quos nondum petamus, soluis, neq; nos commonefacis, eos ut tibi acceptos referamus. COR.

Ut ego uos officij uestri commonefaciam? PIER. Nos quidem quid nostri sit officij, ne tu de eo labores, scimus: sed tibi nos cautum esse cupimus, ne, dum tu nimis celeriter numeras, neq; nos admones; numus aliquis pereat, qui non sit in tabulas relatus. COR. Ego tamen soluero. PIER. Solueris tu quidem, sed non uideberis soluisse, quod nos accepisse,

cepisse, nō perscripserimus. COR. Quid illis postea
 fit numis, qui nō sint perscripti? PIER. Pereūt, uel
 his aliquis, qui nō esse scriptos animaduertat, pro
 suis abutitur. COR. Verum dicis. nā scio me sex-
 cetos alijs numos soluisse, quos uideo: & ut uerum
 fatear, doleo nunc alijs acceptos referri. Quod si me
 mor nō sim, litis comitē esse miserā, & satius esse
 pauculos numos amittere, quā litigiosum uide-
 ri, agam lege Plagiaria, nec uerear, quin, quod me
 um sit, præclarè uindicem. Sed fuerit hoc quasi pe-
 riculum in Care, posthac ero cautiior, nec soluam,
 nisi quod perscriptum iri uidebo. PIER. Rectè fe-
 ceris: sed ego scire uelim, cur tam multa de patre,
 & nihil de matre dicas. COR. Ut hic quoq; con-
 trà faciam, atq; alijs, qui multa de matre, & nihil,
 aut certè parum de patre dicunt: ut ne illud qui-
 dem, quod in exordio libri secundi de Oratore scri-
 bitur, legisse uideantur, eius in erudiēdis filijs sum-
 mum studium fuisse. unde Cicero in orationib. con-
 tra Rullum uerè dicere potuerit, se fuisse suorum
 disciplinis institutum. EGN. Aliquid tamen e-
 tiā de matre diceres, ne Cicero, quasi Bacchus, de
 femore patris natus esse uideatur. COR. Ea fuit
 Heluia, ut uocat Eusebius. EGN. Et Eniropius.

COR.

COR. Id nunquam scripsit Eutropius, sed nescio quis in eius librum ex scriptis Euseby translulit: ut ex libris Orosy prodigium de uirgine icla fulmine, quod ille refert eodem tempore, quo Cicero natus est, factum fuisse, & maiores nostri Ciceronis eloquentiam significasse crediderunt, quum Paulus Orosius, & Iulius Obsequens octo minimum annis antè, M. Acilio, C. Porcio Consulibus id contigisse testentur: & satis constet, responsum fuisse, infamiam, ut uerbis Obsequentis utar, uirginibus & equestri ordini portendi. Itaq; decepti sunt illi, ut is item, qui scripsit, Heluiam matrem Ciceronis ex Heluijs Gallia populis ortam fuisse. EGN.

At is Eusebium laudat autorem. COR. Suum fortasse. nam meus quidem Eusebius hac ipsa de re, quantum uidere potui, uerbum nullum facit. Quin si uerū id fuisset, aliquis inimicus Ciceroni, ut ipse Pisoni, cognationem maternam transalpini sanguinis obiecisset. EGN. Tu uerò cuiatem putas eam fuisse? COR. Ciuem Romanam, siue Roma, siue Arpini sit nata. nam gens Heluia ceriè Roma fuit, ut apud Liuium, & in antiquitatib. urbis uidere licet: ex qua credimus Heluiam Ciceronis matrem fuisse, siue nata sit ex Heluijs, qui

Roma tunc essent, siue ex his, quorum maiores olim Arpinum coloni deducti fuissent. Arpinatibus certe L. Genutio, Ser. Cornelio Cos. ciuitas est data: et L. Valerio Messala, C. Lintio Salinatore Cos. lex lata est, ut Arpinates in tribu Cornelia suffragiū ferrent: ut Lintius est autor. PIER. Potuit igitur scribi, M. Tullius M. F. Cornelia Cicero. COR. Potuit meo quidem iudicio, quanquā nos olim putauimus tribu Ciceronis Aemiliā fuisse: quod ipse libro secundo ad Atticum nescio quid ea de re significare uideretur: nunc ille cum patre, ceterisq; Arpinatib. in Cornelia censeatur. Sed ad matrem reuertor, quam Plutarchus ὁ δὲ βίᾳ πρ uocat, quod diues fuerit, & honeste uixerit: ut mirari soleam, cur Cicero nunquam nominarit, nisi forte in libris, qui desiderantur, nominauit. Quintus certe Cicero uidetur eam libro decimosexto Familiarium, ut bonam matrem familiās commēdare. EGN. At genus ipsius Ciceronis ne tu quidē commendas. COR. Quod genus, & proauos, & quā nō fecimus ipsi, Vix ea nostra putem. EGN. Mos est tamen ijs, qui de uita & moribus alicuius magni uiri uel scribunt, uel loquuntur, ut aliquid etiam de genere dicant. COR. Mihi quidem, inquit

quit ipse in orationibus contra Rullum, apud nos Quirites de meis maioribus dicendi facultas non datur, non quod non tales fuerint, quales nos illorum sanguine creatos, disciplinisq; institutos uideatis: sed quod laude populari, atq; honoris uestri luce caruerint. EGN. Eusebius tamen & Silius scribunt, nec Plutarchus negat, eum à Tullio Volscorum Rege, quem Tullium Appium Plutarchus appellat, quum Tullium Accium, uel Tullium Atium alij uocent, originem duxisse. COR. Id si uerum fuisset, ut fuit gloria cupidus, nūquam nec in epistolis ad Atticum suam *παλιγγενεσία* appellasset, nec quum responderet aduersarijs, hoc ipsum tacuisset: nisi fortè tacuit, ut uideretur, tanquam Iphicrates, suis quasi praeluxisse, & sibi sua uirtute, non maiorum gloria, nobilitatem comparasse: uel ne Romanos, quibus regum nomen inuisum esse sciebat, offenderet. Torquatus certè, & Clodius uel ob id illū Regē uideri possunt appellasse. Quin ipse libro secūdo de Legib. se et Quintum fratrem Arpini stirpe antiquissima ortos esse testatur. EGN. Et quidē loco equestri. COR. Id omnes sciūt, quū sapius in orationibus & epistolis id affirmet. Tullios porro, ut ait Sex. Pompeius, alij dixere esse

esse silanos, alij riuos, alij uehementes proiectiones sanguinis artuatim fluentis: à quibus Tullij dicti possunt uideri. alij tamen Tullios ominis causa dictos putant, quasi tollendos: ex quibus qui fuerunt Arpini, potissimū Cicerones sunt appellati, quod autor illorum nescio quid in naso, quod ciceris formā referret, habuisse dicatur, ut Plutarchus scribit: quanquam Plinius ita dictos putat, quod genus hoc leguminis optimè sererent. Quod quidem cognomē in alijs etiam gentib. uidetur fuisse, quando Liius libro tertio C. Claudium Ciceronem uocat. Cicero certè noster id ita libenter est secutus, ut, quum multi essent autores, ut mutaret, dixerit, se Ciceronem nobiliorem Catonibus, Catulis & Scauris effecturum, ut Plutarchus in uita & dictis affirmat: ubi scribit etiam, illum, quum Sicilia Quaestor Dys argenteum uas dedicasset, post duas prænominis & nominis notas, M. T. cicer, quod ipsum cognomen referret, insculpi iussisse.

EGN. Iam mihi, quod modo dixisti, probas, Ciceronem, ut nobilis ipse sua uirtute uideretur, sui generis nobilitatem non curasse: quādo ne cognomen quidem prorsus obscurū & ignobile uoluit, quum posset multorum exemplo & more mutare.

COR. Volebat Spartam, quam nactus erat, ornare: ut uerè nō cognomen modò suū, sed Latinum nomen etiam, atq; adèò patriam cū loci, tum iuris ornauit, ut ipse libro secundo de Legib. appellat. Id mihi uidetur diuinitus significatum, quum mater Ciceronem pariens, ne partus quidem dolores sensisse dicatur: ne dicam, quòd Plutarchus etiā scribit, eius nutricem uisam esse audire uocem, se magnum Romanis emolumentū nutrire: quod uerum fuisse, paulo pòst ostendemus. nunc illud quod in exordio libri secūdi de Oratore scriptū est, dicimus, Ciceronem & ea didicisse, quæ L. Crasso placerent, et ab his doctoribus, quib. ille uteretur, eruditum. Didicit igitur omnia, quæ libro primo & tertio de Oratore L. Crasso placuisse dicuntur: & ab A. Licinio Archia, quem L. Crassus colebat, à pueritia fuit eruditus. EGN. Istud ex oratione pro Archia mutuatus es: quamuis isthac ipsa, quæ tu dicis, undiq; colligas, & interdum ita confundas; ut non appareat, unde sint collecta.

COR. Libet apes imitari, quæ huc & illuc uolantes, flores carpunt, & fingendis fauis, conficiendoq; melle ita permiscant, nemo ut eos deinde agnoscat: uel potius medicos, qui medicinam agrotis ex tam multis,

multis, tamq³ uarijs radicibus & herbis faciunt, uix ut ipsi postea nomina recordari, uel etiam nosse possint. EGN. Fortasse ne norunt quidem.

COR. Norunt illi quidem, modò sint artis suæ periti. EGN. Quasi tu fore dicas, ut. ÿ quoq³, qui Ciceronis libros paulo accuratius peruoluarint, tua

furta cognoscant. COR. Ea tu furta ne dixeris, quæ domino inuito non teneantur. EGN. Unde tu id scire potes, quum tot iam sint anni, quum ille uitam profudit?

COR. Ex testamēto, in quo quidem nos omnes, qui literarum studijs dediti sumus, hæredes ille scripsit. EGN. Nos ut hæredes ille scripserit, quos, quamuis uir planè diuinus esset, futuros tamen tanto antè diuinare non potuerit?

COR. An non ille nos hæredes fecit, quando nobis potissimū, qui sequimur hæc studia, tam multa, quæ scripserat, quasi testamento reliquit? EGN. Sed uereor ne ista hæreditas sit commissæ.

COR. Commissa est illa quidem, sed nobis omnibus, ut dicebam. EGN. Cur igitur eam tu nunc usurpas?

COR. Ne surculum quidem defringo. EGN. Eam tamen depascis. COR.

Depasco sanè quidem, nisi fuerit ager consepitus, ac diligenter consitus. EGN. Vel id quo iure

facis?

facis? COR. Eo, quo licet omnibus cohæredibus agrum, qui sit compascuus, depascere, præferim quum sit ita ferax, ut quantum longis carpant armenta diebus, Exigua tantum gelidus ros nocte reponat. EGN. Quando iure licet, depasce. COR. Depascam profecto, nec interea tamen agrum Plutarchi in relictis possessionibus habebō, ubi sit illud satum, à primis annis Ciceronem tantum in literis profecisse, ut eius aequalium parentes ad eum uidendum, moti fama, conuenirent: quamuis nonnulli essent ita rustici, ut molestè ferrent, à filiis eum medium honoris causa deduci: qui quum ferè sexdecim annos esset natus, L. Philippo, Sex. Casare Consulibus in forum uenit, oratores, qui tunc dicebant, auditurus, ut annos ferè duos audiuit. Nam postea, quum decimum octauum annum ageret, in exercitu Cn. Pompeij Strabonis Consulis tyro fuit, ut Philippica duodecima refert: quo tempore uidit, quod libro primo de Diuinatione scribit, quū Sylla legatus in agro Nolano immolaret ante prætorium, ab infima ara subito anguem emergere. EGN. Illuc properat Pieri, ut dicat, Poetam, quod de lubrico angue canit, inde sumpsisse. COR.

Diuina-

Diuinaſti: ſed Cicero quum Syllæ miles, ut putat Plutarchus, certè tyro in exercitu Cn. Pompeij Conſulis eſſet, ut oſtendimus, imminentesq; ſeditiones iam tum prouideret, ad literarum ſtudia ſeſe reſtulit: & eodem quidem anno iuris ciuilis ſtudio multum opera Q. Scauolæ P. F. dedit: anno uerò ſequenti L. Cornelio Syllæ, Q. Pompeio Ruſo Conſulibus, P. Sulpicij in Tribunatu quotidie concionantis totum genus dicendi penitus cognouit: eodemq; tempore, quum princeps Academia Philoſophum Athenienſium optimatibus Mithridatico bello domo profugiſſet, Romamq; ueniſſet, totum ei ſe tradidit, admirabili quodā ad philoſophiam ſtudio concitatus. EGN. Nemo iure me nunc accuſet, ſi quàm poſſim maxima uoce latrem, quum furem uideam. COR. Sed eum furem, quem ne tu quidem, qui furem uocas, furti poſſis accuſare. EGN. Ego uero, ſi in ius eat, accuſem, & facile cōuincam. COR. Quī tu furtum id eſſe cōuincas, quod neq; inuito domino, ut diximus, aliquis teneat, & is, qui habeat ultro, & libenter omnibus oſtendet, & ſi rogetur, unde habeat, profiteatur? niſi tu furtum illud etiam uocas: Ego à patre ita eram deductus ad Scauolam, ſumpta uirili toga,

ut quoad

ut quoad possem, & liceret, à senis latere nunquam discederem: quo mortuo, me ad Pontificem Scauolam contuli: uel illud, à primo tempore ætatis iuri studere te memini, quum ipse etiam ad Scauolam uentitarem, neque unquam mihi uisus es ita te ad dicendum dedisse, ut ius civile contemneres. EGN. Alterum ex Lælio, alterum ex libro primo de Legibus accepisti: per me tamen ne sit furtum, quamuis in furto, quod turpissimum est, deprehendaris. COR. Utinam semper ita possim furari, nec cogar, unde minus uelim, hæc ipsa mutuari. EGN. Nihil id refert tua, qui nihil horum quæ uel furaris, uel mutuo accipis, restituas. COR. Cur ego restituam uel Ciceroni, uel alijs, qui quasi de suo lumine lumen accendant, faciunt, ut nihilominus ipsis luceat, quum mihi accenderint? EGN. Acceptum saltem referres. COR. Ego uerò serè semper id facio, & quidem sæpe totidè uerbis, quot accepi: sed non est semper causa, cur ego nomina faciã, præsertim quum ex ipsis perscriptionibus cognoscatur, quæ nomina sint exigenda. EGN. At perscriptiones ipsæ, nisi nomina scribantur omnia, falsa uideri possunt.

PIER. Quid ego te Corrade nunc ita μετρώω
d uideo?

uideo? COR. Magna cogitatione, quum hæc audio, impediior, atque haud equidem scio, an illi mihi posthac sint imitandi: qui & ea quæ nesciunt, nescire, & ea quæ ex alijs didicerunt, didicisse dissimulant, & pro suis referunt. PIER. Tu uerò, qui semper ingenuus fuisti, neutrum feceris: quum sit animi ingenui tam quæ nescias, quàm per quem profeceris, fateri. COR. Hæc de rebus faciam, ut mones: sed illud magis uereor, ne si quid aliter atq; alijs dixero, aliquem fortè offendam. Quare te rogo, ut quando consilium dare cœpisti, me uelis, quid in ea re sit faciendum, commonere. PIER. Difficile est in ea re consilium dare. nam si te moneamus ut in eo taceas, quod dicendum & explicandum suscepis, & tu taceas, tam te homines accusent, quàm nos te nunc accusemus, si quam pecuniam debes, et iam numerare cœpisti, eam uelis auertere. sin te ut omnino dicas, hortemur, & tu, quod ab alijs antea sit dictum, pronūcies, atq; illis etiam acceptum referas, clament omnes te furatum esse, & nihil noui prorsus attulisse. Quòd si tibi auctores simus, ut quamuis aliter multi senserint & iudicarint, tu tamen tuam sententiam feras, illorumque
iudicia

*iudicia quasi rescindas, ueremur, ne te doceamus
 crabrones irritare. Quam ob rem, si me audies,
 neque tu tacebis, & ea tamen dices, quæ nemi-
 nem offendant: sed omnes, qui modo aliquid uti-
 litatis communis causa scripserunt, commendent.*
 COR. Tu quidem currentem, quod aiunt, hor-
 taris: sed ego tamen, quum ad alicuius nomen ue-
 ni, quasi Cacina, toto corpore contremisco, ne
 quid, quod à me dicatur, suspiciosum uideri pos-
 sit. PIER. Tu nihil præstare, nisi culpam de-
 bes, à qua te semper fuisse remotum & nos sci-
 mus, & tua scripta, in quibus neminem nisi
 honorificè nominas, testantur. COR. Quin o-
 mnes qui me audiunt, testes mihi sunt, quàm
 solcam frequenter, me nihil scire, profiteri, &
 cum sedulo, tum libenter doctos homines com-
 mendare, & quidem omnes, sed eos tamen præ-
 sertim, qui scriptis suis aliquid utilitatis studio-
 sis hominibus attulerunt. PIER. Et postea
 uereris, ne quis agrè ferat, si tu uerbo dissen-
 tias: præsertim quum satis constet, quot sint
 homines, tot esse sententias? COR. Posthac igitur
 horum nihil uerebor, & nunc audebo dicere,
 Plutarchū, ubi scripsit, Muticium Ciceronis in iu-
 re ciui-

re civili praeceptorem fuisse, personas ita confudisse, ut uix intelligi possit, utrum *Mucium* significarit, quum Cicero utrunque *Mucium*, *Q. Mucium Scauolam Augurem*, & *Q. Mucium Scauolam Pontificem*, ut suprà retulimus, audiuerit: quod in Bruto pluribus ostendimus, ubi scribit ipse Cicero, se iuris civilis tantū, quantum satis esset oratori, scire uoluisse, ut sciuit: ita ut postea uerè dicere potuerit, Si mihi homini uehementer occupato stomachum moueritis, tri-duo me iurisconsultum esse profitebor *PIER.*

Quid est Corrade, cur aliorum, ut modo Plutarchi, sententias tantum, & Ciceronis etiam uerba referas? *COR.* Ne sermo noster chimara uideatur, si uel Graeca Latinis, uel Latina quidem, sed minus tamen elegantia Ciceronianis uerbis inculcentur. *EGN.* Quid quum tua misces? *COR.*

*M*ea uerba si misceam, iungantur gryphes equis. *EGN.* Quo tu nunc igitur modo loqueris?

COR. Quo penè modo loquuntur, qui pietatem Christianam docent. Verbis enim diui Pauli, quem semper in manibus habent, frequenter utuntur. *EGN.* Sanè uerò, ut tu quoque uerbis tui Ciceronis, quem semper in manibus habes,

uti dicaris. COR. Vestrum esto iudicium, an quicquam proficiam. Ego certè uel ob id cum singula Ciceronis uerba, tum uerborum cōprehensiones integras memoria soleo mandare. PIER.

Inde fit, ut saepe rebus hisce referendis, uerba Ciceronis usurpes. COR. Ego uerò & libenter usurpo: sed interdum tamē soleo, si res ita postulet, aliquod uerbum uel addere, uel demere, uel etiam mutare: ut si dicam, Ciceronem Cn. Octauio, & L. Cinna Consulibus, quum annorum uiginti esset, operam M. Coloni Rhodio, & actori summo causarum, & magistro Roma dedisse: deinde triennio, quo ferè fuit quidem urbs sine armis, sed Oratores multi uel interfecti sunt, uel discesserunt, uel fugerunt, eo tempore omni noctes & dies in omnium doctrinarum meditatione uersatum fuisse. PIER. In hisce uerbis, quæ sunt in Bruto, non aliquod modo, sed plura etiam uerba tu addidisti, dempsisti, & mutasti.

COR. At in his quæ nunc ut à Cicerone dicta referam, quædam tantum demam. Eram cum Stoico Diodoto: qui quum habitauisset apud me, mecumq; uixisset, nuper est domi meæ mortuus: à quo cum in alijs rebus, tum studijsissimè in Dialectica exercebar.

cebar. Huic ego doctori, & eius artibus uarijs atq;
multis ita eram tamen deditus, ut ab exercita-
tionibus oratorijs nullus dies uacuus esset: com-
mentabar declamitans saepe cum M. Pisone, &
cum Q. Pompeio, aut cum aliquo quotidie: id-
que faciebam multum etiam Latine, sed Græcè
sæpius: uel quòd Græca oratio plura ornamenta
suppeditans, consuetudinem similiter Latine di-
cendi afferebat: uel quòd à Græcis summis docto-
ribus, nisi Græcè dicerem, neque corrigi possem,
neque doceri. EGN. Iam nescio, quid sit cen-
tones, si hoc non est, farcire. COR. Et si docet
Ausonius aliud esse, siue tamen centones farci-
re, siue uestem suere tibi uidemur, nos certe nunc
illud agimus, ut Plutarchi telam, quasi Penelo-
pes, hoc loco retexamus: uel potius ostendamus
eum & alios, qui uoluerunt hanc telam texe-
re, hac in parte multum subtegminis omisisse: ut
Ciceronem in Dialectica exercitatum, & uarijs
atque multis artibus deditum fuisse: nec Latine
solum, sed etiam Græcè, uel antequàm in Græ-
ciam proficisceretur, declamasse, atque ad ipsum
cum alijs quidem, sed cum M. Pisone tamen po-
tissimum fecisse: unde nata sit suspicio, Ciceronem
eloqueri.

eloquentiam pudicitia iactura, ut infrà dicemus, perdidicisse. Verùm quum Cicero iam tres & uiginti annos compleisset, tumultus pro recuperanda Rep. L. Scipione, C. Norbano Coß. fuit: quum que iam Cn. Carbone, C. Mario Consulibus interfectis, Sylla Dictatore leges & iudicia constituta fuissent, & Resp. recuperata, Cicero quintum & uigesimum annum agens, ad causas & priuatas & publicas adire cœpit. quamuis eodem tempore Moloni, qui Legatus ad senatum de Rhodiorum præmijs uenerat, iterum operam dederit. Tunc igitur priuatas aliquot causas, sed M. Tullio, Cn. Cornelio Consulibus, annos sex & uiginti natus, primam publicam pro Sex. Roscio dixit: quæ quidem tantum commendationis habuit, ut non ulla esset causa, quæ non eius patrocínio digna uideretur: deinceps inde multæ dictæ, & in his oratio pro P. Quintio, ita ut in ordine oratio pro Sex. Roscio sit præponenda. EGN. Ipse dixit Pieri. Itaque nihil est, cur amplius Eusebium, uel Gellium, uel alios, qui de rebus hisce multo aliter scripserunt, legamus. COR. Imò uerò est aliquid, cur eos etiam libenter legatis: sed non libentius tamen, aut accuratius, quàm Fene-

stellam, & Quintilianum: quos ipsi nos, & temporum seriem secuti, facile, quod diximus, in Bruto Ciceronis explicando probauimus. EGN. Eos potius es secutus, qui solent libros, qui nusquam sint, nominare, ne parum multa legisse uideantur. COR. Dum sciamus id quod probare cupimus, eos olim scripsisse, haud sanè magni putamus referre, utrum dicamus id eos olim scripsisse, an nunc in aliorum libris inueniri: ut nunc in Gellij libris inuenitur, quod hac de re Fenestella scripsit, Ciceronem sexto uigesimo aetatis anno pro Sex. Roscio dixisse: hoc est, ut suprà diximus, M. Tullio, Cn. Cornelio Cos. quod satum mihi quoddam uidetur fuisse, ut M. Tullius eo anno primam causam publicam dixerit, quo M. Tullius personam non modo publicam, sed totius etiam ciuitatis sustinebat. Si uerò Cicero, post orationem pro Sex. Roscio, deinceps pro multis, & pro P. Quintio dixit, falsum uidetur, quod Plutarchus & alij scribunt, eum, quòd Syllam quem in Sex. Roscij causa offendisset, timeret, statim Roma profectum: nec uerum, quod idem Plutarchus addit, illum, ut timoris suspicionem uitaret, diuulgasse, se ualitudinis curandae causa

causa in Graciam proficisci: quum de timore nihil in Bruto dicat ipse, & proficiscendi causam hoc modo describat. Erat eo tempore in nobis summa gracilitas & infirmitas corporis, procerum & tenue collum: qui habitus, & quæ figura non procul abesse putatur à uitæ periculo, si accedit labor, & laterum magna contentio: eoq; magis hoc eos, quibus eram charus, commovebat, quod omnia sine remissione, sine uarietate, ut summa uocis, & totius corporis contentione dicebam. Itaque quum me & amici & medici hortarentur, ut causas agere desisterem, quoduis potius periculum mihi adeundum, quàm à sperata dicendi gloria discedendum putaui. sed quum censerem remissione, & moderatione uocis, & commutato genere dicendi, me & periculum uitare posse, & temperatius dicere, ut consuetudinem dicendi mutarem, ea cāsa mihi in Asiam proficiscendi fuit. Itaque quum essem biennium uersatus in causis, & iam in foro celebratum meum nomen esset, Roma sum profectus. PIER. Hac Plutarchus uel aliter, ut ais, scribit: uel negligenter, ut apparet, omittit. COR. Minime mirum tibi debet uideri, hominem Gracum, qui Latinas li-

teras serò didicerit, in historia saepe mentiri, & in describendis rebus priuatis, quas fortasse minus intelligebat, errare. mirari uerò potes, Leonardum Arretinum Latinum hominem, & Latinae linguae peritum, hac quum describere potuisset, hominis Graeci negligentiam sequi maluisse. EGN. Non sequeretur eum, quem ueriebat? COR. Uerteret igitur, non scriberet. sed hac in re scriptor potius, quàm fidus interpretis iure debet appellari. Quum uerò scriberet, debuit ille paulo diligentius ea quae sunt in Bruto de uita Ciceronis scripta, ponderare. EGN. Tu nunc ea ponderabis. COR. Malletis, opinor, argentum me, quàm uerba ponderare: ueruntamen illud primum ponderamus, incredibili quodam dicendi studio Ciceronem flagrasse, qui quoduis potius periculum sibi adeundum, quàm à sperata dicendi gloria discedendum putauit: deinde P. Seruilio, Ap. Claudio Consulibus illum, quum iam uigesimumoctauum annum ageret, Roma profectum fuisse. EGN. Alterum tibi, Ciceronem gloria cupidum fuisse, concedent omnes: sed alterum, quod ad tempus pertinet, nos facile, nisi melius probas, arbitramur posse consutari. COR.

vi. COR. Quis poterit confutare, quod ipse Cicero dicat, se post recuperatam Remp. in causis biennium uersatum fuisse? Quod si Resp. paulo ante M. Tullium, Cn. Cornelium Consules est recuperata, ut in historijs apparet, & Cicero Consulibus illis pro Sex. Roscio dixit, & in causis biennium uersatus est, is certè uix ante P. Seruiliū, & Ap. Claudium Consules Roma potuit proficisci. porro Consulibus illis annum Cicero uigesimumoctauum, qui ponitur inter periculosos, agebat. quæ res illum fortasse magis etiam mouit, ut proficisceretur. Quum uerò, inquit ipse, uenissem Athenas, sex menses cum Antiocho ueteris Academiae nobilissimo & prudentissimo philosopho fui, studiumq; philosophiæ nunquam intermissum, à primaq; adolescentia cultum, & semper auctum, hoc rursus summo auctore & doctore renouaui. Eodem tamen tempore Athenis apud Demetrium Syrum ueterem & non ignobilem dicendi magistrū studiosè exerceri solebā. EGN. Habes ne hic aliquid, quod ponderes? COR. Multa, sed illud in primis, quod ait, sex menses se cum Antiocho fuisse. EGN. Quid hic ponderas? COR. Dionem more suo men-

suo mentiri, quum scribit, eum treis annos Athenis fuisse. EGN. Id tu negas, quod Eusebius etiam uidetur affirmare? COR. Ego uero negem, etiam si Pythagoras affirmet, quum dicat ipse, tantum sex menses se cum Antiocho fuisse.

EGN. Quasi uero non potuerit treis annos Athenis esse, & tamen Antiochum sex tantum menses audire. COR. Tunc ille treis annos Athenis esse non potuit, qui se dicat in Bruto biennio post, quam Roma profectus est, domum redysse, quum tamen interea totam Asiam peragrasset. sic enim loquitur: Post à me Asia tota peragrata est, cum summis quidem oratoribus, quibuscum exercebar ipsis lubentibus: quorum erat princeps Menippus Stratonicensis, meo iudicio, tota Asia illis temporibus disertissimus: & si nihil habere molestiarum, nec ineptiarum, Atticorum est, hic orator in illis numerari recte potest. Assiduissime autem mecum fuit Dionysius Magnes: erat etiam Aeschylus Gnidius, Adramytenus Xenocles. hi tum in Asia Rethorum principes numerabantur, quibus non contentus, Rhodum ueni, me' que ad eundem, quem Romae audiueram, Colonem applicaui, quum actorem in ueris causis,

sis, scriptoremq³ præstantem, tum in notandis animaduertendisq³ utiq³, & instituendo, docendoq³ prudentissimum: is dedit operam, si modo id consequi potuit, ut nimis redundantes nos, & superfluentes iuuenili quadam dicendi impunitate et licentia reprimeret, & quasi extra ripas diffluentes coerceret. ita recepi me biennio post, non modo exercitior, sed propè mutatus. Nam & contentio nimia uocis reciderat, & quasi defuerat oratio, lateribusq³ uires, & corporis mediocris habitus accesserat. EGN. Hermodorus importat uerba. COR. Res agi sine uerbis hac ipsa non potest: & nos etiam uerba sumus polliciti, nec tamen ea damus, quæ tibi molesta esse possint, quum sint è Ciceronis ipsius Bruto petita: quæ quidem librum superioribus annis ita sumus interpretati, ut eum nos ad uerbū edidicisse, propemodum possimus affirmare. Itaq³ tibi mirum ne sit, si nos ex eo libro multa memoriter pronunciamus: quod hisce rebus referendis eo libentius facimus, quod in eo Cicero, quæ nunc ipsi dicimus, ea penè omnia est ipse complexus. EGN. In his tamen, quæ tu modo recitasti, multa, quæ scribit Plutarchus, omisit: ut ipsum, si omnino ad Rempubl. accedere non

non posset, Athenis philosophari semper cogitasse: sed quum mortuo Sylla, literis amicorum domum reuocaretur, & ab Antiocho, ut ad Rempubl. accederet, moneretur, ad eloquentiae studium rediisse, & ob id in Asiam nauigasse.

COR. Vellem etiam Plutarchus omisisset, quum uerisimile non sit, eum qui domo profectus esset; ut dicendi consuetudinem mutaret, postea semper Athenis philosophari cogitasse: praesertim quum dicat ipse, eodem tempore, quo fuit Athenis, apud Demetriū Syrum dicendi magistrum studiosè exerceri solitum fuisse: quod ostendit falsum esse, quod Plutarchus affirmat, eum mortuo Sylla, dicendi studium repetisse. Omisit uerò contrà Plutarchus Aeschylum Gnidium, uel oblitus, uel quòd ad Molonem properaret: quem Cicero bis Romae prius audiuerat, & tunc illi se Rhodi rursus reformandum, ac uelut recoquendum dedit, ut ait Quintilianus. Is igitur Molon, uel Apollonius Molonis filius, ut Plutarchus uidetur appellare, quum linguam Latinam ignoraret, olim Ciceronem rogauit, ut Graecè declamaret: quod ille tam bene fecit, ut constet, alios quidem omnes, qui tunc aderant, obstupuisse, Ciceronemq;

ceronemq³ laudibus certatim prosecutos fuisse: sed
 Apollonium, neque dum audiret, exhilaratum
 fuisse, & quum ille perorasset, longo spacio tri-
 stem, & cogitanti similem sedisse, donec, id agere
 ferente Cicerone, dixit: Te quidem Cicero &
 laudo, & admiror: sed me Gracorum fortuna
 miseret, quum uideam doctrinam & eloquen-
 tiam, quæ nobis bona sola relicta fuerant, ad Ro-
 manos per te nunc esse translatas. EGN. Hoc ta-
 men ipse Cicero tacuit. COR. Ille neque uitam
 scribebat: & fortasse ueritus est, ne se nimis ipse
 laudare uideretur. nisi forte cavit, quod ab auo
 suo dictum sciebat: nostros homines similes esse Sy-
 rorum uenaliū, ut quisque optimè Græce sci-
 ret, ita esse requisitum. quanquam uidetur ille
 neque hoc ipsum, neque M. Antonij consilium
 probasse, qui ne nosse quidem Græcos uolebat ui-
 deri: quum ipse contra, & literas Græcas optimè
 didicerit, & semper, præsertim magistratus ade-
 ptus, didicisse præ se tulerit. Quid enim, inquit in
 Oratore, possem, quum absuissem adolescens,
 & horum studiorum causa mare transissem,
 & doctissimis hominibus domus referta esset? I-
 taque quod in libris oratorijs L. Crasso tribuit,
 illi pla-

illi placuit, eoq^{ue} usus est adolescens, ut summorum oratorum Græcas orationes explicaret: quibus lectis, hoc assequebatur, ut quum ea quæ legerat Græcè, Latine redderet, non solum optimis uerbis ueretur, & tamen usitatis, sed etiam exprimeret quadam uerba imitando, quæ noua nostris essent, dum modo idonea uiderentur. sic, iuuenis admodum quum esset, Arati carmina, & Xenophontis librum, qui Oeconomicus inscribitur, è Græco in Latinum conuertit: deinde multis post annis Syracusis apud Græcos græcè locutus est: postea suum Consulatam græcè scripsit, in quo Græcam nationem conturbauit: orationes deniq^{ue} nobilissimas inter se contrarias Aeschinis & Demosthenis, Timæum Platonis, & alia, quæ longum & difficile sit referre, conuertit. PIER.

Quum uir talis tam graue testimonium dixerit, & res ipsa loquatur, Ciceronem literis Græcis eruditissimum fuisse, me tamen puero fuerunt, & hodie sunt, opinor, homines, qui ut aliquid ipsi scire uideantur, dicere nō dubitent, eum græcè, si Dijs placet, nescisse: quod ἐν τῇδε χίρ quasi quandam continuatam motionem & perennem sit interpretatus, & negarit, quo modo Græci ineptum appellens,

appellent, inueniri. *COR.* Multi sunt hodie *Acida*, quibus, quòd aures non tam asini, quàm *Bæoticas* habeant, neque mare *Cretensis*, neque cantum *lusciniæ* nosse uideatur: sed non magis ij nobis sunt iudices constituendi, quàm *Panides* illi, qui *Ciceronem*, quòd aliter quadam scribat, atq; præcipiat *Aristoteles*, imperitiū philosophiæ non dubitant appellare: eiq; suos quosdam scriptores omnium literarum rudes, quasi uel *Apollini Parnes*, uel *Homero* poetas indoctos anteferre: nec recordantur, quòd ille, de se modeste loquens, ita libro primo de *Natura deorum* scribit: Nos nec subito cœpimus philosophari, nec mediocrem à primo tempore ætatis in eo studio operam curamq; consumpsimus: & quū minimè uidebamur, tum maxime philosophabamur: quod & orationes declarant, refertæ philosophorum sententijs: & doctissimorum hominum familiaritates, quibus semper domus nostra floruit: & principes illi, *Diodotus*, *Philo*, *Antiochus*, *Posidonius*, à quibus instituti sumus: & si omnia philosophiæ præcepta referuntur ad uitam, arbutamur nos & publicis & priuatis in rebus ea præstitisse, quæ ratio & doctrina præscripserit. & *Rhodi* quidē *Posidonium*,
quòd

quòd Plutarchus etiam refert, audiuit: quem suum familiarem, quamuis Stoicum, uocat. Quin affirmat ipse, se Phadrum & Zenonem Epicureos audiuisse: & cum Cratippo, Stasea Neapolitano, & M. Pisone Peripateticis familiaritatem habuisse. Ita uidetur à Diodoto & Posidonio Stoicam, à Phadro & Zenone Epicuream, à Philone & Antiocho Academicam, à Cratippo, Stasea & Pisone Peripateticam, & ab alijs alias disciplinas cognouisse: quas in libris postea De finibus bonorum & malorum praesertim, & in quaestibus Tusculanis explicauit. in primis tamen Academicum se ferè semper esse profitetur usque, adeò, ut in Oratore dicat: Fateor me oratorem, si modo sim, aut etiam quicumque sim, non ex Rhetorum officinis, sed ex Academia spacijs extitisse. Non paucis igitur Cicero, ut Neoptolemus, est philosophatus: sed summo ingenio, longo tempore, & flagranti studio philosophos, qui tunc erant in philosophia principes, audiuit: philosophorum libros, qui tunc erant propemodum innumerabiles, legit, & ex his multa conuertit: atque primus ipsam philosophiam, quae iacuerat usque ad eam aetatem, Latinis literis illustrauit. Et
sunt

sunt homines, qui quum sint nunquam uerè philosophati, sed nec acutè, nec diu, nec studiose sophistas suos potius, quàm philosophos audiuerint: & Aristotelis sui tantum particulam, qualiscunque sit ea, legerint: nec ipsi quicquam, quod legi possit, unquam scripserint, ita putent se posse tenebras rebus clarissimis offundere, ut qui lyncei sunt, non uideant, ad Ciceronem doctrinarum lucem, ut ait Plinius, alteram, quasi Elicem in philosophia quoque scriptiones nostras esse dirigendas: nec magis illum, quòd alios secutus, ab Aristotele, quàm Aristotelem ipsum, quòd inuidia motus, à Platone magistro dissentiat, accusandum? At nihil de natura & rebus occultis scripsit. Ille uerò de Natura deorum, quæ res est occultissima, scripsit, & Platonis librum certè *τῶ ἐπὶ φύσεως* inscriptum conuertit: ac multo plura de rebus hisce, si uiueret, opinor, scripsisset. Sed nihil scripserit, quid tum? literam Socrates nullam reliquit: & tamen non philosophus modo, sed princeps etiam philosophorum solet appellari. & nos, ut Quintilianum, Diuum Augustinum, Boetium, Rodolphum Agricolam, & alios testes mittamus, a Laetantio

*Firmiano, qui nobis, ut uir nō minus doctus quā
 religiosus, esse debet instar omnium, Ciceronem
 modo perfectum philosophum, modo Romana phi-
 losophia principem, modo summum philosophum.
 uocari uidemus. EGN. Magnum das ferre talen-
 tum. COR. Et quidem, quod Roma sit inchoa-
 tum, Athenis signatum, & Rhodi perfectum.
 Sed Cicero quum Rhodi tam ualde fuisset ab A-
 pollonio commendatus, & ob id in spem magnæ
 alicuius dignitatis ingressus, ad Rempubl. primo
 quoq; tempore cuperet accedere, Delphos profe-
 ctus, Apollinem, qua ratione fieri uir clarissimus
 ipse posset, cōsultuit. unde responsum tulit. Si suam
 ipsius naturam, non uulgi opinionem, uitæ ducem
 sequeretur. quod ille ueritus, quum biennio post,
 quā Roma profectus erat, se recepisset non modo
 exercitior, sed propè mutatus, quod & conten-
 tio nimia uocis reciderat, & quasi deserbuerat o-
 ratio, lateribusq; uires, & corporis mediocris ha-
 bitus accefferat: primum tēpus cauiē, uel, ut Plu-
 tarchus ait, εὐλαβῶς traducebat, nec honores cu-
 pide petebat, sed eos negligere uidebatur. PIER.
 Leonardus Arretinus hoc ita uertit: Magistrat-
 us sibi commissos quodam modo horrere, formi-
 dareq;*

dareq; uidebatur. COR. Magistratus nec ei com-
mitti poterant, qui ne petebat quidem, sed eos ne-
gligebat: nec Cicero magistratus commissos formi-
dauit, sed eos omnium fortissimè gessit. Itaque no-
ster amicus ACHILLES BOCHIVS, uir nobilissi-
mus, ita melius uertit: Pigrè publicis dignitatibus,
uelut eas quodam modo in contemptum haberet,
ingerebatur. EGN. Tū ne ita uerteres? COR.
Nec ipse nūc ita uerteret: nec olim fortasse, quum
iuuenis esset, ita uertit. Sed ad Plutarchum reuer-
tor, qui certè scribit, Ciceronem tunc ob id quòd
Gracos homines imitatus, ad Remp. non accede-
ret, sed literis & ocio delectaretur, uulgo Gra-
cum, & ὁλοασικόν appellatum fuisse: quòd ego
tamen non magis esse uerum puto, quàm quodi-
dem Plutarchus affirmat, eum patris & amico-
rum cohortationibus excitatum, se ad causas fo-
renses contulisse. Nam nec Plutarchus ipse negat,
honoris illum natura cupidum fuisse: & ille, dum
scribit ad Atticum, in se sub inane quiddam, &
νόητον λόγον agnoscit. atq; illa ponit uerba: Ne
que ego inter me atq; te quicquam interesse un-
quā duxi, prater uoluntatem instituta uita, quòd
me ambitio quadam ad honorum studium, te au-

rem alia minimè reprehendenda ratio ad honestum ocium duxit. In Bruto uerò ponit illa: Duo tum excellebant oratores, qui me imitandi cupiditate incitarent, Cotta & Hortensius: sed cum Hortensio mihi magis arbitrabar rem esse, quòd & dicendi ardore eram propior, & atate coniunctior. Unum igitur annum, quum rediissemus ex Asia, causas nobiles egimus, quum Quæsturam nos, Consulatum Cotta, Aedilitatem peteret Hortensius. Quòd si, quum cupidus honoris, ut qui maximè, semper fuisset, illum C. Cotta & Q. Hortensius imitandi cupiditate incitarunt, non uidetur nec honores contempsisse, nec patris aut amicorum exhortationibus eguisse: præsertim quum dicat ipse, se unum annum, quum rediisset ex Asia, nobiles causas egisse, & eodem anno Quæsturam petisse. quod ostendit, illum statim post reditum ex Asia se dicendis causis, et petitioni dedisse: tantum abest, ut primum tempus εὐλαβῶς, ut ex Plutarcho retulimus, traduxerit. Nam Cicero P. Seruilio, Ap. Claudio Consulibus, quum ageret annum uigesimumoctauum, Roma profectus est: absuit biennium, quo M. Lepidus, Q. Catulus primum, dein de M. Mamercus, & D. Brutus Consules fuerunt:

runt: reuersus est Cn. Octauio, C. Curione Coss. quum iam trigesimum annū compleſſet. quo quidem anno causas nobiles egit, & Quæsturā petijt: ita, ut nihil temporis relinquatur, quod dici possit εὐλαβῶς traduxisse. EGN. Viden' hūc numum Pieri? quamuis sit magnus, et ingeniose formatus, ego tamen uereor, ne sit adulterinus. COR. Egōne uobis ut numos adulterinos soluam? EGN. Tu quidem prudens, opinor, nunquam soluas: sed fieri potest, ut quos tu numos adulterinos imprudens pro bonis acceperis, eos tu nunc quoque bonos putes, & ita pro bonis nobis soluas. COR. Fieri potest, ut omnes homines decipiantur: sed boni tamen Quæstores, quum tam multas pecunias tractent, facilius multo, melius que bonos numos ab adulterinis, quàm boni agricola frumentum à lolio ſcernunt. Nos certè ſcimus hunc eſſe bonum: uerum ſi uos ipſi dubitatis, poſterius expendetur. nunc illud expendatur, quod ita Plutarchus ſcribit: Quum ſe dicendis cauſis dediſſet, non ſenſim ad principem locum peruenit, ſed ſtatim gloria præſtitit, & reliquos, qui uerſabantur in foro, longè ſuperauit. PIER. Quid hic expendi potest? COR. An hoc ſit uerum, quum tunc

princeps esset & haberetur Hortensius: nec adhuc,
 quod erat in Cicerone, perfectum esset, ut in Bru-
 to scribit. Nec illud, quod sequitur, Plutarchus mi-
 hi satis probat: Dicitur & Cicero non minus in a-
 ctione, quàm Demosthenes laborasse: & ob id ope-
 ram Roscio Comædo, et Aesopo tragædo studiose
 dedisse. Ut enim fatear, quod Macrobius etiam
 scribit, Ciceronem Roscio & Aesopo histrionibus
 usum familiariter fuisse, et cum Roscio etiam soli-
 tum contendere, utrum ille sapius eandem senten-
 tiam uarijs gestibus efficeret, an ipse per eloquen-
 tia copiam sermone diuerso pronunciaret: haud fa-
 cile tamen adducor ut credam, Ciceronem, quod
 uel ipse postea non esse faciendum præcepit, gestus
 ab scena & histrionibus didicisse: quum præser-
 tim nihil nec ipse, nec ceteri scriptores, quantum
 uidere potuimus, ea de re dicant, præter unum Dio-
 nem: apud quem tamē Calenus ita calumniatur,
 ut quum dicat, ὀρχῆς τὰς τοικιλίαις τῶ ἐνθυ-
 μιμάτωρ λυγίωνα διδλάξει τοῖς ὀχήμασι,
 ostendat se, si uerum hoc fuisset, multo plura dictu-
 rum fuisse, quū semper histriones habitus infames
 esse dicantur. Sed hoc ipsum ut concedamus, illud
 certè nunquam dabimus, Ciceronem post reditum
 ex Asia

ex Asia potissimum gestus ab histrionibus didicisse, quum se dicat ita mutatum ex Asia rediisse, ut opera histrionū non uideatur eguisse: contra uerò prius, ut suprà diximus, indigebat, & Roscio familiariter utebatur, ut in oratione pro P. Quintio pluribus ipse testatur. Sed nunc ea quæ sequuntur Plutarchi uerba uertamus: Nō parum uerò Ciceroni ad persuadendum in actione momētum fuit: & ille quidem oratores magno clamore uentes mordens, dicebat, eos propter imbecillitatem ad clamorem, ut claudos ad equum, confugere. Illius uerò urbanitas in dictis & iocis, à principio quidem res iudicialis & iucunda uidebatur: sed ea quum ad satietatem usque abuteretur, multos offendit, & in eam uenit opinionem, ut natura peruersus esse crederetur. Hæc uerba nos iccirco uertimus, quod ab alijs ea uel malè cōuersa, uel omissa prorsus esse uideamus. Nam Leonardus Arretinus neq. sensum, more suo, neque uerba conuertit: uel quod ea in suo libro non inuenerit: uel quod indigna putarit, quæ & à Plutarcho, & de Cicerone scripta dicantur. Nam cū malè, quod in Græco melius apparet, connectuntur: tum, quod falsum est, indicant, Ciceronem suas salinas non be

ne curasse: quas tamen ipse tãti fecit, ut queratur,
earum possessionem parum diligenter à Volum-
nio procuratore defensam fuisse. quin ipse libro se-
cũdo de Oratore, de iocis & facetijs ea scripsit, qui
bus facile ostendit, se, quum doceret alios, quo pa-
cto dictis utendũ esset, sic illis uti sciuisse, & ut par
est credere, cõsueisse, ut à nemine dicax meritò pos-
set appellari. EGN. Macrobius tamen affirmat,
illum consulare scurrã uel ob id appellatũ fuis-
se. COR. Sed addit, ab inimicis: qui testes in eare
non magis esse possunt, quàm L. Papirius Patus,
qui iocans, illum scurrã uelitem uocauit. Ve-
rũ, qui nihil habuerunt causã cur mentiren-
tur, ij Ciceronem ut hominem iocandi peritissi-
mum commendarunt. ut Macrobius, qui scribit
ita: Animaduerto duos, quos eloquẽtissimos anti-
qua atas tulit, comicum Plautum, & oratorem
Tullium, eos ambos etiam ad iocorum uenustatem
ceteris prãstitisse. & Quintilianus, qui putat in
Cicerone miram quandam urbanitatem fuisse,
quanquã illa ponit uerba: Utinam Quintus, &
libertus eius Tiro, aut alius quisquis fuit, qui tres
hac de re libros edidit, parcius dictorum numero
indulissent, & plus iudicij in eligendis, quàm in
conge-

congerendis studij adhibuissent: minus obiectus calumniantibus foret: qui tamen nunc quoque, ut in omni eius ingenio, facilius, quid reijci, quam quid adijci possit, inuenient. EGN. En, qui se negabat à pecunijs paratum huc uenisse, nunc ostendit, eas se iam pridem, ut hanc rationem referret, undique collegisse. COR. Iam pridem uerò nos eas collegimus, uel potius exegimus, ac nobiscum multos etiam annos tulimus, non ut aliquam rationē potissimum referremus: sed ut pauperibus, qui saepe sunt etiam molesti, largiremur. EGN. Ut audio, nisi caueamus, periculum est, ne, si pecunias, quæ pauperibus debentur, accipiamus, aliqua religione nos implicemus. COR. Vos facite, ne debeantur: & uos ita religione soluētis. EGN. Quin recte mones, quare tibi nos imperamus, ut tu soluas, ne debeantur. COR. Nos uerò quum saepe multis antea, qui de rebus hisce nobis erant molesti, soluimus: tum uerò nunc ipsum uobis, ut quum maximè, soluimus. EGN. At has pecunias, quæ pauperibus debentur, ipsis, quorum petitio sit, solueres. COR. Pauperibus ego mihi soluere uideor, quum uobis soluo, qui nunc eius Reipubl. personam sustinetis, excu-

iūs ara-

ius arario pauperes propemodum innumerabiles
aliuntur. EGN. Qui sunt ij pauperes? COR. In-
docti, qui cupiunt, uel etiam si non cupiunt, inter-
dum tamen possunt doceri. EGN. Qui cupiunt,
facile si ualent ingenio, docētur: sed illi qui non cu-
piunt, qui tandē doceri possunt? COR. Fit saepe, ut
qui sunt indoctissimi, doctissimi uelint haberi: idq̃
ut apud rudes saltem consequantur, solent inter
mulierculas & homines imperitos de magnis e-
tiam rebus disputare, interdumq̃ grauissimos scri-
ptores ut parum diligentes, quasi Timai sint, accu-
sare: sperantes fore, ut ipsi, qui tantos homines accu-
sent, uel maiores, uel certe aliquid esse uideantur.
Et cū reliquos scriptores reprehendunt, tum
uerò Ciceronem sic oppugnant, ut omnes in eum
quasi Catilina coniurasse uideri possint. quos tu si,
quod fieri facile potest, conuincas, & illi uel inuiti
doceantur, & tu pecunias, quas dicebam, paupe-
ribus largitus esse iudicaris. Nos certē cū ma-
gnas antea pecunias huiusmodi hominibus largi-
ti sumus, tum multo maiores paruimus, ut eas
ob ora impura belluis, ut ait Plautus, si quid Cice-
roni detraherent, obtruderemus. sed eas omnes
hodie uobis, uel maiore parte soluemus: ut quum
per

per uos in ararium, unde licet omnibus, quantum lubet, accipere, relata fuerint, nos hac donandi molestia liberemur. EGN. At nemo, cui, quod Plutarchus de Ciceronis iocis uidetur scripsisse, & bis etiam scripsit, persuasum fuerit, hunc numum uictoriatum putabit: quod nondum uiceris, in eare Ciceronem laudandum fuisse. COR. Ego tamen arbitrabar me uicisse, quum grauissimos testes produxerim: sed quoniam uos aliter, ut uideo, sentitis, publicum testimonium dabo. Ille sic gloriam antiquam Atticam retinuit, ut quum in Ciliciam profectus esset, omnia dicta in his, etiam Sestiana, in eum conferrentur. quod ille tamen agrè ferebat: quod sperabat ita notata se reliquisse genera dictorum suorum, ut cognosci sua spote possent. Hinc in oratione pro Cn. Plancio sic loquitur: Ego quia dico aliquid aliquando non studio adductus, sed contentione dicendi, aut lacesitus: & quia, ut fit in multis, exit aliquando aliquid si non perfacetum, attamen fortasse non rusticum: quod quisque dixit, me id dixisse dicunt. Ego autem si quid est, quod mihi scitum esse uideatur, et homine ingenuo dignum, atque docto, non aspernor: stomachor uero, quum aliorum non me digna in me conferuntur. ob id
etiam

etiam Voluminium sic hortatur: Pugna, si me a-
mas nisi acuta ἀμφιβολία, nisi elegans ἑρπύ-
λη, nisi παρολγγραμμά bellū, nisi ridiculū πα-
ρὰ προσβολία, nisi cetera quae sunt à me in se-
cundo libro de Oratore per Antoni personā dispu-
tata de ridiculis, ἐν τεχνᾷ et arguta apparebunt,
ut sacramēto cōtendas mea nō esse. Hoc fecisse Cae-
sare, in epistolis affirmat: Caesar habet per acre iudi-
ciū, & ut Servius frater tuus, quē literatissimum
fuisse iudico, facile diceret, hic uersus Plauti non
est, hic est: quod tritas aures haberet notādis gene-
rib. poetarū, ex consuetudine legendi. sic audio Cae-
sarem, quū uolumina iam cōfecerit ἀποφθεγμὰ
τῶν, si quod afferatur ad eū pro meo, quod meum
non sit, reiicere solere. Quid quod ipse Cicero L.
Flaccum repetundarū reum ioci opportunitate de
manifestissimis criminibus, ut ait Macrobius, exe-
mit? & sanè natura fuit ita facetus, ut olim sic ad
Antonium iure scribere potuerit: Nihil unquam
non modo acerbū in me fuit, sed ne paulo quidem
tristius, aut seuerius, quam necessitas Reip. postula-
uit. quod et Plutarchus in cōparatione Demosthe-
nis et Ciceronis uidetur sentire, quum scribit, eum
ad iocos & facetias aptū natura fuisse, uultumq;
illius

illius risum & tranquillitatē pra se tulisse. quam paulo antè dicat, eū, quòd mordendi studio scurrile quiddā sectaretur, & in iudicijs res serias risu & ioco cauillaretur, suae utilitatis causa decorū non seruasse, & ob id à Catone ridiculū Consulē uocatū fuisse: ut iam uidere possitis, quanta fides ei sit habēda, qui non ab alijs modo, sed à se ipso etiā dissentiat. EGN. Ille tamen diligenter ipsius dicta collegit. COR. Quadā potius è multis, quae Tiro libertus trib. libris fuerat cōplexus, in suam linguā utcunq; conuertit. Nos enim, quamuis Quintilianus dubitet, arbitramur Tironem de Ciceronis patroni iocis scripsisse: quòd, ut ait Gellius, eo ab ineunte aetate liberaliter instituto adminiculatore, & quasi administratore in studijs literarum Cicero usus est: unde Ciceronis dicta melius audire & scire potuit, quam frater, aut alius qui cum Cicerone non uixerit. et Macrobius affirmat, suis temporibus omnes putasse, libros illos Tironis fuisse: quod eo magis credi debet, quòd Asconius ostendat, eundem libros minimum quatuor de Ciceronis uita scripsisse. EGN. Quando Plutarchus, ut ais, pauca conuertit, tu, qui res istas penè superstitione persequeris, & homines ab inferis excitas, ca nobis,

nobis, quæ Tiro scripsit, redde. COR. Quum acce-
 pero, reddam: nunc Quintilianus, Plutarchus &
 Macrobius, quæ de libris Tironis acceperunt, red-
 dent: & ego, quum qualis ante Quæsturâ Cicero
 fuerit, dixerim, Quæstor Quæstorem describam.
 Sic igitur in oratione in Pisonē loquitur ipse: Me
 Quæstorem in primis cunctis suffragijs populus Ro-
 manus fecit. & in Bruto: Interim me Quæstorem
 Siciliensis excepit annus: ubi tamen olim dubita-
 uimus, an antea Quæstor fuisset urbanus, quod a-
 lios prius in urbe Quæstores fuisse, deinde in pro-
 uincias profectos legamus: & ipse dicat in Verri-
 nis, se Quæstorem factum, & Quæsturam in pro-
 uincia Sicilia obtinuisse: item in oratione Post re-
 ditū in senatu, se M. Curij patri Quæstorē fuisse,
 quum Sex. Peduceo Prætor, Quæstor in Sicilia
 fuerit, ut Asconius ostendit. nisi fortè alter alteri
 antè successit, quàm Cicero de provincia decede-
 ret: uel Sex. Peduceus M. Curij per adoptionem
 pater fuit. Cicero certè, nisi anno, quo redijt ex A-
 sia, in urbe Quæsturam gessit, Quæstor urbanus
 esse non potuit: quando natus annos triginta, Cn.
 Octauio C. Curione Consulibus, ex Asia redijt,
 & anno sequenti, quum esset annorum unius
 & tri-

& triginta, Quæstor in Siciliam uenit: ubi, quod
 Asconius scribit, & ipse in oratione pro Cn. Plan-
 cio significat, Lilybatanus Quæstor fuit, & ita se-
 gessit, ut postea Siculis omnibus iucundam, diutur-
 namq; memoriam Quæsturæ, nominisq; sui reli-
 querit. quam rem pluribus uerbis in oratione pro
 Cn. Plancio persecutus est: quæ uobis ego, si pote-
 ro, referam. Frumenti in summa caritate maxi-
 mum numerum miseram: negociatoribus comis,
 mercatorib. iustus, municipibus liberalis, socijs ab-
 stinens, omnibus eram uisus in omni officio diligen-
 tissimus: excogitati quidam erant à Siculis hono-
 res inauditi. Itaq; hac spe decedebam, ut mihi po-
 pulum Romanum ultero omnia delaturum puta-
 rem. at ego, quum casu diebus his itineris faciendo
 causa decedes è prouincia Puteolos fortè uenissem,
 quum plurimi & lautissimi solent esse in his locis,
 concidi penè iudices, quum ex me quidam quæsis-
 set, quæ die Roma exissem, & num quid in ea essee
 noui. cui quum respondissem, me è prouincia de-
 cedere: Etiam mehercules, inquit, ut opinor, ex
 Africa. huic ego iam stomachas fastidiose, Imò ex
 Sicilia, inquam. tum quidam, quasi qui omnia
 sciret: Quid? tu nescis, inquit, hunc Syracusis
 f Quæstorem

Quaestorem fuisse. Quid multa? destitui stomachari, & me unum ex ijs feci, qui ad aquas uenissent: sed ea res, iudices, haud scio an plus mihi profuerit, quam si mihi tum essent omnes congratulati. nam posteaquam sensi populum Romanum aures hebetiores, oculos acres atq; acutos habere: destitui, quid de me audituri essent homines, cogitare. feci, ut postea quotidie me praesentem uiderent: habitavi in oculis: pressi forum: neminem à congressu meo neque ianitor meus, neq; somnus absterruit. Hanc curationē σιτοδελξυ Plutarchus appellat: qui rem totam sic narrat, ut ne Leonardus quidem Arretinus eū hac in parte uoluerit imitari, quod eum uideret errasse. Nam quum Cicero dicat, se omnibus gratum, is molestū fuisse scribit, hoc modo Latine, quoquo modo uertāt alij, dicens: Molestus hominibus à principio fuit, quū frumentum Romam mittere cogeret. EGN. Hic ego Plutarcho potius, quàm Ciceroni credendum puto: quod hic de se loquens, in eo praesertim quod ad laudem pertinet, fortasse mentiatur: ille ut historicus, quod uerum sit, scribat, et causas addat, cur molestus esset: quod nondum, qualis esset, erat notum: & Siculos, ut frumentum Romam mitterent, cogebat. quæ duæ

res non poterant Siculis non esse molestæ: quum iam tum à principio ita cogerentur, & multo peius ab homine, quem nondum planè nossent, timerent, eo præsertim tempore, quo male Romani magistratus audiebant. Hæc Cicero ne dicere quidem debuit, quum de se loqueretur: & reliquum tempus respexit, in quo Siculis ita gratus fuit, ut ab illis inauditi honores sint excogitati, ut ait ipse. cui Plutarchus sic assentitur, ut affirmet, Siculos postea, quum diligentiam, iusticiam, & mansuetudinem ipsius experti fuissent, eum ut nullum ex antiquis ducibus honorasse. COR. At in eo quod Ciceroni Puteolis, ut retulimus, accidit: quodq; Plutarchus ipse γελοῖόν τι vocat, valde dissentit: quum scribat, eum, quum in uirum nobilem, qui amicus esse uidebatur, incidisset in Campania, ex eo quæsisse, quid Romani de rebus à se gestis loquerentur, & quid sentirent, tanquam nomine & fama rerum à se gestarum urbem totam complexset. illum uerò dixisse: Ubi Cicero in hoc tempore fuisti? Cicero uerò plures eos, in quos incidit, fuisse, & ipsos, num quid esset noui Romæ, quæsisse, non respondisse, testatur.

PIER. Quid si Cicero, rhetoricè quum loqueretur,

tur, rhetoricè rem uoluit ornare, quum sit concessum Rhetoribus mentiri, & in historijs, ut aliquid dicere possint argutius? COR. Conuinci potuisset, si mentiretur, ut Plutarchus est hac in parte conuictus: & fortasse, si nunc omnes historia Romana extarent, in ea conuinci posset, in qua scribit: multos adolescentes Romanos nobiles, reos, quòd aciem deseruisse, & molles in bello fuisse dicerentur, ad Sicilia Prætores reiectos, et à Cicerone defensos fuisse. nam diceret, cur eò reiecti fuissent: quāquam nihil, ut nunc est, nostra refert, id ipsum scire, dum, quæ pertinent ad Ciceronem, sciamus: qui in oratione pro P. Sylla uidetur ostendere, P. Antronium in Quæstura sibi collegam fuisse. Quum autem anno post annos triginta duos iam natus è Sicilia se recepisset, iam uidebatur illud in eo, quicquid esset, esse perfectum, & habere maturitatem quandam suam. Itaque tunc, ut suprà retulimus, forum pressit: & quum esset in plurimis causis, & in principibus patronis quinquennium ferè uersatus, tum in patrocinio Siciliensi maxime incertamen uenit designatus Aedilis, cum designato Consule Hortensio. quæ res ostendit, illa Plutarchum non satis uerè scripsisse: Ciceronem, quòd
fama

fama de reb. à se gestis in urbem, tanquam in mare latum incidens, nihil ad gloriam profuisset, prorsus animo primum concidisse: deinde, quum secum ratiocinatus esset, multum de ambitione remisisse, tanquam pro re infinita, nec terminum, ad quem perueniri posset, habente, hoc est gloria, certaret. uerum quum mirum in modum se laudari gauderet, id gloriæ studium semper in eo tantum fuisse, ut multas cogitationes rectas saepe turbaret.

EGN. Unde tu coniecturam ducis, hæc Plutarchum parum uerè scripsisse? COR. Inde, quod neq; Cicero tum prorsus concidit, neq; de ambitione quicquam remisit. siquidem scribit in Bruto, se post reditum ex Sicilia quinquennium ferè in causis, & in principibus patronis uersatum fuisse: quod tempus inter Quæsturam & Aedilitatem uix integrum colligi potest. tantum abest, ut iacuerit: aut aliquid etiam cogitarit, quod gloriæ studium turbaret. EGN. Iacuit tamen hoc quinquennium, quod tu dicis inter Quæsturam & Aedilitatem uix integrum fuisse. COR. Iacuit ille, credo, de nocte, quum dormiret: nam de die causas in foro stans de more dicebat. sed nec ita iacuisse dici potest, qui magistratus annis suis adeptum se fuisse
f 3 glorie.

glorietur. *PIER.* Ob id fortasse hac Plutarchi uerba, quæ tu modo uertisti, Leonardus Arretinus omisit. *COR.* Illa non omisit: Homini, qui se ad Remp. animo alacriore conferat, turpe putabat esse, si quàm operarij, qui instrumentis & uasis inanimatis utuntur, nullius ipsorū neq; nomē neq; locum neq; uim ignorent, ipse Reip. studiosus, cui per homines res cōmunes perficiendæ sint, res ipsas publicas non ualde laboret ut consequatur. Unde se non solum nominibus assuefaciebat, sed loca etiam in quibus nobilissimus quisq; habitaret, & regiones, in quibus prædia possideret, & amicos, quibus uteretur, & uicinos cognoscebat. Itaque Ciceroni, per quamcunq; uiam faceret iter, erat facile dicere, & agros amicorum ac uillas ostendere. *EGN.* Et tibi facile est, ut uideo, hac ipsa memoriter referre. *COR.* Et mihi turpe, ut arbitror, esset, nisi, quum tam multos annos in hac Rep. sim uersatus, omnia quæ sint mei muneris, memoria iam pridem fuissē complexus: præsertim quum mihi turpius esse uideatur, hæc ipsa, quàm ciuium nomina, ades, prædia, amicos, uillas, & reliqua id genus, ignorare. quando fortissimo & optimo cuiq; uiro, id quod Africano, cura debet

ra debet esse, non ut multos cognoscat, sed ut ab omnibus ipse cognoscatur. quod quum ita sit, & constet, Ciceronem nomenclatore usum fuisse, dubitarem, ne Plutarchus hæc ipsa finxisset, nisi Q. frater in libello De petitione Consulatus ita scriberet: Primum, id quod facis, ut homines noris, significa, ut appareat: & auge, ut quotidie melius fiat. quanquam Quintus ipse frater ita loquitur, ut eum potius hortetur, hoc ut faciat, quam fecisse demonstret, postea tamen ait: Tu & nosti, & cognosces. EGN. Pecunia, qua de tu loqueris, ut apparet, tota est in nominibus. COR. Est illa quidem in nominibus, sed illa sunt ita bona, ut ea vos facile possitis exigere. EGN. Nos ut exigamus? iam nos, Pieri, de Consulibus non Rhetores modo, sed Quaestoris etiam nostri procuratores fiemus. COR. Vos uerò, ut Consules decet, exigetis. EGN. Recte mones. quare nomina postea transferentur: tu nunc, quod à Plutarcho deinceps exegisti, solue. COR. Vereor, ne vos illud, ut homines reliqui, contemnatis. PIER. Profer tamen. COR. Ciceronem, quum pecuniam possideret paruanam quidem, sed qua tamen sumptus necessarios suppeditaret, omnes

admirabantur, quòd ex patrocinijs neq; mercedes,
 neque dona, ne tum quidem quum Verrem accu-
 sabat, accepit. EGN. Tu postea uereris, ne, quod
 omnes admirantur, nos ipsi contemnamus? COR.
 Illud ego uerebar, ne uos quoq; pecuniã parua ne-
 gligeretis, quam M. olim Crassus etiam contempsit:
 ut sic in Paradoxis apparet: Mea quoniam pecu-
 niam contemnis, & recte, est enim ad uulgi opinio-
 nem mediocris, ad tuam nulla, ad meam modica:
 de me silebo, de te loquar. nec ita multo post illud
 addit: Ex meis prædijs centena sestertia capio. Sed
 de pecunia uidero: nunc uideamus, an uerum sit,
 ex patrocinio Ciceronem nihil mercedis accepisse.
 Dion enim nō semel affirmat, cum numos cæpisse:
 sed & nos non semel diximus, illi parum, uel ni-
 hil potius in hisce rebus esse credendum. Q. certè
 frater in libello de Petitione Consulatus ita scribit:
 Hæc tu planè ab ijs postulato, ut quoniam nulla
 impensa per te alijs rem honestam, alijs salutem ac
 fortunas omnes obtinuerunt, nec aliud ullum tem-
 pus futurum sit, ubi tibi referre gratiam possint,
 hoc te officio remunerent. Nec Cicero, quū sciret,
 Romuli, Cincij & Titij legibus esse cautum, ne pa-
 troni pecunias à clientibus acciperent, in eas un-
 quam

quam commisisset, ne, quod obiecit Hortensio de sphinge, in eo posset accusari. hinc ita scripsit ad Atticum: L. Papius Patus, uir bonus, amatorq; noster, mihi libros eos, quos Ser. Claudius reliquit, donauit: quum mihi per legem Cinciam licere capere Cincius amicus tuus diceret, libenter dixi me accepturum, si attulisset. Itaq; fecit, quod in patrijs moribus erat, quodq; in libris de Officijs ipse postea faciendum præcepit, ut multorum causas & non grauatè, & gratuiò defenderet. Nam, quod in oratione pro lege Manilia refert, penè quotidie dicebat: quamuis ex orationibus, quas dixit, multa desiderentur. sed ex his quæ nunc extant, post reditum ex Sicilia primam dixit eam, quæ pro Q. Roscio comædo inscribitur: quum C. Calphurnius Piso prætor, Pompeius & Crassus, ut arbitror, Consules essent: quo quidem anno Virgilius est natus: & Cicero ipse, quum ageret annu trigesimum sextu, Aedilis designatus, Verrem, ut dicemus, accusauit. C. enim Verres, ut scribit Asconius, perfunctus Quæstura, Legatione, Prætura urbana, patre C. Verre, & prætextato filio, & filia nupta, uxorem habens, quum successisset in Sicilia C. Sacerdoti Prætori, eamq; non sibi succedente

Arrio, per triennium tenuisset, atq; in ea fuisset libidinosè, auarè, crudeliterq; uersatus, succedente tandem in eadem provincia Metello, reperundarum reus ab Siculis appellatus est: qui omnes, prater Syracusanos & Mamertinos, M. Tullium illo tempore florentem defensionibus amicorum ad accusandū descendere compulerunt, iam pridem illis necessitudine copulatum, quòd Quasstor in Sicilia fuisset Pratore Sex. Peduceo: & quòd, quum decederet, in illa oratione, quā Lilybei habuit, multa ijs benignè promississet. Accessit his non ignobilis futura de Verre uictoria: quia à Metellis, Scipionibus, & multis alijs nobilibus uiris, & præcipuè ab Hortensio ipso defenderetur, facile & principe in senatu propter nobilitatem, & in foro ob eloquentiam Rege causarum, & eodem Consule designato cum Q. Metello, fratre Metellorum, alterius Pratoris Siculi, alterius Pratoris urbani. His ita constitutis, extitit Q. Cæcilius Niger, domo Siculus, & Quasstor Verris, et eiusdem, ut ipse dicebat, inimicus, qui se potius accusatorem contendere constitui oportere: quo uicto, & accusatione ad se delata, Cicero, quum inquisitionis tempus in Siciliam postulasset dies cx. & cum fi-
liopa-

lio patruū sui Tullij totam prouinciā colligendis literis in Verrem, & denūciandis testimonijs peragrasset diebus L. quia pedestre iter ex Sicilia, & propter fugitiuos & propter Verris insidias dubitabat, à Vibone transijt. tum repente adueniens, quum uideret id agi, ut à Glabrione Pratore, & ab ijs iudicibus qui tunc erant, ad alium annum, alienumq; Pratorem res tota transfiret, eripereturq; sibi reus patrociniū Hortensij ac Metelli, qui tunc Consules futuri erant (per hos enim Verres eludendi iudicij fiduciam sumpserat) hoc commentus est rationis, ut orationem longam pratermitteret, neq; in criminibus declamatione cumulandis tempus absumeret, sed tantummodo citaret testes ad unūquodq; crimen expositum, & eos Hortensio interrogandos daret. qua arte ita est fatigatus Hortensius, ut nihil quod contrā diceret, inueniret. EGN. Hic exclamare posset Asconius: En queis conſeuiſimus agros? COR. Et nos respondere, Nobis, qui metamus. EGN. Alienam messēm. COR. Imò nostram. Nobis enim ueteres agricolae non serere modo, sed inserere etiam uoluerunt, ut carparamus poma nepotēs. EGNAT. Hoc igitur ex hortis etiam Plutarchi carpere poteras.

COR.

COR. Poteram, si placeret: sed ut uerum fatear, illius pomi neq^q gustatus, neq^q odoratus, neq^q aspectus iucundus uidebatur: quod tu etiam dices, si, quàm sagacissimè potes, id fueris odoratus. EGN. Ostende igitur, ut odorari possim. COR. Verrem, qui Siciliae Prætor fuerat, & multa nequiter fecerat, Siculis persequentibus, ipse non dicens, sed ex eo quod quodam modo non dixit, in iudicio conuicit. Nam, quum Prætores Verri gratificarentur, & iudicium multis dilationibus in ultimum diem extraherent, Cicero, quod neque diei tempus orationibus suis satis fore, neque iudicium perfectum iri uideret, surgens, orationibus opus non esse dixit, sed, productis testibus, & interrogatis, iussit iudices sententiam ferre. EGN. Haud omnino satis bene olet. COR. Quippe quòd nondum maturum satis esse uideatur. nam quos Plutarchus ait $\sigma\pi\alpha\tau\eta\gamma\omicron\upsilon\varsigma$ Verri gratificatos, iudicium detulisse, illi nòdum magistratum inierant. Quare neque autoritate sua iudicium differre, neq^q uerè $\sigma\pi\alpha\tau\eta\gamma\omicron\iota$ poterant appellari. nisi fortè uelis, alios imitatus, $\sigma\pi\alpha\tau\eta\gamma\omicron\upsilon\varsigma$ iudices uertere: quum Plutarchus per $\sigma\pi\alpha\tau\eta\gamma\omicron\upsilon\varsigma$, Q. Hortensium, Q. Metellum Coss. & M. Metellum Prætorem, qui

qui Verri fauebant, uoluisse complecti uideatur: sed existimasse, tunc illos in magistratu fuisse, qui tantum essent designati: qui cupiebant iudicium Verris non in ultimum, neque in unum diem, ut Plutarchus ostendit, sed in annum sequentem, & ad nouum Praetorem transferre. quam rem Plutarchus in secunda Verrina ita scriptam uidere potuit: Nonae sunt hodie Sextiles, hora nona conuenire coepistis, hunc diem iam ne numerant quidem. decem dies sunt ante ludos uotiuos, quos Cn. Pompeius factururus est. hi ludi dies quindecim auferent: deinde continuo Romani sequentur. Ita prope XL. diebus interpositis, tum denique se de ea qua a nobis dicta erunt, responsuros esse arbitrantur: deinde se dicturos & dicendo, & excusando facile ad ludos Victoria: cum his plebeios esse coniunctos, secundum quos aut nulli, aut pauci dies ad agendum futuri sunt: ita defessa ac refrigerata accusatione, rem integram ad M. Metellum Praetorem esse uenturam. EGN. Illius odor pomi iam prae huius odore nautea est, ut ait Plautus. Sed heus tu quid agis? Iam pridem nobis non solum pro farina das uerba, quod aiunt, sed pro numis etiam poma numeras? COR. Nihil id refert uestra, quum
sint

sint aurea, quasi ex hortis Hesperidum decerpta. Vos enim numos ex his quos, & qua forma uoletis, cudendos curare poteritis. EGN. Quis capiet detrimentum? COR. Idem qui capiet emolumentum. EGN. Non uideo, quid hic esse possit emolumenti, nisi poma ista tua sint ita graua, ut quum tot ex ipsis numi, quot esse debent, fuerint confecti, aliquid tamen auri reliquum sit futurum, quod in lucro poni possit. COR. Videbunt monetales, qui & poma graua, & aurum ita purū esse cognoscent, ut facile, Mercurio fauente, possit augeri. EGN. Nos Batti non sumus, nec patiemur unquā, ut nos in lapides Mercurius iste conuertat. COR. Id ego spero: quū uos ipse Mercurius ita diligat, ut uobis alas, quibus per ora uirū uolitetis, donasse uideatur. sed ille tamen more suo saepe ludit, & eos quos amat, offendit: Hortensium cerē, & Verrem, quum semper antea iuisset, in lapides postea repente mutauit. Nam quum magnas utriq; diuitias, & eloquentiā praeterea Q. Hortensio dedisset, sic eos postea per Ciceronem arte & eloquentia delusit, sic oppressit, ut lapides dici merito possent, de quibus ita scribat Asconius: Ciceronis arte ita exhaustus Hortensius,

suus, ut nihil contrà quod diceret, inueniret: ipse
 etiam Verres, desperato patrocinio, sua sponte di-
 scederet in exilium. item: Multis diebus prima a-
 ctio celebrata est, dum testes Verris producuntur
 criminum, diuersorum, dum recitantur publica
 priuataq; littera: quibus rebus adeò stupefactus
 Hortensius dicitur, ut rationem defensionis omit-
 teret: adeò perculsus Verres, ut abiret in exilium
 sua sponte. & Laetantius inquit: Ciceronis indu-
 stria defensores Verris uel oppressit, uel gratia re-
 stitit. Hinc Cicero sic in Oratore dixit: Nobis
 pro familiari reo summus orator nō respondit Hor-
 tensius. & si Quintilianus ostendit, eum respon-
 disse, quum studiosos hortatur, ut orationes Hor-
 tensy pro Verre legant: quas tamen Hortensium
 postea scripsisse, non tum dixisse puto: ut Cicero
 reliquas Verrinas post primam & secundam
 scripsit, non dixit. quod Asconius ita refert: A-
 deò perculsus Verres, ut abiret in exiliū sua spon-
 te: nec quid amplius in iudicio gestū est, nisi quod
 Tullius metuens, ne tantum negotium penè taci-
 tum prateriret, finxit Verrem comperendina-
 tionem praesto fuisse, ut bis defensio accusaretur
 iterū: & quemadmodū uictoriae consuluerat bre-
 uitate

uitate dicendi, ita laudem eloquentiae tanquam re-
 petita accusatione est consecutus reliquorum con-
 scriptione librorum, qui ceteros consequuntur. i-
 tem: Deinceps hac omnia non dicta, sed scripta
 sunt contra eum, quod ita factum est. Fingit Cicero,
 adesse in iudicio Verrem comperēdum, & re-
 spondere citatum, & defendi. in ceteris enim ora-
 tionibus defensor futurus, accusationis officium his
 libris, qui Verrinarum nomine nuncupantur, com-
 pensare decreuit: et quoniam accusare multos indeco-
 rum Tullio uidebatur, in una causa uim huius ar-
 tis, & eloquentiae demonstrare. nam & bene in-
 telligentes omnem uirtutem oratoriam, quacumq;
 in criminationibus constituta est, hic expressam ui-
 dent: & contra ex hoc defensionum uim in ceteris
 orationibus, & nervos eius ex hac uirtute cogno-
 scunt, quae in opprimendo exprimitur reo. Verres
 igitur abiit in exilium: cui postea uel ab amicis reli-
 cto, Seneca Cicéronem ipsum scribit affuisse: quem
 Plinius etiam refert non alia de causa proscriptum
 postea fuisse ab Antonio, quam quod Corinthiis se
 ei cessurum negasset. hinc à Seneca dicitur proscri-
 ptus perisse: & à Lactantio felix in eo fuisse, quod
 ante suam mortem crudelissimum exitum sui ac-
 cusatoris

cusatoris audiuit. EGN. Non reddis ea, quæ Plus
tarchus de iocis hoc loco refert. COR. Iam nunc,
quum accepero, reddam: & quidem mensura, ut
iubet Hesiodus, cumulatione. Verrem, inquit Plus
tarchus, Romani porcum non castratum uocant.
Quòd igitur libertinus homo nomine Cæcilius Iu-
daorum moribus addictus, Verrem, Siculis reie-
ctis, uolebat accusare, quid, inquit Cicero, Iudæo
cum porco? Habebat autem Verrem filium pube-
rem, qui formam non, ut decet ingenuū, custodisse
dicebatur. ut mollis igitur Cicero à Verre accu-
satus: Filios, inquit, oportet domi castigare. EGN.
Eadem, non cumulatione, ut dicebas, mēsurā red-
didisti. COR. Quatuor igitur iocorum tunc è no-
mine Verris dictorum cumulus accedat. Repente
è uestigio ex homine, tanquam aliquo Circeō pocu-
lo, factus est Verres: alij negabant mirandum esse,
ius tam nequam esse Verrinum: alij Sacerdotem
execrabantur, qui Verrem tam nequam reliquis-
set; aiebant Siculi, in labores Herculis non minus
hunc immanissimū Verrem, quàm illum aprum
Erymanthium referri oportere. EGN. Placet cu-
mulus, qui de Verre factus, è Verrinis sit etiam
collectus. COR. Sit ille multo maior cumulus, si

nunc ex iisdem Verrinis ea quæ tunc in Hortensium dicit, colligam: sed non faciam, ut in ea parte multus esse uidear, in qua Plutarchus unum tantum de sphinge refert. illud potius, quod idem Plutarchus addit, considerabo: Verre condemnato, Cicero, quum litem septingentis & quinquaginta millibus æstimandam curasset, non effugit calumniam, quod argento corruptus multam diminuisset, nam calūnia uidetur ex eo nata, quod ita scribit Asconius: Quāuis sestertiū quadringenties à Verre petitum esset, septuagies tamen dupli nomine exigi iussus est: ad gratiam ne Hortensij, an suam, an etiam cōiuentia Ciceronis ipsius, parum cōperimus, quod idem sic etiam defendit: Frustra calumniatur Ciceronem quidam homines, & modo eum sestertiū millies dicunt repetere, modo quadringenties: quum primum non suo ore, sed Siculorum loquatur, accusatorie uociferantium: deinde, si maximè ad eū referenda sunt, quæ dicit, adhuc non instructus sit contra Verrem, nec ad plenum nouerit causam. tertio, cur aut calumniatoris, aut prauaricatoris personam subeat, quum aliud agatur? non enim de condemnando Verre, sed de constituendo accusatore configitur. postremo,

cur

cur id fraudi sit Ciceroni, quum ad tempus oratorum dicta proferantur? nam eodem modo erit contrarium presenti actioni, quod alibi dicit, oratione uictum à se Cæcilium, qui idoneas causas ad accusandum Verrem multas protulisset. Quibus tamen ex uerbis apparet, homines illos existimasse, Ciceronē diuersa potius scripsisse, quàm pecunias accepisse. sed Plutarchus, quū uideret, litem multo minoris aestimatā fuisse, quàm quantum fuerat à principio repetitum, arbitratus est, calumniam, quasi Cicero prauaricatus esset, fuisse: quasi uerò lites non semper ferè minoris aestimentur, & de Cicerone talis opinio nasci potuerit, cui M. olim Cato integritatis, iustitiæ, clementiæ, fidei testimonium dederit. Quin ipse Verrina secūda sic ait: Fecit animo libentissimo populus Romanus, ut cuius diuitia me de fide deducere non potuissent, ne eiusdem pecunijs de honore deicerer. & Verrina tertia: Comitij meis, quū iste infinita largitione contra me uteretur, populus Romanus iudicauit, istius pecuniam, quæ apud me contra fidem meam nihil potuisset, apud se contra honorem meum nihil posse debere. Quod si eā unquam fuisset opinio, aliquis aliquando aduersarius Ciceroni obieciſſet. EGN.

Obiecerunt fortasse multi: sed scripta non extant, in quibus id cognosci possit. COR. At ipsius Cicero nis extant orationes, in quibus quum reliqua quæ sunt obiecta confutet, id quoque si obiectum fuisset, aliqua ratione confutaret: extat & liber quadragessimus sextus Dionis, ubi Q. Fufius Calenus quum dicat ea quæ nullus unquam de Cicerone somniavit, multo magis id, si fuisset in opinione, diceret: quum præsertim calumniatur, eum nec in accusando Verre, nec in defendendis alijs, officio boni oratoris functum fuisse. Nam postquam multa de ratione dicendi, quæ Cicero uteretur, dixit, ea tandem profert uerba, quæ nos ita uertimus: An aliquem putas esse, qui nesciat, te nullam ex orationibus tuis mirabilibus, quas edidisti, dixisse, sed omnes illas postea scripsisse, ut qui duces & equitum magistros è luto fingunt? Quod si forte minus credis, recordare, quo modo Verrem accusasti, & aliquid etiam ex arte patris ipsi præbens, quando ἐν νόμῳ ἔειπες. Quid quod illum Siculi, si modo fuisset opinio præuariatū fuisse, postea semper odissent? atqui Plutarchus idem refert, Siculos beneficij me mores, ad eum Aedilem ex insula multa duxisse, & multa tulisse, quorum tamen ille nihil lucrificerit,

cerit, sed eorum liberalitate sit in eo tantum usus,
 ut res in foro uilius uenderentur: ipse uerò sepe, sed
 in oratione tamen pro Cn. Plancio præsertim, testa-
 tur, Siculos usq; adeò sibi cõiunctos fuisse, ut, quum
 domo pulsus Siciliã peteret, ipsa penè insula sese ob-
 uiam ferre uoluerit. PIE. Inopem me copia facit.
 Nunc enim numos tales, & tam multos profers,
 ut ego nesciam, quem potissimum uel probem, uel
 in codicem referam. COR. Omnes censeo. PIE.
 Paucos dares. COR. Id ego libèter faciam, & nul-
 los etiam multo libentius dabo. EGN. Nunc iniu-
 rato tibi credimus. COR. Creditores igitur estote.
 EGN. Satis diu fuimus: sed nunc ita conuenimus,
 ut tibi non liceat amplius conturbare. COR. Nec
 uelim quidẽ, si liceat: modo uos ipsi numos, ut dan-
 tur, accipiatu. EGN. Nos, ut dantur, omnes acci-
 piemus: & hosce præsertim, qui sint ex auro Sicu-
 lo, quod hodie ualde probatur, cõfecti. sed si tu qua-
 si canis festinans catulos cecos pepereris, nihil erit
 postea, cur te quoq; parum uidisse causeris: quum
 iam dudum intellexeris, eos numos auerti facile
 posse, qui non sint in codicem relati. COR. Vos re-
 ferte. PIE. Quis celeritate scribendi tam multa
 persequi possit? COR. Multa quidem, fateor, con-

gesti, quòd à Quæstore Quæsturam plurib. uerbis
explicari posse iure quodam uidebā: sed, quoniam
qualis ante Aedilitatem Cicero fuerit, est dictum,
nunc paulum, ut uos quæ dicta sunt perscribatis,
interquiescam. EGN. Quin tu iam pergis numos
dare, postquam uides eos quos dedisti, omnes esse
perscriptos? quid, inquam, spectas ociosus? COR.
Nihil ego quidem specto: sed uideor mihi tamen lu
dos ueteres, quos Aediles faciebāt, spectare. EGN.
Tu potius ipse nobis ludos facis. COR. Uiuis igitur
facio, & me Aedilem esse memini. EGN. Tu, si
sapiēs, huiuscemodi ludos illis, quibus debes, facies,
& te Quæstorē nobis esse meminēris. COR. Me
mini: sed æquum tamen uidetur, ut, quemadmo
dum Quæstor antè Quæstorē, sic Aedilis nunc
Aedilem Ciceronem describam. EGN. Tu & po
lypum, & chamaeleontem, uel Proteū potius ipse
cupis imitari. Sed quanto ipse magis formas te uer
tes in omnes, nos tanto magis tenacia uincula con
tendemus: donec talis eris mutato corpore, qualē
Uidimus, incæpto tegeres quū lumina somno. Nos
enim te Quæstorē, nō Aedilem nobis esse uolu
mus: ut numos, nō autem ludos, spectare possimus.
COR. At hic numus, quem nunc ipsi damus, non
est

est Quæstorius, sed Aedilius. PIE. Et nos non Quæstori, sed Aedili, ut Paulo Manutio, qui de Aedilibus, & cæteris magistratibus scripturum se pollicetur, acceptum referemus. COR. Id, me lubente, feceritis: præsertim cū inter me & ipsum conuenerit, ut nostrū neuter in alterius prouinciam, quod etiam ueteri lege cautum erat, transiret. PIE. Cur igitur tu transisti? COR. Quin eam prouinciam quum petere in animo haberem, & iam tum prensare cœpissē, eam petitionem reliqui, ut is eam posset obtinere: tantum abest, ut in eam nunc ipse transferim. PIE. Amicē fecisti. sed quo pacto hic numus ad te peruenit? COR. Quo pacto pecunie omnis generis ad Quæstores, qui magnas habeant prouincias, perueniunt, huc & illuc à mercatoribus circūlat. An non credis fore, ut ille quoq; numos ex mea prouincia delatos soluat? PIE. Credo sanē: sed, ut est omnium modestissimus, & maximē ingenuus, quos ita delatos soluet, tuos esse fatebitur. COR. Faciet, ut lubebit. nos certē dabimus operā, ut digni uideamur quibus aliquando parem gratiam referat: qua de tamen adhuc nullum uerbum fecit, tempus idoneum magis, ut credimus, expectās. PIE. Quum

nir ille nulli, quæ sit ipsius humanitas, non retulerit, tibi quoque, si quam debet, primo quoque tempore referet. COR. Id illum facturum speramus, si quales nos erga se, & magistratum gerentes, & priuatos expertus sit, recordari uoluerit. PIE. Recordabitur, opinor, quâdo de Quæstoribus scribet: inter quos te referat, erit necesse. COR. Et quidem ita, ut me Quæstorem in se perhonorificum fuisse, uerè possit affirmare. PIE. Quid affirmet? res ipsa loquitur. COR. Ut ut sit igitur, id ut lubentius ille faciat, seruabo fidem: nec de magistratibus quicquam, quod ad ipsius prouinciam separatim pertineat, referam: sed quos magistratus, & quo modo Cicero gesserit, simpliciter, & breuiter, ut sum pollicitus, exponam. Annos igitur triginta septem Cicero natus, Aedilitatem Q. Hortensio, Q. Metello Consulibus, anno ab urbe condita sexcentesimo octuagesimo quinto gessit, quum prior, ut in oratione in Pisonem scribit, esset factus. & quod ait in oratione pro Murrana, trinos ludos fecit, de quibus antè Verrina septima sic ipse fuerat locutus: Nunc sum designatus Aedilis: habeo rationem, quid à populo Romano acceperim: mihi ludos sanctissimos maxima cū cerimonia Cereri, Libero,

Libero, Liber aq³ faciendos: mihi Floram matrem populo, plebiq³ Romanae ludorum celebritate placandam: mihi ludos antiquissimos, qui primi Romani sunt nominati, maxima cum dignitate ac religione Ioui, Iunoni, Minervaq³ esse faciendos: mihi sacrarū aedium procurationem, mihi totam urbem tuendam esse commissam. EGN. Uiden^r, ut seruat fidem? qui modo dixit, se de magistratibus nihil esse relaturum, is nunc Aedilitatem describit. COR. Cicero describit. EGN. Tu uerbis eius describis, & hoc commento quasi Thracio in aliena prouincia uersaris. COR. Mons Amanus Ciceroni cum Bibulo communis erat, & multa sunt huiuscemodi magistratibus prouincialibus communia: & eo magis, quòd prouinciarum fines solent maiores esse, quàm possessionum: in quibus tamen usucapionem duodecim tabula inter quinque pedes esse noluerunt. ut ego dici non possim in aliena prouincia uersari, si quid, quod commune sit, interdum, quum res postulet, usurpem: ut hoc ipsum, quod de Ciceronis Aedilitate referebam. Ut enim ad omnes Aediles pertineret, Cicero tamen de se ipse scripsit, & se no magnum sumptum fecisse tum libro secundo de Officijs hisce uerbis est.

testatus: Nostro quidem anno, quod cōtigit eorum
 nemini, quos modo nominavi, sanè exiguus sum-
 ptus Aedilitatis fuit. Hinc ait in oratione pro
 M. Turana, se C. Antonij ludis cōmotū fuisse, quos
 ille sumptuosiores fecisset. Unde nonnulli sunt su-
 spicati, C. Antonium Ciceronis in Aedilitate col-
 legam fuisse: quasi uerò ludos facere non potuerit,
 nisi Ciceronis collega, ut tūc tamē esse nō potuit: ni-
 si forte nescio quo modo suffectus fuit M. Caesonio,
 quem Cicero ipse Verrina secunda certè suum col-
 legam uocat. EGN. Idem scribit Asconius. sed
 heus tu, cur item de collegis in Quæstura non ali-
 quid ipse dixisti? COR. Quia, uerum ut fatear, ob-
 litus fueram: & sciebam plures etiā fuisse, quā
 ut inueniri possent. nam quum multæ provinciae,
 multi magistratus essent, totidem penè Quæstores
 erant: Aediles cōtrā tantū quatuor, bini curules,
 bini plebei fiebant. unde Cicero in oratione in Pi-
 sonem dixit: Ne Quæstore in primis, Aedilem
 priorem populus Romanus fecit. Quis igitur colle-
 gas omnes in Quæstura posset inuenire? Unus ta-
 men P. Antronius, quod ex oratione pro P. Syl-
 la didicimus, se collegam in Quæstura commemo-
 rabat fuisse. iam quum de Aedilitate, quaecunq;
 potui-

potuimus inuenire, dixerimus, ad Præturam pro
peraremus, nisi nos Plutarchus renocaret: qui de
Aedilitate parum quum dixisset, hoc loco mul-
ta, quæ fortasse fuissent aliò transferēda, de uillis
& alijs rebus interposuit. EGN. Videas Sueto-
nium, Diogenem, Philostratum, Dionem, Spar-
tianum, Lampridium, & alios qui clarorum ui-
rorum uitas descripserunt, idem propemodum fe-
cisse: nec ordinem rerum semper, aut temporū ser-
uasse: sed ea sæpe, quæ similia uiderētur, in unum
locum contulisse: quòd arbitrati sint nihil referre,
quo loco res ipsæ dicantur, in aliqua modo parte di-
cantur: præsertim quū scribendis uitis occurrant
multa, quæ sæpius essent dicenda, quaq̃ nullum
certum locum habere uideantur. COR. Quando
tu hoc ipsum probas, nos hac in parte saltem Plu-
tarchum sequemur, quamuis pugnantia loqui ui-
deatur. Nam, quum paulo ante dixisset; Cicero-
nem paruam pecuniam possedisse, hoc loco scribit
hoc modo: In Arpis uillam pulchram, & agrum
prope Neapolim, & prope Pompeios alterum, non
magnos possedit. Dos Terentiae uxoris centum ui-
ginti millium, & hereditas quedam ad nonagin-
ta denariorū millia simul accesserunt. EGN. An
putas

putas Plutarchum pugnancia loqui, quòd Arpos
 pro Arpinati posuisse uideatur? COR. Illud ego,
 quum mihi nondum satis constet, an reliqui Graeci
 sint ita locuti, negligentia uel eius, uel librariorum
 potius assigno: & hoc pugnare dico, Ciceronẽ
 eodem penè tempore pauperem & diuitem fuisse.
 Nam quem uiginti uersibus antè paruam pecuniam
 possedisse dixit, hic uel ditissimum fuisse testatur.
 PIE. Fortasse repenè thesaurum, non carbo-
 nes inuenit. EGN. Imò dotem, ut audis, magnam,
 & hereditatem, ut ait Plautus, offertissimã, atq;
 haud scio, an etiam sine sacris, est adeptus. COR.
 De tempore, quo Cicero illã creuit hereditatem,
 nihil habeo, quod affirmem: sed quo tempore Plu-
 tarchus eum scribit paruam pecuniam possedisse,
 eodem facile probem, non Terentia modo dote, sed
 etiam filia, quã postea tam ualde dilexit, auctum
 fuisse. EGN. Proba, si potes. COR. Refert igitur
 Plutarchus, Ciceronem, quo tempore Verrem cœ-
 pit accusare, non admodum diuitem fuisse, quum
 tamen etiam multo antè Terentia dotem fuisset
 adeptus: quod ita cognoscimus. L. Iulio Casare C.
 Marcio Figulo Consulibus, Cicero Tulliam C. Piso-
 ni, ut ait in epistolis ad Atticum, despondit: à quo
 tem-

tempore, si reuertes ad Cn. Pompeiũ & M. Cras-
sum Consules, quibus Cicero Verrem, ut diximus,
accusauit, sex annos summũ numerabis: quot
annos natam filiam, nedum minorem, Cicero nun-
quam, meo quidẽ iudicio, despondisset. Sed dotem,
sed hereditatem mittamus. Cicero, qui trẽs fun-
dos, & Romæ domum dicatur habuisse, diues e-
tiam debet uideri: quanquam M. Crassus nemi-
nem, nisi qui exercitum suis fructibus alere posset,
cum diuitem esse dicebat. postea certè Cicero diues
fuit, qui uillas non duodeuiginti quidem, ut Blon-
dus curiose magis quàm uerè collegit, sed multas
tamen habuit: & quod in secunda Philippica scri-
bit, amplius HS. ducenties acceptum heredita-
tibus retulit. Sed hæc posterius. illud Plutarchus
addit: Hisce rebus cum Græcis conuictorib. & Ro-
manis, qui disputandi essent studiosi, quos Græci
φιλολόγους uocant, liberaliter simul & tempe-
ranter uixit. Hinc libro primo scripsit ad Atticũ:
Nos præter ceteros φιλόλοις & sumus & ha-
bemur. & in Oratore: Doctissimis hominibus do-
mus referta fuit. & libro primo de Natura deorũ:
Philosophabamur, quod et orationes declarant re-
fert a philosophorum sententijs, & doctissimorum
homi

hominum familiaritates, quibus semper domus nostra floruit: & principes illi Didotus, Philo, Antiochus, Posidonius, à quibus instituti sumus. quæ uerba nos etiam suprâ retulimus: & libro secundo, & decimotercio ad Atticū, se delectatum fuisse φιλολογίᾳ, & φιλολόγοις hominibus, ostendit. EGN. Plutarchus igitur in hoc pugnatia non loquitur. COR. Nec in eo quod sequitur: Rarò, si unquam, ante solis occasum, non tam propter negotia, quàm propter corpus stomachi causa male affectum, discūbebat. PIE. Cænandi, an dormiendi causa? COR. Cænandi. nam, quum ceteri, ut constat, hora nona cænarent: Cicero, ut stomacho laborans, in noctem cænam differebat, nisi foris cænaret: ut quum scripsit ad Papirium Pætum, se hora nona, ut cænaret, apud Volumnium Eutrapelum accubuisse. Ipse cerè non semel affirmat, se noctu cænasse, quum literas uel scripsit ipse, uel ab amicis accepit. Quare, qui uertunt ex Plutarcho κατὰ κλινῆς θάσι, dormire, possunt illi quidem defendi, quòd stomacho laborantibus quies à medicis concedatur: sed tamen hoc loco Plutarchus ostendit, Ciceronem, quū serè semper post solis occasum discumberet, aliter atque alij facerent, qui ante solis

lis occasum discumbabant, fecisse. Nec alij præterea solebant ante solus occasum dormire. *PIE.* Placeat interpretatio, præsertim quum Plutarchus addat, id eum non tam propter negotia, quàm propter uoletudinis imbecillitatem fecisse. *COR.* Addit & illud: Erat & in alijs corporis curationibus diligens, & multus adeò, ut & frictionibus, & ambulationibus numero definitis uteretur. hoc modo sic habitum corporis firmavit, ut ad multas et magnas contentiones ac labores accommodaret. *EGN.* Non tu quidem de eadem fidelia duos parietes dealbas, sed eode numo duo nomina dissoluis. *COR.* Quì fieri potest, quum uos statim numos omnes accipiat? *EGN.* Nescio: nisi recorder, te nobis hunc numum prius etiam dedisse. *COR.* Quod dedi, uos habetis, ne me furti putetis accusandum. *PIE.* Verum dicit Egnati: ecce tibi numus, quem dedit. *EGN.* Consimiles sum adeò, ut, quod ait Blepharo Plautinus, utri ad sim, nesciam. *COR.* Nil mirum, quum uterque sit ex auro Chersonao, & ab eodem artifice factus. Sed domum redeamus, id est, de Ciceronis domo loquamur, ita prius illa Plutarchi uerba uertentes: Domum quidem paternam fratri concessit, ipse uerò prope

prope palatium, ne, qui ipsum observabant, longè
 uenientes, grauentur, habitauit. *PIER.* Vidi,
 qui uerteret: Domum, quam è patrocínio habuit,
 fratri concessit. *COR.* Ut secum pugnet Plutar-
 chus, qui suprà dixit, ex patrocínio Ciceronem ni-
 hil mercedis accepisse. Quis præterea οὐκ ἔχοντα
 πατρὸς, domum paternam non uertat? *PIE.* Qui
 legerit in Appiani libris, à Catilina Ciceronem ἐ-
 νοικῶντα, uel ἐνοικῶν, opinor, appellatum, quòd
 quasi nouus homo, et inquilinus, in alienis & con-
 ductis ædibus habitaret. *COR.* Quid mirum, si fra-
 tri paternas concesserat? *PIE.* Per inquilinum,
 uel ἐνοικῶν, ut arbitror, Catilina uoluit eum signi-
 ficare, qui prorsus hospes esset in urbe, neq. suas ha-
 beret, neq. paternas aedes habuisset: uel per se, non
 per maiores notus esset, ut Appianus etiam uide-
 tur interpretari. *COR.* ..Fortasse male; ut sæpe:
 quum ciuis inquilinus apud Sallustium tantum
 nocetur: quòd inter inquilinū ciuem, & uetcrem,
 uel hodie multum interesse uideatur. Cicero certè
 Romæ domū paternam uidetur habuisse, quum
 pater etiam Romæ uixerit, & filios, ut diximus,
 erudiendos Romæ curauit: & Plutarchus hoc ita
 scribat, ut nemo possit dubitare. nisi fortè dubitet,

an Cicero, patre uiuo, fratri paternam domum potuerit concedere. Nam Plutarchus hoc ante Ciceronis Praturā factum uidetur significare, quum pater, ut dicitur, in petitione cōsulatus decesserit, Quod si de patris uoluntate domum fratri dedit, & ipse prius quā domum emeret, prope palatiū in adibus conductis habitauit, à Caulina uerè potuit inquilinus appellari: sin mortuo patre, quum post Consulatum de Crasso domum, ut dicemus, emisset, paterna domo cessit, & ita prope palatium in suis adibus habitauit, & Plutarchus rem præposterè narrauit, & Appianus male fuit interpretatus. Sed nos, quæ restant ante Praturā, reddamus. Obseruabant uerò Ciceronem, quotidie ad eius ianuam accedentes, non pauciores, quā Crassum propter diuitias, & Pompeium propter potentiam ex re militari comparatam: qui duo tum Romanorum maxime admirabiles, & maximi habebantur. Pompeius etiam Ciceronem obseruabat: & sane multum ipsi cum ad potentiam, tum ad gloriam Reipublicæ administratio Ciceronis profuit. Præturam uerò quum multi & magni uiri simul peteret, omnium primus est ipse designatus. Et quanti quidem Pompeius Ciceronem jecerit,

h quan-

quantumq; rursus ipsi Cicero profuerit, alio fortasse loco dicitur. sed quod ipse primus omnium Prætor fuerit designatus, in Bruto sic ipse testatur: Et Prætor primus, & incredibili populari uoluntate sum factus. & in oratione in Pisonem: Me Præto-
 rem primum cunctis suffragijs populus Romanus fecit. et in oratione pro lege Manilia: Propter dilationem comitiorum ter Prætor primus centurijs cunctis renūciatus sum. Et primus, quod octo Prætores eo tempore fierent, ut nos in Bruto pluribus ostendimus, & Ciceronis collegas hosce collegimus: C. Aquilium Gallum, Q. Nasonem, M. Ple-
 torium, C. Flaminium, C. Orchinium, Q. Voconium, P. Cassium. Sunt etiam, qui C. Antonium connumerent, quod apud Asconium Cicero sic cum ipso loquatur: An oblitus es, te ex me, quum Præturam peteremus, petisse, ut tibi primum locum cōcederem? & Quintus Cicero in libro de petitione consulatus, illum dicat in Prætura competitorum fuisse. quod si credimus, necesse est dicere, uel tum plures fuisse Prætores: uel aliquem ex ijs quos diximus, collegam non fuisse: uel Q. Voconium Nasonem, quem supra diximus, appellatum fuisse. EGN. Plaudite. COR. Cur ita? EGN. Quia

non fabula modo tua, sed Aedilitas etiam Ciceronis acta nobis uidetur. PIER. Et quidem trinis ludis, ut audiuius, uel potius spectauimus. COR. Spectaretis igitur, non etiam, Plaudite, diceretis: quando spectatores aulae manent, & usque sedent, donec cātor, Vos plaudite, dicat. EGN. Cur ipsi tantum spectemus, & nihil ex aliorum partibus usurpemus, quum in ista fabula sic omnia miscantur, ut iam cōtrā, atque praecipiat Horatius, serpentes auibus geminentur, tigribus agni? COR. Quid hoc sit? EGN. Praetores Aedilibus miscantur. COR. Praetores potius designati cum uiris Aediliis iunguntur. Ut enim Quaestorij, Quaestura functi: sic Aedilij, qui prius Aediles fuissent, dicebantur: qui postea Praetores fieri solebant. ut Cicero, quum fuisset Aedilis, & Aedilitius, tum demū Praetor est designatus. PIER. Quot annos Aedilitius fuit? COR. Duos opinor, quot inter Aedilitatem & Praturam docet ipse interfuisse, dum ita scribit ad Furnium: Non est annus hic tibi destinatus, ut si Aedilis fuisses, post biennium tuus annus esset. PIER. Si Cicero triginta septem natus annos, ut dixisti, Aedilitatē gessit, & duos annos Aedilitius fuit, annum quadragesimum,

Prator quum fuit, agebat. COR. Agebat, ut pu-
 to, uel quadragesimum, uel quadragesimum pri-
 mum, ut mos erat: quum Prator quaestioni de pe-
 cunijs repetundis, ut ostendit in oratione pro Cuen-
 tio, praesuit, & C. Licinium Macrum condemna-
 uit: & quod in epistolis ad Atticum refert, ex ea
 re magnum fructum capit. Is enim Macer, qui,
 quod Plutarchus ait, & per se multum posset in ci-
 uitate, & Crasso fauore uteretur, qui furti reus
 apud Ciceronem factus esset, potentia et studio fre-
 tus, & iudicibus adhuc sententiam differentibus,
 domum profectus, dicitur statim caput cotondisse,
 & togam puram tanquam uictor induisse, ac rur-
 sus in forum redysse: sed, quum Crassus ei prope ue-
 stibulu occurrisset, ac dixisset, eum sententijs omni-
 bus damnatum fuisse, reuersus, discubuisse, nec ita
 multo post obysse: quæ res Ciceroni gloriam, tan-
 quam iudicia diligenter exerceret, dicitur attulisse.
 Hanc rem Valerius Maximus ita refert: C.
 Licinius Macer uir Pratorius, Calui pater, repe-
 tundarum reus, dum sententia diceretur, in Ma-
 nianum conscendit: siquidem quum M. Cicero-
 nem, qui id iudicium cogebat, praetextam ponen-
 tem uidisset, misit ad eum qui diceret, se non dam-
 natum,

natum, sed reum periſſe, nec ſua bona haſta poſſe ſubijci: ac protinus ſudario, quod forte in manu habebat, ore et faucibus coarctatis, incluſo ſpiritu poenam morte præcurrit. qua cognita re, Cicero de eo nihil pronunciauit. *PIE.* Quis fuit igitur damnatus, ſi Cicero de eo nihil pronunciauit? *COR.* Dicam, quod ſentio. condemnatus eſt ille quidem iudicum tabellis: ſed Cicero, quum intellexiſſet illum interea periſſe, ſententiã non pronunciauit. quam ſic ipſe in epistoſis ad Atticum ſcribit: Nos hic incredibili ac ſingulari populi uoluntate de C. Macro tranſegimus: cui quum æqui fuiſſemus, tamen multo maiorem fructum ex populi exiſtimatione, illo dānato, capimus, quàm ex ipſius, ſi abſolutus eſſet, gratia capiſſemus. *PIE.* Meminerat Cicero, Thebis imagines reliquorum quidem iudicum ſine manibus fuiſſe: ſummi uerò iudicis, eam quæ clauſos oculos haberet: ut ſignificarent, iuſticiam neque muneribus capi, neque hominum uultu moueri. *COR.* Mirum, quin dixeris, quod Diodorus de tuis Aegyptijs ſcribit: apud eos iudicem fuiſſe, de cuius collo ſignum penderet, quod illi ueritatem uocabant: ut oſtenderet, eam in omnibus iudicijs eſſe ſpectandam. *PIE.* Hoc dixi, quod cre-

dam Ciceronem, ut res aliorum populorum sciret, in Græcorum tamē rebus multo magis uersatum fuisse. COR. Quòd in Græcia fuisset, & cūm alia, tū uel in primis nosset, Athenis decretū fuisse, ne iudices Areopagita commouerentur. Quæ quidē omnia, & alia multo plura, quæ nobis suspicari potius quàm diuinare licet, quum Cicero sciret, & se talem præstare uellet, qualem decet optimū iudicem esse, neque Crassi potentia, neque Macri gratia, neque Vatiniy uerbis ipse tum potuit commoueri. Vatinius enim quum asperitate quadam, & contemptione aduersus magistratus in patrocinijs uteretur, & collum strumarum plenum haberet, à Cicerone nescio quid præsens petebat. & quum Cicero nō daret, sed diu deliberaret, dixit: ea de re se, si Prætor esset, nō dubitaturum. Cicero cōuersus: At ego, inquit, tale guttur non habeo. Quum duo, uel tres adhuc dies in magistratu Ciceroni superessent, Maniliū quidam de furto postulauit: ipse uerò Manilius beneuolentiam & studiū populi habebat, quòd agitari propter Pompeium, cuius erat amicus, putabatur. quum uerò Manilius diem peteret, unam, quæ superesset: Cicero dedit, et populus indignè tulit: quòd mos esset,

ut Praetores decem minimū dies reis darent. Quare Tribuni plebis illum productū in concionem de superiore loco grauitē accusabant. quos ille quum rogasset, ut audirent: dixit, se, quum reis semper, quantum leges permitterent, mitis & mansuetus fuisset, absurdum putasse, non eadem Manilio tribuere: itaque cuius dies dominus esset adhuc Praetor, eam dedita opera constituisse. ad alium enim magistratum iudicium reicere, non esse hominis qui uelit auxiliari. Hac dicens, mirabiliter animos populi mutauit ita, ut omnes eum, multum commendantes, rogarent, ut Manili patrociniū susciperet. quod ille libetē, praesertim propter Pompeium, recepit: & ingressus in causam, quasi popularis, iterum concionatus est, eos qui paucorum statu gauderent, & Pompeio inuiderent, uehementer accusans. **PIE.** Is ne tibi uidetur esse Manilius, cuius legem Cicero suaserit? **COR.** Mihi uerò uidetur. Nam Tribunus plebis quum esset, duas leges tulit: unam perniciosam, alteram egregiam, ut ipse Cicero in oratione pro Cornelio scripsit. ubi sic Asconius interpretatur: Suprà de his legibus, quarū una de libertorū suffragijs, quae quū S. C. data esset, ab ipso quoq; Manilio abiecta est: altera de

bello Mithridatico Cn. Pompeio extra ordinem mandando. Et de lege quidem Manilia, quam Cicero suavit, ex oratione constat. de altera uero ita scribit Asconius: Quum C. Manilius tribunus plebis subnixus libertinorum & seruorum manu perditissimam legem ferret, ut libertinis in omnibus tribubus suffragium esset, id' que per tumultum ageret, & cliuū Capitolinū obsideret, discusserat, perruperatq; cœtum Domitius ita, ut multi Manilianorum interficerentur. Quae uerba nos in Bruto & explicauimus, & ostendimus C. Maniliū ubique legi oportere. PIE. At nihil, opinor, de diebus decem, quos Praetores reis darent, dixisti. COR. Nunc dicam, quod ita scribit Asconius: P. Cassius Praetor decimo die, ut mos est, adesse iussit, quem morem Cicero in epistolis ad Q. fratrem ita significat: Cognosce nunc Idus. Decimus erat Calio dies. Domitius ad numerum iudices non habuit. PIE. Tu nunc interpret es uerè potes appellari, qui Plutarchi uerba non solum uertas, sed etiam diligenter interpreteris. COR. Ego, qui paream Consuli, laudabor: tu, qui nunc imperes, culpam, si qua fuerit, ipse sustinebis. PIE. Recte facis, quum addis, Si qua fuerit, nā quae culpa potest esse in eo sermone,

mone, qui de literis & rebus ad literas pertinentibus, siue parua, siue magna sint illa, totus habeatur? Neque enim res omnes magna esse possunt; & nobis natura semper est imitanda, quæ ut elephantes, sic etiam culices procreauit. COR. Iam, si tibi uoles constare, patieris, me tibi paruos etiam numos dare: præsertim cum minutis etiam sit opus, ut numerus ac summa commodius æquari possint. PIE. Quin recte dicis, ut numero pondus interdum compensemus, & consequamur. COR. Hunc igitur accipe: Cicero Prætor prouinciā recusauit. EGN. Vide Pieri, quid sit hominib. hisce fores aperire, iste, quod semel concessum est, mordicus tenebit, ut minutos numos soluat: & eos qui dem, quibus ne consores quidem, si possint, uti uelint. COR. Fateor equidem hunc minutum esse, & lippis, consoribusq., quod aiunt, etiam notum uideri posse: sed nesciunt illi tamen, neque quanti sit precij, neque quo in loco sit factus. Nec enim quis intelligit, quanti sit honores interdum contemnere: nec animaduertit, in hisce uerbis, quæ sunt in oratione pro Murena, hoc ipsum quod dicimus significari: Tu in prouinciā ire noluisti: non possum id in te reprehendere, quod in meipso & Præ-

tor & Consul probauit. Prator enim Cicero, ut diximus, in prouinciam ire noluit: quod in Ser. Sulpicio reprehendere non poterat, ne se ipse accusare uideretur. *PIE.* Hic numus etsi paruus uidetur, is est tamen, de quo uerè dici possit illud: Maior in exiguo regnabat corpore uirtus. *COR.* Hic nō multo maior fortasse uidebitur: Cicero *M.* Aemilio Lepido, *L.* Volcatio Tullo Consulib. an. ab *U. C.* sexcentesimo octuagesimo octauo, Prator fuit, ut nos in Bruto facile probauimus. *EGN.* Quod nūc, accipimus. *COR.* Et hoc accipite: Cicero Prator orationes pro lege Manilia, & pro Cluentio dixit. nā de orationib. pro Fonteio, et pro Cacinna, idem non possumus affirmare. Dixit & pro Cornelio, si credimus Asconio ita scribenti: Sequenti deinde anno *L.* Cotta, *L.* Torquato Consulibus, quo hac oratio à Cicerone Pratōre dicta est: et qua sequuntur. *EGN.* Uideris hoc, oblitus quid antè dederis, protulisse. *COR.* Non sum ego uidelicet Egnatius, qui nihil unquā penè fecit, aut dixit, aut etiam legit, quod non recordetur: mihi satis est, si non plus, quàm Curio pater, hac in parte peccem. *EGN.* Nihil tamen turpius Cicero tuus putabat, quàm si quis in sermone, uel in scriptis, ut ille, quid
antè

an tē posuerit, obliuiscatur. COR. Turpe sit igitur etiam mihi, si quid, quod contrarium sit, dixi. EGN. An contrarium non sit, hic dicere, Ciceronem Prætorē L. Cotta, L. Torquato Consulibus, quem tu paulo ante M. Lepido, L. Tullo Consulibus Prætozem fuisse dicebas? COR. Esto: quid deinde, etiamsi in altero sit uitium? EGN. An nescis iure ciuili cautum esse, si quid uendas, cuius uitia non dicas, id ut redhibeatur? COR. Scio equidem: sed nihil ego uendo, nec præstare debeo, si uos, qui summa diligentia probatis, adulterinum numum pro bono accipiatis. an nescitis uos quoque, inter negotiatores hunc morem, & quasi legem esse, in multorum præsertim nominum solutione, ut, qui numos accipiunt, in eam rem incumbant, eos ut diligenter examinent ac perpendant: ne, si fortè decipiantur, eos tamen, qualescunque sint, retinere cogantur? EGN. Inter bonos bene agier oportet. COR. At isti boni sæpe adulterinos supponunt, quos sibi bonos præstari uelint. EGN. Tales ne nos esse putas? COR. Tantum abest ut id putem, ut uos omnium optimos esse credam: sed uelim, quod semel probatum & acceptum est, retineatis, ne solutio toties interpelletur.

EGN.

EGN. Posthac igitur erimus cautiore: nunc uolumus hunc alio numo uel commutari, uel ita exaquare, ut respondeat. COR. Faciam, opinor, ut neque commutandum, neque exaquarem dicatis. EGN. Quoniam modo? COR. Nos, quod antea diximus, in Bruto praestitisse, & si quis dubitet, praestituros: sed in eo quod postea diximus, Aesconium secutos fuisse. EGN. Nescio, an uerius unquam sit dictum: Cæcus cæcum adhibuit ducem. COR. Et Strabo secutus est Homerum, neque tamen in foueâ cecidit. EGN. Quia dux talis erat, ut quæ ipse non uidebat, ut alij uiderent, efficeret: sed dux iste tuus ita cæcus fuit, ut & ipse ceciderit, & ut tu caderes, effecit. COR. At ego sic in eum cecidi, ut nihil ipse prorsus offenderim, & onus ille totum sustineat. EGN. Onus Aetna grauius. COR. Fessum motet latus, ut ait poeta: uel potius casum sic, ut Paulus Manutius etiam monuit, emendet: Sequente deinde anno, L. Cotta, L. Torquato Consulibus, quo hæc oratio à Cicerone dicta est: & quæ sequuntur. PIE. Illud uerbum, Pretore, tantum sustulisti. COR. Quippe quod uideâ nos, qui tacuimus, quod Suetonius & Macrobius affirmât, tunc etiam Ciceronem M. An-

tonij Gniphonis scholā frequentasse, iam satis multa de Pratore locutos fuisse: & iam tempus esse, ut Cicero Consulatū petat. de quo dicturus, illud uerē possum praefari: Maior rerū mihi nascitur ordo, maius opus moueo. Is enim Cōsulatus fuit, quē uerē Curio pater ἀποβίωσις uocabat: quē Dy prius etiam Terentia uxori significarunt. nam quum illa post peractū sacrificium, libare uellet, in cinere uisae est flamma: quod significauit, eius maritum eo anno futurū Consulem, ut ipse Cicero in suo poemate testatus est. quō respiciens summus poeta, dixit: Aspice, corripuit tremulis altaria flāmis Spōte sua, dum ferre moror, cinis ipse. Ad eum iam petere, uel certe prensare parantem, Quintus frater ea scripsit, quae ueniebant in mentem, dies ac noctes de petitione illius cogitanti: non ut aliquid ex ijs noui adyceret, sed ut ea quae in illo dispersa atque infinita uiderentur esse, ratione & distributione sub uno aspectu ponerentur. qui libellus extat, ut infrā dicetur. Cicero non multis diebus ante Cal. Sext. L. Cotta, L. Torquato Consulibus, initium prensandi uidetur fecisse: quod ita nos ex epistola, quae nūc prima scribitur ad Atticum, collegimus. L. Iulius Caesar, L. Cotta, L. Torquato Consulibus,

fulibus, cerè Consulatū petijt, designatus est, & anno sequenti Consul fuit. de quo sic ibi scribitur: De ijs qui nunc petunt, Cæsar certus putatur. L. igitur Cæsar petebat, quo tempore Cicero iam Prætorius prensabat, ut anno sequenti, quo postea L. ipse Cæsar, & C. Figulus Consules fuerunt, peteret: ut petijt, quo tempore filio est auctus, Tullia C. Pisoni L. Frugi despondit, & L. Ciceronem fratrem patruelem (ut in Epistolis ad Atticū scribit) amisit. amisit & patrem, si Asconio credimus, ita referenti: In petitione patrem amisit, quanquam uidetur eum Consul iam designatus amisisse. Ipse certe sic ad Atticum scribit: Pater nobis decessit ad VIII. Cal. Decemb. at multo antè Consules solebāt designari: quia tamen interdum comitia solebant etiam differri, nihil hac ipsa de re possumus affirmare. illud uerò, quod ipse partim dicit, partim significat, & Asconius scribit, affirmamus, Ciceronem sex competitores in petitione Consulatus habuisse: duos patricios, P. Sulpitium Galbā, L. Sergium Catilinam: quatuor plebeios, ex quibus duos nobiles, C. Antonium, M. Antonij oratoris filium, L. Cassium Longinū: duos, qui tantum non primi ex familijs suis magistratum adepti erant,

Q. Cornificium, & C. Licinium Sacerdotem. In ea petitione Plutarchus scribit ei non minus optimates, quàm plebeios homines suffragatos fuisse. de quo tamē uideo posse dubitari, quòd in epistolis ad Atticum ipse scribat hoc modo: Quū perspexero uoluntates nobilium, scribam ad te: cetera spero prolixa esse. item: Prorsus summa hominū est opinio, tuos familiares nobiles homines aduersarios honori nostro fore. Per nobiles enim uidetur optimates significare, quos in suasionē Manilia legis offenderat, quod nec ipse Plutarchus negat. & ita Quintus frater ostendit: Etiam hoc multum uidetur adiuuare posse nouū hominem, hominū nobilium uoluntas, & maximè consulariū. Prodest, quorū in locum ac numerū peruenire uelis, ab his ipsis illo loco ac numero dignum putari. hi rogādi omnes sunt diligenter, & ad eos allegandum: persuadendumq; est ijs, nos semper cum optimatibus de Rep. sensisse, minimè populares fuisse: si quid locuti populariter, id nos eo consilio fecisse, ut nobis Cn. Pompeiū adiungeremus, ut eū qui plurimū posset, aut amicū in nostra petitione haberemus, aut certè nō aduersariū. PIE. In oratione pro lege Manilia contrariū scripsit ipse: Testor omnes Deos, &

eos maximè, qui huic loco temploq^{ue} præfident, qui omnium mentes eorum qui ad Rempub. adeunt, maximè perspicunt, me hoc neque rogatu facere cuiusquam, neque quo Cn. Pompeij gratiam mihi per hanc causam conciliari putem: neque quo mihi ex cuiusquam amplitudine, aut præsidia periculis, aut adiumenta honoribus quæram. COR. Ne quasi lis litem, quod aiunt, serat, id aliàs: & an Catilinā, quemadmodū Feneſtella scripsit, & Asconius dubitauit, defenderit, uidebimus. nunc, quod posuimus, ita nos interpretamur: Optimates à principio Ciceroni ut homini nouo sunt aduersati: sed postea, quum periculum, quod à L. Catilina Reip. tunc impēdebat, prouidissent, suffragari cœperunt. EGN. Hoc etiam Plutarchus dixit. COR. Dixit ille quidem, sed non, ut decebat, explicauit, præsertim quum Sallustius ita prius scripsisset: Fulvia ex insolentia Cury causa cognita, tale periculū Reip. haud occultum habuit: sed, sublato autore, de Catiline coniuratione, quæ, & quo modo audierat, compluribus narrauit. Ea res in primis studia hominum accendit, ad Consulatū mandandum M. T. Ciceroni. namq^{ue} antea pleraque nobilitas inuidia æstuabat, & quasi pollui Consulatū credebat, si eum,

*si cum, quāvis egregius, nouus homo adeptus foret. sed ubi periculum aduenit, inuidia atq; superbia post
 fuere. Igitur comitijs habitis, Consules declarantur
 M. Tullius, & C. Antonius: quod factum primò
 populares coniurationis concusserat. Et sanè Cice
 ronem cuncta Italia, omnes ordines, uniuersa ci
 uitas non prius tabella; quàm uoce priorem Consu
 lem declarauit. EGN. Dicere non posses Plutar
 chum res aliquas minus explicasse, si de Ciceronis,
 aut aliorū scriptis ipse quoque res & uerba, quod
 nunc ipse facis, & sæpe, trāstulisset. COR. Trans
 ferret: quanquam res ille quidem, sed interdū præ
 posterè transtulit: ut quum Catilinæ coniuratio
 nem, quæ prope finem Consulatus Ciceronis descri
 benda fuit, ante Consulatum descripsit. EGN. Imò
 causas cōiurationis ante Consulatum, sed rem suo
 loco posuit. COR. Iacet igitur ingens littore trun
 cus, Auulsumq; humeris caput, & sine nomine
 corpus. EGN. Tu nunc iunge. COR. Ne Aescula
 pius quidem iungat: tantum abest, ut ego, qui me
 dicus non sum, id possim facere. ac ne uelim quidē,
 si possim: quando quidem quiuis intelligit, quum
 Ciceronis uitam scribas, nihil opus esse, tam multa
 de Catilinæ coniuratione, quæ nota sint lippis &*

conscribimus, referre. EGN. Tu meminisse debes, Plutar-
chum hominem Græcum Græcis, qui nullum
Sallustium haberent, scripsisse. COR. Scripserit:
nos quoque nostris hominibus, qui non Sallustium
modo, sed alios etiam coniurationis illius scriptores
habent, scribamus: & in scribendis rebus, quas in
Consulatu Cicero gessit, ordinem, quem ipse nobis
in epistola prima libri secundi ad Atticum Consu-
laribus, ut uocat, orationibus quasi præscripsit, se-
quamur. Calendis igitur Ian. quum Cicero Consu-
latum inisset, senatum, & bonos omnes legis agrariae,
maximarumq; largitionū metu liberauit ita,
ut iacta sint fundamenta ex Cal. Ian. confirmandi
senatus: quibus de rebus orationes contra Rullum
scripsit, quarum una est in senatu Cal. Ian. altera
ad populum de Lege agraria. EGN. Nosti Pieri,
unde sint ista translata? PIE. Ex ipsius Ciceronis
orationibus, epistolis familiarib. & illis item quæ
sunt ad Atticum scriptæ. COR. Utinam sic om-
nes nouissent, unde fuissent interpretationes illæ
translatæ, quibus olim familiares, ut uocant, episto-
las explicauimus. Minus enim postea negotij fa-
ciēdis his, quas in epistolas ad Atticum edidimus,
habuissimus, si, quod in illis fecimus, in his quoque
scripto-

scriptorum nomina tacere potuissemus. *PIE.* Interpretationes istae, quas dicis, à te iamdiu postulabatur: uel potius, ut audio, flagitabatur. *COR.* Ita quidem, ut Arnoldus Arlenius, homo eruditissimus ex Germania ad me Regium usq³ uenerit, & me suo, Ioannis Oporini, Ioannis Strathij, Magni Gruberi, aliorumq³ doctissimorū hominū nomine sit hortatus, eas ut primo quoq³ tēpore foras darem. *PIE.* Dedisti iam pridem. *COR.* Dedi, nec adhuc me dedisse pœnitet. *EGN.* Da nobis etiam quod debes. *COR.* Hoc ago, & dico, Ciceronē tunc orationē, quæ tertia consularis in epistolis ad Atticum dicatur, de Othone scripsisse: quam quum dixisset, L. ipsi Roscio Othoni theatralis seditionis auctori leges ignouerūt, notasq³ sedes ignominia discrimine æquo animo, ut ait Plinius, tulerūt. hinc in oratione pro Murena ita legitur: L. Otho uir fortis, meus necessarius, equestri ordini restituit non solū dignitatem, sed etiam uoluptatem. Itaque lex hæc, quæ ad ludos pertinet, est omninū gratissima: quòd honestissimo ordini cū splendore fructus quoq³ incūditatis est restitutus. L. enim Roscius Otho Tribunus plebis eā legē tulit, ut equitib. Romanis in theatro quatuordecim gradus proximi, ut

scripsit *Liuius*, assignarentur, & eam *L. Metello*, *Q. Marcio Consulibus*, certè biennio ante *Ciceronem* *Pratorem* tulit, ut *Asconius* ostēdit: apud quem tamen *L. Roscius Otho* male *Consul* appellatur, quū *tribunus plebis* eam legem, ut diximus, tulerit, nec *Consul* unquam, quod ego sciā, fuerit. sed neque tum *Prator* erat, quamuis à *Plutarcho* *ἑρτηγῶς* in *Ciceronis* uita dicatur: ubi rē pluribus ille quidem scribit. sed *M. Othonem* male uocat, quem *L. Roscium Otho* nē dici ab omnibus uideamus: à quo *lex Roscia* sit dicta: qua, præter alia, *decoctoribus* certus locus erat constitutus: & cautum, ut proximis ab orchestra quatuordecim gradibus spectarent, quibus census esset *quadringentorum sestertiorum*. EGN. Dicere poteras, qui essent equites, quorū fuit hic census. COR. Dicere quidem poteram: sed uerebar, ne uiderer bis idem referre. EGN. Non tamē effugisti, quod uerebaris. nam bis idem refert, qui, quemadmodum tu, primū dicit equites: deinde illos, quibus esset census *quadringentorum sestertiorū*, in quatuordecim gradib. spectasse. COR. Nihil id refert, dum res ipsa melius intelligatur, quæ res *Ciceroni* magnā laudem dicitur attulisse. nam *seditionem*,

quæ

qua fuerat inter equites & plebem propter Roscium in theatro facta, sic ipse sedauit, ut mihi poeta summus illa carmina de Cicerone potissimum scripsisse uideatur:

Ac uelui magno in populo quum saepe coorta est
Seditio, saeuitq; animis ignobile uulgus:

Iamq; faces et saxa uolant, furor arma ministrat:

Tum pietate graue ac meritis si forte uirum quem

Conspexere, silent, arrectisq; auribus astant.

Ille regit dictis animos, & pectora mulcet. EGN.

Idem propemodum de Menenio Agrippa, M.

Valerio, M. Popilio, & alijs etiam Romanis scri-

ptum uidebis: ut ego nesciam, cur tu, quum poe-

ta nomen taceat, ipse putes Ciceronem potius, quam

unum ex illis significari. COR. Idcirco puto, quod

poeta summus ita fuit aequalis illorum temporum,

ut hoc factum Ciceronis etiam uidere potuerit: ita

porro illius studiosus, ut, quum tam multa sit ab

illo mutuatus, ingratus haberi merito potuerit, ni

si, ueritus Augusti fortasse reprehensionem, si no-

minaret, illum saltem aliqua ratione significasset.

EGN. Tu mihi nunc illorum more facere uideris,

qui, si forte quid ignorent, coniecturas persequun-

tur. COR. Melius est coniecturas, quam, quod

ocio si faciunt, nihil omnino persequi. EGN. Istud quidē uerē dicis: sed praelet fortasse tamen, si quid ignores, in eo poetam, qui multa post se memoranda reliquit, imitari, quā libros, ut saepe facitis, corrumpere: et multa, quae fortasse nihil ad rem pertineant, comminisci. COR. Nos neque libros corrumpimus, nihil prorsus mutantes, sed quid nobis uideatur, indicantes: neque multa quae nihil, sed pauca quae multū studiosis ad rem diligentius perquirendam, & tandem intelligendā prodesse possint, cōminiscimur. EGN. Non uideo, quatenus illis coniectura prodesse possit. COR. Haec tēus, ut si uera sit, doceat: sin falsa, ad quarendum diligentius excitet. EGN. At fit saepe, ut nemo scire possit, uerā ne sit, an falsa: qualis ista, quam nunc ipse facis, fortasse dici possit: quū diuinare nemo possit, an poeta Ciceronē uerbis illis significare uoluerit. COR. Saltem tunc ad id quo de dubitatur, illud ipsum, quod secum cōiectura ferat, accedit. EGN. Id est, ad dubitationem dubitatio. COR. Quaedam potius interpretatio, ex qua, qui studet, si minus illud de quo dubitet, id saltem quod est positum in coniectura, quasi lucrum consequatur. EGN. Iste iam Pieri non ueteres modo numos, in quibus nul
la

la signa uideatur, sed Lacedamonios etiā, & Carthaginienses nobis, nisi caueamus, obtrudet. COR. Hic certe Romanus est: Idē Cicero Consul in C. Rabirio perduellionis reo x l. annis ante se Consulem, interpositā senatus autoritatē sustinuit cōtra inuidiam, atq; defendit oratione, quæ quarta Consularis appellatur: quæ quidē de re Suetonius et Dion multa scribunt. quāuis Dion à Cicerone de annorum numero dissentiat, quum dicat, eos triginta sex fuisse: ut reuera fuerunt inter C. Marium, L. Valerium Consules, quibus autoritas illa senatus per scripta fuit: et M. Ciceronē, C. Antonium Consules, quib. est à Cicerone defensa. sed, ut ait Asconius, à Cicerone summam tēpus est cōprehēsum, perinde ac si propē x l. annis, dixisset. Hinc Labienus criminabatur, iudiciū perduellionis à Cicerone sublatū fuisse. EGN. Hic numus, quē tu Romanū uocas, in ærugine sic incidit, ut hominis externi, uel hostis potius imaginem præ se tulisse uideatur. COR. Ipsum talē Labienus et Caesar, ut alios mittā, uolebāt iudicari: sed eum Cicero purgauit ita, ut sperē uos, etiā si lauatione, Lydio lapide, & libra probetis, non Romanū modo, sed bellissimū etiā, optimū & grauissimū esse iudicatuos. PIE. Au-

dimus Corrade, te superiorib. annis, quū Brutū Ciceronis interpretareris, hoc genere ioci uti solitum fuisse, quū diceres, te librū, qui Brutus esset, quā bellissimū esse facturū. COR. Quod diximus, conati sumus etiā præstare: sed, an quod uolebamus, id simus affecuti, uos uiri docti breui poteritis iudicare. nūc eò reuertamur, unde discessimus. Cicero rē tantam gessit: et tamen, quantū uidere potui, Plutarchus ea de re uerbum nullum fecit. de filiis uerò proscriptorum loquens, ea dicit ab omnibus Tribunis plebis facta, quæ Dion singulis attribuit: nec ordinem, quem Cicero uidetur in orationibus esse secutus, ipse seruat. Nam quū duæ fuerint actiones, una contra Rullum, quæ duabus orationibus, ut diximus: altera de filiis proscriptorum, quæ fuerit quinta oratione consulari comprehensa, eas ipse sic coniungit, ut confundat. Quod igitur ad filios proscriptorum pertineat, ita res habet: Cicero Consul adolescentes bonos, & fortes, sed ufos ea conditione fortunæ, ut, si essent magistratus adepti, Reip. statum conuulsuri uiderentur, suis inimicijs, nulla senatus mala gratia, comitiōrū ratione priuauit. PIE. Id ipse Cicero scripsit, in oratione quam contra L. Pisonem dixit. COR. Hoc Quintilianus:

Mol-

Atollienda est in plerisque alio colore asperitas orationis, ut Cicero de proscriptorum liberis fecit. quid enim crudelius, quàm homines honesti parētibus ac maioribus natos, à Rep. summoueri? Itaq; durum id esse, summus ille tractātorum animorum artifex cōfiteatur: sed ita legibus Sylla coherere statum ciuitatis affirmat, ut ijs solutis, stare ipsa non possit. Orante igitur Cicerone, proscriptorū liberos honores, ut ait Plinius, petere puduit. quæ quidem oratio de proscriptorum filiis inscripta, quinta consularis, ut diximus, est appellata. PIE. Places Corrade, quum quæ semel sunt dicta, ea tū nūquam repetis. COR. Nec ego repetam, nisi fortè imprudens: nec uos feratis, si bis eūdem numum, ut preceptor meus antea dubitabat, soluam. PIE. Neque nos feramus: neque tu, etiamsi uelis, id possis efficere: nisi fortè anulum Gygis habeas, ut quæ semel dederis, ea nobis non uidentibus, furto sublata denuò soluas. COR. De istac quidem re, ut ait Plautus, in oculum utrumuis conquiescite. Licet enim mecum uel in tenebris micare, quando, ne si reddatis quidem aliquid, id ego nolim denuò soluere: memor, quàm turpe sit, quasi βαττολογειν, ut Græci dicunt. quin uos etiam atque etiam rogo, ne

me quippiam repetere cogatis: quamuis occurrat locus, ubi aliquid repeti posse uideatur. EGN. Nos ut aliquid, quod nobis dederis, ipsi te repetere cogamus? curabimus ipsi potius, & efficiemus planè, ut si nos in ea re tētaris, ipse, quod turpe solet esse, diu maneas, & inanis etiam postea reuertaris. PIE. Cantabit uacuus coram latrone uiator. COR. Ego uerò cātabo. quamuis enim uos ipsi me, qui tantum pecuniæ nūc erogem, quodam modo rideatis: ego tamen as alienum, cuius comitem miserā Chilon esse dixit, dissoluero. quod si C. Antonius fecisset, nō illi accidisset fortasse, quod ita scribit Asconius: Antonium Gellius & Lentulus Censores sexennio, quo hæc dicerētur, senatu mouerūt: causasq; subscripserūt, quòd socios diripuerit, quòd iudiciū recusarit, quòd propter aris alieni magnitudinem prædia manciparit, bonaq; sua in potestate non haberet. quæ causa fuit, ut postea, quod refert Sallustius, Catilina sperarit, si designatus foret, facile se ex uoluntate Antonio usurū. sed eum Cicero, ut ait in oratione in Pisonem, cupidum prouinciæ, multa in Rep. molientem, patientia atque obsequio suo mitigauit: & prouinciā Galliam senatus auctoritate exercitū & pecuniā instructam

& ornatam, quam cum Antonio communica-
 uit, quòd ita existimabat tempora Reip. ferre, in
 concione deposuit, populo Romano reclamante.
 Hinc Sallustius ita refert: Cicero collegā suū An-
 toniū pactione prouincia perpulit, ne contra Rēp.
 sentiret. Sortitus enim Cicero Macedonia, permu-
 tauit, & Galliam accepit, & Macedoniam colle-
 ga tradidit, ut Diō affirmat. Id uerò fecit, ut illum
 mitigaret, quem uidebat cupiditatem suam nomi-
 ne triumphitegere, ac uelare. quā quidem indul-
 gentiam coniunctam cum summa custodia Reip.
 Romani, ut ait in oratione pro Sestio, laudarunt.
 EGN. Tunc illi fortasse laudarunt: sed postea certè
 multi suspicati sunt, in ea prouincia pactione cau-
 tum fuisse, ut pecunia Ciceroni solueretur. COR.
 Quid opus erat suspicari, quod ipse Cicero uel in e-
 pistolis ad Atticū fateatur, quū C. Antonium,
 qui rē differat, et οὐκ ἔστι atq; ἀναβολαῖς uta-
 tur, Teucridem lentū negotiū uocet, & tamen po-
 stea promissa patrasse dicat? EGN. Daui suspicati
 sunt antè, quàm tu nouus Oedipus hac enigmata
 solueres. qui nunc tamē, opinor, offendis: quū Cice-
 ronē tuū, cui M. Catonem integritatis testimoniū
 dedisse dicebas, nūc capisse pecuniā, quam C. An-
 tonius

tonius ex pactiōne prouinciæ dederit, affirmes.
COR. Affirmat ipse. EGN. Ille uerò nihil affirmat: & hac quidē de re si quid modo loquitur, sic obscure loquitur, ut quāuis ad amicissimū scribat, eam tamē ut turpem occultari uoluisse uideatur.
COR. In epistolis, orationib. et huiusmodi scriptis, ubi nō agit philosophū, quod opus est, affirmat: & hanc ipsam rem, si turpem putasset, ad Atticum nunquam, quem suæ integritatis laudatorem uocabat, neque obscure, neque aperte scripsisset: eam tamen scripsit, ut nos in scholis ostendimus, sed notis occultauit, ne C. Antonium, uel alium quempiam, cuius interesset, offenderet. EGN. Bella defensio: res ea turpis nō erat, quia qui faciebat, eam turpē non putabat. posses item dicere, Non est turpe furari, quia qui furantur, non putant esse turpe furari. COR. De furtis, & huiusmodi rebus, Prætores & sacerdotes etiam, qui res istas subtilius scrutantur, & ad uinum planè refecant, iudicabūt: sed de re, qua de loquimur, nos ita dicimus, ea res quia turpis non erat, ideo Cicero non putabat eam esse turpem. EGN. Oportebat igitur probare, eam rem turpem non fuisse. COR. Arbitrabar satis esse dicere, Ciceronē turpem non putasse:

rasse: sed quoniam uos ipsi Graca fide nunc agitis,
nec amplius quicquam creditis, nisi praesens pecu-
nia solvatur, ostendā, si potero, tunc eam rem tur-
pem non fuisse. EGN. Tu scilicet in candida, quod
ait ille, nigrum uertes: hoc est, rerum naturā mu-
tabis: & facies, ut turpe quod sit, honestum esse ui-
deatur. Ego certē nō uideo, quare re probare pos-
sis, eum qui pecunias ob tradendam provinciam ac-
ceperit, recte fecisse. COR. Pacto, quod seruari de-
buit, quādo Prætor ait, pacta seruabo. EGN. Sed
quæ neque dolo malo, neque aduersus leges, plebis ci-
ta, senatus consulta, edicta, decreta principum, ne-
que quo fraus cuique eorū fiat, facta erunt. COR.
Hoc bono dolo factum fuit, quo Cicero collegam per-
pulit, ne contra Remp. sentiret: nec aduersus leges,
aut omnino turpiter factū uideri potest, quod uul-
gò seruabatur, ut Consules, quemadmodum loqui-
tur Liuius, provincias sortiretur, aut inter se com-
pararet. Nam ueteres, ut Cicero, Cæsar, Sallustius
& Liuius, comparare, parare, & partiri provin-
cias etiā dixerunt: quæ res, opinor, ita fiebat, ut
ex duabus provincijs minor, uel certē minus fru-
ctuosa, cum maiore, uel magis fructuosa pecunijs
æquaretur: quas quidem pecunias, neque qui da-
bant

bant, neque qui accipiebant, turpiter, ut apparet, facere dicebatur. Sic Appius, ut in Epistolis familiaribus scriptum uidemus, olim dixit: sese, si licitū esset legem curiatam ferre, sortiturum cum collega esse prouinciam: si curiata lex non esset, separaturum, uel pacturum, uel partiturum, ut in alijs libris legitur, cum collega, Lentuloq, successurum. EGN. Si uera sunt ista, cur Cicero dolebat, ad Antonium in Macedoniam Hilarum libertum, qui iure pecunias illas exigere posset, esse profectum? COR. Quod Antonius in cogendis pecunijs dictitabat, partem Ciceroni quari, & ab eo custodem communis quaestus libertū esse missum: qua de re Cicero literis, quae sunt in libro quinto Familiarium, cum C. Antonio grauitè conqueſtus est. EGN. Vel hic homo, Pieri, nobis oculos praestringit: uel hic numus, quem paulo antè ut adulterinum reiciebamus, nūc optimus uidetur. PIE. Ita uidetur, Egnati: ut uerear, ne, quod praestigijs fieri posse credūt, hic alium, nobis non animaduertentibus, supposuerit. COR. Imaginem uidete. EGN. Quasi uerò nō possis plures eadem imagine signatos habere. PIER. Hæc mittamus, ut numeret. COR. Cicero legem Tulliam de ambitu, ut in orationibus
pro

pro Murena, & in Vatinius legimus, tulit: & prouinciam Galliam, quam ex permutatione, ut diximus, acceperat, in cōcione deposuit: & cur ita faceret, oratione, qua sexta consularis est dicta, docuit. Id ego pluribus etiam uerbis probare possim, nisi sapius in orationibus ipse testetur. Quum uerò prouinciā deposuisset, statim cogitare cœpit, quem admodum eam Q. Metello Celeri traderet. Septima fuit oratio Consularis, qua Catilinam emisit, eadem senatus, interitum urbis, non obscure, sed palam molientem: oclaua, quam habuit ad populum postridiē quā Catilina profugit: nona, in concione, quo die Allobroges indicarunt: decima in senatu, Non. Decemb. Nam tela extremo mense Consulatus intēta iugulis ciuitatis, de coniuratorū nefarijs manibus extorsit, & eādem faces iam accensas ad urbis incendium comprehendit, protulit, extinxit: quum que de rebus hisce ad senatum retulisset, senatus censuit Non. Decemb. ut de coniuratis supplicium sumeretur: quas quidem Nonas Cicero postea saepe celebrauit. PIE. Hic numus ex auro factus uidetur, quod sit ex eadem quidem uena, sed pluribus tamē locis effossum. COR. Id monetales uiderint. nos interea uobis hunc numum damus:

damus: Cicero Consul Sergij Catilinæ, Lentuliq̃,
& Cethegi, et aliorum utriusque ordinis uirorum
coniurationem singulari uirtute, constantia, uigi-
lia, curaq̃ aperuit. Catilina metu consularis impe-
ry urbe pulsus est. Lentulus Consularis, & Prætor
iterū, Cethegusq̃, & alij clari nominis uiri, auto-
re senatu, iussu Consulis, in carcere necati sunt.
PIE. Videor mihi scire, neque tamen audeo pror-
sus affirmare, me omnino scire, ubi numus iste sit
excusus. COR. Apud Paterculum, qui numis
hisce cudendis excelluit. PIE. Excelluit ille qui-
dem, sed ipsius tamen numi nunc ita sunt circun-
cisi, nemo ut eos libenter accipiat. COR. Qui nu-
mos diligenter spectant, & bene probant, eos ma-
lunt ita circūcisos, quàm quos Diodorus Siculus,
Plutarchus, Diō, Appianus, & alij Græci quàm
maximos formarūt. PIE. Quid ita? COR. Quòd
illi dum numos ueteres, probos illos quidem, & ex
optimo auro factos, sed nimis, ut ipse dicis, circunci-
sos, renouare ac reficere conantur, tātum aris ad-
miscuerunt, ut eos nemo amplius aureos esse dicat.
EGN. Nos dicimus, qui scimus à Plutarcho penè
nihil expressum, quod auro non sit etiam purius.
COR. Ita uobis uideri potest: sed mihi neque Plu-
tarchus

tarchus, neque alius quispiam Græcus, præter Polybiū, & Dionysium, satis in ea re facit. quin nullus est artifex Latinis tam malus, cuius non malim numos, quā optimi cuiusq; Græci: usque ad eō mihi uidentur Græci numi, ut sunt, adulterini.

EGN. Tu malis numos Flori, Orosy, Eutropy, Rufi, & aliorum, qui uix latine loquuntur, & dum breues esse laborant, obscuri & negligentes fiunt: quā Græcorum, qui & elegantissime Græcè scripserunt, & minima quæque diligentissime sunt persequuti? *COR. Vide, quā diligenter: sæpe, quæ nusquā gentium sunt facta, scribunt: sæpius tempora, magistratus, & magistratuum atque priuatorum nomina confundunt: sæpissime in his quæ facta sunt, more suo mentiuntur.* *EGN.*

À Latinis igitur solue. *COR. Ab utrisque potius soluam, si fuerit opus: sed quid ipse sentia, testa bor.* *EGN. Nostra refert nihil, dum numi sint probi.* *COR. Hunc probū nos esse credimus: Tum*

Q. Catulus princeps senatus, & autor publici consilij frequentissimo senatu parentem patriæ Ciceronem nominauit. *EGN. Imò M. Cato.* *COR.*

Verum dicis, si Plutarchi tui, & Appiani numos æreos, quā Ciceronis aureos mauis. *EGN.*

Nos Glauci non sumus. COR. In orationibus igitur in Pisonem, & pro Sestio, Cicero fatetur, à Q. Catulo se parentem patriæ nominatū fuisse. EGN. Quum Plutarchus & Appianus orationes illas legere potuerint, miror, cur à Cicerone tantopere dissenserint. COR. Mirarer ego quoque, nisi uiderem, quod saepe dictum est, eos in hisce rebus parum diligenter esse uersatos: quamuis hac in parte fortasse defendi possint, quod alios scriptores sint imitati, qui fortasse scripserant, hoc etiam M. Catonem dixisse, ut alij quoque dixerunt; quod ipse Cicero sic in oratione pro Sestio refert: Me Q. Catulus, me multi alij in senatu patrem patriæ nominarūt. Sed cur, dicet aliquis, Catonē potius, quàm Catulū scriptores alij posuissent? Ut in re plus ponderis inesset, si uir tantus ita uocasse diceretur. Cicero uerò solet in hisce rebus potissimum cōsulares, qualis erat Q. Catulus, nominare, quū M. Cato tum nondum Prætor fuisset. Possumus etiam sic interpretari: Catulus in senatu, sed Cato iam Tribunus plebis apud populū nominauit. PIE. Quicumque is fuerit, certe, ut ait Iuuenalis, Roma parentem, Roma patrem patriæ Ciceronem libera dixit. EGN. Et quidem primū, ut Plinius ostendit.

dit. COR. L. etiam Gellius, Ciceroni ciuicam coronā deberi à Republica dixit: senatus uerò eidem togato nō, ut multis, bene gestæ, sed ut nemini, conseruata Reip. singulari genere supplicationis Deorum immortalium templa patefecit, ut in orationibus ipse saepe testatur. EGN. Ita saepe, ut quas ille res in ore semper habebat, in his referendis tui mihi parcus esse, & summa sequi fastigia rerum, ut loquitur poeta, uidearis. COR. Cur ego complectar ea, quæ tam multi scripserunt? EGN. Ut, quod Græci scriptores non faciunt, satis ipse tibi facias. COR. At Sallustius, ceteriq; scriptores Latini, mihi satis hac in re faciunt: ne, quod est domi, foris queram. EGN. Ne sim, si te nūc, ut sentis, ita loqui puto: quando satis constat, Sallustium de Ciceronis Consulatu multa quæ scribere debuerat, tacuisse: & ceteros scriptores Latinos ita breues esse, ut, quod antea diximus, obscuri, & planè negligentes esse uideantur. COR. Liniū certè, si libri nunc, in quibus res illas scripsit, extarent, excepisses. Sed fac ceteros tales, quales dicis, esse: in Sallustio, qui primus in Romana historia dicatur esse, nescio quid ipse possis desiderare. EGN. Quod omnes desiderāt, quodq; ta-

k 2 men

men ipse sibi fuisse scripsit animū à spe, metu, par-
 tibus Reip. liberum. nam, si liber animus ab hisce
 rebus fuisset, historia legem seruasset, quæ sit, Ne
 quid falsi dicere audeat: deinde, ne quid ueri non
 audeat, ne qua suspicio gratiæ sit in scribendo, ne-
 qua similitatis. at Sallustius nihil ut fortasse falsi
 dicere sit ausus, ausus est certè multa quæ uera e-
 rant, tacere: atque id ipsum propter similitatem,
 quam cum Cicerone dicitur habuisse. COR. Id est
 culex cum elephanto, uel rana cum boue conten-
 disse: quanquam Cicero queritur in Philippicis,
 nemine uiginti annis antè Reip. hostem fuisse, qui
 non bellum eodem tempore sibi quoque indixerit:
 ut nemini mirum uideri debeat, Sallustium, qui
 sic improbus fuit, ut Lenæus Grammaticus eum
 laestaurum, & lurconem, & nebulonem, popino-
 nemq̃, & uita scriptisq̃ monstruosum uocarit, &
 Appius Censor, ut refert Dion, senatu mouerit,
 Ciceroni, qui nactus locum resecandæ libidinis, &
 coercendæ iuuentutis, uehemens saepe fuit, & o-
 mnes animi uires atque ingenij sui profudit, ini-
 micum fuisse. PIE. Tu loqueris ita, quasi de re,
 quæ sit omnium notissima, dubites. COR. Nota
 mihi quidem, quatenus Asconius affirmat, Sal-
 lustium

lustium Tribunum plebis cum suis collegis inimicissimas conciones de Milone, inuidiosas etiam de Cicerone, quòd Milonem tanto studio defenderet, habuisse: sed ignota, quatenus idem scribit, eundem Sallustium in suspitione fuisse, in gratiã cum Milone ac Cicerone rediisse. Quòd si quis dicat non esse uerisimile, Sallustium, qui, quod ex Varronis scriptis Gellius, Seruius, & Horatij interpretes referunt, in adulterio deprehensus à Milone, loris bene cæsus, et quũ pecunias dedisset, dimissus fuisset, cũ eo ita facile potuisse reconciliari: credat saltem, Ciceroni, qui uir talis & tantus erat, & nihil ei, quod sciatur, nocuerat, facile uel per Cn. Sallustium propinquum, quem Cicero semper magni fecit, reconciliatum fuisse. EGN. Credat reconciliatum, quem uideat in eum tam grauius inuectũ? COR. Ubi? EGN. In oratione, quam Sallustius in senatu contra Ciceronem dixit, cuiq; Cicero ipse respondit. COR. Egone ut Sallustij & Ciceronis orationes esse putẽ, quas mihi declamator nescio quis, nec admodum doctus, scripsisse uideatur? EGN. Tu sagax ita fuisti, ut quod antea nemo potuit indagare, id tu nunc post tam multos annos sis odoratus? COR. Quin ita uestigia sum persecutus, ut

mihi uidear iam nunc ad ipsum cubile peruenisse. Sed mihi tamen ipse tantum non tribuo, ut arbitrer, me primum fuisse, qui sim conatus hoc, quicquid est, inuestigare: quum de natu maioribus audiam, multos annis superioribus in hac sylua uenatos: & te certo scia, qui facile potes, hoc, ut omnia, quam sagacissime fieri potest, odorati fuisse. EGN. Et si tu iocaris, ut soles: ego tamen, ut uerum fatear, de orationibus illis ide semper, quod tu nunc, existimaui. sed quum uiderem Quintilianum, Diuum Hieronymum, Laurentium Vallensem, Rodolphum Agricolam, Grammaticos, & ueteres & recentes, ac alios homines eruditos nunquam dubitasse, affirmare nihil audebam. COR. Tu nimis Academicorum studiosus fuisti. sed ego, nullius, ut nunc est, addictus iurare in uerba magistri, quod tu non fecisti, nunc affirmo, illas orationes à Sallustio & Cicerone nunquam scriptas fuisse: nec me nunc autoritas Quintiliani, quem ceteri, quos tu nominasti, et quos ego possem nominare, postea sunt secuti, mouet: quod apud me parum, ne dicam nihil, sine ratione ualeat auctoritas: Quintilianus mihi uel deceptus, uel alicui declamatori amico, qui scripsisset orationes illas, assentatus esse uideatur.

deatur. Neq; enim nos, Ciceronem secuti, probamus illud, αὐτὸς ἔφα: & scimus, hominē Quintilianū, qui decipi potuit, ut ostendemus, fuisse: ac legimus uel apud Senecam, multos illis temporibus declamatores fuisse, qui pro Cicerone, et contra Ciceronem tales orationes scripserunt. Multi uerò tunc aliter, ac hodie faciant homines, sua pro alienis uenditabant: uel ut maius lucrum facerent: uel, ut in sinu, quod aiunt, gauderēt, si sua scripta probari uiderent ita, ut uel à Cicerone, uel ab alio magno uiro scripta crederentur. Quòd si uir aliquis eruditus quasi testimonium dixisset, tum uerò nemo dubitabat. Tale testimonium de duabus hisce orationibus ego puto Quintilianum, ut alicui gratificaretur, dixisse, nisi malumus eum credere, uel in inscriptione, uel aliorū opinione deceptū fuisse, ut ego superiorib. annis eodē modo sum penē deceptus. Erasmus enim Burgus, ciuis meus, uir in primis honestus, libellū mihi manuscriptū donarat, in quo sunt orationes inter alias duæ, sic inscriptæ, & scriptæ, ut nemo, nisi diligenter eas admodū legat, nō putet, alterā Ciceronē cōtra Catilinā dixisse, in altera Catilinā Ciceroni respōdisse. Ego certē sic à principio putabā: sed quū postea rē paulo diligentius

examinaſſem, & Ariſtarchus hac in parte fuiſſem, intellexi, quod omnes intelligere poſſunt, eas ab aliquo declamatore, ut Porcio Latrone, ſcriptas fuiſſe: & eo magis, quòd inter illas ipſius Porcij Latronis illa declamatio nobilis erat collocata. Accedebat dicendi genus ita ſimile, ut nemo non poſſet eas ab eodem ex eadem quaſi farina, uel cera factas iudicare. Idem propemodùm de orationibus hiſce, de quibus quaerimus, dici poſſe uideo. Ut enim mihi uidetur alicuius declamatoris, et unius & eiufdem fortasſe Latronis dictionem, ita nihil minus quàm Salluſtij uel Ciceronis genus dicendi referre, uel etiam redolere. Id eſi quiuis per ſe facile uidere poteſt, nos tamen ut errorem, in quo tam multos annos homines etiam docti ſunt uerſati, penitus tollamus, hac ipſa de re quadā pauca dicemus. Tales igitur cauſae non ſolebāt in ſenatu dici, niſi propter Rempublicam ſuſceptae fuiſſent: ut parū prudenter feciſſe uideatur is, quiſquis ille fuit, qui ſcripſit orationes illas: qui quum de Rep. nihil penè loqueretur, frequēter tamen patres conſcriptos appellarit: quū Calenus apud Dionem dicat, hac in iudicijs eſſe facienda. Nec uidit ſcriptor ille, quàm leue, quāq; turpe ſit, ex eodem ore calidum & frigidum,

frigidum, quod dicitur, efflare: & eum quem semper in historia laudaris, in senatu grauitè accusare. Nunquam Sallustius ita fuisset impudens, ut, quod M. Antonius in oratore non ferebat, historicus ipse, uel in orbis terræ sanctissimo, grauissimoq; cōsilio secum pugnare non dubitaret: nec senatus ipse fortasse, quæ fuit ordinis grauitas, cum tulisset sic aperitè mentientem. Scriptor ille Terentiam sacrilegā uocat, quam tamen ipse Sallustius uxore duxisse dicatur: quod, opinor, ille nūquam fecisset, si talem fuisse cognouisset: nec Cicero scripsisset, eam Deos piè & castè coluisse. Verū enim uero, ne coniecturas omnes hoc potissimum loco persequamur, orationis ipsius quæ Sallustij dicitur esse, uerba, non omnia quidem, quia nimis esset longum, sed aliqua tamen ipsi perpendamus. Maledicta tua, inquit, paterer. hoc ipsum, maledicta pati, nos in poetis, atque etiam in Sallustio, qui nouator uerborū dicitur à Gellio, fortasse pateremur: sed illud uix pati possemus, Respondebo tibi. Nam quo pacto respondebit, si nunc ipse prouocat, ut res ipsa sic posita loquitur, & oratio sequens ostendit, in qua sunt illa uerba: Vos, si foris offendimini, iustius huic quàm mihi succensere debetis,

qui initium introduxit? at res hæc ipsa lenis, quòd aliquid antea Cicero fortasse de Sallustio detraxerat, cui Sallustius hoc modo respondit: Sit leuis, dū sit illa grauis: ubi querar? quos implorem P. C? sic exordium, quod connexum debet esse, disrumpit: sic loquitur, & sic patres conscriptos, apud quos loquitur, offendit, ut nihil eorum quæ sunt in arte dicēdi tradita, legisse uideatur. Hæc ipsa diceret in peroratione, ubi misericordia melius solet cōmoueri. At ille poetam summum uoluit imitari, qui Sinonem sic loquentē induxit: Heu, quæ nunc telus, quæ me aquora possunt Accipere? aut quid iam misero mihi deniq; restat? Sed meminisse debebat, oratores potius quàm poetas, in scribendis orationibus imitandos esse: nec in diuersis personis rebus & locis, cantilenam semper eandem, quod aiunt, canendam. Ubi querar? inquit: quos implorem? Ego tibi dicam: in senatu queraris, ubi licet. quis enim prohibet? implores senatū, qui non modo rei tuæ, sed totius etiam Reip. custos, præses & propugnator appellatur. Age, propius ut tecū congređiar, diripi Remp. atque audacissimo cuiq; esse perfidia? quis unquam, quòd scias, ita locutus est? Nemo, quod ego sciam: nec te defendi posse uideo,
quòd

quòd hæc ipsa uerba tanto cum stomacho dicatur,
ut nemo mirari debeat, si minus latine dicta ui-
deantur: quãdo genus hoc orationis ut incitatum,
sic ab omni uitio remotum debet uideri. Apud
populũ Romanũ? uel est ὁ πρῶτος, ut Gram-
matici uocant, quamuis absurde factum: uel male
uerba iunguntur, Ubi querar? quos implorem? a-
pud populum Romanum? est enim necesse dicas:
Apud populum Romanũ querar? quum tamen
interposueris, quos implorem? Sed hoc mittamus,
& illud dicamus: Quum tu sis in senatu, queris,
an apud populum queraris: quem tamen largitio-
nibus corruptũ dicis ita, ut si uelis apud eum que-
ri, iam beneuolum non possis habere. quanquam
tu hæc ipsa dicendi præcepta contemnis, qui non
populum modo, qui abest, sed patres etiam con-
scriptos, qui certè præsentés sunt, offendis, quo-
rum dicas autoritatem turpissimo cuique, & sce-
leratissimo ludibrio esse. quasi uerò sint ita socor-
des & ignaui, ut autoritate suam sceleratissimis
hominib. esse ludibrio patiantur, qui rerũ domini
non tam uocari, quàm esse uoluerũt. apud eos ta-
mẽ, ut ais, M. Tullius leges iudiciaq. populi Roma-
ni defendit, atq. in hoc ordine ita moderatur, quasi

unus

unus reliquus ex familia uiri clarissimi Scipionis
Africani: quæ tu nūquam, si modo scires ea quæ
tradatur in arte, dixisses. Obijcis enim, quæ liben-
ter aduersarius audiat. quippe qui gloriari uerè
possit & soleat, à se non leges modo & iudicia, sed
totam etiam Remp. esse defensam: nec dubitet ali-
quando dicere, se in puppi sedisse, clauūq; tenuisse.
Tu uerò quum uel audisses, uel etiam legisses illud
in arte, Aduersarios in inuidiam trahi posse, si po-
tentiam illorum proferamus: putastite magnum
quid esse facturum, si diceres, in senatu Ciceronem
moderari: & in ea re bis ipse peccas. nam ualde se
natum, quem minimè uolebas, offendis, quem si-
gnifices ita segnem esse, ut aliquē dominari patia-
tur: & nihil Ciceronem, quem maximè cupiebas,
offendis, quem dicas moderari, hoc est, ut omnes
interpretabuntur, modum, qui rebus in omnibus
laudari solet, adhibere. Iam uerò quis non rideat,
illa tua uerba legens? repetitius, accitus, & paulo
antè insitus huic uerbi ciuis: uel, ut in alijs etiā li-
bris legitur, Reptitius ac inquilinus, & paulo antè
insitus huic urbi ciuis: quæ nec usitata sunt, nec nu-
merose cadunt. quanquam dicere potest aliquis,
Sallustium oratorium numerum non magni se-
cisse,

cisse, & uerborū nouatorem semper quidem, sed in primis tamen esse uoluisse, quū de Ciceronis nouitate loqueretur. Sanè uerò simile uero uidetur, Ciceroni Sallustiū nouitatem generis exprobrasse, aut obiecisse, qui post Ciceronem decem et octo minimū annis Amiterni natus esse dicatur. Nam si locum cum loco conferas, non uideo cur Amiternū debeat Arpino, hac in re praesertim, praeferrī: si tempus cum tempore, multo prius Cicero, quā Sallustius, Roma fuit, ut ille nouus, si cum Cicerone conferatur, debeat appellari: si ordinem cum ordine, eques uterque fuit, ut nos de Cicerone supra diximus, & de Sallustio Acro & Porphyrio testantur: uel potius Cicero fuit eques, & Sallustius iste, quem nonnulli patricium fuisse dicunt, etiam plebeius: quem Tribunum plebis Pompeio tertium Consule fuisse, uel Asconius affirmet. Sallustius igitur, cuius maiores erant ignobiles, ut in altera oratione cognoscetur, Ciceroni nouitate generis obycere iure non poterat, ut C. Antonius, & L. Catilina: qui, quod scribit Asconius, orationi quae dicta fuit in toga candida, contumeliose responderunt, quod solum poterant, in nouitatem eius inuecti. Quod si C. Antonius, & L. Catilina,
qui

qui Ciceronis æquales fuerunt, & eius mores & uitam multo melius, quàm natu minores, & posterì, nosse poterāt, prater nouitatem tamen nihil, in quod inueherentur, inuenerunt: quid tu declamator inepte, post tam multos annos ausus es comminisci, Ciceronem eloquentiā apud M. Pisonem pudicitie iactura perdidicisse? Atq; hoc quidem loco si quis mihi dicat, in declamationibus, quæ fingi solent, comminisci licere: libenter audiam, quòd mihi iam, quod cupio maximè, concedat, has esse declamationes: sin mordicus teneat, & ueras orationes esse defendat, ego contendam, non esse uerisimile, Sallustium qui prudens scriptor habetur, sic imprudenter, quòd nemo unquam Ciceroni obiecisset, ac ne suspicatus quidem fuisset, id uel in senatu dixisse, ut Calphurnios, homines nobilissimos & potentissimos, grauiter offenderet: quum tam liberè non Ciceronem magis, quàm M. Pisonem, qui uir fuit innocentissimus, accusaret. Verùm declamator iste, ut appellamus, quū fortasse aliquid eloquentie tali mercede fuisset affectus, & alios ex ingenio suo iudicaret, id ipsum commentus est, propterea quòd in Bruto legerat illa uerba: Commentabar declamans sæpe cum M. Pijone. et apud

pud. Asconiu: Fuit M. Piso iisdem temporibus,
 quibus Cicero: sed tanto atate maior, ut adolescen-
 tulum Ciceronem pater ad eum deduceret, quod
 in eo & antiqua uita similitudo, & multa erant
 litera. ex quibus quidē uerbis discere poterat iste,
 huiuscemodi suspicionem in eum cadere non po-
 tuisse. Sed quid non audeat iste, qui de Terentia
 & Tullia, fœminis sanctissimis atque optimis, &
 qua uel ipso Cicerone teste deos castissimè coluisse
 dicatur, ita turpiter obloquatur? Verum, ut opi-
 nor, splendor domesticus tibi animos tollit: uxor sa-
 crilega, ac periurijs delibuta: filia matris pellex, ti-
 bi iucundior atq; obsequentior, quàm parenti par
 est. Hæc Sallustius, ut arbitror, nūquam dixisset:
 quod uerius esset, ne Terentiam gentem, unde Te-
 rentia nata uidetur, uel Fabiam (unde fortasse po-
 tius nata est, quādo Fabia soror eius ab Asconio,
 & Fabia Teretia à Plutarcho dicitur) offenderet:
 & quod omnes existimāt, ipse quoq; turpe putas-
 set, fœminas maledictis insectari: nec aliquid dice-
 re uoluisset, quod nihil ad inimicū, uel certè parū
 pertineret. Cur enim, si peccet canis, sus, ut aiunt,
 puniatur: si uxor sacrilega sit, et periura, cur uir
 accusetur? Ego certè nō uideo, cur magnopere de-
 - beas

beat accusari, nisi quod est in prouerbio, omnibus dormisse, uel uxori etiam leno fuisse dicatur: quod Dion etiam de Cicerone scribens, suo more mentitur. etsi uidetur ille hoc, & illud uē de Tullia pelli ce, nescio quo moda hinc in suū librum trāstulisse. Nullus enim præterea scriptor antiquus hac de re, quod ego sciā, uerbū fecit. præter Donatū Grāmaticū, q, quod Seruius esse nefas putat credere, credit à poeta carmē illud de Cicerone scriptū fuisse: Hic ihalamū inuasit nata, uetitosq; hymenaos. Sed huius rei culpam declamator ille sustinet: qui, quod Ciceroni ne inimiciſſimi quidem homines unquam, quod legamus, obiecerunt, primus uidetur esse commentus: & quidem uerbis, quæ quàm latinè dicta sint, & collocata, uiri docti iudicabunt. Ego certè non memini me legere scriptorem, qui dixerit, hominem periurijs delibutum: aut ita uerba collocarit, ut ubi oratio maximè crescere debet, ibi maximè quasi decreſcat, nec ad numerum satis aptè cadat. Nam filia patri iucundior & obſequentior, quàm parenti par est: rem de qua loquitur iste, minus multo quàm, filia matris pellex, uidetur augere: & numerū talem, qualis hic est, Par est, in quo uerbū
ultimum

ultimum sit unius syllabæ, et syllaba longa longam sequatur, Probus et Fortunatianus reijciendum esse iudicarunt. Hac ipsa maiores nostri quum legerent, si consideraßent, illi profecto, quæ fuit illorum prudentia, uidißent, in hac oratione nihil esse, quod à Sallustio scriptum uideri possit. Quamuis enim Seneca dicat, eius orationes in honorem historiæ legi, quasi significet eas non admodum probari: qui tamen eas accuratè legunt, nec ignorant quid distent æra lupinis, præterquam quòd illud dicèdi genus ab hoc diuersum esse cognoscunt, facile quoque intelligunt, Sallustium, qui cetera prudenter & perite scripsit, hæc ipsa nunquam, si cum Cicerone, qui princeps erat eloquentiæ, contendere uoluisset, tam temerè & imperitè scripturum fuisse. Ille nunquam, facta ac dicta, sed dicta ac facta, ut oratio cresceret, in oratione collocasset. nec ea quæ paulo post sequuntur, ita dixisset: Domum ipsam tuam ui & rapinis funestam tibi ac tuis comparasti, uidelicet ut nos commonefacias, quàm conuersa sit Resp. quum in ea domo habitares homo flagitiosissime, quæ P. Crassi uiri consularis fuit. Hic enim quot uerba, totidem penè sunt errores. quorū primus ille numeretur: domū tuam

tibi comparasti. quis enim sua sibi comparat? aut quis ita loquitur; *Domum meam mihi comparavi?* nisi forte libeat interpretari: domū, quæ nunc est mea, mihi comparavi: uel, comparavi meam, comparando meam effeci. de quo dicēdi modo nos in *Bruto* quadam diximus. quo quidem modo poteris illud etiam interpretari: *Ui & rapinis funestam tibi cōparaſti.* Sed à te declamator ego quæram, cui funestam domū, uelis interpretari. si alijs, diceres, ut nos quoq; qui fuerint isti, sciremus: sin iungas, funestam tibi & tuis, indicares, quando domus illa *Ciceroni*, & domesticis eius funesta fuerit. nisi forte tempus exilijs significare uoluisti: quod ego ut credam, uix adduci possum, quum domus ipsa nihil in ea re *Ciceroni* nocuisse uideatur. Nec ego uideo, quo pacto domus ui & rapinis funesta *Ciceroni* dici possit, si, quod ipse significas, in eam multa, quib. diuor esset, ipse congerebat. Nec ille tam stultus fuisset, ut domū funestam sibi compararet. Ille certe nec ui nec rapinis, ut ais ipse, sed millib, numūm triginta quinque, ut scripsit ipse, si modo scripsit, uel *HS. uicies*, ut loquitur *Gellius*, ipsam domum de *Crasso* comparauit: & quod in epistolis ad *Atticum* refert, emisse bene indicatus est.

est. quamuis multi calumniati sint, eum de pecunijs, quas à P. Sylla mutuas sumpsit, esse mentitū: sed, ut ait Gellius, quum postea emisset, et hoc mendacium in senatu ei ab inimicis obijceretur, risit satis: atq; inter ridendum, ἀνοήτωντοι, inquit, homines estis, quum ignoratis, prudentis & cauti patris familiās esse, quod emere uelit, empturum esse negare propter cōpetitores emptionis. De qua Paterculus ita refert: Quum Drusus adificaret templum in palatio in eo loco, ubi est, quae quondam Ciceronis, mox Censorini fuit, nunc Statilij Sisennae est, inquit: quamuis alias etiam domos Cicero uideatur habuisse. Si N. igitur Cicero tāti domum emit, eam nec ui nec rapinis, nec ut homines commonefaceret, quā conuersa esset Resp. comparauit: sed, quod etiā suprā diximus, ut, qui uolebant, eum possent commodius cōuenire. Verūm, ut hoc tibi, quod possem negare, concedam, εἰς ὧν εἰς defendi, & hoc item latine dici, Commonefacias, quum habitares: quod ego dixissem, Commonefacias, quū habites. illud quo pacto defendes, te rationē satis idoneā, cur Cicero cōmonefaciat, quā conuersa sit Resp. reddidisse? an idonea satis illa tibi uidetur, quod in adibus P. Crassi uiri cōsularis

habitet homo, ut ipse uocas, etiam flagitiosissimus? Illud ego quidem tui dici posse scio: O domus antiqua, heu quàm dispari domino dominaris. sed non uideo tamen, cur magnum conuersæ Reip. sit indicium, quòd homo flagitiosus in ædibus uiri consularis habitet, quum sæpius ades ipsæ propter rerum commercia commutentur: & sæpe consulares improbißimi fuerunt, ne fortè tibi consularis uerbū magnum pondus habere uideatur. quod si tamen uidetur, P. Crasso uiro cōsulari M. Cicero uir consularis opponetur: nec quenquam fore credo, qui pluris illum, quàm Ciceronem faciendum putet, si res gestæ cum rebus gestis, si dignitas cum dignitate, si uir cū uiro cōferatur. Ut enim P. Crassus, M. Crassi pater, uir clarissimus, ut hic in alyis libris etiā legitur, fuerit, ut qui de Hispanis triumphasse, & Censor fuisse dicatur: scimus tamen ea quæ Cicero pro salute patriæ gessit, orbis terræ iudicio ac testimoniō, quod ad Pompeium scripsit ipse, fuisse comprobata. Nec alium P. Crassum significari posse credimus, quum Cicero se domum de M. Crasso, qui P. Crassi filius fuit, emissee fateatur. Quin ego sæpe miratus sum, cur patrē potius quàm filium, qui patre nec minus clarus, & certè ditior

ditior & potentior fuit, nominaris: & eo magis quod Plutarchus scribit, à P. Crasso filios è pœnix mixpœ nutritos fuisse: ut domus hæc ipsa, quæ certe magna fuit, non P. Crassi fuisse, sed à Marco filio, quum diuēs esset factus, emptâ fuisse uideatur. Sed attendamus, quæ sequuntur. atque quum hæc ita sint, tamen se Cicero dicit in concilio Deorum immortalium fuisse: inde missum huic urbi, ciuib^{us}q³ custodem, absque carnificis nomine, qui ciuitatis incomodum in gloriam suam ponit. Hæc ipsa quæ falsa sunt, ut ostendimus, etiamsi uera fuissent, non erant tamē talia, ut deterrere Ciceronē debuerint, quo minus hoc ipsum, quod obijcis, diceret: si modo unquā dixit, ut uerè dicere potuit illud saltem, se urbi ciuib^{us}q³ custodem fuisse, qui quod fortasse nos etiam dicemus, ipse dicere, atque adeo iurare non dubitauit: Remp. atque urbē suā unius opera saluam fuisse. Nam de concilio Deorū quod dicis, ita uidetur absurdum, ut uix dignū putem de quo loquar: quia tamen obijcis, uidetur faciendum ut tibi respōdeam, Ciceronem non fuisse tam insolentem, qui quum sciret se hominem esse, diceret se in concilio deorū fuisse. hoc ille, si à Sallustio fuisset obiectum, confutasset: ut illud de loue, quod

olim Clodius obiecit, facile confutauit. Sed, praeter te, quod ego sciam, nullus obiecit, quod ille nunquam dixit: nisi tu sic interpretaris, hoc illum dixisse, quum, quod poeta saepe faciunt, ipse quoque tunc poeta finxit in secundo Consulatū Uraniam musam secum locutam fuisse. ut mittam, quod ei Calliope quoque in tertio libro multa praescripsit: quae si tu digna putas, in quibus illū tam grauius accuses, ostendis profecto, te quid sit esse poetam, prorsus ignorare. Quintilianus certe, quae Cicero hac ipsa de re, & de Minerva dixit, si modo dixit, in carminibus eum secutum quadam Gracorum exempla, sibi permisisse testatus est. Sed illud quid est? absque carnificis nomine, affirmas tu Ciceronem dixisse, se urbi custodem, absque carnificis nomine, fuisse: qui per iudices rerū capitalium, qui certe carnifice utebantur, uiros minimū quinque confodiendos curauit? Illud igitur tu bene scriptum, & hoc latine dictum defendes: ciuicis incommodum in gloriam suam ponit. quod sequitur certe nunquam uerum esse defendes: quasi uerō nō illius cōiurationis causa fuerit Consulatus tuus, & ideo Resp. disiecta eo tempore, quo te custodē habebat. Imō, quū Fulvia de Catilinæ cōiuratione,

qua

quæ, & quo modo audierat, compluribus narra-
 uisset, ea res in primis studia hominum accendit,
 ad Consulatum mandandum M. T. Ciceroni, ut
 ait Sallustius: qui postea nunquam dixisset, quod
 ipsius uerbis, & re ipsa nullo negotio posset consu-
 tari. Quis enim nescit, alias coniurationis causas
 ab historicis referri, & ipsam cōiurationem mul-
 to antè, quàm Cicero Consul designaretur, factam
 fuisse? nec Respublica disiecta fuit eo tempore, quo Cice-
 ronem custodem habuit: sed disiecta fuisset, nisi Ci-
 ceronem custodem habuisset. Atque hic quidem ti-
 bi non magis constas, quàm ubi somnias, Cicero-
 nem post Consulatum cum Terentia uxore nescio
 quæ de Rep. consuluisse, legis Plauciæ iudicia do-
 mi fecisse, ex cōiuratis alios pecunia condemnasse.
 Quis enim non uideat, hoc loco te somnium, quod
 aiunt, narraſſe, quum quæ fieri nullo modo pote-
 rant, dixiſſi? An poterat Cicero priuatus, hoc est,
 ut tu dicis, post Consulatum domi iudicia legis Plau-
 ciæ, uel alterius exercere, atque ciues etiam condem-
 nare? Hoc ne Reges quidem feciſſet, nedum Cicero pri-
 uatus: quæ tu tamē, ut Torquatus, Regē nō uocas,
 quāuis eò respicere uidearis. Nā quod nec fortasse
 satis latine dixiſti, Ciceronē cū Terctia uxore quæ
 l 4 dam

dam de Rep. consuluisse: scilicet is erat Cicero, qui consilio mulieris indigeret. sed fac consuluisse, quid tum? an tu reprehendis hominem, qui ne mulieris quidem consilium spernat, quod Reip. prodesse possit? & sanè quidem Terentia mulier ea fuit, cuius omnino cōsilium sperni non debuit: quum Cicero ipse maritus eius uirtutem, fidem, probitatem, humanitatemq̃ tantopere cōmendat, & eam fortio-riorem quàm quemuis uirum esse testetur. quin ipse dixit, ut Plutarchus refert, se cum Terētia curas Reip. sapius, quàm Terētiam priuatas secum communicasse. Nemo tamen unquam, quod ego legerim, neque Terentiæ consilium, neque iudicia, quæ tu dicis, obiecit: ac ne illa quidem recordor quēquam dixisse, quæ tu de uillis ædificatis, & emptæ domo finxisti: nisi fortè Dīo, qui uoluit imitari Calenū, de Ciceronis diuitijs induxit aliquid mentientem. Nunc etiam tibi dabo, ut rectè dixeris, Is erat calumnia proximus: et illud ubi legeris quæram, Is domum tuam oppugnatum uenerat. Nullus enim tunc Ciceronis domum uenit oppugnatum: nec id unquam Cicero dixit, quod nunquam factū fuit. C. quidem Cornelius, & L. Vargunteius constituerant, ut ait Sallustius, sicuti saluatum

lutatum introire ad Ciceronem, ac de improhiso domi suæ imparatum confodere: sed ille quum domum suam maioribus præsidys munisset, eos exclusit, ut ipse scripsit in orationibus. ubi si legisset ista, & illud indicium toti Italia diuisum fuisse, non ita fuisset aperte metitus. Sed iam ueniamus illuc: redde rationem quantum patrimonij acceperis, quid tibi litibus accreuerit, qua ex pecunia domum paraueris, Tusculanum & Pompcianum infinito sumptu ædificaueris. Ita quæris, quasi uerò Ciceroni difficile fuerit, eam reddere, quã nos etiã tot post annis suprâ reddidimus: ex qua facile potest apparere, Ciceronem patrimonij multum (ne de litibus, quas sapientissimus quisque semper fugit, loquar) accepisse: & ex pecunia, quam diximus à P. Sylla mutuatum, domum parasse: ac uillas ex fructibus, quos uel è Terentia dote, uel ex hereditatibus capiebat, ædificasse. ne te putes argumento quod refelli non possit, usum fuisse, ut ita cõcluderet: Cicero neque patrimonium accepit, neque litibus acquisiuit, neque pecuniam habuit: ergo diuitias ex sanguine & miseris ciuium parauit, quasi uerò nõ possit aliquis etiam ditissimus fieri dote, mercatura, hereditatibus, muneribus uel amico-

rum, uel fortuna: & si quæ sunt aliæ uia, quibus homines diuites euadant, quas tu quidem omnes in argumentatione complecti debueras, ne Rhetores eam uitiosam, ut est, esse clamarent. Sed mirū ne sit, in eius scriptis argumentum esse uitiosum, qui saepe non bene latinè locutus est, & sapius etiam uitiosa uerba coniunxit. nam quis unquam ita uerba copulauit? Redde rationem, aut cui potest esse dubiū? item, Diuitias ex miseris ciuium parasti. Verū homo nouus hominū similitudinem contemnit. Particulas aut & uerū Cicero, uel alius qui latinè loqui sciret, aliter multo collocasset. & sanè particule huiusmodi loco posita, uix dici potest quā belle distinguant & illustrent orationem. Verū post Ciceronis ætatem fuerunt homines, et hodie sunt, ut quum maximè, qui res istas, ut aiunt ipsi, leues aspernentur: nec uident, orationes, quæ non huiusmodi quasi uinculis sine colligata, scopas dissolutas à doctis appellari. Tātē nos hanc orationē semper esse putauimus: & esse talem facile probaremus, si persequi cuncta uellemus. sed quadam nūc est satis indicare: qui uolet, plura deprehendet, uel omnia potius negligenter esse tractata. usq; adeo declamator iste, quid esset seruauit.

seruandū scribendis orationibus ignorauit. Ferri tamē fortasse posset, si uel historias, quæ notissima sunt, ipse nouisset. sed audite nūc, quā male quæ de M. Crasso scripta sunt, nouisse uideatur. Homo nouus, inquit, Arpinās ex M. Crassi familia, eius uirtutem imitatur, cōtemnit similitudinem hominum nobiliū, Remp. charam habet, neque terrore neque gratia commouetur. Hic si queratur, cur M. Crassum potius, quā Q. Catulū, Q. Hortensium, uel alios etiam consulares, quibuscū Cicerō rectius multo poterat conferri, posueris: respōdere fortasse possit, quōd M. Crassus ipse quoq; diuitias ex miserijs ciuiū parauit. uerū tu primū, quā bene cōiunxeris hoc ipsum, uideris. deinde quā rectē, uirtutem eius qui talia fecit, dixeris. mihi certe nemo persuaserit cetera, quæ de M. Crasso deinceps uel dicis, uel significas, eū nobiliū hominū similitudinē contēpsisse, Rēp. charā habuisse, neq; terrore neq; gratia solitū comoueri: qui nulli nō hominū generi gratificabatur, ut Pōpeio par esse posset: qui cū Pompeio & Casare Remp. perturbauit, uel potius euertit: qui nullum uerbū contra gratiā faciebat: qui cōmotus etiam terrore uideri potest aliquando, quum Cæsar ei fanū detra-

xiſſe

qui Ciceronis aequales fuerunt, & eius mores & uitam multo melius, quàm natu minores, & posterì, nosse poterāt, pràter nouitatem tamen nihil, in quod inueherentur, inuenerunt: quid tu declamator inepte, post tam multos annos ausus es comminisci, Ciceronem eloquentià apud M. Pisonem pudicitiae iactura perdidicisse? Atq; hoc quidem loco si quis mihi dicat, in declamationibus, quae fingi solent, comminisci licere: libenter audiam, quòd mihi iam, quod cupio maximè, concedat, has esse declamationes: sin mordicus teneat, & ueras orationes esse defendat, ego contendam, non esse uerisimile, Sallustium qui prudens scriptor habetur, sic imprudenter, quòd nemo unquam Ciceroni obiecisset, ac ne suspicatus quidem fuisset, id uel in senatu dixisse, ut Calphurnios, homines nobilissimos & potentissimos, grauiter offenderet: quum tam liberè non Ciceronem magis, quàm M. Pisonem, qui uir fuit innocētissimus, accusaret. Verùm declamator iste, ut appellamus, quū fortasse aliquid eloquentiae tali mercede fuisset affecutus, & alios ex ingenio suo iudicaret, id ipsum commentus est, propterea quòd in Bruto legerat illa uerba: Commentabar declamicans saepe cum M. Pijone. et apud

pud. *Asconiu*: Fuit *M. Piso* iisdem temporibus, quibus *Cicero*: sed tanto ætate maior, ut adolescentulum *Ciceronem* pater ad eum deduceret, quod in eo & antiqua uita similitudo, & multe erant literæ. ex quibus quidē uerbis discere poterat iste, huiusmodi suspensionem in eum cadere non potuisse. Sed quid non audeat iste, qui de *Terentia* & *Tullia*, fœminis sanctissimis atque optimis, & quæ uel ipso *Cicerone* teste deos castissimè coluisse dicatur, ita turpiter obloquatur? Verum, ut opinor, splendor domesticus tibi animos tollit: uxor sacrilega, ac periurijs delibuta: filia matris pellex, tibi incundior atq; obsequentior, quàm parenti par est. Hæc *Sallustius*, ut arbitror, nūquam dixisset: quod ueritus esset, ne *Terentiam* gentem, unde *Terentia* nata uidetur, uel *Fabiam* (unde fortasse potius nata est, quādo *Fabia* soror eius ab *Asconio*, & *Fabia Teretia* à *Plutarcho* dicitur) offenderet: & quod omnes existimāt, ipse quoq; turpe putasset, fœminas maledictis insectari: nec aliquid dicere uoluisset, quod nihil ad inimicū, uel certè parū pertineret. Cur enim, si peccet canis, suus, ut aiunt, puniatur: si uxor sacrilega sit, et periura, cur uir accusetur? Ego certè nō uideo, cur magnopere de-

beati

beat accusari, nisi quod est in prouerbio, omnibus dormisse, uel uxori etiam leno fuisse dicatur: quod Dion etiam de Cicerone scribens, suo more mentitur. etsi uidetur ille hoc, & illud itē de Tullia pelli ce, nescio quo moda hinc in suū librum trāstulisse. Nullus enim praterea scriptor antiquus hac de re, quod ego sciā, uerbū fecit. prater Donatū Grāmaticū, q, quod Seruius esse nefus putat credere, credit à poeta carmē illud de Cicerone scriptū fuisse: Hic thalamū inuasit nata, uetitosq; hymenæos. Sed huius rei culpam declamator ille sustinet: qui, quod Ciceroni ne inimicissimi quidem homines unquam, quod legamus, obiecerunt, primus uidetur esse commentus: & quidem uerbis, quæ quàm latinè dicta sint, & collocata, uiri docti iudicabunt. Ego certè non memini me legere scriptorem, qui dixerit, hominem periurijs delibutum: aut ita uerba collocarit, ut ubi oratio maximè crescere debet, ibi maximè quasi decre-scat, nec ad numerum satis aptè cadat. Nam filia patri iucundior & obsequentior, quàm parenti par est: rem de qua loquitur iste, minus multo quàm, filia matris pellex, uidetur augere: & numerū talem, qualis hic est, Par est, in quo uerbū
ultimum

ultimum sit unius syllabæ, et syllaba longa longam sequatur, Probus et Fortunatianus reijciendum esse iudicarunt. Hac ipsa maiores nostri quum legerent, si considerassent, illi profecto, quæ fuit illorum prudentia, uidißent, in hac oratione nihil esse, quod à Sallustio scriptum uideri possit. Quamuis enim Seneca dicat, eius orationes in honorem historiæ legi, quasi significet eas non admodum probari: qui tamen eas accuratè legunt, nec ignorant quid discent æra lupinis, præterquam quòd illud dicēdi genus ab hoc diuersum esse cognoscūt, facile quoque intelligunt, Sallustium, qui cætera prudenter & peritè scripsit, hac ipsa nunquam, si cum Cicerone, qui princeps erat eloquentiæ, contendere uoluisset, tam temerè & imperitè scripturum fuisse. Ille nunquam, facta ac dicta, sed dicta ac facta, ut oratio cresceret, in oratione collocasset. nec ea quæ paulo post sequuntur, ita dixisset: Domum ipsam tuam ui & rapinis funestam tibi ac tuis comparasti, uidelicet ut nos commones facias, quàm conuersa sit Resp. quum in ea domo habitaret homo flagitiosissime, quæ P. Craßi uiri consularis fuit. Hic enim quot uerba, totidem penè sunt errores. quorū primus ille numeretur: domū tuam

tibi comparasti. quis enim sua sibi comparat? aut quis ita loquitur; Domum meam mihi comparavi? nisi forte libeat interpretari: domū, qua nunc est mea, mihi comparavi: uel, comparavi meam, comparando meam effeci. de quo dicēdi modo nos in Bruto quadam diximus, quo quidem modo poteris illud etiam interpretari: *Ui & rapinis funestam tibi cōparasti.* Sed à te declamator ego quæram, cui funestam domū, uelis interpretari. si alijs, diceres, ut nos quoq, qui fuerint isti, sciremus: sin iungas, funestam tibi & tuis, indicares, quando domus illa Ciceroni, & domesticis eius funesta fuerit, nisi forte tempus exilij significare uoluisti: quod ego ut credam, uix adduci possum, quum domus ipsa nihil in ea re Ciceroni nocuisse uideatur. Nec ego uideo, quo pacto domus ui & rapinis funesta Ciceroni dici possit, si, quod ipse significas, in eam multa, quib. ditior esset, ipse congerebat. Nec ille tam stultus fuisset, ut domū funestam sibi compararet. Ille certe nec ui nec rapinis, ut ais ipse, sed millib, numūm triginta quinque, ut scripsit ipse, si modo scripsit, uel *hs. uicies*, ut loquitur Gellius, ipsam domum de Crasso comparauit: &, quod in epistolis ad Atticum refert, emisse bene indicatus est.

est. quamuis multi calumniati sint, eum de pecunijs, quas à P. Sylla mutuas sumpsit, esse mentitū: sed, ut ait Gellius, quum postea emisset, et hoc mendacium in senatu ei ab inimicis obijceretur, risit satis: atq; inter ridendum, ἀνοήτωντοι, inquit, homines estis, quum ignoratis, prudentis & cauti patris familiās esse, quod emere uelit, empturum esse negare propter copetitores emptionis. De qua Pa-terculus ita refert: Quum Drusus edificaret templum in palatio in eo loco, ubi est, quae quondam Ciceronis, mox Censorini fuit, nunc Statilij Sisen-
nae est, inquit: quamuis alias etiam domos Cicero uideatur habuisse. Si M. igitur Cicero tāti domum emit, eam nec ui nec rapinis, nec ut homines com-monefaceret, quā conuersa esset Resp. comparauit: sed, quod etiā suprā diximus, ut, qui uolebant, eum possent commodius cōuenire. Verūm, ut hoc tibi, quod possem negare, concedam, εἰς ὧν τόξο de-fendi, & hoc item latinè dici, Commonefacias, quum habitares: quod ego dixissem, Commonefacias, quū habites. illud quo pacto defendes, te ra-tionē satis idoneā, cur Cicero cōmonefaciat, quā conuersa sit Resp. reddidisse? an idonea satis illa ti-bi uidetur, quod in adibus P. Crassi uiri cōsularis

habitaret homo, ut ipse uocas, etiam flagitiosissimus? Illud ego quidem tum dici posse scio: O domus antiqua, heu quàm dispari domino dominaris. sed non uideo tamen, cur magnum conuersa Reip. sit indicium, quòd homo flagitiosus in aedibus uiri consularis habitet, quum saepius aedes ipsa propter rerum commercia commutentur: & saepe consulares improbiissimi fuerunt, ne forè tibi consularis uerbū magnum pondus habere uideatur. quod si tamen uidetur, P. Crasso uiro cōsulari M. Cicero uir consularis opponetur: nec quenquam fore credo, qui pluris illum, quàm Ciceronem faciendum putet, si res gestae cum rebus gestis, si dignitas cum dignitate, si uir cū uiro cōferatur. Ut enim P. Crassus, M. Crassi pater, uir clarissimus, ut hic in alijs libris etiā legitur, fuerit, ut qui de Hispanis triumphasse, & Censor fuisse dicatur: scimus tamen ea quae Cicero pro salute patriae gessit, orbis terrarū iudicio ac testimonio, quod ad Pompeium scripsit ipse, fuisse comprobata. Nec alium P. Crassum significari posse credimus, quum Cicero se domum de M. Crasso, qui P. Crassi filius fuit, emisse fateatur. Quin ego saepe miratus sum, cur patre potius quàm filium, qui patre nec minus clarus, & ceriè ditior

ditior & potentior fuit, nominaris: & eo magis quod Plutarchus scribit, à P. Crasso filios in pœnitiâ nutritos fuisse: ut domus hæc ipsa, quæ certe magna fuit, non P. Crassi fuisse, sed à Marco filio, quum diuēs esset factus, emptâ fuisse uideatur. Sed attendamus, quæ sequuntur. atque quum hæc ita sint, tamen se Cicero dicit in concilio Deorum immortalium fuisse: inde missum huic urbi, ciuib^{us}q^{ue} custodem, absque carnificis nomine, qui ciuitatis incommodum in gloriam suam ponit. Hæc ipsa quæ falsa sunt, ut ostendimus, etiamsi uera fuissent, non erant tamē talia, ut deterrere Ciceronē debuerint, quo minus hoc ipsum, quod obijcis, diceret: si modo unquā dixit, ut uerē dicere potuit illud saltem, se urbi ciuib^{us}q^{ue} custodem fuisse, qui quod fortasse nos etiam dicemus, ipse dicere, atque adeo irare non dubitauit: Remp. atque urbē suā unius opera saluam fuisse. Nam de concilio Deorū quod dicis, ita uidetur absurdum, ut uix dignū putem de quo loquar: quia tamen obijcis, uidetur faciendum ut tibi respōdeam, Ciceronem non fuisse tam insolentem, qui quum sciret se hominem esse, diceret se in concilio deorū fuisse. hoc ille, si à Sallustio fuisset obiectum, confutasset: ut illud de loue, quod

olim Clodius obiecit, facile confutauit. Sed, praeter te, quod ego sciam, nullus obiecit, quod ille nunquam dixit: nisi tu sic interpretaris, hoc illum dixisse, quum, quod poeta saepe faciunt, ipse quoque tunc poeta finxit in secundo Consulatu Uraniam musam secum locutam fuisse. ut mittam, quod ei Calliope quoque in tertio libro multa praescripsit: quae si tu digna putas, in quibus illū tam grauius accuses, ostendis profecto, te quid sit esse poetam, prorsus ignorare. Quintilianus certe, quae Cicero hac ipsa de re, & de Minerva dixit, si modo dixit, in carminibus eum secutum quadam Gracorum exempla, sibi permisisse testatus est. Sed illud quid est? absque carnificis nomine, affirmas tu Ciceronem dixisse, se urbi custodem, absque carnificis nomine, fuisse: qui per iudices rerū capitalium, qui certe carnifice utebantur, viros minimū quinque confodiendos curauit? Illud igitur tu bene scriptum, & hoc latine dictum defendes: ciuitatis incommodum in gloriam suam ponit. quod sequitur certe nunquam uerum esse defendes: quasi uerō nō illius cōiurationis causa fuerit Consulatus tuus, & ideo Resp. disiecta eo tempore, quo te custodē habebat. Imō, quū Fulvia de Catilina cōiuratione,

qua

quæ, & quo modo audierat, compluribus narra-
 uisset, ea res in primis studia hominum accendit,
 ad Consulatum mandandum M. T. Ciceroni, ut
 ait Sallustius: qui postea nunquam dixisset, quod
 ipsius uerbis, & re ipsa nullo negotio posset confu-
 tari. Quis enim nescit, alias coniurationis causas
 ab historicis referri, & ipsam cōiurationem mul-
 to antiè, quàm Cicero Consul designaretur, factam
 fuisse? nec Respublica disiecta fuit eo tempore, quo Cice-
 ronem custodem habuit: sed disiecta fuisset, nisi Ci-
 ceronem custodem habuisset. Atque hic quidem ti-
 bi non magis constas, quàm ubi somnias, Cicero-
 nem post Consulatum cum Terentia uxore nescio
 quæ de Rep. consuluisse, legis Plauciæ iudicia do-
 mi fecisse, ex cōiuratis alios pecunia condemnasse.
 Quis enim non uideat, hoc loco te somnium, quod
 aiunt, narraſſe, quum quæ fieri nullo modo pote-
 rant, dixiſſi? An poterat Cicero priuatus, hoc est,
 ut tu dicis, post Consulatu domi iudicia legis Plau-
 ciæ, uel alterius exercere, atque ciues etiam condem-
 nare? Hoc ne Reges quidē feciſſet, nedū Cicero pri-
 uatus: quē tu tamē, ut Torquatus, Regē nō uocas,
 quāuis eò respicere uidearis. Nā quod nec fortasse
 satis latinè dixiſti, Ciceronē cū Tercia uxore quæ

dam de Rep. consuluisse: scilicet is erat Cicero, qui consilio mulieris indigeret. sed fac consuluisse, quid tum? an tu reprehendis hominem, qui ne mulieris quidem consilium spernat, quod Reip. prodesse possit? & sanè quidem Terentia mulier ea fuit, cuius omnino cōsiliū sperni non debuit: quum Cicero ipse maritus eius uirtutem, fidem, probitatem, humanitatemq; tantopere cōmendat, & eam fortiores quam quemuis uirum esse testetur. quin ipse dixit, ut Plutarchus refert, se cum Terētia curas Reip. sapius, quam Terētiā priuatas secum communicasse. Nemo tamen unquam, quod ego legerim, neque Terentiæ consiliū, neque iudicia, quæ tu dicis, obiecit: ac ne illa quidem recordor quenquam dixisse, quæ tu de uillis ædificatis, & emptā domo finxisti: nisi fortè Dīo, qui uoluit imitari Calenū, de Ciceronis diuitijs induxit aliquid mentientem. Nunc etiam tibi dabo, ut rectè dixeris, Is erat calumniæ proximus: et illud ubi legeris quæram, Is domum tuam oppugnatum uenerat. Nullus enim tunc Ciceronis domum uenit oppugnatum: nec id unquam Cicero dixit, quod nunquam factū fuit. C. quidem Cornelius, & L. Vargunteius constituerant, ut ait Sallustius, sicuti saluatum

lutatum introire ad Ciceronem, ac de improviso domi suæ imparatum confodere: sed ille quum domum suam maioribus præsidys munisset, eos exclusit, ut ipse scripsit in orationibus, ubi si legisset ista, & illud indicium toti Italiæ diuisum fuisse, non ita fuisset apertè mētitus. Sed iam ueniamus illuc: redde rationem quantum patrimonij acceperis, quid tibi litibus accreuerit, qua ex pecunia domū paraueris, Tusculanum & Pompcianum infinito sumptu ædificaueris. Ita quæris, quasi uerò Ciceroni difficile fuerit, eam reddere, quā nos etiā tot post annis suprā reddidimus: ex qua facile potest apparere, Ciceronem patrimonij multum (ne de litibus, quas sapientissimus quisque semper fugit, loquar) accepisse: & ex pecunia, quam diximus à P. Sylla mutuatum, domum parasse: ac uillas ex fructibus, quos uel è Terentia dote, uel ex hereditatibus capiebat, ædificasse. ne te putes argumento quod refelli non possit, usum fuisse, ut ita cōcluderet: Cicero neque patrimonium accepit, neque litibus acquisiuit, neque pecuniam habuit: ergo diuitias ex sanguine & miseris ciuū parauit, quasi uerò nō possit aliquis etiam ditissimus fieri dote, mercatura, hereditatibus, muneribus uel amico-

seruandū scribendis orationibus ignorauit. Ferri tamē fortasse posset, si uel historias, quæ notissimæ sunt, ipse nouisset. sed audite nūc, quā male quæ de M. Crasso scripta sunt, nouisse uideatur. Homo nouus, inquit, Arpinās ex M. Crassi familia, eius uirtutem imitatur, cōtemnit similitudinem hominum nobiliū, Remp. charam habet, neque terrore neque gratia commouetur. Hic si queratur, cur M. Crassum potius, quā Q. Catulū, Q. Hortensium, uel alios etiam consulares, quibuscū Cice- ro rectius multo poterat conferri, posueris: respōde- ri fortasse possit, quōd M. Crassus ipse quoq; diui- tias ex miserijs ciuiū parauit. uerū tu primū, quā benē cōiunxeris hoc ipsum, uideris. deinde quā rectē, uirtutem eius qui talia fecit, dixeris. mihi certe nemo persuaserit cetera, quæ de M. Crasso deinceps uel dicis, uel significas, eū nobiliū hominū similitudinē contēpsisse, Rēp. charā habuissē, neq; terrore neq; gratia solitū comoueri: qui nul- li nō hominū generi gratificabatur, ut Pōpeio par- esse posset: qui cū Pompeio & Casare Remp. per- turbauit, uel potius euertit: qui nullum uerbū con- tra gratiā faciebat: qui cōmotus etiam terrore ui- deri potest aliquando, quum Cæsar ei fœnū de- tra-
xisse

xisse dicatur. quæ contra nos omnia, quamuis ea tu dissimularis, de Cicerone uerè dici posse, quum tempus erit, ostendemus: nec fuisse causam, cur tu sic inferres: Illud uerò amicitie tantum, ac uirtutis est animi? uel, ut in libris manu scriptis etiam legimus: Quid uerò amicitie tantum, ac uirtus est animi tanta? deinde sic explicares: Imò uerò homo leuissimus, supplex inimicis, amicis contumeliosus, modo harum, modo illarum partium, nemini fidus, leuissimus senator: quum tu, nihil probans, facile possis refutari. nam si uir aliquis magnus ita dicat: Cicero uir fuit constantissimus, non supplex inimicis, non amicis contumeliosus, non modo harum, modo illarum partium, sed omnibus fidus, & fortissimus senator, omnes illi quàm tibi libentius assentiatur. Nunc, quum probare quiuis possit, ut nos etià suo loco probabimus, eum talem fuisse, qualem modo descripsimus: quis declamatori credat, quicquid in buccam uenit, effutiet? Tu, si nos tibi credere uolebas ea quæ dicebas, argumentis, quæ in arte traduntur, probares: quum scire posses, quàm turpe sit ea dicere, quæ uel uno uerbo, quod est Nego, possint confutari. sed tu declamatorio genere delectatus, ea quæ nunquã facta sunt, ita temerè

merè dixisti, uel potius effudisti, ut Ciceronē, quem nos ostēdimus ex patrocínio nihil unquā mercedis accepisse, patronū mercenariū nō dubitaris appellare. His similia sunt illa, quæ uel à te nescio quis, qui de Rep. ordināda scripsit ad Casarē, uel ab illo tu mutuatus es: uel potius ipse hic, & ibi scripsisti: Nulla pars corporis à turpitudine uacat: lingua uana, manus rapacissimæ, gula immensa, pedes fugaces, quæ honestè nominari nō possunt, inhonestissima. & similis defensio: Omnis pars corporis turpitudine uacat: lingua non uana, manus non rapacissimæ, gula nō immensa, pedes nō fugaces, quæ honestè nominari nō possunt, honestissima. uel tu dicerēs, quid turpitudinis in eius corpore fuerit, quid uani lingua sit locuta, quid manus rapuerint, quid gula deuorarit, quòd pedes fugerint, cur minus honesta fuerint ea quæ honestè nominari nō possunt. Nos enim credimus, uel iam, quū dicat Quintilianus, etiā scimus, atq; alio fortasse loco probabimus, eum uirum bonum fuisse. Qui porrò uir est bonus, is turpitudinem uitat: non uana loquitur, non rapit, non helluatur, non fugit, nō habet partes quæ honestè nominari non possunt, minus honestas. & sanè Cicero turpitudines omneis semper, ut qui
maxi-

maximè, uitauit: nec uana, sed uera locutus est, ita
ut olim sic exclamare nō dubitaret: O mea frustra
semper uerissima auguria rerū futurarū. id quod
Cornelius etiam nepos affirmat. tātum uerò abest,
ut manus ille rapaces habuerit, ut M. Cato, qui
sit instar omnium, integritatis ei testimoniū dede-
rit. At ei gula fuit immensa. uoluisti fortasse dice-
re, quod nos ex Bruto suprā retulimus, ei procerū
& tenue collum fuisse. nam gulæ & gemitus, quod
aiunt, indulgisse quis eū credat? qui praecepit, tan-
tum cibi & potionis adhibendum, ut reficiantur
uires, non opprimantur: qui uoluptates huiusce-
modi semper est insectatus: qui Verri prandia &
cœnas obiecit: qui scripsit luxuriæ omni ætati esse
turpem: qui corpore nō admodum firmo fuit: qui
semper est in artium studijs, doctrinisq; uersatus:
quod qui faciūt, an luxuriose possint uiuere, qui-
uis potest iudicare. at ipse scribens ad Papiriū Pæ-
tium, se uocat edacem: uocat ille quidem, sed ioca-
tur, item se in Epicuri aduersarij sui castra conie-
cisse. Iam Ciceronis pedes cur fugaces appellasti?
an quod ille maluit urbe cedere, quā cū P. Clo-
dio pugnare? an ipse nesciebas illud, Vir fugiēs ite-
rum pugnabit? nisi tā saepe peccasses, non arbitra-
rer

rer te sic amentem fuisse, ut id illi uitio dares, quo solet ille frequenter etiam gloriari. sed quum tu nihil penè dixeris in hac præclara oratione, in quo non ualde uidearis offendisse, uereor, ne quum de pedibus fugacibus loquereris, pedes ita fugaces ipse non habueris, ut effugere offensionem potueris. nisi forte nō illum ab urbe discessum, sed aliud quid significare uoluisti, quod tamen ipse dicere debueras: ut profecto dixisses, si quid haberes huiuscemodi, in quo posses illum grauius accusare. sed quum tu nihil haberes, quod probare posses, hæc suspiciose & criminose declamatorio more dicebas: pro quibus te nunc etiam grauißimas pœnas apud inferos dare credimus, qui uiro sanctissimo nō solum turpißimè maledixeris ipse, sed etiam causa fueris, ut alij maledicerent ut: Dion, qui sic ista maledicta collegit, & te sic imitatus est, ut simia quædam fuisse uideatur. itaque, nunc ut cetera mittam, Graculus ille pedes hic fugaces quū legisset, ausus est scribere, Ciceronē fugitiuū, uel transfugā, id est αὐτὸ μολοῦ appellatū fuisse. De partib. autem, quæ honestè nominari non possunt, nihil tibi, qui nihil dicas, sed his aliquid, qui dicūt aliquid, alias fortasse respondebo: & tibi nūc illud dicam, te, qui

qui nihil horum probasses, ita dicere nō debuisse.
atque is, quum eiusmodi sit, tamen audet dicere:
O fortunatā natam me Consule Romam. nam sic
ego conuertam: quum uir sit bonus, ut diximus,
hoc audet dicere. quanquam siue sit bonus, ut nos
credimus, siue sit improbus, ut ipse putas, cur,
quod uerum sit, uel esse possit, non audeat dicere?
non enim sequitur, ut Roma fortunata esse non
possit, quia Cicero sit improbus: ut hac in parte ti-
bi cōcedam, quod semper negabo. Sed non faciam,
ut, quod patet, pluribus urgeā: nec conabor, quod
omnes historici scribūt, probare, Romam tunc ue-
rè fortunatam fuisse: tantum abest ut uerum sit,
quod iste mentitus est, crudelissimam proscription-
nem fuisse, & Ciceronem turbata Rep. metu per-
culsos omneis bonos parēre crudelitati suæ coegisse.
Nullus enim, quod ego legerim, proscriptus est: &
Ciceronem crudelem nec patria, nec natura esse
uoluit, ut ei postea iurè Cato clementia testimoniū
dederit. Nec boni Ciceronis crudelitati, quæ nulla
fuit, sed Cicero bonorum prudentia, quæ summa
fuit, paruit: quum Consul ipse nihil cōstituit, nihil
gessit, nisi ex senatus cōsilio, autoritate, sententia.
Quare Ciceronis Consulatum, præter Clodium et

Anto-

Antonius, nemo unquam vituperavit, ut in Philippicis affirmat. quod ille nunquam profecto dixisset, si prius etiam Sallustius illum vituperasset. nam post illud tempus an vituperare potuerit, ipse posterius uidero. Nunc ita quaero: an Consulatum Ciceronis omnes homines, praeter duos, coprobassent, si, quod ipse dixisti, tunc omnia iudicia, omnes leges in eius libidine fuissent, si ille, sublata lege Porcia, erepta libertate, omnium uitae necisque potestatem ad se unum reuocasset? omnes illum potius ut tyrannidem quandam vituperassent. Sed illi quum certo scirent, quod postea Sallustius & alij scriptores affirmarunt, eum totam Rempublicam conseruasse, non existimauerunt, illum partem aliquam, ut leges aliquas, & iudicia, atque etiam libertatem, sine qua nulla potest esse Respublica: sustulisse. Tu uero sic imprudens, uel potius impudens fuisti, ut, quum Sallustius ipse scripsisset, à Cicerone Respublica ex seruitute erepta fuisse: tu quasi Sallustius auderes dicere, ab eo libertatem & ciuitatem sublatam fuisse? scilicet Sallustius ita temerarius fuisset, & os ita perfricuisset, ut quod antea fuisse lucem scripserat, id postea tenebras appellaret. Ne non tamen aliquid tibi concedam, uideris quod ad legem

Porciam pertinet, recte dixisse, à Cicerone tunc eam propemodum sublatam fuisse, quum indicta causa in ciues Romanos animaduertit: quum Porcia lex, ut ait *Liuius*, graui pœna, si quis uerberasset, necasset' ue ciuem Romanum, sanciret. sed audi quid *Sallustius* ipse dicat: *Senatus decretum* fit, sicut *Cato* censuerat: censuerat autem, de confessis, sicuti de manifestis rerum capitalium, more maiorum, supplicium sumendum. quod *Cicero* sic executus est, ut eum qui uelit accusare, necesse sit ut senatũ prius accuset. Verum ut aliquid etiam de uerbis interdum dicamus, quis ex ueteribus ita locutus est: Parũ est, quod impunè fecisti, uerum etiam commemorando exprobras? Qui eleganter scripserunt, sic, opinor, dixissent: Parum est quod impunè fecisti, nisi commemorando exprobres. nec *Laurentius Vallengis*, quod sequitur, ita dixisset: Neq₃ licet obliuisci seruitutis suæ. *Donatus* uerò nec ua, nec ut in alijs libris legitur, Neq₃ licet obliuisci seruitutis tuæ. nisi seruitutem pro dominatis positam, ut apud *Teretium* facit, interpretaretur: quod seruitus ad seruum, non ad dominũ referatur. nec ego probe, si quis, ut etiã scriptũ uidimus, legat: Neque licet obliuisci uirtutis suæ. sic enim

pecca

peccares in eodē, quod Laurentius Vallensis reprehendit: & in eo quem nunc accusas, uirtutem nominares. Sunt qui legant: Neq; licet obliuisci se ueritatis suæ. nōs horum nihil, ut nunc est, probamus: ac ne illud quidem, Perfeceris quod libet. ut aliquis perfecit quod libet, quī fieri potest? perficit aliquis quod libet: perfecit, uel perfecit, quod libuit. Itaque mihi non placet, nisi legatur, ut etiam scriptū est: Perfeceris quidlibet. Possem etiam dicere, ut detur, latine dictū esse, odio aures onerare: dubitari posse, an recte dicatur, aures uerbis insectari. sed, ne uerba pro farina, quod dici solet, dare uidear, ad rem reuertor: quasi uerō togatus, & non armatus, ea quæ gloriaris, confeceris. Nisi de uersib. istis ipse Cicero L. Pisoni tam multis uerbis, & tā bene respondisset, ut omnia quæ de uersibus huiusmodi uel dicta fuerant, uel etiā dici possent, confutarit: ego tibi pluribus etiam uerbis hoc loco responderem. sed quoniam satis ille fecit, huc illa pauca uerba trāserā: Non dixi hanc togam, qua sum amictus: nec arma, scutum, & gladium unius imperatoris: sed quod pacis est insigne, & otij toga, contrā autē arma tumultus atq; belli, more poetarū locutus hoc intelligi uolui, bel-

lum ac tumultum paci atque otio concessurum. Hac antè quàm sic explicarentur, quum L. Piso minus intellexisse uideretur, eū Cicero non dubitauit asinū uocare. ego uerò te declamator, qui ne sic explicata quidem uideris intellexisse, quo nomine, nisi Ciceronem prorsus imitari placet, appellem? es quidem tu fortasse dignus eo nomine, qui, quamuis aures erexeris, nihil horum tamen intellexisti, & asinus ad lyram, ut dicitur, uerè fuisti. Sed ego non soleo quenquam maledictis, ut uos declamatores, insectari: nec cū laruis, ut aiunt, luctari. Satis habeo, quod sentiam dicere, et quicquid id sit, doctioribus iudicandum relinquere: ut hoc ipsum, de quo loquimur, existimo te non recte intellexisse, quum significasti, si non dixisti, Ciceronem potius armatū, quàm togatum, ea quæ gloriatus est, confecisse. quum satis constet, Ciceroni primū post urbem conditam togato supplicationem decretam fuisse. unde ne, quod ex oratione pro Sylla postea dicemus, hic etiam ponamus, Philippica decimaquarta sic ipse scripsit: Mihi Consuli supplicatio, nullis armis sumptis, non ob cadem hostium, sed ob conseruationem ciuium, nouo & inaudito genere decreta est. Quòd si nulla sum-

la sumpta sunt arma, togatus, non armatus fuit: nisi tu forte, quod urbem praesidijs munivit, quod amicorum praesidio tectus esse uoluit, quod thoracem, ut ait Plutarchus, induit, iccirco non togatum, sed armatum fuisse iudicasti. sed recordari debebas, & homines priuatos, & Reges huiusmodi saepe praesidijs uti, neque tamen armatos appellari. Verè armati dicuntur, & illi priuati homines, qui contra interdictum, ui, hominibus armatis ueniunt: & illi Reges, siue magistratus, qui maximos exercitus conscribunt. Quid multa? Romani, si nescis, in magnis Reip. periculis ad sagabant: sed eo tempore neque Cicero Consul, neque reliqui ciues saga sumpserunt. ergo togatus Cicero, togati reliqui ciues fuerunt: quum Romani togis, ut constat, uterentur. Ad hoc ipsum, quod decipere doctos etiam poterat, ut tibi respondi, sic illud quod sequitur de Sylla rideo, & ridenti omnes qui te uident aquam planè, quod aiunt, cum igne miscere: hoc est, ut ego nunc interpretor, hominè clementissimum cum homine crudelissimo cōparare. Idem fecit apud Sallustium Macer quidam Tribunus pl. qui Catulum Sylla longè sauiorem uocauit: sed ille, ut Tribunitiam potestatem, quam pau-

lo crudelius ipse Catulus oppugnare uidebatur, tueretur, Tribunus ipse plebis uehementius agebat: tu quid habebas, in quo Ciceronem crudelem uocare posses? Nihil, opinor, nam si quid habuisses, diceres: ut eius artem item, si potuisses, reprehenderes: sed quum tales essent, ut reprehendi non possent, illa praeclara *Εἰς ὧν ἰατρὴ* usus es: quē *Νοτίνερνα* omnis artes edocuit. tanquā hac ipse dixisset: quem tu cerē, si mentitus esset, redarguere & refellere tentasses. Quāquam tibi hac de re, & Deorum concilio paulo antē respondimus, ut iam possimus eō uenire: Italia exulem humeris suis reportauit. Non reportauit exulē bone uir, qui nunquā fuit exul, ut in oratione pro Domo satis ipse probat. & si fuit exul, cerē nō erat quū reportauit: et Italia suis humeris Ciceronem redeuntem, quamuis aliter ipse fortasse senseris, reportauit, quum redeuntem & iter facientem sustinuit. quae si tibi iocosa nimis interpretatio uidetur, placeat illa quae seria sit: Italia redeuntem comitata est. quod ipse scripsit, et tu nescio quo modo mutasti: qui putasti te magnum quid dicere, quum Ciceronem Romulum Arpinatem *Εἰς ὧν ἰατρὴ* appellasti, quem uerè poteras appellare: quum minor non si uirtus,

quā

quàm querere. parta tueri, ut ait ille poeta. & si Camillus, qui restituit, secundus Romulus est appellatus: cur Cicero, qui seruauit imperium, non poterat uerè Romulus appellari? Nihil tanto dignior eo nomine, quàm Camillus, uidetur, quanto maius eo tempore fuit imperiũ. Quin ego sepe mecum cogito, Ciceronem Romanis omnibus qui Remp. bene uel domi uel foris unquam gesserunt, meritiò posse præferri. nam ceteri partes aliquas Reip. iuuauerunt, sed eam Cicero solus uniuersam conseruauit. Accedit, quod Plinius Casarem scripsisse refert: Ciceronem omniũ triũphorũ laureã adeptũ maiore, quãto plus est ingenij Romani terminos in tantũ p̄mouisse, quàm imperij. quin idẽ Caesar in libris de Ratione latinè loquẽdi, de Cicero ne illa uerba quæ sunt in Bruto, scripsit: Ac si cogitata præclara eloqui possent, nonnulli studio et usu laborauerũt, cuius te penè principẽ copia, atq; inuentorem, bene de nomine ac dignitate populi Romani meritũ esse, existimare debemus: quam gloriã, testimoniũq; Caesaris M. Brutus multorũ triũphis anteponit. etenim quo uno uincebamur à uicta Græcia, id aut ereptum illis est, aut cegit nobis cum illis communicatum. & tu postea decla-

mator ausus es illa uerba dicere? qui egregia tua uirtute omnes Paulos, Scipiones, Fabios superasti. Sic enim loqueris, ut significes, nec in Cicerone uirtutem fuisse, nec illu cum Paulis, Scipionibus & Fabijs esse conferendum, qui uirtutibus, ut au disti, Romanos omnes etiam superauit. Sed iam tēpus est, ut interrogationi tua respōdeam. Quem tandem, inquis, locū in hac ciuitate obtines? principem. quae tibi partes Reip. placent? optimatum. quem amicum? Reip. studiosum: quem inimicum habes? qui sit hostis Reip. Cui insidias in ciuitate non fecisti ancillares? nemini. quo iure, quum de exilio tu redisti, Dyrrachio existi? iure optimo, quod senatus dederat. cur sequeris, quos tyrannos appellabas, eorū nunc potentiae faues: qui tibi antē optimates uidebantur, eosdem nunc dementes ac furiosos uocas? Multa sunt causa, quae nunc magnam partem in epistolis ad Lentulum leguntur. Vatinij causam agis? causas in epistolis ad Lentulum uidere potuisti. De Sestio male existimas? quod sit morosus, ut in epistolis ad Quintum fratrem scribitur. quanquam uirum optimum, & sui amantiſsimum uel in epistolis, quas post Caesaris cadem scripsit ad Atticū, uocat: ut appareat,

te,

te, ut soles, mentiri. Bibulum petulantissimis uerbis lœdis? ubi? laudas Cæsarem? quem maximè ordisti, ei maximè obsequeris? mirum est, hæc te dicere, qui causas in oratione de prouincijs consularibus, & in epistolis ad Lentulum & ad Atticum scriptis uidere potuisti. Aliud stans, aliud sedens de Rep. sentis? mentiris tu quidem, ut soles: sed tamen nunquam præstantibus in Rep. gubernanda uiris laudata est in una sententia perpetua permanſio. non enim semper idem dicere, sed idem semper spectare debemus: ut in epistolis ad Lentulum pluribus etiam disputatur. his maledicis, illos odisti, leuissime transfuga: neque in hac neque in illa parte fidem habes? Cato tamen ei fidei testimonium dedit. Hæc ex coniectura, & libris manu scriptis ita legimus, & paucis confutauimus, quòd uix digna putemus, quibus respõdeatur: sed si quid erit addendum, suis locis addetur. Nunc declamator, qui quamuis Sallustij personã, quasi uestem auream induisses, simia tamen, simia quum esses, uel potius asinus Cumanus, ut apparet, extitisti: uelim mihi, quemadmodum ego tibi respõdi, sic tu, si modo potes, ipse respõdeas: quando uelis, antène, an post Cæsaris mortem orationes

istas scriptas fuisse: si ante, quo pacto in istis nominatur historiae, quas ipse Sallustius iam senex post Caesaris mortem scripsit? qua ratione sic ipse Caesar accusatur, ut in eius castra sentina Reip. confluisse dicatur? ut mittam, qua paulo post adduntur. sin post, cur Tulliam & Bibulum, qui certe prius obierant, ut uiuos nominasti? imò de Cesare mihi tanquam uiuo loqui uideris. Quòd si forte uelis excusare, oratores ita loqui solere, acrius inflabo, & dicam, tantum abesse ut istas Sallustius & Cicero scripsisse dici possint, ut istae mihi ne uiuo quidem Cicerone scriptae fuisse uideantur. Id nos ita collegimus. Sallustius, dum uixit Caesar, in Rep. (quod Hircius, Appianus, et Dio ostendunt) est uersatus: & fortasse deinceps, & postea, quod ipse scribit, sibi reliquam aetatem à Rep. procul habendam decreuit: quo tempore scripsit historias iam senex, ut apparet. senex uero, Cicerone uiuo, non poterat esse, quando uix annum quadragesimum quintum Hircio & Pansa Consulibus, quibus dicitur interfectus Cicero, agebat. Historias igitur ille post Ciceronis mortem scripsit: & tamen ipse tibi sic parum costas, ut inducas Ciceronem illas nominantem: nec uides illud pugnare, Sallustium in Rep.

Rep. uersari, in senatu Ciceroni maledicere, & ei contra Ciceronem respondere in senatu, & eius historias nominare. qui iam tum, quum cœpit historias scribere, sibi reliquam ætatem à Rep. procul, ut ipse loquitur, habendū decreuisset. EGN. De Sallustio si plura dixisses, libenter audiremus. COR. In illud differo tempus, quū Zephyro, quicquid de scriptoribus & literatis hominib. uel scriptum inueni, uel cognoui, uel ipse præsens uidi, dabitur. EGN. Quod differtur, non soluitur. COR. Non aufertur tamen: quanquam potest etiam auferri, dum uobis alia ratione satisfaciam. EGN. Nō modo satisfacias: sed multum timemus, ne tu Zephyrum, cui te nescio quid daturum polliceris, uel potius minaris, expectes: & eum nactus, hinc re nondum perfectā, profugias. COR. Huic Zephyro te quoque, si Deus uolet, dabo. EGN. Tu uerò ne feceris. mēn' ut tradas proteruis in mare Creticum portare uentis? COR. Te Zephyro, inquā, qui tuam & multorum uitas uerè feret, dabo. EGN. Fortasse. potius auferet. COR. Latitum se certè uel ipso nomine pollicetur: & nos in eum uitas penè omnium, qui præsertim literarum studia coluerūt, congestimus. EGN. Caue ne
montes

montes parturiant. COR. Cauebit Deus, qui potest: nos, quod in nostra fuerit manu, præstabimus. Quod si, quod cupimus, efficere poterimus, extabit profecto liber, unde, qui literas profiteantur, scriptorum uitas petant. PIER. Rem non minus utilem, quàm laudabile feceris. COR. Tunc illi, qui Sallustium putant in historijs parçè nimis, & iniquè de Cicerone scripsisse, intelligent, eum qui, ut ait ipse, statuisset res gestas populi Romani carptim, ut quæq; memoria digna uidebantur, perscribere, uix plura de Cicerone scribere potuisse. quamuis iste nugator inde nactus occasione, præclaras orationes istas, de quibus iandudum loquimur, finxisse uideatur. PIE. At iam mouebit cornicula risum, furtiuis nudata coloribus: uel potius, qui leo uidebatur, asinus posthac esse cognoscetur: ita mihi uideris egregie leonis ei pellem detraxisse. EGN. Mihi quoque uideberis, si pilos omnes abstuleris ita, nullus ut possit ex aliquo pilo, tanquam ex ungue leonem putare. nam, quum semper antea leo sit habitus, ut nunc detracta pellic ei dicatur: multi tamen, ut fit, existimabunt, eam nescio quo modo uel ætate, uel morbo potius mutatam, quàm prorsus esse detractam: nec, ut

aures

aures longas uideant, asinum, quem leonem putarunt, esse fatebuntur. COR. Et situ me iubes, qui sit adhuc leo, condere: spero tamen me nihil in eo relicturum, unde quis eum possit amplius leonē iudicare. En igitur, qui leo, hoc est Cicero uoluit uideri, illū sic, ut audietis, expressit. Ea demum, inquit, magna tibi uoluptas est Crispe Sallusti, æqualem ac parem uerbis uitam agere: nec quicquam tam obscænum dicere, cui non ab initio pueritiæ omni genere facinoris ætas tua respōdeat, ut omnis oratio moribus cōsonet. Aut ego fallor, aut Cicero nunquam nec ita respondiisset, nec ita locus esset: sed illud potius, qualis uita, talis oratio, quod res ipsa postulabat, attulisset: id' que uerbis si non pluribus, at ornatioribus, & magis etiam proprijs expressisset. An unquam Cicero dixisset: æqualem ac parem uerbis uitam agere? aut illud, neque quicquam obscænum dicere, cui non ab initio pueritiæ omni genere facinoris ætas tua respōdeat? aut illud item, ut omnis oratio moribus cōsonet? non dixisset profecto: ut quiuis, qui sit in eius scriptis uersatus, facile poterit iudicare. Nec illa ratio quæ sequitur, mihi digna Ciceronis prudentia uidetur: Neque enim, qui ita uiuit, ut tu,
aliter

aliter ac tu loqui potest: neque eius qui tam illoto sermone utitur, uita honestior est. Imò qui ita uiuit ut tu, aliter ac tu loqui potest: & eius qui illoto sermone utitur, interdum uita est honestior. Nam quo pacto clament poetæ, *Lasciua est nobis pagina, uita proba*: nisi quis, ut bene loqui, et male uiuere, sic bene uiuere, et male loqui possit? Multi certe semper fuerunt, & hodie sunt, ut quàm maximè, qui quamuis honestè minus loquantur, honestissimè tamen uiuunt: & contrà multi, qui simulat Curios, & Bacchanalia uiuunt. An uerò sermo uel lotus horum, uel illotus illorum rectè dicatur, iudicet eruditi. nos certè non credimus, Ciceronem, qui docuit translationem uerecundam esse debere, ea quæ uerecunda non uideatur, usurum fuisse, nec principiū tale facturum: Quò me uertam patres conscripti? unde initium sumam? Paucis ego tibi dicā: si Deos salutas, te uertas dextrouersum, ut ait Plautus, cēseo: et si rem sacram facis, ab ipso *Lare*, quod aiunt, incipias. Verū sine ioco: si Sallustius, ut diximus, ita nunquam fuisset exorsus: id multo minus Cicero, qui nunquā fecit, & contrariū faciendū præcepit, fecisset, nisi uoluisset aduersario par pro pari, quod aiunt, re
ferre:

ferre: id est, quod credi non debet, simul cū eo peccare. sed declamator iste cupressum, quod unū sciebat, uoluit simulare. Hac ipsa quæ sunt artis, ut in eo qui quæ in arte setūc exercebat, eius præcepta uel in primis tenere debebat, ualde sunt reprehendenda: ita, quæ ad elocutionē pertinent, sunt ei forsasse condonanda. Natus enim uidetur, quo tempore male latinè loquebatur: Quæ res ut homini uitio uerti non debeat, plurimū tamē ualet ad probandū quod uolumus, huius orationis, in qua tā multa nō inculcē solū, sed etiā inquinatē dicuntur, autōrē non fuisse Ciceronē, qui omnīū elegātissimē semper est locutus. Id etsi quīuis, q̄ tritas aures habeat notandis Ciceronis locutionib. intelligere potest: quia tamē adhuc nemo uidetur intellexisse, nemq̄ certe, q̄ sciamus, indicauit: nos ipsi qui Ciceronis, ut q̄ maximē, sumus studiosi, ita nūc indicabimus: neq̄ tamē omnia quæ dici possent, ne logū faciamus, sed, quæ dicēda uidebūtur, ut inuenimus, hoc sermone coplectemur. nec uolumus præstare ea quæ nos indicabimus, ita semp, ut nos dicemus, sed frequentius à Cicerone dicta fuisse, & à nobis qui Ciceronem imitari uolumus, esse dicenda: ut si dicā, Ciceronem solere factū, non actū, quum
de ui.

de uita, istum, non hunc, quum de aduersario loquitur, dicere: non negabo tamē, ipsum prorsus aliter unquam locutum fuisse, sed quod ille frequenter fecit, affirmabo. Solet igitur Cicero, *Meū factum*, non *meum actū*, *istum Clodium*, non *hunc Clodiū*, dicere: iste uerò declamator dixit, *De mea uita* atque *actibus* huic conuicatori respondero: nec sciuit, quod etiam Grammatici sciunt, hunc ad eum qui loquitur, & istū ad eum de quo quis cum altero loquitur, si modo sit illi uicinior, interdum etiam per contempionem referri. Sed excusari fortasse posset, quòd uel excidisset, uel ita fuisset à librarijs descriptum, nisi in tota oratione penè semper ita fuisset locutus. Nihil dico de uerborum tali cōpositione, *Mea uita* atque *actibus*, in qua sunt uocalium concursiones: quæ, ut Rhetores docent, & apparet, uastam atq; hiantem reddunt orationem. habet tamen, ut Cicero scribit, ille tanquam hiatus concursu uocaliū molle quiddam, & quod indicet non ingratam negligentiam. Quare, ut hanc isti negligentiam condonem, nunquam certè condonabo, recte hoc loco dictum esse: Inuidiam gloria consequatur. Cur enim Cicero, quod optare debet, uereatur, ne si de rebus suis dicat,

cat, inuidiam gloria cōsequatur? Ego uerò, si spe-
rem fore, ut, si de me dicam, inuidiam gloria con-
sequatur, non cessem quotidie de me prædicare:
sed contrà uerear, ne, quod fieri solet, inuidia glo-
riam consequatur: quòd gloriæ, ut ait Cicero, ma-
ximè soleat inuideri. Itaq; nunc, ut istū hac in par-
te defendamus, libros ueteres libèter sequimur,
in quibus ita scriptum uidimus: Inuidia gloriam
consequatur. Scimus quidem non deesse, qui, con-
sequatur, adipiscatur, & acquirat, interpreten-
tur: sed non uident illi, ut dicimus res bonas conse-
qui, ita malas res cōsequi, hoc modo rarò, uel nun-
quam potius apud bonos scriptores inueniri. Nos
item credimus, homines illius ætatis, uel poetas
potius, quàm ueteres oratores, ita locutos fuisse: hu-
ius facta, mores, omnem ætatem nudauero. nec
uidemus ueteres ipsos sæpe dixisse, in uitium pro-
cacitatis incidere: uel, initium procacitatis incide-
re: uel, initium introducere: nisi forte cuius rei id
esset initium, demonstrassent. Hæc ipsa Cicero, quæ
fuit hominis in dicendo diligentia, nec, ut opinor,
dixisset: nec, quæ fuit eiusdem prudentia, illud in
principio posuisset, Pro me minimo fastidio respon-
deam. nam dici posset, Ergo cū aliquo fastidio re-

n spondebis:

spondebis: quod quàm fugiendum sit ijs qui uolũt dicere, Rhetores, dum tradunt praecepta cõcilian- di auditoris, ostendunt. nemo certè libenter audit eum, qui cũ fastidio loquatur: nec eum, qui men- tiatur, quod à principio se facturum sit pollicitus. ut iste propemodum facit, dum uerba dicit illa: In hunc minimè mentitus esse uidear. perinde ac si dicat, Mentiar quidẽ, sed ita, ut in hunc minimè mẽtitus esse uidear: uel, In alios quidem mentiar, sed in hunc minimè mentitus uidebor. quãquam, mentiri in aliquem, non sæpe dictum uidemus. Nunc uideamus, quàm turpiter in limine, quod aiunt, iste declamator offēdat: Scio, inquit, me pa- tres conscripti in respōdendo non habere magnam expectationem. primũ quid est, habere expecta- tionem? opinor, idem quod expectare: uel ut dem, quod fortasse possim negare, expectari. At iste bo- nus orator neutrum uoluit significare. nihil enim erat, quod ille expectaret: nec erat, cur ipse, qui præsens erat, expectaretur. sed uolebat ostendere, tertium quiddam expectari solere, quod sciret à se non magnopere tũc expectari. quod quàm latine, quamq̃ prudenter etiam sit dictum, doctiores iudicabunt, qui sciunt, nec ueteres ita loqui solitos fuisse:

fuisse: & artis esse præceptū, ut in principijs expectatio non minuatur, sed concitetur. Videbunt item, an, quum yvixūs, in respondendo, dixerit: rationem, quæ statim sequitur, ad Sallustium recte retulisse uideatur. Dicerem etiam non ualde mihi probari, crimen in Sallustium audituros: nisi, crimē Sallustij audituros, in libris manuscriptis legissem. Sed semper, ut uerum fatear, ego dubitavi, an illud, criminibus aures calet, recte dicatur: contrā uerò nunquam dubitavi, quin, ponere rudimentum, sit ex figuris, quas affirmat Quintilianus suo tempore mutatas fuisse. Ut enim scriptores qui post Augustum fuerunt, ita sæpe uidemus dixisse: sic ex ueteribus, qui sit ita locutus, non ita facile proferre possemus. Idem de uerbo præterire, pro superare posito, dicā: nisi uideā Varronem, qui fuit omnium doctissimus, ita posuisse. quāquam Cicero locutionē Varronis, qui genus Hægesiae laudabat, nō uidetur probasse. Sed hoc bene dixerit: rationē certē, quæ paulo post sequitur, nemo, nisi fallor ego, bene collectam esse defendet: Non enim præcitate lingua, uitæ sordes eluuntur. Tu declamator ita ratiocinaris, quasi dixeris antè Sallustium quæ fuisse sordes eluere: q, quod ais, nihil aliud sta-

deat, nisi ut lutulentus sus, cum quouis uolutari.
at qui student hoc modo uolutari, nec laborant
ut sordes eluantur: nec, si minus id fiat, opinione
falluntur. nisi forte qui student ita uolutari, id a-
gunt, ut alios oblinant, & ipsi quasi purgentur.
quod si placet, ratio quidem sequetur: sed quod
antè positum est, male cōcludet: Itaque nihil aliud
studet. quod ita propemodum concludit: Sallustius
ipse uult esse sceleratus ita, ut neque ab alio uinci
possit, neque ipse se omnino praterire. Itaque nihil
aliud studet, nisi ut lutulentus sus, cū quouis uolu-
tari. Hec tamen ipsa, quoquo modo dicta sint, in-
telliguntur. sed uerborum quæ sequuntur, inanis
mihi sonitus, nulla subiecta sententia uidetur, qua-
lis in libris oratorijs appellatur: Sed est quadam
calumnia, quam unuquisque nostrūm testante a-
nimo suo fert, de eo qui falsum crimen bonis obie-
ctat. Ut enim mittam, quæri posse, an hoc modo,
ferre calumniā, latine dicatur: neque sententiam,
quam probes, habet: neque cum superioribus, aut
sequentibus, bene coniunguntur. Sic enim collocan-
tur, ut neque cum his, neque cum illis copulari
posse uideantur: ut si hæc oratio fluctuās & diso-
luta non sit, ego planè non uideam, quæ oratio flu-
ctuans

*Et uans & dissoluta debeat appellari. Quàm male superiora cohærescant, intelliget, qui scit quibus uerbis oratio cōnectatur. nos sequentia considerare-
mus: Quòd si uita istius memoriam uicerit, illam patres conscripti non ex oratione, sed suis ex moribus spectare debebitis. hæc ipsa quum à superioribus, ut diximus, nullo modo pendere possint, ego multo antè collocassem. etsi, ubicunque ponantur, haud sanè multū splendoris asferre possunt: quum parum, uel nihil potius habeant ornatus: quem tamen habere potuissent, si declamator ea uel sciuisset, uel studuisset ornare. nam si, memoriam meam, & ex oratione mea, dixisset, multum lucis attulisset. Sed hæc contempsit, & ita nulla fuit memoria, ut mirum nō sit, si timuit, ne Sallustij uita illā uinceret: si modò uita cuiuspiam alterius memoriam uincere dicatur. Ipse quidem quū dixit, istius, non est recordatus, se prius huic, huius, & hunc dixisse: nisi forte putauit nihil interesse, utro modo diceretur. ut nihil item putauit interesse, siue, suis ex moribus, siue, eius ex moribus, hoc loco diceretur. Quam quidem locutionem nec Laurentius Vallensis emendare, nec Gulielmus Budæus defendere, conati fuissent: si, quod*

nunc ipsi facimus, illi quoque, quum possent, noluisse etiam odorari, & tandem iudicare, Ciceronem nugas huiusmodi nunquam scripsisse: quod ille qui in scribendo tantum industria ponebat, non putasset esse suum, committere, ut in scribendo negligens fuisse uideretur. An Cicero tam negligens fuisset, & immemor, ut ad ea quæ ne aduersarius quidem dixisset, ipse responderet, ut iste declamator respondet: &, quod aduersarius non fecit, affirmat eum omnium maiores ad unum exemplum & regulam quasiuisse: ac Metellos, quos ne nominauit quidem, protulisse? Sed quid isti facias homini, qui non solum dicendi præcepta neglexit, sed latinè loquendi sic etiam fuit imperitus, ut mihi uideatur etiã quæ traduntur à Grammaticis ignorasse: quum dicere sit ausus, Metelli fuerunt aut opinionis, aut gloria. quod et si Laurentius Vallensis posse dici contendit, mihi tamen ille nunquam, nisi probet exemplis, persuadebit, ex ueteribus aliquem ita locutum fuisse: non magis, quàm si uelit affirmare illud rectè dictum uideri, Cur non æquè de nobis existimetur, cuius & res gestæ illustres, et uita integerrimè acta? quauis apud poetas, nobis præsentē, nos eques, eodē penē modo

modo dictū legamus. Sed iste quū uellet orator haberi, debebat oratorū more cū loqui: tū his quæ dixerat aduersarius, confutatis, ea quæ dicebat, ipse grauissimis argumentis cōfirmare. quorū neu trū facit iste: qui neq. ut orator, ut sæpe diximus, loquitur: neq. quæ dicit ipse, probat. ut hoc ipso loco, Vita integerrimè acta? at hoc aduersarius negarat, neq. tamen iste quicquā dixit, quo uel crimen dilueret, uel actā integerrimè uitā probaret. Quid multa? nihil refellit, nihil probat, nihil facit eorū quæ sunt facienda: ut me iam pigeat hæc ipsa, quæ possunt omnibus esse nota, scrutari. postquā tamē cœpimus, pergamus adhuc quedā quæ restāt examinare. ut illud: Nonnullos iam tuæ turpitudinis pigeret. illos, uel omnes Cicero dixisset. cur enim nonnullos, non omnes turpitudinis pigeret, si omnes illi uiri boni fuerunt? Illa tamen multis argutè dicta uideri solent, Ego meis maioribus uirtute mea praluxi, ut si prius noti nō fuerint, à me accipiant initium memoriæ suæ: tu tuis uitæ, quam turpiter egisti, magnas offudisti tenebras, ut etiam si fuerint egregij ciues, certè uenerint in obliuionem. Nos ea quæ dicuntur ita, ut (quod ait Cicero) contraria contrarijs opponantur, pul-

chrè quidem dici cōfitemur: sed in hisce uidemus
nescio quid, quod aures offendat: Ut maiorib. uir-
tute pralucere. quod qua ratione fieri possit, nos,
ut ingenuè fateamur, ignoramus: quum praluce-
re sit, antiè lucem, non pōst ferre: & maiores poste-
ris, non posteri maiorib. praluceant: si modò, quod
nunquam uidimus, alteri alteris pralucere dican-
tur. Offendit etiā, uenire in obliuionem, quòd o-
bliuisci potius, quàm cōteri obliuione soleat signi-
ficare. quanquam res ipsa magis hoc loco, quàm lo-
cutio mouet: quòd maiores eorum qui turpiter ui-
uunt, in obliuionem non soleant, ut ita loquar ipse
quoque, uenire: quum dicere soleamus, parentes
ab improbis filijs laudari. Quare mihi uidetur I-
phicrates multo prudētius dixisse: Mēū quidem
genus à me incipit, sed tuum in te desinit. quod iste
dictum quum mutaretur, ita mutauit, ut uix a-
gnoscas. ab aliquo poeta uidetur etiam mutuatus,
Antiquos obiectare uiros: &, Maiorū opinione
niti. quæ mihi neque latinitatem, neq. elegantiam
redolere uideantur. Iam, ne dicam, non debuisse
dicere, ne arroganter dicere uideretur, se cum ijs
qui uiuerent, esse conferendum: ad eam compre-
hensionem uenio, quæ sic incipit. Sed si fuerim. cu

ius ea uidetur esse sentētia: Si talis fuiſſem, quate
tu me deſcripſiſti, multos tui ſimiles necandos cu-
raſſem. ut à contrario quaſi argumentetur, ſe ta-
lem non fuiſſe, quum multos non curarit necan-
dos. ſed omnia ſic in ea ſunt perturbata, ut neque
uerborum tempora bene coniungat, et modo cum
patribus conſcriptis, modo cum aduerſario loqua-
tur, atque id ipſum non admodum latine, ut po-
ſtea dicemus: ſed prius ipſam comprehenſionem ſic
ex libris etiam manuſcriptis deſcribendam iudi-
camus. Sed ſi fuiſſem aut in honoribus petendis ni-
mis ambitioſus (non hanc dico popularem ambitio-
nem, cuius me participem eſſe confiteor: ſed illam
perniciouſam contra leges, cuius primos ordines Sal-
luſtius duxit) aut in gerendis magiſtratibus, aut in
uindicandis maleficijs tam ſeuerus, aut in tuenda
Rep. tam uigilans, quam tu proſcriptionē uocas:
credo, non omnes tui ſimiles incolumes in hac ur-
be uiuiſſent. In qua quidem comprehenſione ſi le-
gas à principio, Si fuerim, ut in omnib. penè libris
legitur, uerborum tempora non reſpondeant: nec
prudēs eſſet autor, ſi ſe principem ambitionis etiā
popularis appellaret. qui uerò bene latine ſciret,
ducere primos ambitionis ordines, nunquam, niſi

fallor ipse, dixisset. Ad illud autē quod ultimo loco dicitur, Nō omnes tui similes incolumes in hac urbe uixissent, respondēri posset: Ne omnes quidē uixerunt, quandoquidem quinq; minimum sunt interfecti. & ad illud quod sequitur, hoc modo, Unā cum illis adnumeratus es? si cū scelestis ciuib. Sallustius nō est adnumeratus, scelestus non fuit: sin cum illis qui sunt interfecti, uolumus interpretari, dicet aliquis, illos non ita poni, ut hoc modo possint referri, nisi per scelestos ciues, eos qui sunt interfecti, iste uoluit significare: quos tu scelestos, ut hic etiam legitur, frequentius appellari uidebis. Atq; hic, ne tōgior sim, prater eo multa, & illuc uenio: Hæc ut noua atque inusitata mirari solent, quasi prater Ciceronem, nemo tunc esset eruditus ita, ut Sallustius in Cicerone hæc ut noua atq; inusitata posset mirari. Hoc Cicero cauisset, nec iam senex in oratione sperare pro timere, ut iste, posuisset: quamuis in oratione pro Sex. Roscio posuisse uideatur. Iste uerò posuit in hisce uerbis, quæ sic in ueteribus etiam libris leguntur: Non enim me sperasti mutuam tibi gratiā relaturū, ut uicissim tuas appellare. Unus enim satis es mehercule:

cule: nec quicquā domi tuæ turpius est, quā tu.
Et sanè puto fore, ut omnes probent, tuas potius,
quā tuos, legēdū: ut pro mulierib. mulieres repo-
nat: nec reiciat, Unus enim satis es mehercule:
quāuis in omnib. penè libris legatur, Unus enim
satis es materia habēs. Dixit iste paulopost, Expe-
riri fortunam, pro eo quod est ærumnam & peri-
culū subire, & dolorem perpeti, ut ipse Cicero hac
de re loquēs dicere solet: sed an recte dixerit, esto
iudiciū doctorum, qui sciūt, quid sit fortunam ex-
periri. quanquam tota comprehensio suspecta mi-
hi uidetur, quod in ea Unus pro unū poni, & Ue
particula quæ sequatur quā, desiderari uidea-
tur, & quod in alijs libris aliter etiā legatur. ut,
Utilius duxi fortunam unius experiri, quā uni
uerso populo Romano ciuilis eſsem diſſenſionis cau-
sa. Legitur etiā paulo post, Debacchatus, nō per-
bacchatus: retrahente, nō trahēte: & quod pluris
est faciendū, Animo meo semper equidē, non ani-
mo meo quidē superet: quorū neutrum mihi placet,
nec tamē habeo quid reponā. certē, dies mihi ani-
mo meo superet, ego nō dixissem: nec illud, semper
iustas omnium amicitias existimaui. nā dici possit: e-
tiā ne improborū? Nec defendi potest, quod Homi-
num,

num, ut libri ueteres habent, scripserit: quoniam ratio, quæ sequitur, postulat, ut Omnium legatur. Ancillatus autem uerbum nunquam Ciceronianum, sed uetus etiam nimis, & e culina petatum semper iudicavi. Nec illud unquam probavi, Multi priuatorum audacias nutriuere. Quamuis enim Clodius & alij, priuatorum audacias nutriuere, semper tamen existimaui, hic legendum esse, priuatorum audacias timuerunt. quod in alijs libris scribatur, Priuatorum audacia interierunt. & quod paulo post opponitur, ita propemodum requirat: Ego nihil timui, nisi leges. ut sit, multi timuerunt audacias priuatorum, ego nihil timui nisi leges. nisi forte placet alios libros sequi, & ita legere: Ego nihil curavi, nisi leges. ut dicat: multi nutriuere, & quasi curauerunt audacias priuatorum: ego nihil curavi, nisi leges. et si debebat iste pluribus etiam uerbis hæc omnia confirmare: Timuit fortasse, ne si plura dixisset, offenderet: sed, si ob eam causam tacuit, incidit in Scyllam, cupiens uitare Charybdin. Offendit enim, quum probauit nihil, & illud dixit: Multi ex uobis potentia freti: in uos suis uiribus abusi sunt. nam si presentes sunt, eos offendit: sin absunt, quo modo ex uobis sunt?

Scio

Scio quidem posse nos, ex uobis, id est ex uestro ordine, interpretari: sed tamen Cicero, minus ut offenderet, ex uobis, et in nos dixisset. Illud autem non dixisset: Vatinio reo patrociniū pollicitus sum. quoniam Vatinio reo patrociniū non est pollicitus, sed Vatinium reum rogatus à Casare defendit, & laudauit, ut ad P. Lentulum scripsit. nec Cicero Sestij insolentiam repressit: sed eum, quamuis esset morosus, defendit: & semper postea, uel Casare dictatore, magni fecit, ut in epistolis ad Q. fratrem, & Familiaribus ostendit: nec, ut ante diximus, Bibuli patientiam, uel, ut hic etiā legitur, potentiam culpauit: & Caesaris uirtutibus fauit, ut est saepe testatus: neque tamen unquam laudes huiusmodi unicis appellauit. quin ego nescio, an aliquis ueterum laudes unicis dixerit, & ita sic locutus, Non mea uitia culpabūtur. cur enim non culpētur uitia, siue tua sint, siue aliena? nec rerū testimonia illo modo fortasse dicuntur, quo modo sunt ab isto dicta, qui solæcisimum non uidit, uel neglexit, in ea complexione quæ sic incipit: Nunc ut ad te reuertar. qui tamen facile tolli possit, si ex ueteribus libris ita legatur, Nunc ad te reuertor Sallusti, patremq. tuum prætereo. Sed hoc tolli nō potest,

potest, quin illa locutio poetica uideatur: Impudicus & procax adoleueris. Quae deinceps sequuntur, ea mihi uidentur indigna quae uir bonus audiat: tantum abest, ut ea mihi Cicero, uir talis & tantus, etiā, si Dys placet, in senatu dixisse uideatur. Ille uerō nunquam dixit: sed declamator iste sic ea finxit, ut saepe se utriusq; orationis autorem fuisse suo sono, quasi sorex, indicarit. Quippe quā & in hac & illa non easdem modo locutiones, sed eadem etiam uerba eodem modo frequenter usurpet (quod animaduertet, qui uolet diligenter considerare, ut nos hac animaduertimus) in hac immensam gulam uocat: &, quae alteri facere collibuisse: eodē modo dicit, quo prius in illa dixerat: ut haec orationes eodem quasi onno natae uideantur, sed onno, quod mali corui fuerit: qui quāuis antea luscinijs etiā praeferretur, posthac tamē per nos in suo nido pullos excludet: nec nobis erit molestus, qui uoces huiuscemodi non libenter audimus, Pro herede gesserit omnia. quae uerba, quamuis olim corui dicantur imperatores latinē salutasse, iste tamen non uidetur latinē protulisse. nam quid est, gerere pro herede omnia? opinor, omnia causa heredis gerere. ut apud Ciceronem, omnia pro altero susci-

suscipere. Cicero igitur hoc loco dixisset, In omni-
 bus se pro hærede gesserit: ut, se pro ciue gerere, di-
 xit. Quid quod ait, aduersariu de P. Crassi domo
 quassisse, quod non quassuit: sed affirmauit, in ea
 Ciceronem habitare? quum ipse, inquit, respondere
 nõ queat, quis in ipsius habitet paterna domo. an
 usque adeo factus erat immemor, ut ne emptoris
 quidem nomen recordari, uel dicere saltẽ posset
 in ea emptorem habitare? Sed iste, dum uoluit ri-
 dere & iocari, uerè ridiculus fuit, quòd ad iocan-
 dum ineptus fuisse uideatur, qui in permissione,
 uel εἰρωνείᾳ, quo genere cõtrarium prorsus osten-
 dimus, affirmet: & quidem uerbo, hercule, quo
 ueteres in iurando frequenter uti solebãt. sed non
 ita frequenter, & fortasse nunquam, atatis tyro-
 cinium, quo modo dixit iste, dicebant: quamuis,
 qui post Augustũ fuerunt, eo dicẽdi modo sapius
 utantur. Nec ueteres, ut arbitror, ita dixissent,
 Abijt in sodalitiũ sacrilegi Nigidiani. quãquam
 semper ego suspicatus sum, ea uerba prorsus esse
 mendosa, non tã quòd latina minus esse uideãtur,
 quàm quòd in uetere libro sic etiã legãtur: Abijt
 in sacrilegi nigidiã. qua nõ ita facile possint expli-
 cari, nisi legãtur ita, Abijt in sacrilegi inuidiam:
 uel

uel historia, quæ nunc latet, inueniatur. Tunc enim res intelligatur: & sciri possit etiam, cur Salustius bis ad iudicis subsellia attractus, extrema fortuna stetit dicatur. quæ uerba mihi uidentur esse durius dicta, quàm quæ Ciceronis esse possint uideri: qui non solet dicere, extrema fortuna stare. et hic, ad iudicum subsellia, diceret: quum plures essent, et paulo post etiam iudices appellentur. Fateor quidē in ueteri libro legi, ad iuris subsellia: sed an legatur recte, nihil ego decerno. nec statuo, utro modo melius paulo post legatur, iudices errasse, an iudices peierasse: quum utrunque defendi posse uideatur. Nec ego nunc id ago, ut has orationes emendem: sed ut, quod à principio sum pollicitus, ostendam, eas ab aliquo declamatore fictas fuisse. Quis tamen prohibet, me quasi aliud agentem, si quid occurrat quod mendosum uideatur, emendare: atque etiam, si forte sit opus, interpretari? prohibeat autem? imò studiosissimus quisque cupit, ut qui literas profitentur, in eam rem potissimum incumbant, ut libros quàm accuratissimè fieri possit, emendent: quod nos & aliàs sæpe, nec fortasse sine Deo, fecimus: & posthac semper, ut quum maximè, si quid occurreret, ubi sit opus, faciemus.

ciemus. ut hic: Primum honorem in Quæstura adeptus, hunc locum & ordinem despectus, cuius aditus sibi quoq; sordidissimo homini patuisset. quorum quidem uerborum quæ sit sententia, non uideamus: nisi treis libros ueteres, non illos quidem bene, sed ita tamen scriptos, ut si minus in singulis, in omnibus certè ueteris scripturæ uestigia uideantur, secuti, legamus: Primum honore in Quæstura adeptus, secutus est hunc locum, & hunc ordinem despectum, cuius aditus sibi quoque sordidissimo homini patuisset. & ea fuerit sententia: Sallustius Quæstor factus, in senatum cœpit uenire: qui uel ob id despectus dici potest, quod homini tam scelerato patuerit. & ita respondebit ad id quod aduersarius dixerat: Patrum conscriptorum auctoritas turpissimo cuique, & sceleratissimo, ludibrio est. Nec dissimulabo, in alio libro legi: Primum honorem in Quæstura adeptus, hunc locum, & huic ordini despectus, cuius aditus sibi quoq; sordidissimo homini patuisset. Sed Laurentius Vallensis nec in hisce uerbis, sibi, nec paulo post, eius, ita posuisset: nec ego, clā uos essent, in oratione dixissem. quanquam, clam nobis essent, & clam nobis fierent, in ueteribus libris etiam scriptum legamus.

Item quod hoc modo sequitur, Quum omnib. matribus familiarum opprobrio esset: in isdem libris ita legimus, Quū omnibus matrum familiarū uiris opprobrio esset: uel ita, Quum omnib. matrū, filiarum uiris opprobrio esset: uel ita, Quū omnibus matribus familiās uestris opprobrio esset. Verū quoquo modo nos ipsi legamus, iste declamator offendit, qui matres familiās omnes ut infames appellet. nec excusari potest, quod ita uellet Sallustij crimen augere: quum semper opera sit danda, nihil ut dicamus, quod eos qui audiunt, offendat. ut hoc offendit, quum senatorū, qui nunc audiūt, uxores, quæ certē matres familiās erant & ipse, ut impudicæ uocantur. quanquā declamator iste mētitur: siquidem Sallustius in libertinas, non in matronas, ut ait Horatius, insanibat. nisi fortē libet fateri, quod etiam suprā retulimus, eū in adulterio deprehensum fuisse. quod siue postea sit in senatu, ut hic dicitur, confessus: siue Censores, ut alij scribunt, obiecerint: non erat tamen, cur ea res hāsce tragœdias excitaret. Erat tamē res illa digna, cuius Sallustium puderet: sed ille ne patrum quidem conscriptorū ora erubuit, ut iste suo quodāmore loquitur. qui quū in altera oratione dixisset, Egeris,

geris, oro te Cicero, perfeceris quidlibet: satis est perpeffos esse. ut se prorsus eundem esse ostederet, in hac ita dixit: Vixeris, ut libet, Sallusti, egeris quæ uolueris, satis sit unum te tuorū scelerū confcium esse. quæ quidem uerba sunt ita similia, ut nemo qui sit eruditus, ea non ab eodem scripta cognoscat. Quñ uerò Sallustius adulteriū palam confiteatur, ijs qui suas uxores non ita custodissent, ut ipse non posset adulterare, langorem quodammodo & soporem uidebatur exprobrare: quod iste tamen, ut intelligeretur, debuit etiam plurib. uerbis explicare. Leuia sint hæc, quæ dicemus: ecquod, & quod, uel, & quo modo, uobis audicētibz adulterium, uobis adulteriū: per me, pro me, elogiū, eloquium, in librū, quos sæpe dico, legi. & cetera quidem uidemus utroq; modo posse defendi, sed eloquium reijciendum, & elogium prorsus esse retinendum. quo quidem nos App. Claudium, & L. Pijonem Censores usos fuisse credimus, quñ Sallustiū, ut scribit Dion, senatu mouerūt: sed illud, quisque eorum, dicere dubitarem, ne Grammatici, ut solent, nos male locutos esse clamarent. Nunc unum dicam, quod tribus modis legitur, & legi potest: eluere non possit, eluere non posset,

elucere non posses. quæ uerò deinceps ita sequuntur:
 Neque post illum delectum senatus unquam te uidi-
 dimus, nisi fortè in ea te castra coniecisti, quò om-
 nis sentina Reip. confluxerat: nos ex ueteribus li-
 bris ita legenda iudicamus, Neque post illud deli-
 ctum sanatum te unquam uidimus, nisi fortè,
 quum in ea te castra coniecisti, quò omnis sentina
 Reip. confluxerat. ut sit ἔργον αἰῶνος, quum sanatus
 dici non possit, qui se in Caesaris castra coniecit: ut
 Sallustius, & omnes penè qui tunc senatu moti
 sunt, ut Dion refert, se cōiecerunt: quos postea Cæ-
 sar in urbem secum uictores, ut constar, adduxit.
 unde sequitur, Et idem uictores, qui exules, redu-
 xit: hoc est, Caesar uictores reduxit, qui exules etiā
 reduxit. ut uerbū repetatur illud, Reduxit. nisi
 fortè placeat ex duob. libris, in quorū altero Ad-
 duxit, in altero Reduxit scribitur; ita legere: Et
 idem uictores, qui exules reduxit, adduxit. ut de-
 clamator annominatione sit usus, sed librarij po-
 stea malè descripserint, arbitrati alterū uerbum
 superuacaneū. sic etiam legitur: Et eosdem uicto-
 res, quos exules, adduxit. & sic item: Et idem ui-
 ctor, qui exules reduxit. sed hæc uerba tamen ut-
 cunque intelliguntur, illa paulo sunt obscuriora:

In senatum post Quæsturam est reductus. nam si Quæsturâ significat, quam suprâ nominauit, quis est honor, quem Sallustius ita gessit, ut nihil in eo non uenale habuerit? sin alteram Quæsturam uoluit significare, quo pacto post Quæsturam, dixit? ego certè non uideo: nisi dicas, post Quæsturam, secundû Quæsturâ: hoc est, Quæstor iterum factus, in senatû reductus est. ut rectè paulo post bis Quæstor factus fuisse dicatur: quòd q̄ senatu moti fuissent, in senatum redire non poterant, nisi ad primos honorum gradus redissent. ut de P. Lentulo Sura Plutarchus & Dion scribunt: quanquam de Prætura loquuntur illi. & Dion etiam de Sallustio loquens, scribit, eum $\sigma\epsilon\alpha\tau\eta\gamma\omicron\upsilon\pi$ à Cesare designatum fuisse, ut in senatum posset uenire. & sanè Cesare tertium & Lepido Consulibus, Sallustius, ut scribit Hircius, in Africa Prætor fuit: ut Q. Caleno & P. Uatinio Consulibus in urbe Prætor fuisse uideatur. quod si uerum est, Cesare & Seruilio Consulib. designatus fuerit necesse est, quo anno Caesar eû potuit reducere: quû superiore anno senatu motus fuisset. sed ita Quæstura & Prætura miscetur, & sic Aedilitas, quæ solebat Quæsturâ sequi, tacetur, ut hæc ipsa mihi tûc nō minus

quàm tota Resp. perturbata fuisse uideantur. ob
id iste declamator, qui fuit ætatis paulo inferioris,
ita ut hæc ipsa scire potuerit, debuit, quod hoc lo-
co dicebat, apertius explicare: sed ita loquebatur
interdū, ut non modo res ipsas non explicaret, sed
sæpe ne uerbis quidem, quod requiritur, daret. ut
quū dixit: Neq. aliter uexauit, quid uexauit? hoc
enim magis iste dicere debuit, quàm debuit aliquis
aliquid uexare, quod iste fortasse sine exemplo di-
xit. qui ne illud quidem mihi facile probaret, præ
de loco magistratum acceperat: uel, ut in alijs li-
bris legitur, cepisset: & illud multo minus, unus
iam ex illo grege uidebatur. imò, si se cum illis si-
militudine uitæ coniunxerat, nō unus ex illo gre-
ge uidebatur, sed erat: & erat ita, ut eius partis,
quod tua ratio docet, exemplar esset: eius inquam
partis, quò tanquam in unam uoraginem cætus,
ut ais, omnium uitiorū exceperat. quod qui durè
dictum putant, legunt illi, cætus hominum uitio-
sorum. sed uix ita quoq., quod durū est in ea com-
prehensione, mollitur. Nihil tamē est illo durius,
quicquid impudicorum fuit in urbe, sicut in fretis,
subsederant, nulla in parte castris apti. quamuis
enim Grāmatici fortasse doceant, ita posse dici: ego
tamen

tamen ipse contendo, poetam nullum, nedum oratorem, ita dicturum fuisse. Quis enim dicat, Quicquid impudicorum apti fuit, & subsederant? ne dicam, cydonum, uerbum indignum quod Ciceronianū censeatur: & orationem nimis ab impudicis ad debitores descendere: quamuis in alijs libris uerbum illud omittatur, & ab alijs, perditorum, non debitorum, legatur: & neminem scire, quid ea uerba significant, sicut in fretis subsederant, nisi declamator ad id quod in oratione p Sestio scribitur, respexit: Alter olim, ne Scyllao illo aris alieni in freto ad columnā adhæresceret, in Tribunatus portum perfugerat, ut significet hosce quoque tūc ere alieno oppressos, in huiusmodi fretis subsedisse. multo minus intelligitur, quod in alijs libris legitur: sicut in pharetris subsederāt. nos quidē scimus, quod dicitur, Bonus ē pharetra dies: sed an eò respexerit, prorsus ignoramus. scimus item, qui sint homines nominis perditī, ac notissimī: sed nescimus, an alijs scriptores ita sint locuti, quū homines notissimī nominis etiā boni dicantur. hoc certē quidē possumus affirmare, Ciceronē nominis perditissimī ac notissimī potius, quā nominis perditī ac notissimī, dicturū fuisse. Sed res etiā pōdere-

mus. Prætor, inquit, est factus. Prætor ille quidē est factus, & Prætor etiam profectus in Africā, sed ibi postea Proconsul à Cæsare fuit relictus, ut Hircius scribit: nisi uelimus, quod alibi quoq; diximus, interdum Prætotem Proconsule uocari. sed neq; hostes socij, neq; bellū pax, neq; regio inferior interior uocatur. Sallustius enim ad Numidas tūc hostes, non socios, ad bellum, non ad pacem profectus est: nec Africam interiōrē, sed Numidiam, quæ pars inferior ab ipso Sallustio uocatur, obtinuit, ut Hircius & Dion & Appianus affirmant. & Dion idē, quod pertinet ad Sallustium, refert, eum prouinciam Cæsaris etiam permissu spoliasse. quæ res facit, ut arbuſer istum uerē scripsisse: Unde tamen hic exhausit, quantum potuit aut fide nominum traiçi, aut in naues contrudi. in quib. uerbis illud, Fide nominum traiçi, uidimus scriptum in ueterib. libris, Fide hominū traiçi. quod iste dixit, ut ostenderet, se scire quid sit pecunia traiecticia, de qua Iurisconsulti multa scripserunt. sed quum addidit, Tantum inquam, P. C. exhausit quantum uoluit: ostendit, se nescire quid accusatores facere soleant, qui non facta modò, sed cupiditates etiam, quæ nunquam satientur, accusant.

At

At Sallustius, inquit iste, tantum exhausit, quantum uoluit. Sallustius igitur uir tēperans fuit: qui quāuis multa rapuisset, postquam tamen tantum exhausit, quantum uoluit, aliquando tandem cupiditatem restinxit. sed uerba quae paulo antè dicta sunt, repugnant: Tantum exhausit, quantum potuit. ergo, si potuisset, etiā plus exhausisset: quod ostendit, eum non tantum, quantum uoluit, exhausisse. At in ueteribus libris, dixerit quispiam, legitur, Quantū ualuit. legitur sanè, et paulo post: Falsum est, palàm refelle: Et, domū redimere potueris, quae nobis omnia maximè placent, placet item mihi ex iisdē libris legere potius, Somnio beatus, quàm somno beatus (ut ad prouerbiū, somnio beatus, respiciatur) uillam Tiburi, quàm, uillam Tiburti: neq. pudit querere, quàm, neque piguit querere. sed illa ratio minus placet, nā quis te faceret heredem? quòd sit illi similis, quam nos in altera oratione confutauimus: quòd aliae sint uiae, quib. homines diuites fieri possint. Iā uerò, par tui, quod nos ipsi nō diceremus, et hercule, quod in Epouia dici negauimus, ut hoc loco mittamus, illa uerba paulo accuratius examināda proponamus: Egregia facta maiorū tuorū te extollunt, quorū

sive tu similis es, sive illi tui, nihil ad omnium scelus ac nequitiam addi potest. scilicet Cicero, qui fuit antiquitatis peritissimus, de Sallustij maiorib. dubitasset: ut in hac oratione duobus locis, hic & supra dubitatur, ubi sunt illa uerba, Etiam si fuerint egregij ciues. hic dubitatur, an illi Sallustij, an Sallustius illorum similis fuerit: quod ostendit, istum de clamatorem, quales Sallustij maiores fuissent, ignorasse. quod Cicero minus ignorabat: sed sciebat ille, boni ne uiri, an improbi, clari ne, an obscuri fuissent: & si uiri boni & clari fuissent, de illis nihil, ubi convinci posset, esset mentitus: sin improbi, aut obscuri, aut etiam noui, nec Sallustius Ciceroni hac eadem obiecisset, & Cicero uehementius respondisset. Sed iste prudens declamator, quum de maioribus Sallustij nihil accepisset, ueritus, ne si quid de illis affirmasset, forte refelleretur, hac dubitatione sibi cauere uoluit: neq. tamen cavit, quin peccarit, quum Sallustium Ciceroni obijcientem nouitatem fecit, quum de maiorib. Sallustij nihil haberet ipse quod predicaret. Itaq. complexio sequens, ita facile potest conuertere: Maiorum meorum sive similis sum, sive illi mei, multum ad omnium scelus ac nequitiam addi potest. Quid enim dicat aduersarius, nisi probet maiores

iores illos ita sceleratos fuisse, ut si quis illorū similis fuerit, nihil ad omnium scelus ac nequitiam addi possit? sed ne subtilius hanc rem persequar, mitto cetera quæ dici possent. spero enim fore, ut omnes intelligāt, quā parū iste sibi constet, et quā male cōplexionem concludat. Quod paulo post sequitur, nos ex ueterib. libris ita legendū putamus: Tu Crispe Sallusti idem putas esse, bis senatore, & bis Quaestorem fieri, quod bis Consulare, & bis triūphalem. quanquam non reijcimus, C. Sallusti, quādo C. Sallustius Crispus dicebatur ita, ut in eius librorum inscriptionibus hoc ordine sit utendum. quāuis à scriptorib. usu quodā Crispus Sallustius, ut Balbus Cornelius, appelletur. sed quod hic uidemus positum, bis Consulare, non satis bene positum credimus: quando qui semel Consul fuisset, semper erat Consularis, ita ut bis Consularis fieri non posset. Quare, nisi Consulem scripsit, male scripsisse propè iudicamus. Placet illa sententia, quæ sic incipit, Carere debet: uel ut in alyis libris etiam scribitur, carere decet. placet igitur sententia, sed nescio quo modo uidetur atatem Seneca mihi redolere. quæ res facit, ut etiā minus mirer, istū, quod sequitur, ita scripsisse: Maledicit, qui

non potest uerum ab altero audire: hoc est, ut ego interpretor, is uerè & iurè potest alyis maledicere, qui uir ita bonus est, ut nullum crimen de se uerū possit audire. quod iste significat potius, quàm dicit: si modo dicit, quod uix intelligitur, & ita confutari potest. imò sæpe maledicunt, tam qui non possunt falsum, quàm qui non possunt uerum audire: atq; adeò sæpius illi, quàm ij maledicūt. quin si recte uolumus interpretari, qui falsum non possunt audire, id est mali, uerè maledicūt: quoniā, qualis est hominū uita, talis est, ut aiūt, oratio. sed ætas, in qua natus iste uidetur, hæc, ut diximus, & illa quæ sequūtur, etiam ferebat: Tu omnium mensarum assecla, omnium cubiculorum in ætate pellex, & idē postea adulter, omnis ordinis turpitude es, et ciuilis belli memoria: quæ nec Cicero, nec alius ex ueteribus, opinor, unquam dixisset. Nam ueteres, assecclas hominum, qui uadūt, non mensarum, quæ non eunt, dicebāt: quod homines alios homines assectentur, & quod Grammatici ueteres etiam dicunt, asint, & omnib. iussis dominorum præsto sint. quæ descriptio nō potest assecclis mensarum conuenire. multo uerò minus puero pellicis descriptio conuenit, quā Sex. Pompeius

ita

ita ponit: *Antiqui eam propriè pellicē nomina-*
bant, quæ uxorem habenti nubebat: sed nunc, in-
quit idem, pellices appellantur, alienis succumben-
tes non solum fœmina, sed etiam mares. Non igitur
Ciceronis ætate, sed multis pòst annis ita uoca-
ri cœperūt, quum iam dicerent, ut Iuuenalis, Nu-
bit amicus. Atque ut cætera demus, nunquam
certè cubiculorū pellicem dici posse concedemus:
quum pellex ne ad uiros quidem, sed ad uxores re-
feratur. Iam nunc, ut iste dicendi, sic ego quæren-
di finem faciam, quum dixero, in uerbis quæ reli-
qua sunt, in ueteribus libris ita legi: In hoc ordine
uidemus. Amicū tibi efficere non potes, non quæ
Sallustius meritò debeat audire: quamuis in libris
qui sunt descripti, paulo aliter legatur. Hæc dixi:
nec dixi tamen omnia quæ dici poterant, quod &
plura sunt quàm quæ possint ita facile dici: & ali-
quid uolui restare, quod alij dicāt: nec omnia quæ
dixi, sic accipi uolo, quasi sint ex oraculo Apolli-
nis Pythij profecta: mihi satis est indicare quod cu-
piebam, quodq; fuëram pollicitus, orationes hæc
Sallustij & Ciceronis non esse censendas: quod ea
quæ dixi, si minus singula, omnia certè simul, ut
arbitror, ostendunt: ut intelliget, qui fuerit recor-
datus,

datus, non in eo loco, non ab ijs personis, nō iſſe de rebus, nō iſſe uerbis, non illis temporibus, non iſſe ſententijs has orationes haberi potuiſſe. Quòd ſi forſè logius quàm par fuerat, à propoſito uidemur eſſe digreſſi, res ipſa nos excuſat, quam perſuadere uolebamus, non iccirco Salluſtium de Ciceronis Conſulatu parcè ſcripſiſſe, quòd inimicitias cū eo geſſiſſet. Id uerò probare non poteramus, niſi prius opinionem quæ de orationibus hiſce uetus erat, ex animis hominum prorsus euelleremus: quod ſine multis uerbis fieri non poterat. quin ne à propoſito quidem digreſſi ſumus: ſiquidem nobis erat propoſitum, ut de Ciceronis uita diceremus: et hac omnia penè quæ diximus, uidemus ad eius uitam pertinere. Nam multa quæ Ciceroni ſolent quidam, uel ex orationibus hiſce ſumentes, obijcere, conati ſumus confutare: & ut ſperamus, etiã confutauimus: & multa quæ laudi dantur, etiam nos uoluimus, quantū fuit in nobis, approbare. Unum ueremur, ne multi moleſtè ſerant, nos, quod omnes ante hunc diem ratum ſemper habuerūt, auſos eſſe reſcindere: & exiſtiment Camerinã, quod aiunt, mouiſſe, ac nos etiã uel ob id maledictis inſectetur. quāquam res ea nos in primis cōſolatur,
quòd

quòd speramus, eos qui rem probabūt, in nostram
sententiam sic ut nos etiam laudent esse uēcturos.
eos uerò qui quæ diximus improbabunt, in alia
quidem omnia prorsus ituros: sed tamen & nos er
rare potuisse, & uenia dignos esse, quòd prodesse
uoluimus, esse dicturos. Nam scire iam possunt o
mnes qui literas profitentur, quod saepe scriptis e
tiam testati sumus, nos id agere, nos omnia tenta
re, nos laborare, ne frustra nati, sed aliquid utili
tatis hominibus qui literas discunt, attulisse uidea
mur. Sed ad rem tandem reuertamur. iam con
stat, ut puto, Sallustium neq; tales inimicitias, qua
les antea suspicati sunt homines, cū Cicerone ges
sisse: neq; de rebus illius dedita opera a parçe nimis,
ut omnes penè credunt, scripsisse: sed quum res ge
stas populi Romani carptim, ut statuerat, perscri
beret, in Ciceronis quoque rebus institutum suum
seruasse: præsertim quum de Ciceronis Consulatu
tam multa iam ab ipso Cicerone, ab Attico, à Lu
ceio, & alijs etiam fortasse scripta legisset. P I E.
Hic fiscus iam plenus est: ita multos uno tempore,
uel potius uno quasi spiritu, numos effudisti.
C O R. Quando uobis ego numos ita multos, ut eos
fiscus uix capere possit, solui: melius est, ut me iam,
quo

quo citius hinc solua, uos ipsi soluatis. EGN. Quia tu, quantum debes, & pollicitus es, solueris. tum te, quo citius hinc soluas, etiam libenter soluemus. COR. Solui tantum, quantum ne uos quidem expectasse uidemini, qui fiscum minorem, quam qui pecuniam, quam soluam, totam capere possit, parastis. EGN. Nos tantum, quantum debes, expectabamus, & fiscos multos & magnos etiam parauimus: quos utinam tu omnes hodie uelles, aut etiam posses implere. COR. Poteras optare, ut ego *Medas* fierem: neque tamen postea fiscos omnes, si multi sunt, & magni, potuissem, quemadmodum dicis, implere. Verum tu fiscos istos alia uia curabis implendos: & ego numos tantum, quos mecum tuli, quosque sum pollicitus, dabo. quod ut commodius facere possimus, ad ordinem, quem *Plutarchus* est secutus, reuertemur: ut si quid ille praeter ea quae diximus, de *Ciceronis* Consulatu scripsit, id nos etiam referamus. EGN. Ille de *Catili*na multa, quae uidebantur ad *Ciceronis* Consulatum pertinere, scripsit: quae tu non retulisti. COR. Nec opus fuit, ut dicebamus, referre: nec uos, ut uidemus, adulterinos numos accipitis. EGN. Iuuat tamen interdum spectare. COR. Hunc igitur spectate.

Elate. *L. Catilina*, præter alia magna scelera, quorum iam pridem culpam sustinebat, male etiam audiebat, quòd cum filia uirgine concubisset, & fratrem suum necasset: propter quod, quum iudicium timeret, *Sylla* persuasit, ut inter proscriptos, eum tanquam adhuc uiuū referret. *EGN.* *Apa* ge te cum isto numo, qui nō modo sit adulterinus, sed etiam ferreus, ita ut nullū talem *Lacedæmonios* unquam spectasse credamus. *COR.* Audite saltem, quo pacto sit factus. Dicitur, inquit *Asconius*, *Catilina* adulterium commisisse cum ea quæ ei postea socrus fuit, & ex eo stupro duxisse uxorem, quum filia eius esset. Hæc *Luceius* quoque *Catilina* obicit in orationibus, quas in eum scripsit. Nomina harum mulierum nondum inueni. Nec ipsi nos illius fratris, quem *Catilina* necauit, nomen, aut historiam potuimus inuenire: nec multum laborauimus, quum quod ad institutum nostrum non ualde pertinet, libenter, percurramus. ut illud: Improbi cives igitur illum ducem delegerunt, & quum modis alijs inter se fœdera sanxissent, hominis etiam mactati carnes degustarunt. quod *Sallustius* antè scripserat ita: Fuere ea tempestare, qui dicerent, *Catilinam* oratione habita,

quū ad iusiurandum populares sceleris sui addiceret, humani corporis sanguinē uino permixtū in pateris circūtulisse: inde, quū post execrationē degustaſſent, ſicuti in ſolemnib. ſacris fieri cōſueuit, dicitur aperuiſſe conſiliū ſuum. Is conſulatū quū peteret, ἐξέπεισε, ut Plutarchus ait: qui ſcribit, eum bis in petitione Conſulatus repulſam tuliſſe. quod Liuius etiam, ceteriq. ſcriptores affirmant. Nam primū L. Caſare, C. Figulo Conſulibus, cū M. Cicerone & C. Antonio: deinde, M. Cicerone, C. Antonio Conſulibus, cū M. Curia et Silano petēs, repulſam tulit: ut ex orationib. pro M. Curia, & pro Calio cognoscimus. Quū uerò peteret, diſſoluta terramotibus, fulminib. et monſtris portendere uidebātur, ut Plutarchus oſtendit. quod in oratione tertia in Catilinā Cicero deſcribit ita: Ut illa omittā, uiſas ita nocturno tēpore faces, ardorēq. cæli, ut fulminum iactus, ut terramotus, ceteraq. quæ ita nobis Conſulib. facta ſunt, ut hæc quæ nūc ſiunt, canere Diſſ immortales uiderētur, hoc certē nō eſt prætermittendum. Hæc Cicero uerſib. in ſecundo Conſulatu pluribus uerbis eſt cōplexus, ut libro primo de Diuinatione uidere licet. ne, quæ Iulius Obſequens hæc de re ſcripſit, hoc loco reſeramus.

mus. Post hac sic, ut nos interpretamur, addit: *Hominū indicia erant quidem uera. sed ad hominem nobilem & potentem conuincendum nondum satis idonea. Quare Cicero quū diem comitiorum distulisset, in senatum Catilinam uocatum, de rebus quæ dicebatur, interrogauit. Ille uerò, qui putaret in senatu multos rerum nouarū cupidos esse, & se simul conspiratis uellet uenditare, Ciceroni molli quadam simulatione respondit: Quid, inquit, ego graue facio, si, quum duo sint corpora, alterum quidem debile & infirmum, sed caput habens: alterum uerò, caput quidem non habens, sed firmum & magnū, huic ipse caput impono? Hoc totum Sallustius et Leonardus Arretinus omittūt, uel certè non ita bene complectuntur: quod mirari possimus, quum Cicero sic in oratione pro Murræna comprehendat: *His reb. auditis, meministis fieri S. C. referente me, ne postero die comitia haberentur, ut de his rebus in senatu agere possemus. Itaque postridiè frequenti senatu Catilinam excitauit, atque eum de his rebus inssi, si quid uellet, quæ ad me allata essent, dicere. atque ille, ut semper fuit apertissimus, nō se purgauit, sed indicauit, atq; innuit. Tum enim dixit, duo corpora esse**

Reip. unū debile, infirmo capite: alterum firmū, sine capite: huic, quum ita de se meritum esset, caput. se uiuo, non defuturum. Quæ deinceps à Plutarcho de Ciceronis timore, præsidio & armis, de bonorum & iuuentutis studio, de secunda Catilinæ repulsa, de Murrana & Silano Consulibus designatis, & de ueste Ciceronis ita scissa, ut apparent arma, ut à Cicerone sumpta, dicuntur, à Dione quoque referuntur: sed à Sallustio cæterisq; scriptoribus partim tacentur, partim significantur potius quàm scribuntur. De literis ad M. Crassum de nocte missis, Plutarchus & Dion consentiunt: sed Plutarchus à se ipse uidetur dissentire, quum in uita Ciceronis, epistolam quæ sit ad Crassum missa, uocet ὁ δὲ ἑωτοῦτοῦ: in Crassi uerò uita, Ciceronis orationem quandam nominans, à Catilina missam fuisse testetur: quum tamen in uita Ciceronis ostendat, Catilinam tum, quum Crasso literæ sunt redditæ, Romæ fuisse. Sed utut ea res habeat, sunt q̄ putent, hinc inimicitias inter Crassum & Ciceronem natas fuisse: uel ex eo, quòd Sallustius de quodam Tarquinio refert, qui diceret se missum à M. Crasso, ut Catilinæ nunciaret, ne eum Lentulus & Cethegus, alijs que de coniuratione

tionē deprehēsi terrerēt. Sallustius enim Crasum postea prædicantem audiuit, tantam illam contumeliā sibi à Cicerone paratam. Quod si uerum fuit, accirco Ciceronem fecisse credimus, ut hac ratione Crasum terreret, ne Catilinam tueretur. Quanquam prius etiam uidentur inimici fuisse, quum sic Asconius dicat: Eius quoque coniurationis, quæ Cotta & Torquato consulibus, ante annum quàm hac dicerentur facta est à Catilinā & Pisone, arguit M. Crasum autorem fuisse. Eum certè Cicero Prætor in Pompeiana, laude perstrinxerat: ut ipse libro primo ad Atticum testatur. Literis igitur quæ Crasso & alijs redditæ fuerant, & rebus quæ de Manlio nunciabatur, motus senatus decreuit, ut darent operam Consules, ne quid Resp. detrimēti caperet. Post hoc senatus consultum Cicero res extra urbem positas Q. Metello Celeri commisit, & ipse res urbanas administrauit, ut Plutarchus ostendit, ipsum Cicero nē (nisi fallor) imitatus, qui sic in epistolis ad ipsum Metellum scripsit: Illud adiunxi, mihi tecum ita dispersitum officium fuisse in Reip. salute retinenda, ut ego urbem à domesticis insidijs, & ab intestino scelere, tu Italiam & ab armatis hostib. &

ab occulta cōiuratione defenderes. Ubi tamen Cicerorem sic auget, ut historicus eum nō debuerit in ea re prorsus imitari, præsertim quum dicat in orationibus ita: Q. Metellus, quem ego, prospiciēs hoc, in agrum Gallicanum, Picenumq³ præmisi, aut opprimeret hominem: aut omnes eius motus, conatusq³ prohibebit. quod & Sallustius affirmat. Illud etiam Plutarchus post hoc S. C. scribit, quod nos ita uertimus: Catilina Marcio, Cethegoq³ mādauit, ut gladius acceptis, ad ianuā Ciceronis, tanquā salutaturi, manē uenirent, & irruentes eum necarent. Eam rem Sallustius, ut ante S. C. tentatam, describit ita: C. Cornelius eques Romanus operam suam pollicitus, & cum eo L. Vargunteius senator, constituere ea nocte paulo post cum armatis hominibus, sicuti salutatum introire ad Ciceronem, ac de improviso domi suæ imparatū cōfodere. De tempore Dion cum Plutarcho, Græcus cum Græco, quā cū Sallustio, uel potius cum Cicerone, qui scribit idem, maluit consentire: sed de nominibus nihil dixit, quod ea uidebat esse diuersa. Nam quamuis interpretes apud Plutarchum, nescio quid secuti, C. Cornelium, Marcūq³ Cethegū uerterint: ipse tamen Marcū Cethegūq³

uocat eos, quos Cornelium Vargunteiumq; Sallustius appellat. quanquam Sallustius ipse quoque, uocās alterum senatorem, uidetur ab ipso Cicero-
ne dissentire, qui sic in oratione prima contra Ca-
tilinam dixit: Reperti sunt duo equites Romani,
qui te ista cura liberarēt, & sese illa ipsa nocte pau-
lo ante lucem me in meo lectulo interfectorum polli-
cerentur. Nisi dicamus, Vargunteium, quamuis
equestri loco natus esset, tum tamen senatorem
fuisse, quum magistratus iam petisset, & ab Hor-
tensio de ambitu defensus fuisset, ut in oratione pro
Sylla leges. EGN. Diceres, Ciceroni potius, qui
rebus hisce non interfuit solum, sed præsuit etiam:
quàm Sallustio, qui quamuis multa uidere potue-
rit, plura tamē audiuit: et Plutarcho, uel ceteris,
qui tanto post scripserunt, esse credendum. COR.
At uos clamaretis, numos, qui priuatis in aedibus
fiant, nisi Lydio lapide diligenter, & ponderibus
examinentur, non minus quàm domesticos testes,
esse suspectos, præsertim cum Mercurius affuisse
uideatur. EGN. Clamaremus, nisi certò scire-
mus, omnes numos qui sint in illis aedibus facti, sem-
per ab omnibus probatos fuisse. PIE. Sunt tamen
hodie, qui reijciāt eos qui literas GL. habēt. COR.

Quòd Ciceronē putent, in his quos gloria causa faciebat, aliquid, quo grauiores essent, admiscuisse: nec intelligunt, eos ab illis monetaribus spectatos & probatos fuisse, qui scire poterant non solum ex qua materia fuissent, sed etiam qua ratione confecti. EGN. Nos non reijciemus, si dederis. COR. Ego uerò do iam nunc: & quos ille de coniuratione Catilinae fecit, & quatuor pensionibus numerauit, omnes penè simul una pensione persoluo. EGN. Ubi sunt? COR. In quatuor libris, quos Cicero cōtra Catilinam scripsit: unde Plutarchus, quicquid de coniuratione bene scripsit, est mutatus. Quae uerò uel à Sallustio, uel ab alijs accepit, uelim, nisi molestum est, consideremus. EGN. Tu uerò, ne longū facias, in pauca conferto. COR. Ut iubes, faciemus: & si quid in Ciceronis uita male cōuersum fuerit, interdum nos, ut antea fecimus, aliter uertemus, ut illud: Cornelius Lētulus tunc erat Prator iterum, ut mos est senatoriam dignitatem recuperantib. Verūm nos hac de re, de hoc P. Lentulo, & eius cognomine Sura, putamus in Bruto, quae fuerunt dicenda, dixisse. Quare non est necesse, quae Plutarchus de Lentulo deinceps addit, referre, nisi forè dicamus, quod ille scribit,

Lent-

Lentulū de Pompeij filijs ut obsidibus cōstituisse nobis, quòd uerissimile sit, probari, quamuis apud alios scriptores inuenire non potuerimus. quod autem refert, agēda rei unam Saturnalium noctem constitutam fuisse, dubium uideri, quum Cicero sic in oratione tertia cōtra Catilinam dicat: Hanc Cethego cum ceteris controuersiam esse dixerūt, quòd Lentulo atque alijs eadem Saturnalibus fieri, atque urbem incēdi placeret, Cethego nimium id longum uideri. Tempus igitur, quum deprehensi sunt, nondum prorsus constituerāt. In omnibus autem penē, quae deinceps de legatis Allobrogum sollicitatis, de literis ad Catilinā T. Vulturcio Crotoniensi datis, & paulo pōst interceptis, & de coniuratis deprehensis, & in senatū introductis, scripsit, cum Sallustio, & cum Cicerone consentit: nisi quòd admiscet quadam, quae nos considerabimus. Iunius, inquit, Silanus affirmauit, nonnullos audiuisse Cethegum dicentem, fore ut tres Consules, quatuor Praetores occiderentur: Piso etiam uir Consularis, alia huiusmodi detulit. Hae Plutarchus praestabit, & nos interpretabimur, ne male uertisse uideamur. Per treis igitur Consules, Ciceronem tunc Consulem, & L. Mu-

ranam ac D. Silanū Consules designatos, per qua-
 tuor autem Praetores, Q. Metellum Celerem, Q.
 Pompeiū Rufum, C. Pontinū, et C. Sulpitium, si-
 gnificari putamus: qui cōiuratos, ut qui maxime,
 persequabantur, ut historici docent. Præstabit il-
 lud etiā Plutarchus, quod infrā de Cicerone scri-
 bit, eum, quo die cōiuratos apprehendit, vicini do-
 mum, non suam uenisse: quod in eius adibus mu-
 lieres sacra Bonæ deæ facerēt: quum mos esset, ut
 in adibus Consulis hæc sacra per ipsius uel uxore,
 uel matrem, Vestalibus præsentibus fierent. Id sa-
 crificium nemo poterat adire: quod in ea domo fie-
 bat, quæ erat in imperio, ut in oratione de Respon-
 sis aruspicum legimus. Domus autem Ciceronis,
 absente C. Antonio collega, uel sola tunc erat in
 imperio. quò si Cicero uenisset, id sacrificiū, quod
 ibi fiebat, contrā quàm fas erat, adire uideretur.
 EGN. Quid igitur Plutarchus præstet? COR. Id
 sacrificium tunc factū, & in adibus Consulis tan-
 tum fieri solitum fuisse. EGN. Præstet, opinor, si
 uiuat: sed si quotannis, & in domo quæ erat in
 imperio, fiebat, id est uerisimile, nec Dion à Plu-
 tarcho dissentit. COR. Non dissentit ille qui-
 dem: sed tamen ostendit, in adibus non Consulum
 modo,

modo, sed etiam Prætorum id sacrificium fieri solitum: quod infra uidero. Nunc uideamus, an uerum sit, quod idem Plutarchus & Dion scribunt: Ciceronem, quum de rebus hisce secum cogitaret, & dubitaret, ignis ostento, quod mulieres sacrificantes uiderant, & uirgines Vestales interpretatæ, id illi salutem gloriamq; significare, nunciari iusserant, prorsus esse confirmatum. EGN. An dubitas, ne uerū sit, quod duo scriptores affirmēt? COR. An ego non dubitem, quum, quod antè diximus, ipse Cicero uideatur aliter in suo poemate scripsisse? EGN. Neque tu poema, quod dicis, uidisti: & hoc aliud esse potuit. COR. Nos Serui grammatici, & aliorum qui uiderant, scripta legimus: & ipse, si fuisset aliud, in libris de Diuinatione retulisset, ubi somnia, nedum ostenta collegit. EGN. Verebatur fortasse, ne minus laudaretur, si uideretur uel mulierculis credidisse: uel res eas ostētis Deorū, nō sua uirtute gessisse. COR. Hoc igitur mittamus: nec de Quinto fratre, uel de P. Nigidio, qui Ciceronē, quē admodū Plutarchus ait, hortati sunt, loquamur, quū simus alibi plura dicturi: ad sentētias autem de cōiuratis dictas ueniamus. Primus, inquit Plutarchus, Silanus sen-

tentiam

sententiā rogatus, dixit: eos oportere in carcerem du-
 ctos extremam pœnam dare. Id Sallustius ita re-
 fert: Tunc D. Iunius Silanus primus sententiā
 rogatus, quòd eo tempore Consul designatus erat,
 de his qui in custodys tenebantur, & præterea de
 L. Cassio, P. Furio, P. Umbreno, Q. Annio, si
 deprehensi forent, supplicium sumendum decre-
 uerat. Cicero uerò sic in oratione quarta in Catili-
 nam dixit: Video duas adhuc esse sententias. unā
 D. Silani, qui cēset eos qui hæc delere conati sunt,
 morte esse multandos: alterā C. Caesaris, qui mor-
 tis pœnam remouet, cæterorū suppliciorum om-
 nes acerbitates amplectitur. *PIE.* Quid in re,
 quæ sit clarissima, tam multa congeris? *COR.* Ut
 uideatis, Plutarchum, quum posset hoc ipsum re-
 ferre, maluisse tamen aliter scribere, ut paulo post
 ita posset dicere: Ciceronis amici secundam senten-
 tiam magis probabant, ita ut Silanus etiam muta-
 tus excusaret, & diceret: neque se de morte cen-
 suisse, sed extremam poenam senatori Romano
 carcerē putasse. *EGN.* In uita Catonis idem scri-
 bit. *COR.* Id est, ad eundem lapidem bis offendit.
EGN. Ita fortè tibi uidetur, qui non recordaris, ut
 arbitror, quod ita Suetonius scripsit: Caesar tantū
 metum

metum iniecit asperiora suadentibus, identidem ostentans, quanta eos in posterum à plebe Romana maneret inuidia: ut D. Silanum Consulem de signatū non piguerit sententiam suam, quia mutare turpe erat, interpretatione lenire, uelut grauius, atq; ipse sensisset, exceptam. COR. Ego uerò recordor, & iam nunc scio, sententiam, quam Plutarchus ponit, ipsius interpretatione: quā Salustius scribit, aliqua: quam Cicero refert, nulla posse leniri. EGN. Cur igitur in eius sententiam senatusconsultum non est factū? COR. Quia sententiam, quod Suetonius putat esse turpe, mutauit, certē deseruit: quū permotus, ut ait Sallustius, oratione C. Caesaris, pedibus in sententiam Tiberij Neronis iturū se dixit: quòd de ea re, praesidijs additis, referendū censuerat. Nam Caesar, ut Suetonius ait, Prator creatus, detecta coniuratione Catilinae, senatūq; uniuerso in socios facinoris ultimā statuente pœnam, solus municipatim diuidendos, custodiēdosq; publicatis bonis, censuit. Quā sententiā Ciceronis amici, quòd Plutarchus ostēdit, probabant: quòd ea magis ipsi conduceret, & inuidia minus asferret: quū tamen ipse prius ea de re iudicasset, ut libro duodecimo ad Atticū testatur. ubi
sunt

sunt quaedam uerba, quæ quoniam uidentur ad rem pertinere, uobis ex memoria referā: Brutus Catonem primum sententiam putat de animaduersione dixisse, quam omnes antè dixerant, præter Casarem: & quū ipsius Caesaris tam seueræ fuerit, qui tum Prætorio loco dixerit, Consulariū putat leniores fuisse, Catuli, Seruili, Lucullorū, Curionis, Torquati, Lepidi, Gellij, Volcatij, Figuli, Cotta, L. Caesaris, C. Pisonis, etiā M. Atilij Glabronis, Silani, Muræna, designatorū Consulū. Cur ergo in sententiam Catonis? quia uerbis luculentioribus & pluribus rem eandem comprehenderat. Ne autē hic laudat, quòd retulerim, non quòd patefecerim: quod cohortatus sim: quòd denique antè, quàm consulerem, ipse iudicauerim. quæ omnia quia Cato laudibus extulerat in cælū, perscribendaq; censuerat, iccirco in eius sententiā est facta discessio. EGN. Si me cōsulas, sim tibi auctor, ut quemadmodum nonnulli Virgilij uersibus poemata conficiunt, sic tu cōiurationis illius historiam Ciceronis uerbis ipse contexas. COR. Et si tu me ludis, id ego tamen fieri posse puto. quod si quis faceret, ille multo melius huic historię parti, quàm ueteres historici, consuleret. Nam præter

quàm

quàm quòd uerbis ornatissimis & optimis uteretur, res ipsas quæ uerbis illis comprehenduntur, ut gestæ sunt, referret. Nunc uideas alios aliter de rebus iisdem sape scripsisse: quod etsi derogat historia fidem, non est tamen cur nos admodum miremur: quum qui rebus interfuerant, uel interesse potuerant, sape dissentirent: ut M. Brutus, qui uidere coniuratos potuit, & tamen (ut suprà retulimus) Catonem primùm sententiā putabat de animaduersione dixisse, quam omnes antè dixissent: quod omnes penè historici scripserunt, præter Paterculum: qui scripsit, alios suasisse, ut per municipia Lentulus, coniuratiq; custodirentur, nisi per alios uoluit Cæsare significare, qui solus id suasisit, quum ceteri coniuratos necandos esse censerent. Sed, ut Paterculus hac in re fortè parum diligens fuit, sic illud quod ad Catonem pertinet, diligenter est persequutus, quum Tribunum plebis illi designatum fuisse scripsit: & cum alia, tum illud etiam dixit, Consul is uirtutem amplificauit. PIER. Hoc cum postremis uerbis, quæ tu paulo antè retulisti, conuenit. COR. Ita quidem, ut non minus ex hisce uerbis, quàm ex illis, cognoscamus in oratione Catonis, quæ sententiā de animaduersione dixit,

Cice.

Ciceronis laudes comprehensas fuisse. At in ea qua nunc apud Sallustium legitur, nullum de Cicerone uerbum factum uidemus. PIE. Iniquus fuit Sallustius, qui quod Cato de Cicerone dixerat, ipse tacuit. COR. Iniquus Sallustius fortasse fuit: nec illi sunt iusti, qui, quod Catonis nunquam fuit, id Catoni tribuunt, dum putant, orationem qua de loquimur, totidem uerbis, quot à Sallustio scribitur, à Catone dictam fuisse, quod in uita Catonis apud Plutarchum legant: Ciceronem per notas orationem, quam cum M. Cato dixit, excipiendam curasse. nec uel inde cognoscunt, prater ea quæ diximus, multa quæ Sallustius omittit, in ea fuisse comprehensa. In Catonis igitur sententiam facto senatusconsulto, Cicero Consul (ut quæ Plutarchus & alij multis uerbis referunt, paucis ipsi complectamur) Lentulum, Cethegum, Statilium, Gabinium & Ceparium coniuratos in carcere necandos curauit: & postea dixit, ut Plutarchus refert, Vixerunt. Hinc in oratione pro Sylla dixit ita: Ego Consul, quum exercitus perditorum ciuium clandestino scelere conflatus, crudelissimum & letuosissimum exitium patriæ comparasset, quum ad occasum interitumq; Reip. Catilina in castris,

in his autem templis atque tectis dux Lentulus
esset constitutus: meis cōsilijs, meis laboribus, mei
capitis periculis, sine tumultu, sine delectu, sine ar
mis, sine exercitu, quinque hominibus cōprehen
sit atque confossis, incensione urbem, internicione
ciues, uastitate Italiam, interitum Remp. liberaui.
Atq; hic epilogus huiusce partis esse poterat, nisi
me Dion quasi reuocaret: qui, quod Plutarchus
omnino tacuit, ipse scripsit, noua sacrificia, nouas
que supplicationes propter hac decretas fuisse. qui
cum tamen ego sentire, nisi de tempore, quo decre
ta sunt, ipse prorsus à Cicerone dissentiret: dum pu
tat, eas quæ sint antè, quàm cōiurati necarentur,
decreta. post decretas fuisse. nisi fortè uoluit omnia
quæ dixerat antè, complecti. Cicero certè, dum ui
uerent adhuc coniurati, sic in oratione tertia con
tra Catilinam dixit: Supplicatio Dijs immortalibus
pro singulari eorum merito, meo nomine de
creta est. De qua quidē supplicatione nos in Bru
to plura retulimus: & aliquid infrà fortasse refe
remus. Hac, & alia quæ nos hoc loco mittimus, in
orationibus, & in alys etiam scriptis à Cicerone sa
pe dicuntur. Nunc ad Plutarchum reuertamur,
qui post necatos cōiuratos ita scribit: Eo die ueste-

ri quum per forum domũ reuertetetur, eum non amplius silentio ciues, neque ordine comitabatur: sed clamore & plausu omnes, ad quos perueniebat, excipiebant, eum seruatorem, conditoremq; patria uocantes. Multa uerò lumina uel angiportus illustrabant, quum lampades & faces de foribus appendissent. Mulieres autẽ se de tectis ostendebant, ut & honorarent & spectarent uirum in optimatum pompa magna sanè cum grauitate redeuntẽ. Nam plurimi, qui magna bella gesserant, triumpharant, & terra marisq; multum subegerant, & inter se colloquentes fatebatur, populum Romanum debere quidem diuitias, manubias et potentiam multis ducibus & imperatoribus, qui tunc uiuerent: sed securitatem & salutem uni Ciceroni, qui tale tantumq; periculum depulisset, acceptas referre. Non enim maleficia, fontesq; punire mirum uidebatur: sed quòd rerum nouarum studium, motumq; omnium qui unquam fuissent maximum, minimis ipse malis, sine seditione & tumultu sustulisset. Quod autem Plutarchus addit, ab Antonio Catilinam superatum fuisse: id Sallustius & alij plurib. uerbis persequuntur. Iisdem temporibus inaurata statua Campani Cice-

ronem donarūt, eum patronum unum asciuerūt:
 ab eo se habere uitam, fortunas, liberos arbitrati.
 EGN. Nullus erit finis, si uoles omneis omnium
 de Consulatu Ciceronis prædicationes, omnia pri-
 uatorum testimonia, omnia magistratū iudicia,
 omnia populi Romani scita, omnia senatus decre-
 ta cōplecti. COR. Quæ sunt igitur inter cæsa &
 porrecta, complectamur. EGN. Nos ne ut exta
 complectamur? COR. Preces potius, & oratio-
 nem, qua post eiectum Catilinam, sed antè quàm
 prehenderetur coniurati, Cicero Consul L. Mu-
 ranam Consulem designatum defendit: & in Stoi-
 cos multa iocose dixit, ita ut eum Cato Consulem
 ridiculū ridens appellaret. EGN. Hoc uel tacere,
 uel suo loco dicere potuisses. COR. Potuisssem qui-
 dem: sed neq, tacere uolui, ut orationem illā quoq,
 Consulare dici posse demonstrarem: neq, suo lo-
 co dicere, ne Plutarchi ordinem perturbarem. ut
 etiam fortasse perturbassem, si de Quæstore Cice-
 ronis antè uerba fecissem. Is autem T. Fadius fuit,
 quum P. Sestius C. Antoni Quæstor esset. EGN.
 Hic homo, quia Quæstor est, Quæstores, ut Cæcias
 nubes, ad se uel obtorto collo trahit. COR. Nemi-
 nem tamen audias querentem. Sed iam tēpus est.

ut è Plutarcho nos illa uertamus: Fuerunt, qui Ciceronē propter hæc accusare & uexare pararent, habentes duces eos qui magistratus erant futuri, Cæsarem quidem Prætozem, sed Metellum & Bestiam Tribunos plebis: qui magistratum quum paucis diebus antè quàm Ciceronis Consulatus finiretur, inisset, non sinebant eum concionari: sed in rostris subsellia quū posuissent, prohibebāt: neque permittebant eum dicere, sed iubebant, si de magistratu iurare uellet, ascendere. Is igitur propter hæc ut iuraturus accessit, & non patrium, sed priuatum quoddam & nouum iusiurandum iurauit: se patriam seruasse, & imperium conseruasse: quod & populus uniuersus etiam iurauit. Id ut in orationibus & epistolis Cicero scribat, hic non grauaremur referre: nisi nos in Bruto, quo loco de Q. Metello Nepote loquitur, retulisset. Quare iusiurandum nunc omittentes, quod hic Plutarchus de Cæsare Prætoze, de Metello et Bestia Tribunis plebis affirmat, examinemus. Quū Prætozes igitur Cal. Ian. magistratum, quod constat, inirent, Cæsar anno sequenti Prætor futurus, extremis diebus Consulatus Ciceronis non debuit Prætor, sed Prætor designatus appellari. Nam,
quod

quod ad Tribunos plebis attinet, illi post Non. Decemb. suo munereungebantur, & ita Q. Metellus Nepos iam tum Tribunus plebis erat: sed L. Calphurnius Bestia contra iam tum Tribunatu, quem Cicerone & Antonio Consulibus gessit, abierat, ita ut non posset amplius Tribunus plebis appellari. Is tamen etiam Ciceronis Consulatu reprehendit: ut Sallustius, & Brutus ad Atticum scribens, ostendunt. Omnium tamen maxime Q. Metellus Nepos eo tempore Ciceronem vexavit: unde Cicero Metellinam scripsit. quam quidem rem totam quonia nos in Bruto multis etiam verbis, ut dictum est, complexi sumus, hic, quod post insurandum Plutarchus addit, apponemus. Id Caesar & tribuni militum grauius ferentes, alias Ciceroni molestias et turbas machinati sunt. Nam legem ferebant, ut Pompeius cum exercitu uocaretur, qui Ciceronis potentiam dissolueret: sed utilitatem magnam cum Ciceroni, tum toti Reip. Cato, qui tunc Tribunus plebis erat, & illius administrationibus aequali quidem potestate, sed maiori gloria resistebat, attulit. Nam & alia facile soluit, & Ciceronis Consulatu sic in concione verbis extulit, ut honores omnium maximos illi decerneret,

& illum patrem patria uocaret: quod illi primo
 uidetur contigiſſe, illum Catone ſic apud populum
 uocante. EGN. Cur Tribunos militum uocas eos,
 quos ante Tribunos plebis appellasti? COR. Qua-
 rereres potius, cur Plutarchus $\chi\iota\lambda\iota\alpha\acute{\rho}\chi\omicron\upsilon\varsigma$ eos uo-
 cat, quos ante $\delta\eta\mu\alpha\varsigma\chi\omicron\upsilon\nu\tau\epsilon\varsigma$ appellauit? EGN.
 Quererem, ſi uiueret. COR. Poſſes etiam que-
 rere, cur poteſtatem Catonis, qui Tribunus plebis
 eſſet, poteſtati Caſaris, qui Praetor eſſet, æqualem
 putarit? niſi forte Caſari reſiſtebat poteſtate: qua
 poteſtati Tribunorum, qui Caſari fauebant, eſſet
 æqualis. EGN. Poſſes & tu quaerere, cur Catonē
 pro Catulo poſuerit. quanquam uides hic, quod e-
 tiam ſuprà retuliſti, tempus & locum diuerſum
 fuiſſe: quum Ciceronem Catulus ante, ſed in ſena-
 tu: Cato poſt, ſed in concione, patrem patria nomi-
 narit. COR. Cicero potius ipſe, cuius interſit, que-
 rat: et ipſum, ſi placet, apud inferos accuſet. EGN.
 Accuſet hominem de ſe tam bene meriti? COR.
 Gracum tamen, & qui ſape capra Scyria fuerit,
 ut quum ſcripſit ita: Ille quidem tunc in ciuitate
 multum poterat, ſed odioſum ſe multis ipſe redde-
 bat, non quòd aliquid mali faceret, ſed quòd ſeipſe
 ſemper laudaret, & extolleret ita, ut eum multi

uix ferre possent. Nam neque senatus, neque populus, neque iudicum consilium poterat unquam congregari, ubi non oporteret aliquid de Catilina & Lentulo semper audire. Libros denique, commentariosq³ laudibus huiusmodi referſit: & sic orationem, quæ suauissima erat, & gratiæ plurimum habebat, auditoribus grauem, molestamq³ (quòd hæc molestia, tanquã fatũ, semper adesset) reddidit. Videtis ne, ut homo Gracus ex eodem ore calidum & frigidum proferat: uel potius, ut dicebam, capra Scyria, quicquid lactis dederat, nunc rursus euertat? EGN. Meminisse debes, eos qui uitas scribunt, oportere non uirtutes modo sed etiam uitia, quacũque fuerint illa, complecti. COR. At hic ille multa, quæ laudari, certè referri debebant, tacuit: unum, quod uituperari posse credidit, multis etiam uerbis est persecutus. EGN. Fortasse, quæ tacuit, ignorabat: sed, quod dixit, norat. COR. Norit, nec ne, id ego uidero: quæ tacuit, quum sint in promptu, certè scire potuit. ut illud, quod ad Lentulum Cicero scribit: Memineram, nobis priuatis usque ad Casarem & Bibulum Consules, quum sententiæ nostræ magnum in senatu pondus habe-

rent, unum ferè sensum fuisse bonorum omnium.
 & quæ primo libro ad Atticum legimus: Cice-
 ronem tum primū sententiā dixisse: à M. Crasso
 ualde laudatum fuisse: sic cum Pompeio fuisse con-
 iunctum, ut multi Cn. Pompeium in sermonibus
 Cn. Ciceronem appellaret: ludis & gladiatoribus
 eum mirandas ἐπισκημασίας abstulisse: eius Con-
 sulatum ἀποθέωσιν à Curione uocatum fuisse: ei
 Cn. Pompeium salutem imperij atque orbis terra-
 rum adiudicasse: illum tanquam Reip. pignus à
 senatu retentum fuisse, ne legatus exiret. EGN.
 Ipse dixit. COR. Hac in parte melius fuit Pytha-
 goram, qui dicebat, quàm discipulos, qui tacebāt,
 imitari: quum præsertim, quæ fuit hominis pru-
 dentia, iam tum fortasse prouideret, fore ut homi-
 nes Græci uel multa tacerent, uel in multis men-
 tirentur. EGN. At hoc est, quod Plutarchus re-
 prehendit. COR. At tu quoque meminisse de-
 bes, quod ipse Plutarchus de Agesilao scripsit: eū,
 quum uituperantes aut laudātes aliquos audiret,
 dicere consueuisse: Non minus eorum qui dice-
 rent, quàm eorum de quibus dicerent, mores esse
 spectandos. EGN. Nos scimus, Plutarchi mores
 optimos fuisse. COR. Vos, qui tam multa scitis,
 id etiam

id etiam scitis, sed nos ipsi nescimus. credemus tamen, dum uos etiā concedatis, Gracos omnes cū ceteris Latinis, tum Ciceroni, qui primus eorum luminibus officere cœpit, iniquissimos fuisse. EGN. Concedemus, sed excipiemus Plutarchum: quem cū ceteris Latinis, tum Ciceroni tamen in primis aq̃uissimū fuisse uideamus. COR. Nisi nos aliud agamus, & putemus uos aliter sentire, facile possumus ostendere: nec exceptionem, quam dicitis, in interdicto contineri: nec eum qui de nostris hominibus scribens, tam sœpē mentiatur, & Graculos nescio quos cum summis hominibus Romanis, quasi culices cum elephantis, conferat, illis æquum debere iudicari. Ciceroni certe uidetur hac in parte, de qua loquimur, iniquus fuisse: quū par cē laudet, & copiose uituperet: & id uituperet, quod ipsi fortasse defendemus. EGN. Deinceps tamen eum copiose laudat. COR. Laudat ille quidem: sed ego uereor, ne, si nos hic piscari uelimus, scorpiū pro perca capiamus. Sic enim laudat, ut à proposito longius, quàm par sit, digrediatur: præ posterè iocos, & res alias alio loco dicendas inculcet: & tandē ita concludat, Propter hæc ille multis erat molestus. PIE. Uiden, ut scorpius hic cau-

da ledit? COR. Multo grauius Clodius læsit: de quo Plutarchus deinceps multa quidem scribit, sed nos quædā diligētius examinabimus. Clodius, inquit Plutarchus, quum Pompeiam Cæsaris uxorem diligeret, in eius ades clam, uestem & habitum psaltriæ habens, ingressus est. Mulieres enim sacrificium illud occultum, nec uiris unquam uisum, in edibus Cæsaris faciebant, & uir nullus aderat. Clodius autem quū iuuenis esset, nec adhuc pubesceret, si cum mulierib. ingrederetur ad Pompeiam, se latere posse sperabat. Ut autem de nocte domum Cæsaris est ingressus, quòd ampla domus esset, nec unum aditum aut transitum haberet, quò se cōferret, ambigebat: donec Aurelia Cæsaris matris ancilla illum uidit errantem, & nomen est scitata. Quare quum loqui coactus fuisset, & dicere, à se Pompeia pedisequā nomine Auram quari: illa uocem non esse muliebrem cognouit, & clamauit, atque adeò mulieres uocauit. quæ quum portas clausissent, & omnia scrutatæ fuissent, Clodium in casam seruula, cum qua consuetudinem solebat habere, fugientem deprehenderunt. Hoc ad Atticū Cicero scripsit: P. Clodium Ap. filium, te credo audiuisse, cum ueste

muliebri deprehensum domi C. Caesaris, quū pro populo fieret: eumⁱ que per manus seruulæ seruatum, & eductum. Hoc autem Cicero Calen. Ian. M. Messala & M. Pisone Consulibus, scripsit. et de præterito loquēs, ostendit, Silano & Murana Consulib. factum fuisse: quo quidem anno Caesar, qui Cicerone & Antonio Consulibus Prætor erat designatus, ut antè diximus, Prætor fuit: ita ut in eius adib. id sacrificium fieri posset, si modo, quod scribit Dio, apud Prætores fieri poterat. Sed dubitari potest, quū fieret in domo quæ esset in imperio, ut anno superiori factū fuit, quod suprà retulimus: nisi foriè tunc Consules aberant, & Caesar Prætor munus Consulare maiorū more sustinebat: uel Consules mulieres nō habebant, à quib. illud sacrificium fieret: uel apud utrosq., sed alterius annis fiebat: uel apud eum fiebat, qui Prætor & Pontifex, ut Caesar, esset. Pontificem uerò in publica domo, quod Dion ostendit, oportebat habitare. EGN. Hæc, de quibus etiam dubitare possumus, ut tamen tibi concedamus, illud quo pacto te rectè uertisse defendes? Quum portas clausissent, & omnia scrutata fuissent, Clodium in casam seruulæ, cum qua consue-

tudinem

tudinem solebat habere, fugientem deprehende-
 runt. Nam si casa, quam dicis, in domo Caesaris,
 quasi domus in domo fuit: quoniam modo Clodius
 alienæ domi cum seruula consuetudinē potuit ha-
 bere? sin extra domū, qua ratione mulieres, quæ
 portas clauserant, illum fugientem deprehende-
 runt? COR. Alienæ domi consuetudinem cum
 seruula potuit habere, ut eum cum domina multi
 putāt habuisse: & mulieres, quamuis portas clau-
 sissent, eum tamen uel è fenestris fugientem, &
 ut ait Cicero, per seruula manus eductum, depre-
 hendere, uel uidere potuerunt: EGN. At hæc
 ipsa pugnant. COR. Non pugnant, si casa, de qua
 loquimur, extra Caesaris domū fuit. sin intus fuit,
 ita uertendum putamus: Quum portas clausissent,
 & omnia scrutatæ fuissent, Clodium in cubiculū
 seruula, cum qua fuerat ingressus, fugientem de-
 prehenderunt. Ita uerò uertendum esse, docere po-
 test uerbum συνεσιγλθερ, quod in Casare Plu-
 tarchus posuit: quamuis in Cicerone συνήλθερ po-
 suisse uideatur. Scitis postea rem ex S. C. ad uirgi-
 nes & Pontifices relatam, idq̃ ab ijs nefas esse de-
 cretum: deinde ex S. C. Consules rogationem pro-
 mulgasse, uxori Casarem nunciū remisisse. EGN.

Scimus

Scimus, & probamus, quum Cicero & Suetonius id ostendat. COR. Non probabitis, opinor, quod Plutarchus ita scribit: Erat Cicero Clodij amicus: & eo, rerum quas aduersus Catilinam gesserat, adiutore promptissimo, & custode corporis usus fuerat. EGN. Cur nō probabimus? COR. Quia cum ueritate pugnat. Nam Cicero nunquā fuisset amicus eius, quem Catilina familiarem in oratione de Responſis appellet: nec aduersus Catilinam eius opera usus fuisſet, nec ei corporis ſui cuſtodiā commiſſiſſet, quem uel inter conuſuratos numerare uideatur: quum in oratione pro Milone teſteſtur, eum tūc in caſtra Hetruſca properaſſe. quod Aſconius interpretatur ita: Sape obijcit Clodio Cicero, ſocium eum cōiurationis Catilina fuiſſe. quam rem nunc quoque reticens oſtendit. Fuerat enim opinio, ut Catilina ex urbe profugerat in caſtra Manili centurionis, qui tum in Hetruſia ad Feſulas exercitum ei comparabat, Clodium ſubſequi eum uoluſſe, & capiſſe: tum dein mutato conſilio, in urbem rediſſe. EGN. Id forte tum Cicero non credidit, præſertim cum falſum eſſe poſſet: ſed poſtea criminoſe magis, quàm uerè, factus inimicus obiecit. COR. Eum certè ſciebat à Catili-

na pecuniā accepisse, ut turpissimè præuaricaretur, & postea Catilinæ familiarem fuisse. EGN. Ut fateamur non esse uerisimile, Ciceronem (quæ fuit hominis prudētia) quicquam Clodio, qui tam suspectus esset, in tanta rerum perturbatione, credidisse: post coniurationē tamen eius amicū fuisse, uel ex eo conuincemus, quòd eum Cicero domi suæ fuisse testificatus est. COR. Id uidetur etiam Plutarchus existimasse. quasi uerò Clodius, quāuis amicitia nulla cum Cicerone coniunctus esset, eius tamen domū, quæ tunc à tam multis frequentaretur, ipse uenire non posset: præsertim quum Cicero non deberet eum, qui neque de coniuratione, quod ego sciam, postulatus fuisset, & tam nobili genere natus esset, aspernari. Quamuis enim Cicero Clodium, qui tam perditus esset, non posset non odisse: nihil tamen erat, cur eum qui cātum posset in urbe, prouocaret. Post pollutas tamen ceremonias, eum palàm cæpit odisse. quod ipse sic in oratione de Respōsis ostendit: In Clodium uerò non est hodie meum maius odium, quàm illo die fuit, quum illum ambustum religiosissimis ignibus, cognoui muliebri ornatu ex incesto stupro, atque ex domo Potificis maximi emissum. Q. in si fuissent amici,

amici, & amicitiam Cicero testimonio uiolasset, id ei Clodius aliquando, quemadmodum postea M. Antonius, obieciſſet. Quòd si Cicero Clodij fuit amicus, usque ad aras fuit. deinde testis fuit, cum domi suae fuisset, quo tempore uolebat ille probare, se Interamna fuisse. Fuit enim, ut ait Asconius, quidam Cassinius, apud quem Clodius mansisse Interamna uideri uolebat, qua nocte deprehensus est in Caesaris domo, quum ibi in operto uirgines pro populo Romano sacra facerent. Hac Asconius scribit, dum Ciceronis illa uerba, quae in oratione pro Milone sunt, interpretatur: Cassinij testimonio Clodius eadem hora Interamna fuerat, & Roma. Id in epistolis ad Atticum Cicero sic antè scripserat: Quum se Clodius septimo die uenisse à freto, neque sibi obuiam quenquam prodire potuisse, & noctu se introisse dixisset, in eo què se in concione iactasset, nihil ei noui dixi accidisse: ex Sicilia septimo die Romam, tribus horis Roma Interamnā: nocte introisse. item antè: nō esse itum obuiā, ne tū quidē, quū iri maximè debuit. Non est autē itum obuiā, quū Clodius emptō constupratoq; iudicio sit absolutus. Quod quidem iudicium Cicero libro primo ad Atticum descripsit: sic in

oratione de Responſis, & alibi ſæpe reprehendit: ut Plutarchus multa tacere potuerit, quæ uel ſuperuacanea, uel parum uera uideantur. EGN. Quæ ſunt illa tãdem? COR. Alia, quæ dicemus. ſed illud in primis occurrit: Videbatur Cicero non propter ueritatem, ſed ut ſe Teretia uxori ſuæ purgaret, teſtificari. Illa enim Clodium, propter eius ſororem Clodiam, quæ Ciceroni nubere cuperet, oderat. EGN. Arpinateis aquas illa cupiebat. COR. Cupiebat illa quidem: ſed Terentia ſuſpicari non debuit, Arpinateis aquas eſſe tales, quæ maculas illius poſſent lauare, quæ Baianas infeceſſet: aut Arpinum recepturũ, quam Neſis eiecerat: aut facturum, quod Troia fecit, quæ regis uxorem recepit. EGN. Aenigma loqueris. COR. De feminis ita loqui ſolemus: præſertim ſi tales ſint, quales Clodij ſorores fuerunt. quas quum Clodius ipſe tanti, quanti Bonam deam, feceſſet: alij tanti fecerunt, ut eas Quadrantarias, Clitemneſtras, Coas, Nolas, Lesbias, et Βοῶπιδες appellarint. EGN. Quæ quadrant in unam, in omnes ipſe transfers. COR. In Quadrantariam, ſiue Quadrantiam, ut Plutarchus uocat, hæc melius, fateor, quadrat: ſed omnes tamen ſic improbæ fuerunt, ut Teretia

non debuerit existimare, Ciceronem ita stultū, ut uxore uellet ducere uel eam, quam Lucullus tanto dedecore infamē repudiasset: uel eam, quæ fuit uxor Q. Metelli Celeris, quem Cicero nunquam uoluisset offendere, quum illum magnificeret. Poterat Terentia suspicari de Terentia Q. Marcij Regis uxore, quæ cum uidetur uidua fuisse: quum Clodius hereditatem Regis, ut legimus in epistolis ad Atticum, spe deuorasset. Sed & illa fuerat à Clodio stuprata: nec uerè soror eius, ut in Bruto diximus, uidetur fuisse: nec Clodia, ut hæc à Plutarcho, dicebatur. ut iam mihi nihil fuisse uideatur, cur Terentia suspicaretur. EGN. De rebus hisce mulieres omnia timēt, & suspiciantur. COR. Mulieres omnia suspiciantur, & Terentia muscas etiam præteruolantes timuerit: atque uirum, quantum potuit, in Clodium concitauit: nunquam tamen Ciceronē, qui prudens fuit, & semper ocio consuluit, propter tam leuem causam, iuuenis tam potentis inimicitias ultero suscepisse credemus. EGN. Quā putas tu causam fuisse? COR. Eam, quam ipse Philippica secunda refert: Nemo his annis uiginti Reip. hostis fuit, qui non bellum eodem tempore mihi quoq; indixerit. Nemo tamen illorum mihi

*inimicus fuit uoluntarius: omnes à me Reip. causa laceſſiti. Vir enim bonus, & ocypaciſq; ſtudioſus, iuuentutem coerceri cupiebat: & ob id contra Clodium teſtimoniũ dixerat, quòd uidebat illud ſcelus importunum, audaciam tam immanem a-
doſcentis ſurentis, nobilis, uulnerati, non poſſe ar-
ceri ocyp finibus: erupturum illud malum aliquan-
do, ſi impunitum fuiſſet, ad perniciem ciuitatis, ut
in oratione de Reſponſis oſtendit. Contra tamen
ipſius teſtimoniũ Clodius eſt abſolutus. quod præ-
ter Valerium Maximum, Plutarchum, et alios,
ipſe quoque libro primo ad Atticum ſic oſtendit:
Illud nobis non obeſt, uideri noſtrum teſtimonium
nò ualuiffe. miſſus eſt ſanguis inuidiæ ſine dolore:
atque etiam hoc magis, quòd omnes illi fautores
illius ſlagitij, rem manifeſtam illam redemptã eſſe
à iudicibus conſitentur. Iuranti, inquit Clodius, ti-
bi non crediderunt: mihi uerò, inquã, uiginti quin-
que iudices crediderunt: triginta unus, quoniam
numos antè acceperunt, tibi nihil crediderunt. Cæ-
tera, quæ Plutarchus de Clodij ſororibus; de Lu-
culli ancillis, de teſtimonijs aliorũ, de plebis offen-
ſione, de iudiciũ metu, præſidijs, ſententijs, de Catu-
li dicto, de Cæſaris uxore repudiata reſert, tace-
mus:*

mus: quòd & ab alijs scripta sint, nec ad Ciceronis uitam multum pertinere uideantur. Illud autem sequitur: Absolutus Clodius, & Tribunus plebis factus, statim Ciceronem cœpit insectari, et in eum res omnes & omnes homines commouere. PIE. Quid facis Corrade? COR. Numos quæro. PIE. Nunquid crumena deficit? COR. Hac in parte quidem deficit ita, ut numi nulli supersint. PIE. Haud sanè mirum dicis, quū paulo antiè tam multos effuderis. COR. Si prodigus antiè fui, nunc parcus ero. EGN. Perges potius, ut cœpisti: quum uerò, quod debes. solueris, tunc, si libebit, parcus esto. COR. At Plutarchus tuus, quem sequor, hic ita parcus fuit, ut nihil omnino duos annos ipsos erogaret. EGN. Ille nec Quæstor erat: & fortasse nihil habuit, quod erogaret. sed tu Quæstor es: & quod à principio negabas, huc crumenas plures numorum plenas, ut uidemus, attulisti. COR. Quid si arena plenæ sint, ut sacci quos Dido deiiciendos in mare curauit? EGN. Nos arenam Tagi scimus esse. Quare si crumena ista exhausta est, alteram cape. COR. Hanc igitur capiam, & quod Plutarchus intermisit, quātum in me erit, sarciam. Intermisit autem, quicquid inter Clodij.

absolutionem, & Tribunatū plebis interfuit: quod duos annos minimum cōprehendit. Nam Clodius M. Pisone, M. Messala Consulib. absolutus est, & postea Gabinio & Pisone Consulibus Tribunus plebis fuit. Interea Metello & Afranio Consulibus, C. Herennius Tribunus plebis saepe de P. Clodio ad plebem traducendo egit sed Metellus Consul semper impediuit, ut libro primo & secūdo ad Atticum legimus. Unde sic in oratione pro Calio scribitur: Q. Metellum si nulla uis repenti sceleris sustulisset, quonam modo ille furenti fratri suo patrueli Consularis restitisset, qui Consul incipientem furere, atque cōtāctm. sua se manu interfecturum, audiente senatu, dixerit? Eo tempore Cicero commentarium græcè de suo Consulatu scripsit, & eundem uersibus tribus libris est complexus: in quorum primo Musa nescio qua, in secūdo Urania, in tertio Calliope loquebatur: ut ex epistolis ad Atticum, & ex libro primo de Diuinatione cognoscimus. Sunt etiam qui putent, L. Flaccum, P. Syllam, & Archiam poetam tunc ab eo defensos fuisse. Sed nos aliās id uiderimus: nunc ad Bibulum & Caesarem Consules reuertamur. quo tempore Cicero sic ad Atticū scripsit:

Corne-

Cornelius Balbus affirmat, Caesarem omnibus in rebus meo & Pompeij consilio usurum: daturūq; operam, ut cum Pompeio Crassum coniungeret. Caesar etiam uidetur cogitasse, Ciceronem legatū Alexandria mittere. ei certē Quinqueniratum, ut alia mittamus, obtulit: sed Cicero nihil accepit. quod quū in epistolis ad Atticum, tum in oratione de Provincijs consularibus ita testatur: Consul Caesar egit eas res, quarum participem me esse uoluit: quibus ego si minus assentiebar, tamē illius mihi iudiciū gratū esse debebat. me ille, ut Quinqueniratum acciperem, rogauit: me in tribus sibi coniunctissimis Consularibus esse uoluit: mihi legationem, quam uellem, quāto cum honore uellem, detulit. quæ ego omnia non ingrato animo, sed obstinatione quadam sententia repudiaui: quā sapienter, nō disputo: multis enim non probabo. constanter quidem, & fortiter certē: qui, quū me firmissimis opibus cōtra scelus inimicorum munire, & populareis impetus populari praesidio possem propulsare, quāuis excipere fortunā, subire uim atque iniuriā malui, quā aut à uestris sanctissimis mētibus dissidere, aut de meo statu declinare. EGN.

Si Plutarchus hoc loco nihil erogauit, fortasse pos-

sit excusari, quod nihil haberet: sed tu, qui multa
 uideris habere, quum pecunias alienas eroges, for-
 taſſe poſſis accusari. COR. Et nos nihil habemus,
 niſi quod ab alijs accepimus, ut illud à Paterculo:
 Hoc ſibi contraxiſſe uidebatur Cicero, quòd inter
 uiginti uiros diuidendo agro Campano eſſe noluiſſet.
 EGN. Quid ſi Paterculus, & alij, quod credide-
 runt, repetant? COR. Hic conturbare licet: nec
 periculũ eſt, ne creditores illi, qui, quod nobis credi-
 derunt, donarunt potius, quàm ſenerati ſunt, &
 tam longè abſunt, nunc tandè conueniant. EGN.
 Paterculus & Cicero pecunia, quam modo ſolue-
 bas, nõ uidentur de numero poſſe cõuenire. COR.
 Cum Paterculo Suetonius & Quintilianus fa-
 ciunt: ſed Dion oſtendit, è populo uiginti uiros le-
 ctos fuiſſe, qui preciũ agris facerent: alios uerò ma-
 ioris dignitatis, qui agros eoſdem diuiderent: quos
 ipſi quinque fuiſſe non tam putamus, quàm in epi-
 ſtolis ad Atticum uidemus. niſi forte credimus,
 inter uiginti uiros illos etiam quinque fuiſſe com-
 prehẽſos: ita ut modo Uigintiuiatus, modo Quin-
 queuiratus appelletur. Illum Cicero repudiauit,
 quod Caſar iniquo animo tulit, ut libro nono ad
 Atticum ibi cognosces: Caſar repudiari ſe totum,
 magis

magis etiam quàm olim in *Quinquaginta* putabit. ac solet, quum se purgat, in me cōferre omnem illorum temporum culpam: ita me sibi fuisse inimicū, ut ne honorem quidem à se accipere uellem.

Accessit, quod in oratione pro *Domo* scribitur ita: *Hora* fortasse sexta diei questus sum in iudicio, quum *C. Antonium* collegam meum defenderem, quedam de *Rep.* quæ mihi uisa sunt ad illius miseri causam pertinere. Hæc homines improbi ad quosdam uiros fortes longè aliter, atque à me dicta erant, detulerunt. *Hora* nona illo ipso die tu es adoptatus. Hinc *Suetonius* in *Cæsare* scripsit: *Cicerone* in iudicio quodam deplorante temporum statum, *P. Clodium* inimicum eius frustra iampridem à patribus ad plebem transire nitentem, *Cæsar* eodem die, horaq; nona traduxit. *Dio* hac de re non dissentit ille quidem, sed & ipse & *Appianus* iudiciū *L. Vellii* coniungunt, & ita præponunt, ut tempora confundant: quum, quod libro secundo ad *Atticum* cognosces, multo antè *P. Clodius* ad plebē sit traductus, quàm *L. Vellius* eos, quos in oratione cōtra *Vatiniū* nominari uidemus, indicaret. Quin illi *Ciceronē* coniurationis illius, si modo coniuratio fuit, autore penè & principē fuisse pu-

tant, quum ipse libro secundo ad Atticum dicat ita: *Me non nominauit, sed dixit, Consularem disertum, uicinum Consuli, sibi dixisse: Ahalā Seruiliū aliquem, aut etiam Brutū opus esse reperiri. Caesar igitur traduxit (ut in oratione de Pro- uincijs consularib. ait) ad plebem inimicū meum, siue iratus mihi, quod me secum ne beneficijs quidem uidebat posse cōiungi: siue exoratus. Item sic in oratione pro Sestio: Hanc tetram, immanemq³ belluam, uinctam auspicijs, alligatam more maiorum, constrictam legum sacratarum catenis, soluit subito legum Consul: uel, ut ego arbitror, exoratus: uel, ut non nemo putaret, mihi iratus: ignarus quidem certè, & imprudens impendentium tantorum scelerum ac malorum. Ut uerò legimus in oratione pro Domo, P. Clodius à P. Fonteio fuit adoptatus: & in adoptādo Pompeius Augur fuit: qui, quod in oratione pro Sestio legitur, Clodium omni cautione, fœdere, execratione deuinxit, nihil in Tribunatu contra Ciceronem esse facturum: quod in epistolis ad Atticum Cicero saepe testatur. Ille tamen iam Tribunus plebis designatus, Ciceroni iudicium minabatur: quod Cicero legatione uitare cogitauit, quam Caesar ei Consul ad-*
huc

huc obtulit: non ipse iam Pisone & Gabinio Consulibus à Cesare petiuit, ut Plutarchus affirmat. à quo Dion hac in parte iure dissensit, quum scripsit: Cæsarem Ciceroni suasisse, ut in Galliam secum legatus iret, Pompeium uero dissuasisse: & ita Ciceronem deceptum fuisse. Cicero certe Cæsare & Bibulo Consulibus sic ad Atticum scripsit: A Cæsare ualde liberaliter inuitor in legationem illam, sibi ut sim legatus: atque etiam libera legatio uoti causa datur. sed hac & praesidium apud furorem Pulchelli non habet satis, & à fratris aduentu me ablegat: illa & munitior est, & non impedit, quominus adsim, quum uelim: & hanc ego teneo, sed usum me non puto. neque tamen scit quisquam non libet fugere, aueo pugnare. Sic in oratione de Provinciis consularibus ait: Cæsar me, ut sibi essem legatus, non solum suasisit, uerum etiam rogauit. ne id quidem accepi, non quo alienum mea dignitate arbitrarer: sed tantum Reip. sceleris impendere à Consulibus proximis non suspicabar. GN. Ornatur uerbis Tullius ipse suis. COR. Existimas, opinor, his illum multo melius, quam Plutarchi uerbis, illis praesertim quae sequuntur, ornari: Clodius uidens ita fore, ut Cicero suum Tribunatum effugeret, se

cōciliatū esse simulauit: & quū in Terentiam maximam culpæ partem trāsferret, & de illo semper moderatè loqueretur, ac beneuolè rationem redderet, quòd illum non odisset, nec iratus illi fuisset: sed modestè & amicè reprehendisset, eum sic omni metu liberauit, ut Caesaris legationem repudiaret, & se ad Remp. retulerit. EGN. Quod dicis, existimabo, si quid in illis reprehendas, ostēderis. COR. Reprehēdo, quòd Cicero Clodij Tribunatū, si Caesaris esset legatus, effugeret: quum legatio illa præsidij nō satis, ut antè retulimus, haberet: quòd legati è legatione poterant reuocari, ut in epistolis ad Atticum legimus. Illis præterea uerbis Cicero, quem M. Brutus omnium prudentissimum uocabat, imprudentissimus omnium describitur: qui inueni, quem sciebat esse perditissimū, & nihil nisi de sua perniciē cogitare, temerè credidisse uideatur. PIE. Ipse tamen ad Atticum scribens, queritur, se proditum, inductum & coniectū in fraudem fuisse. COR. Quòd Pompeio, caterisq; quos sibi amicos esse putabat, nō Clodio, credidisset. Et sanè non caruerunt suspitione oppressi Ciceronis Caesar & Pompeius, ut Paterculus affirmat. Hinc, quod in orationib. pro Sestio, & de Respon-

sis legimus, Clodius Caesaris exercitum signis infestis in curiam se immisurū minitabatur : & Cn. Pompeio adiutore, M. Crasso autem autore, quae faciebat, facere clamabat. quos Cicero, quamuis in orationibus, ubi scena seruit, excuset: in epistolis tamen ad Atticum, ubi uerum dicit, grauius accusat. Sed ad illa Plutarchi uerba reuertamur: Iratus Caesar, Clodium confirmauit, & à Cicerone Pompeium alienauit. ac apud populum testatus est, uideri sibi neque honeste, neque legitime Lentulum & Cethegum, ceterosque consocios, quum causam non dixissent, fuisse sublato. Hæc enim erat causa, cur Cicero accusaretur.

EGN. Hæc tu uerba non reprehendes, quum satis constet, à Cesare Clodium confirmatum fuisse: & Cicero tuus in Philippicis ita dicat, Ego M. Bibulo præstantissimo ciue Consule nihil prætermisi, qui Pompeium à Caesaris coniunctione auocarem. in quo Caesar fuit felicior: ipse enim Pompeium à mea familiaritate diiunxit.

COR. Illa quidem non reprehendam, sed hoc tamen dicam, quari posse, an Caesar, qui paludatus exisset, apud populum loqui potuerit: nisi Dion idem scribat, & affirmet, à Clodio populum

lum extra muros congregatum fuisse: quod ipse præstabit. Cæsar ceriè tunc erat ad portas cum imperio, ut in oratione pro Sestio legimus: quanquam Cæsar extremis diebus sui Consulatus, quum iam Clodius Non. Decemb. Tribunatum, ut mos erat, inisset, apud populum loqui potuit. Sed quoniam tempus est, ut ad Gabinium & Pisonem Consules accedamus: uobis, si placet, hic, ut antè feci, & posthac, si fuerit opus, faciam, de scripto, quod ad rem pertinere uideatur, recitabo. EGN. Placet: sed dicito prius, unde sumes. COR. Ex oratione pro Sestio. Fædus fecerunt cum Tribuno plebis patrem, ut ab eo prouincias acciperent, quas ipsi uellent, exercitum, & pecuniam quantam uellent: ea lege, si ipsi prius Tribuno plebis afflictam Rempub. tradidissent: id autem fædus meo sanguine ictum sanciri posse dicebant. Quare patefacta (neque enim dissimulari tantum scelus poterat, nec latère) promulgantur uno eodemq; tempore rogationes ab eodem Tribuno, de mea perniciè, & de prouincijs Consulū nominatim. Hic tum senatus sollicitus, uos equites excitati, Italia cuncta permotæ, omnes deniq; omnium generum atq; ordinum ciues, summæ Reipub. à Consulibus atque à summo

summo imperio petendum esse auxilium arbutabantur: quū illi soli essent, præter furiosum illum Tribunum, duo Reip. turbines, qui non modo præcipitanti patriæ non subuenirent, sed etiam nimium tarde concidere mærerent. Flagitabatur ab his quotidie cū querelis bonorum omnium, tum etiam precibus senatus, ut meam causam susciperent, agerent aliquid, deniq; ad senatum referrent. Hi non modo negando, sed etiam irridendo, amplissimum quenque illius ordinis insequabantur. Hic subito, quum incredibilis in Capitolium multitudo ex tota urbe, cunctaq; Italia conuenisset, uellem mutandam omnes, meq; etiam omni ratione priuato consilio (quoniam publicis ducibus Resp. careret) defendendum putarunt. Erat eodem tempore senatus in æde Concordiæ: quod ipsum templum representabat memoriam Consulatus mei, quum flens uniuersus ordo cincinnatum Consulem orabat: nam alter ille horridus & seuerus, consultò se domi continebat. Quatum superbia cœnum illud ac labes, amplissimi ordinis preces, & clarissimorum ciuium lachrymas repudiauit? me ipsum ut cōtempnit belluo patriæ? nam quid ego, patrimonij, dicam? quod ille, quū
quasi

*quasi quæstum faceret, amisit? Quum uenisset ad
 senatū, uos, inquā, equites Romani, & omnes bo-
 ni ueste mutata, uos, inquā, pro meo capite ad pe-
 des lenonis impurissimi proiecistis: quū uestris pre-
 cibus à latrone illo repudiatis, uir incredibili fide,
 magnitudine animi, constantia, L. Mummius,
 ad senatum de Rep. retulit, senatusq; frequens ue-
 stem pro mea salute mutādam censuit: o diē illum
 iudices funestū senatui, bonisq; omnibus, Reip. lu-
 etuosum, mihi ad domesticū mœrorem grauē, ad
 posteritatis memoriā gloriosum. Quid enim quis-
 quam potest ex omni memoria sumere illustrius,
 quā, pro uno ciue, & bonos omnes priuato con-
 sensu, & uniuersum senatū publico consilio mu-
 tasse uestem? Hac, & alia quæ dicuntur, si Plutar-
 chus, Dion, Appianus, & alij cōsiderare uoluis-
 sent, non ita saepe mentirentur: quia tamē Plutar-
 chus, qui uitam scripsit, maiore culpā sustinet, cū
 eo libentius congregimur. Is igitur ita refert: Cice-
 ro quum reus esset, & accusaretur, uestem muta-
 uit, & ambiens coma profluente, populo supplica-
 uit. Quā rem Dion etiā pluribus amplificat uer-
 bis. Verū si dicam, Cicero neq; in uō uerue, neq;
 id iōneto (quoniā uerbis illis utuntur) non habe-
 bunt*

bunt quid respondeant. Quod si quis uelit eos defendere, & dicere, Ciceronem reum fuisse, & accusatū fuisse: uerba, quæ sunt in oratione pro Domo, referam: Ubi crimen? ubi accusator? ubi testes? Quid indignius, quàm, qui neq; adesse sit iussus, neque citatus, neq; accusatus, de eius capite, liberis, fortunis omnibus, conductos, & sicarios, egentes, & perditos, suffragium ferre? & eam legem putare? At dies erat dicta. ne id quidem uerum, ut in oratione pro Milone testatur. Quin, ut in oratione pro Domo legimus, ipse Clodius Ciceronem non modo indemnatum, sed ne accusatum quidem cōfitebatur: quāuis in oratione de Aruspicum respōsis dies dicta fuisse uideatur. Sed alia cōferamus. Ubiq; Clodius, inquit Plutarchus, in angiportis occurrebat, homines secum ducēs perditos & audaces. qui modo mutationē uestis, & habitum Ciceronis intemperanter irridentes, modo cænum & lapides iacientes, preces impediebant. Verū cum Cicerone primum quidem omnes penē equites uestem mutarunt: & iuuenes non pauciores uiginti millibus, comas sparsas habentes, & simul supplicantes, sequebantur: deinde, quum senatus conuenisset, ut decerneret,

oporte-

oportere populum, ut in luctu, uestes mutare: & Consules aduersarentur, ac Clodius circū curiam armatus ambularet, non pauci senatores tunicas disscissas habentes, & clamātes exierunt. Quum uerò neque misericordia, neque pudor aliquis appareret. sed oporteret Ciceronem fugere, uel ferro cum Clodio decertare, auxilium à Pompeio petendum putauit: qui consilio discesserat, & in agris prope Albanū morabatur. & primum quidem Pisonem generum supplicatum misit, deinde & ipse uenit. Ut autem Pompeius audiuit, non sustinuit ut in cōspectum ueniret. Verebatur enim uirum, qui magnas ipsius causa contentiones habuisset, & in administranda Repub. frequenter illi gratificatus esset. Sed Caesaris gener quum esset, petenti ueteres gratias prodidit: & per alias portas egressus, congressum fugit. In hisce Plutarchi uerbis quæri posse uideo, an probabile sit, eum uirum, quicum senatus, cunctus equester ordo, & Italia tota faciebat, à Clodianis ita cōtempsum fuisse, ut eum sic intemperanter irriderēt, & cæno lapidibusq; etiam peterent. EGN. In oratione pro Sestio fatetur ipsemet, expulsū se fuisse sine iudicio, ui, lapidibus, ferro, seruitio de-

nique concitato. COR. Expulsus postea fuit, ut dicemus. sed à principio non uidetur Clodianos admodum timuisse, quum sic in oratione pro Plancio dicat: Decertare mihi ferro magnū fuit, cum reliquis eorum, quos ego florentes atque integros sine ferro uiceram. De mutatione uestis in oratione post reditum ad Quirites ita quoque loquitur: Pro me presente senatus, hominumq; præterea uiginti millia uestem mutauerunt: atq; id ipsum publico consilio, ut suprā retulimus. Unde cognoscimus, Plutarchum ne hæc quidē prorsus uerē scripisse. Verē tamen scripserit, quum Cicero sic in epistolis ad Atticum queratur: Caci, caci inquam fuimus, in uestitu mutādo, in populo rogādo: quod, nisi nominatim mecum agi cæptum esset, fieri perniciosum fuit. Concedemus etiam, quod de senatoribus, qui scissis uestibus exierunt, refert: quando nos nihil, quod hic dicendum sit, habemus: nisi fortē, quod in oratione pro Milone scriptum est, referamus: Vidi enim, uidi hūc ipsum Q. Hortensium, lumen & ornamentum Reip. penē interfici seruorum manu, quū mihi adesset: qua in turba C. Vibienus senator, uir optimus, cū hoc quū esset unā, ita est multatus, ut uitam amiserit. Sed, quæ

de Pompeio scribit, non ita facile cōcedemus, quā
 sic in oratione pro Sestio scriptum legamus: Consu-
 lum fidem Pompeius implorabat, neque se priua-
 tum publica causa susceptæ defuturum esse dice-
 bat. Quem uirum, studiosissimum mei, cupidissi-
 mū Reip. seruandæ, domi meæ certi homines com-
 positi monuerunt, ut esset cautior: eiusq; uita à me
 insidias apud me domi positas esse dixerūt. atque
 hāc ei suspiciōe alij literis mittendis, alij nūcijs, a-
 lij corā ipsi excitauerunt: ut ille, quum à me cer-
 te nihil timeret, ab illis, ne quid meo nomine moli-
 rentur, sibi cauendum putaret. quam rem multis
 etiam uerbis in oratione pro Domo persequitur.
 Pompeius igitur se ruri continebat, ad quem non
 Piso modo Ciceronis gener, sed plures etiam uene-
 runt, ut sic in oratione in Pisonē legimus: Quum
 certi homines non studiū Pompeij à me alienassent,
 sed auxilium retardassent: nōne ad te L. Lentu-
 lus, qui tū erat Prætor, non Q. Sanga, non L. Tor-
 quatus pater, non M. Lucullus uenit? qui omnes
 ad eum, multi que mortales, oratum in Albanū,
 obsecratumq; uenerant, ne meas fortunas desere-
 ret, cum Reip. salute coniunctas. quos ille ad te,
 & ad tuum collegam remisit, ut causam publi-
 cam

cam susciperetur: ut ad senatum referretis, se contra armatum Tribunum plebis sine consilio publico decertare nolle: Consulibus ex S. C. Remp. defendentibus, se arma suscepturum. Atq; hoc uideri potest esse responsum, quod libro tertio ad Atticum minus liberale uocat. nisi forte sit illud, quod libro decimo ad Atticum scribit: Pompeius nos sibi quondam ad pedes stratos, ne subleuabat quidem: qui se nihil contra Caesaris uoluntatem aiebat facere posse. Quod si Cicero se ad Pompeij pedes strauit, Pompeius non uidetur eius congressum fugisse, quamuis eum nihil, quum posset, adiuuerit, ut libro nono ad Atticum scriptum uidemus: quod ipsum saepe queritur. A Pompeio igitur, ut Plutarchus ait, uia Cicero proditus, & desertus, ad Consules confugit. & Gabinius quidem semper durus erat: Piso uero placidius loquebatur, hortans illum ut desisteret, Clodio ruenti cederet, temporum mutationem ferret, & iterum patriam propter ipsum in seditionibus & malis uersantem conseruaret. Hoc responsum Cicero quum accepisset, amicos consuluit. & Lucullus quidem iubebat eum, tanquam superiorem futurum, manere: alij uero, ut fugeret, hortabantur: quod eum breui populus, qui Clo-

dijs furore & cadibus expletus & satiatuſſiſſet, deſideraturuſſet. Hic ego dubito, priuſ ne Cice- ro ad Conſules, an ad Pompeiuſ confugerit. Ad Piſonem Conſulem, cum C. Piſone genero ſuo quum ueniſſet, illud reſponſum tulit: Nihil eſſe, quod preſidium Conſulum implorarem, ſibi quen- que conſulere oportere. Nam reſpoſum quod Plu- tarchuſ refert, Piſo nõ Ciceroni, ſed hiſ quos Pom- peiuſ remiſerat, ut ſuprà diximus, dedit. de quo ſic in oratione in Piſonem ſcriptum legimus: Ec- quid infelix recordariſ, quid reſponderiſ? In quo illi omneſ quidem, ſed Torquatuſ præter ceteroſ firebat, contumacia reſpoſi tui: te non eſſe tam fortiẽ, quàm ipſe Torquatuſ in Conſulatu fuiſſet, aut ego: nihil opuſ eſſe armiſ, nihil cõtentione: me poſſe iterũ Remp. ſeruare, ſi ceſſiſſem: infinitam cadem fore, ſi reſtituſſem: deinde ad extremum, neque ſe, neque generum, neque collegam ſuũ Tri- buno plebiſ deſuturum. Ob id enim Clodiuſ Syriã Gabinio, Macedoniã Piſoni extra ordinem ſi- ne ſorte nominatim dederat, ut in oratione pro Domo, & alibi ſæpe teſtatur. De conſilijs amico- rum, quæ Plutarchuſ ponit, non diſſentimus: quũ M. Lucullum, quem ſignificari putamus, ut in

Bruto

Bruto diximus, saepe commendet: & libro tertio ad Atticum reliquos, qui cōsiliū dederunt, inuidos appellet, ubi sunt illa uerba: Nunc Hortensium allice, & eiusmodi uiros. obsecro mi Pomponi, nondum perspicis, quorum opera, quorum insidijs, quorum scelere perierimus? sed tecum hac coram agemus. Tantum dico, quod scire te puto: nos non inimici, sed inuidi perdiderūt. Hinc ad Q. fratrem scripsit ita: Quantum Hortensio credendum sit, nescio: me summa simulatione amoris, summaq; assiduitate quotidiana sceleratissimè, insidiosissimeq; tractauit, adiuncto quoque Arrio: quorum ego consilijs, promissis, praeceptis destitutus, in hanc calamitatē incidi. Nam, quod ad eundem scriptum fuit, triduo summa cum gloria dicebar esse rediturus. quod & in oratione pro Domo scriptum uidimus. Ob id etiam sic ad Terentiam scripsit: Hac si, ut tu scribis, fato facta putarem, ferrem paulo facilius: sed omnia sunt mea culpa commissa, qui ab ijs me amari putabā, qui inuidebāt: eos non sequebar, qui petebant. Quòd si nostris consilijs usi essemus, neque apud nos tantum ualuisset sermo aut stultorum amicorum, aut improborū, beatissimi uiueremus. Item: Meum fuit officium,

uel legatione uitare periculum, uel diligentia & copijs resistere, uel cadere fortiter. Idē Dion affirmat. Hoc est, quod ad Lentulum scripsit: Multorum est enim, & uaria culpa. & in oratione post Reditum ad Quirites: Ne quatuor omnino genera hominū uiolarūt: unum eorum, qui odio Reip. quod eam ipsis inuitis conseruaram, inimicissimi fuerūt: alterum, qui per simulationem amicitia, nefariē me prodiderunt: tertium, qui quum propter inertiam suam eadem assequi non possent, inuiderunt laudi & dignitati meae: quartum, qui quum custodes Reip. esse debuerūt, salutem meā, statū ciuitatis, dignitatem eius imperij quod erat penes ipsos, uendiderunt. Tum demū Cicero cessit: & cur ceſſerit, etiam saepe docet. sed nunc, quod in oratione post Reditū in senatu ponit, recitabimus: Quum uiderem, inquit, senatum ducibus orbatū, me à magistratibus partim oppugnatum, partim proditum, partim derelictum, seruos simulatione collegiorum nominatim esse cōscriptos, copias omnis Catilinæ penē iſſdem ducibus ad spem cedis & incendiorum esse reuocatas, equites Romanos proscriptionis, municipia uasitatis, omnes cedis metu esse permotos: potui, potui P. C. multis auto-
rib.

rib. fortissimis uiris, me ui armisq; defendere: nec mihi ipse ille animus idem meus, uobis non incognitus, defuit. sed uidebam, si uicissem præsentem aduersariū, nimium multos mihi alios esse uincēdos: si uictus essem, multis bonis & pro me, et mecum, etiam post me esse pereundū: Tribunitūq; sanguinis ultores esse præsentis, mea mortis pœnas iudicio & posteritati reseruari. Nolui, quum Consul communem salutem sine ferro defendissem, meā priuatus armis defendere: bonosq; uiros lugere malui meas fortunas, quàm suis desperare. ac si solus essem interfectus, mihi turpe: si cum multis, Reip. funestum fore uidebatur. Quòd si mihi aeternam esse propositam erumnam arbitrarer, morte me ipse potius, quàm sempiterno dolore multassem. sed, quum uiderem me non diutius, quàm ipsam Remp. ex hac urbe absfuturum: neque ego illa ex-terminata mihi remanēdū putauī: & illa, simul atq; reuocata est, me secū reportauit. Addamus & illa, quæ libro tertio de Legib. dicuntur: Nostra causa, quæ incidit in Tribunitiā potestatem, nihil habuit cōtentionis cū Tribunatu. No enim plebs incitata nostris reb. inuidit: sed uincula soluta sunt, & seruitia incitata, adiuncto terrore etiam mili-

tari. Neq³ nobis cum illa tum peste certamē fuit, sed cū grauiſſimo Reip. tēpore; cui ſi non ceſſiſſem, non diuturnum beneficij mei fructum patria tuliffet. Qui uerò ceſſerit ita, is, quod ſuprà poſitum eſt, dicere potuit, ſe expulſum fuiſſe ſine iudicio, ui, lapidibus, ferro, ſeruitio deniq³ concitato. Huſ enim ceſſit, ne pugnaret cum hiſ, à quibus ſape petitum fuiſſe credimus. quamuis poſſet reſiſtere, ut ſape refert, & in oratione pro Plancio ſic oſtēdit: Dixiſti non auxilium mihi, ſed me auxilio deſuiſſe. Ego uerò fateor me hercule, quòd uiderim mihi auxilium non deeſſe, iccirco me illi auxilio peperciſſe. Ceſſit inquam, conſilijs amicorum comotus: quæ tamen, ut ſuprà retulimus, non probabat. quamuis Plutarchus ita dicat: Hac Cicero quum probaſſet, Minervæ ſignū, quod domi ſuæ diu ſumma cerimonia cuſtodierat, in Capitolium delatum, cum hac inſcriptione, Minervæ Romæ cuſtodi, ſuſpendit: & quum comites ex amicis accepiſſet, ex urbe media ferè nocte diſceſſit. Id ipſe libro ſecūdo de Legibus ita refert: Nos illam cuſtodem urbis, omnibus ereptis noſtris rebus, ac perditis, uiolari ab impijs paſſi non ſumus: eamq³ ex noſtra domo, in ipſius patriæ om̃i detulimus. Qua
de

de re Dion & Iulius Obsequens, etiam plura scri-
būt. De comitibus autem sic in oratione pro Do-
mo loquitur ipse Cicero: Quid omnes boni? si nulla
uis erat, cur me stētes potius psequuti sunt, quā
aut increpantes retinuerūt, aut irati reliquerunt?
Quod si omnes boni profecuti sunt, nec de media
nocte uidetur discessisse: & certē falsum est, quod
Dion ita scribit: Tunc inuitus cū infamia & ma-
la opinione discessit, tanquā, quod sibi sceleris esset
consciū, sua sponte discessisset. EGN. Nisi caue-
mus Pieri, hic homo, qui tam multa hinc inde de-
scribit, de Quāstore librarius, aut scriba fiet. PIE.
Solent Quāstores, ut mercatores, ut mensarij, ut
ceteri qui negotiantur, ex aduersarijs in codices,
& ex illis rursus in alios codices, nomina, quae sint
exigenda, uel expedienda, transferre. COR. Ve-
rum dicis Pieri: nos idem facimus. EGN. Antea
fecisses. COR. Antea fecimus, et nūc referimus.
EGN. Verba refers, & de numis nihil refers.
COR. Haec uerba nos ipsi numos putamus esse.
EGN. Apud nos isti numi nō expendūtur. COR.
Nihil id mea refert, qui lege caui, ut numos omnis
generis accipiat. EGN. Ne nos de lege dispute-
mus: tu tantum uide, ne illud, Summum ius sum-

ma iniuria, dici possit, si tu nos ista lege cogas uerba pro numis accipere. COR. Ego uerò uos non cogam, sed illud tamen dicam: uerba sic expensa tanti nunc apud nos fieri, ut multo plura debita uerbis huiusmodi, quàm numis illis, quos nostri maiores ex ære faciebant, soluantur. PIE. Verū dicit Egnati. Nos enim, qui magnam Italiae partem peragrauimus, id seruari uidimus. EGN. Si seruatur, seruabimus & nos, & tuos Corrade numos istos accipiemus: si tamen ipse cauebis, ne semper numos huiusmodi soluas. COR. Variabimus, & nunc illos dabimus, quos Cornelius Nepos in codicē retulit: Ciceroni ex patria fugienti sestertia ducēta, & quadraginta millia, T. Pomponius Atticus donauit. EGN. Utinam tu nunc Attici similis esses. COR. Italus esse malo, ne, quemadmodum Theophrastus, ab anicula hospes appeller. Nec uos præterea Ciceronis, qui tunc fugiebat, similes esse uelletis. EGN. Nec nos uellemus fugere: nec, ut Demosthenes, Cicero fugit. COR. Cessit igitur circiter Cal. April. Gabinio & Pisone Consulib. et, ut ad Plutarchi uerba redeamus, per Lucaniam pedibus iter fecit, ut in Siciliam perueniret. Ut autem cognitum est, eum discessisse, Clodius

dius de eius exilio tulit, & edictum proposuit, ut omnes eum igni & aqua prohiberent, nec ei quisquam tectum intra quingenta millia passuum ab Italia præberet. Tunc alij quidem, qui Ciceronem reueriebantur, edictum parui facientes, & omnem comitatem demonstrantes, illum prosequerantur. apud Hipponium uero Lucania ciuitatem, quam nunc Vibonem uocant, Vibius homo Siculus, qui multis in rebus ex Ciceronis amicitia fructum caperat, & eius in Consulatu præfectus fabriū fuerat, nec eum hospitio accepit, & ex ipsa regione se milites in eum conscripturum denūciavit: & C. Virginius Sicilia Prætor, qui Cicerone, ut qui maxime, fuerat usus, scripsit, ut Sicilia prorsus abstineret. His ille commotus, Brundisium uenit, & inde Dyrrachium, quum uento secundo nauigaret, uento ex alto per diem restante, regressus est, & postea rursus eò nauigauit. Quum uero iam Dyrrachium nauigasset, & in terram descendere pararet, dicunt, & motum terræ, & quandam contractionem maris eodem tempore factam fuisse. ex quibus uates cōiecerunt, exiliū ipsi non stabile aut diuturnū fore: hæc enim signa mutationis esse. Verū nos ex ora-

rione pro Plancio petamus: Ego Laterensis ex illo
 incendio legum, senatus, iuris, bonorum omnium
 cedens, quum mea domus ardore suo deflagratio-
 nem urbi atque Italia toti minaretur, nisi quie-
 uissem: Siciliam petiui animo, quæ & ipsa erat
 mihi sicut domus una coniuncta: & obtinebatur
 à C. Virgilio, quocum me uno uel maximè tum
 uetusta amicitia, tū mei fratris collegia, tū Resp.
 sociarat. Vide nunc caliginem temporum illorū,
 quum ipsa penè insula mihi sese obuiam ferre uel-
 let, Prætor ille eiusdem Tribuni plebis cōcionibus
 propter eandem Reip. causam sape uexatus, nihil
 amplius dico, nisi me in Sicilia uenire noluit. Quid
 dicam? C. Virgilio, tali ciui & uiro, beneuolentiā
 in me, memoriam communium temporum, piete-
 tem, humanitatem, fidem defuisse? nihil uidelicet
 est eorum: sed quam tempestatem nos uobiscum
 non tulissemus, metuit, ut eam ipse non posset opi-
 bus suis sustinere. Tum cōsilio repente mutato, iter
 à Vibone Brundisiū terra petere contendit, nam
 maritimos cursus præcludebat hyemis magnitu-
 do. Quum omnia illa municipia, quæ sunt à Vibo-
 ne Brundisium, in fide mea, iudices, essent: tunc
 iter tutum, multis minitantibus, magno cum suo
 metu

metu praestiterunt. Brundisium ueni, uel potius ad moenia accessi: urbem unā mihi amicissimam declinaui: quae se uel potius excindi, quam è suo complexu ut eriperer, facile pateretur. In hortos me M. Lenij Flacci contuli: cui quum omnis metus, publicatio bonorum, exilium, mors proponeretur, hac perpeti, si acciderent, maluit, quam custodiam mei corporis dimittere. Huius ego, & parentis eius, prudentissimi atq; optimi senis, & utriusq; filiorum manibus in nauis tuta ac fideli collocatus, eorumq; preces & uota de meo reditu exaudiens, Dyrrhachium, quod erat in fide mea, petere contendendi. Nunc ad hanc ipsa, quae de Plutarchi, Ciceronisq; scriptis recitata sunt, regrediamur. De lege, quam de exilio Clodius tulit, Cicero saepe loquitur, & in oratione pro Domo priuilegium uocat, & ostendit nullo modo legem dici posse: in qua tamē ille tulerat, ut ibidem dicitur, ut M. Tullio aqua & ignis interdiceretur: uel, ut Clodius scripserat, interdictum sit, & ne reciperetur. cuius caput Clodius in curiae poste fixit, & recitauit, ne quis ad senatum referret, ne quis decerneret, ne disputaret, ne loqueretur, ne pedibus iret, ne scribendo adesset, ut in oratione post Reditum in sena

tu legimus. ne, quod libro tertio ad Atticum scriptum est, referamus, et si uidetur illud omnino referendum: Allata est nobis rogatio de perniciē mea, in qua quod correctum audieramus, erat huiusmodi, ut mihi ultra quadringenta millia liceret esse.

PIE. Ex Plutarcho supra retulisti, quingenta millia. COR. Cicero dixit, ultra quadringenta millia: Plutarchus, intra quingenta millia extra Italiam: sed tria millia, septingenta quinquaginta stadia ab Roma, Dion scripsit: ne, quæ diuersa de lege refert, dicamus. De Vibio, quem Plutarchus ponit, nihil scriptum uidimus: quem uero C. Virginiū Plutarchus appellat, eum Cicero C. Virgilium uocat. Iam de M. Lenio Plutarchus nihil refert: sed Cicero, præter ea quæ supra retulimus, sic ad Terentiam scribit: Nos Brundisii apud M. Lenium Flaccum dies tredecim fuimus, uirum optimum, qui periculum fortunarum & capitis sui pro mea salute neglexit: neque legis improbiſſimæ pœna deductus est, quo minus hospitij & amicitia ius, officiumq; præstaret. Huic utinam aliquando gratiam referre possimus: habebimus quidem semper. Contrà Cicero nihil de terra marisq; prodigio dixit: fortasse, si uerum fuisset, dicturus:

quum

quum somnium referre non dubitavit, quod apud eum libro primo de Divinatione, & apud Valerium Maximum libro primo legimus. *PIE.* Nihil neque de domo eversa, neque de bonis publicatis dixisti. *COR.* Nunc ordinem Plutarchi sequimur, qui postea de rebus hisce loquitur: quamvis, ubi de rogatione scripsit, ibi de rebus illis, ut postea Leonardus Arretinus fecit, loqui debuerit. Sed ille, qui ductus studio maledicendi, properaret dicere, quàm parum viriliter exiliū Cicero tulerit, & ordinem perturbavit, & quod ad iter reliquū pertinebat omisit, quod Cicero sic in oratione pro Plancio scripserat: *Dyrrhachiū quum uenissem, cognoui id quod audieram, refertam esse Graciā sceleratissimorum hominum, ac nefariorum, quorum impium ferrum, ignesq; pestiferos meus ille Consulatus è manibus extorserat: qui antequam de meo aduentu audire potuissent, quum tum abessent aliquot dierum viam, in Macedoniam, ad Planciūq; perrexī. hic uerò simulatq; me mare trāsisse cognouit, audi atq; attēde Latēresis, ut scias, quid ego Plancio debeam: confiteareq; aliquando, quod faciam, me & grātē & piē facere: huic, quæ pro salute mea fecerit, si minus profu-*

tura sint, obesse certè non oportere. nam simulac
 me Dyrrachium attigisse audiuit, statim ad me,
 lictoribus dimissis, insignibus abiectis, ueste muta-
 ta profectus est. O acerbam mihi iudices memo-
 riam temporis illius, & loci, quum hic in me inci-
 dit. complexus est, cōspersitq; lachrymis, nec loqui
 præ mœrore potuit. O rem cū auditu crudelē,
 tum uisu nefariam: o reliquas omnes dies, noctesq;
 eas quibus iste à me non recedens, Theſſalonicam
 me, in Quæſtoriumq; perduxit. Hic ego nunc de
 Pratore Macedoniae nihil dicā amplius, nisi eum
 & ciuem optimum semper, & mihi amicū fuisse:
 sed eadem timuisse, quæ ceteros: Cn. Plancium
 fuisse unum, non qui minus timeret, sed, si accide-
 rent ea quæ timerentur, mecum ea subire & per-
 peti uellet. Qui, quum ad me L. Tubero meus ne-
 cessarius, qui fratri meo legatus fuisset, decedēs ex
 Asia uenisset, easq; insidias, quas mihi paratas
 ab exulibus coniuratis audierat, animo amicissi-
 mo detulisset: in Asiam me ire propter eius pro-
 uincia mecum & cum meo fratre necessitudine,
 parantem non est passus. Vi me inquam Plācius,
 & complexu suo retinuit: multosq; menses à capi-
 te meo non discessit, abiecta Quæſtoria persona,
 comi-

comitisq; sumpta. Sic etiam libro tertio ad Atticum scripsit: Itineris causa, ut diuertar, primū est leuium: deinde ab Antronio, & ceteris, quatri-dui. Item: Scripserā ad te, quas ob causas in Epeirum non essemus profecti, quòd & Achaia propè esset, plena audacissimorum inimicorum: & exitus difficiles haberet, quū inde proficisceremur. Accessit, quum Dyrrachij essemus, ut duo nunciij afferentur: unus, classe fratrem Epheso Athenas: alter, pedibus per Macedoniam uenire. Itaq; illi obuiam misimus Athenas, ut inde Theſsalonicam ueniret. Ipsi processimus, & Theſsalonicam ad X. Cal. Iun. uenimus. Sed iam Plutarchi uerba uertamus: Quamuis homines ad eū multi conuenirent, quamuis eum Græcæ urbes officijs certatim prosequerentur: ipse tamen tristis, mæstusq; uiuebat, in Italiam, ut in amicas infelicitè amantè, saepe respiciens: & propter calamitatem sic planè deiectus, & abiectus, ut nemo putare posset, eū bonis artibus eruditum fuisse: et si frequenter ipse uolebat ab amicis non orator, sed philosophus appellari: quòd se philosophiam, ut opus, elegisse: arte uerò dicendi, ut instrumento ad res necessarias in administranda Rep. uti dicebat. Sed gloria magna
est,

est, opiniones, ut animi sordes, eluere: et affectiones
uulgi, quæ propter usum & consuetudinē Remp.
administrantibus innascuntur, abstergere: nisi quis
se ualde custodiens, ita cum his qui non curat, con
sentiat, ut rerum ipsarum, non affectionū, quæ re
bus insunt, particeps esse uelit. Uidetis, opinor, ut
homo Græcus, omnes occasiones, ut Ciceroni male
dicere possit, captet. EGN. Non captaret ille, nisi
Cicero, qui tam miserabiliter ad Atticū, ad Quin
tum fratrem, & ad Terentiam scribat, offerret.
COR. Ille uerò miserabiliter scribebat ad eos, ut
miserabilis uideretur: quò magis eos ad id procurā
dum, quod cupiebat, excitaret. EGN. Vereor,
ne tu iam nobis, quod omnes homines esse factum
sciunt, id non esse factum, uelis persuadere. COR.
Sciunt, uel potius credunt illi, qui, quod semel scri
ptum uiderunt, id factum esse putant: nec à quo,
uel quo modo scriptum sit, inquirunt. Nos ceriè
nunquam neque Plutarcho, neque Dioni crede
mus, qui de re tam leui tragædias excitauit: quo
rum alter, ut tragicum malum descripsit: alter o
blitus se historicū esse, poeta fieri uoluit; & repen
tè nescio quem Philiscum, tanquam deum tragi
cū, qui Ciceronem consolaretur, uel potius in hi
storia

*gloria contra decorum & ueritatem multa nuga
 retur, induxit. EGN. Ipsi credes. COR. Ego ue
 rò credā, sed interpretabor, ut dixi: nec ea me uer-
 ba quæ sunt in oratione pro Sestio, mouebunt: U-
 nus Remp. bis seruauī, semel gloria, iterum erum-
 na mea. Neque enim hominem in hoc me inficia-
 bor unquam, ut me optimo fratre, charissimis libe-
 ris, fidissima coniuge, uestro conspectu, patria, hoc
 honoris gradu, sine dolore caruisse glorier: quod si
 fecissem, quod à me beneficium haberetis, quum
 pro uobis ea quæ mihi essent uilia, reliquissem? Id
 in oratione pro Domo pluribus uerbis explicauit,
 inter quæ sunt illa: Accepi Pontifices magnum
 atque incredibilem dolorem, nō nego, neque istam
 mihi ascisco sapientiam, quam nonnulli in me
 requirebant, qui me animo nimis fracto esse, at-
 que afflicto loquebantur. EGN. Doluit igitur.
 COR. Absens potius se dolere simulauit, ut
 suos, quod diximus, magis commoueret: &
 præsens item se doluisse simulauit, ut uir pruden-
 tissimus, & rerum humanarum peritissimus,
 scena, quod aiunt, seruiret: & eos qui audie-
 bant, ea ratione sibi conciliaret: quum præsertim
 non ut philosophus cum philosophis, sed ut orator*

cum hominibus non perfectis loqueretur. *Aliter enim ut philosophus, aliter ut orator loqui solet. Hinc, ut alia mittamus, et quod nunc agi debet agamus, in sua consolatione pugnasse se semper contra fortunam loquitur, eamq. à se esse superatam, quum fortiter inimicorum impetus retudisset: nec tum quidem se ab ea fractum, quum domo pulsus, patria caruit.* EGN. Id ego Laetantium non recordabar retulisse: nunc tibi, si placet, assentiar, & credam, Ciceronem, quum dolere uideretur, risisse. COR. Ut Democritus fortasse risit. quanquam tu me nunc ipse rides: quasi uerò contendam, Ciceronem nihil omnino doluisse. Ego uerò scio, quòd in Tusculanis quaestionibus ipse scripsit: Illud nihil dolere non sine magna mercede contingit, immanitatis in animo, stuporis in corpore. EGN. Fate ris igitur, eum doluisse. COR. Fateor: sed non ita tamen, ut Demosthenem, qui muliebriter exiliū suum deflebat, imitaretur. PIE. Hoc est pilam re torquere. EGN. Fortasse follem. nam pilam trigonalem quonā modo uidere potuerit, non uideo. COR. Nec tu uides: nec ego pilam, nisi ut claudus, retinuissem. Sed nobis iam neq. pila ludere, neque iocari libet, quum Plutarchum quasi praconem

de bo

de bonis Ciceronis audiamus ita prædicantem: Clo-
dius, quum Ciceronem eiecisset, eius cum uillas,
tum domum incēdit, & in loco templum Liberta-
tis adificauit: reliqua uerò bona uenditauit quidē,
& uoci præconis quotidie subiecit, sed nemo quic-
quam emere uoluit. Quibus quidem de rebus Cice-
ro sæpe queritur, ut in oratione Post reditū in se-
natu: Uno eodemq; tempore domus mea diripieba-
tur, ardebat, bona ad uicinum Consulem de pala-
tio, de Tusculano ad item uicinum alterum Consu-
lem deferēbātur. ut in oratione pro Domo: Nihil
erat latum de me: nō adesse eram iussus: non cita-
tus fueram: erā etiam tuo iudicio ciuis incolumis:
quum domus in palatio, uilla in Tusculano, altera
ad alterum Consulem transferebatur: senatū Con-
sules uetabant: colūne marmoreæ ex adibus meis
inspectante populo Romano, ad socrū Consulī por-
tabantur: in fundum autem uicinī Consulī non
modo instrumentum, aut ornamenta uillæ, sed e-
tiam arbores transferebātur: quum ipsa uilla non
prædæ cupiditate (quid enim erat prædæ?) sed odio
& crudelitate funditus euerteretur: domus arde-
bat in palatio, non fortuito, sed oblato incēdio: Con-
sules epulabantur. Hinc etiam cognoscere possu-

mus, domum Ciceronis anic, quàm rogatio de exilio ferretur, incensam fuisse. Ut uerò domus Libertati consecrata fuerit, in oratione ipsa pro Domino scribitur, ubi sunt etiam uerba, quæ ad bona pertinet: Cuius est nemo in tanto populo, extra contaminatam illam & cruentam P. Clodij manum, qui rem ullam de meis bonis attigerit: qui non pro suis opibus in illa tempestate defenderit. At qui aliqua se contagione prædæ, societatis, emptionis contaminauerunt, nullus neque priuati neq; publici iudicij pœnã effugere potuerunt. Post ea quæ suprà uertimus, ita Plutarchus addit: Ob id Clodius optimatibus formidolosus factus, & secum populum ad multas iniurias & audaciã prolapsus ducens, nonnulla, quæ Pompeius administrarat in re militari, rescindere conatus est. Propter quæ quum Pompeius male audiret, seipse reprehendebat, quòd eijci Ciceronem permisisset: & mutatus, cœpit cum amicis de Cicerone reuocando deliberare. sed quum Clodius resisteret, senatui nihil neque decernere, neque facere publice placuit, nisi Cicero restitueretur. Quum uerò iam Lentulus Consul esset, & tanta seditio commota fuisset, ut Tribuni plebis in foro sint uulnerati, & Quintus Ciceronis frater

frater inter mortuos ut mortuus latuerit: & populus sententiam mutare cœpit, & Tribunorum plebis Annius Milo primus ausus est Clodium de ui postulare. Hac, quæ sunt implicata, nos explicemus. Sic igitur in oratione pro Domo legimus: Atque ut sciatis, non hominibus istum, sed uirtutibus hostem semper fuisse, me expulso, Catone amandato, in eum ipsum se conuertit, quo autore, quo adiutore, in cocionibus, ea quæ gerebat omnia, quæq; gesserat, se fecisse, et facere dicebat: Cn. Pompeium quem omnium iudicio longè principem esse ciuitatis uidebat, diutius furori suo ueniã daturum non arbitrabatur: qui ex eius custodia per insidias Regis amici filium hostem captiuum surripuisset, & ea iniuria uirum fortissimum laceisset, sperauit iisdem se copijs cum illo posse cõfigere, quibuscum ego noluissem bonorum periculo dimicare. & primò quidem adiutoribus Consulibus: postea fregit fœdus Gabinius. Piso tamen in fide mansit. EGN. Plutarchus amandatum primò Catonem, deinde expulsum Ciceronem scripsit. COR. Ille quidem scripsit, & olim me decepit ita, ut putarem; Ciceronem, ut oratio cresceret, ita uerba collocasse. sed in oratione pro Sestio po-

Stea uidi, Catonē post Ciceronis ex urbe discessum cum Pisone Consule Romæ uerba fecisse: ne, quod Dion scribit, & alias coniecturas persequamur. Quod ad hanc rem pertineat, id Dion refert: Ciceronem non diu fuit exul, sed ab eodem Pōpeio, qui maximè ipsum expulerat, restitutus est. Causa fuit, quòd Clodius Tigranem iuniorem, qui tunc apud L. Flauium in uinculis adhuc erat, pecunia corruptus, eripuit, atque dimisit: ac Pompeium, Gabiniumq̃, id agrè ferentes iniurijs affecit. Nam comites eorum uerberauit, & uulnerauit: ac Consulis fasces fregit, & bona consecrauit. Propter hæc igitur Pompeius iratus, præsertim quòd Clodius ea potestate, quam Tribunis plebis ipse restituerat, contra se abuteretur, Ciceronem uoluit reuocare. Asconius hanc historiam clarius describit: Pompeius post triumphum Mithridaticum Tigranis filium in cathenis deposuerat apud Flauium senatorem: qui postea quum esset Prætor eodem anno, quò Tribunus plebis Clodius, petit ab eo Clodius super cœnam, ut Tigranem adduci iuberet: adductū collocauit in cōuiuium, dein Flauio non reddidit: dimisit, & habuit extra cathenas, nec repetenti Pompeio reddidit: postea in nauem deposuit. Item

Pisone

Pisone & Gabinio Consulibus, pulso Cicerone in exilium, quum 111. Id. Sext. Pompeius in senatum uenit, dicitur seruo P. Clodij sica excidisse: eaq^{ue} ad Gabinium Consulem delata, dictum est, seruo imperatum à P. Clodio, ut Pompeius occideretur. Pompeius statim domum redijt. ex eo domi tenus obseſſus est etiam à liberto Clodij Damione, ut ex actis eius tēporis cognoui: in quibus x v. Cal. Sept. L. Nouius Tribunus plebis, collega Clodij, quum Damio aduersum Flauium prætorem appelleret Tribunos, & Tribuni de appellatione cognoscerent, ita sententiam dixit: Et hoc apparitore P. Clodij uulneratus sum: & hominib. armatis, præſidijs dispositis à Rep. remotus sum: Cn. Pompeius obseſſus est: quum appeller, nō utar eius exemplo, quem uitupero: & iudiciū tollam. Hic est ille motus, quem Pomponius Atticus utilem Ciceroni fore sperabat, ut libro tertio ad Atticum legimus, ubi sunt illa uerba: Motum in Rep. non tantum ego uideo, quantum tu aut uides, aut ad me consolandum affers. Tigrane enim neglecto, sublata sunt omnia. Sed præstat huc uerba Ciceronis ex oratione in Pisonem transferre: Ne tum quidem emersisti lutulete Cæsoni, ex miserrimis natura tua for-

dibus, quum experrecta tandem uirtus clarissimi
uiri celeriter & uerū amicum, & optimè meri-
tum ciuem, & suum pristinū morem requisitus:
neque est ille uir passus, in ea Rep. quam ipse deco-
rarat, atque auxerat, diutius uestrorum scelerum
pestem morari: quum tamen ille, qualiscunq; est,
qui est ab uno te improbitate uictus, Gabinus, col-
legit ipse se uix: sed collegit tamen, & contra suum
Clodium primū simulate, deinde non libenter,
ad extremum tamen pro Cn. Pompeio uerè uehe-
menterq; pugnavit. Quo quidem in spectaculo mi-
ra Reip. auitas erat: uter eorum perisset, tanquā
lanista, in eiusmodi pari lucrum fieri putabat: im-
mortalem uerò quæstū, si uterque cecidisset. Sed
ille tamen agebat aliquid: tuebatur auctoritatem
summi uiri: erat ipse sceleratus, erat gladiator: cū
scelerato tamē, & cum pari gladiatore pugnat.
Tu scilicet homo religiosus & sanctus, fœdus, quod
meo sanguine in pactione prouinciarum iceras, frā-
gere noluisti. Cauerat enim sibi ille sororius adul-
ter, ut, si tibi prouinciam, si exercitum, si pecuniā
ereptam ex Reip. uisceribus dedisset, omnium suo-
rum scelerum socium te, adiutoremq; præberes. I-
taque in illo tumultu fracti fascēs, ictus ipse: quoti-
die

die tela, lapides, fugæ: deprehensus deniq; cum ferro ad senatum is, quem ad Cn. Pompeium interimendum collocatum fuisse constabat. Atque hac quidē de re sæpe Cicero meminit, sed nos satis multa retulimus: nunc uideamus, quod Plutarchus de senatu refert, eum constituisse nihil decernere, nisi de Cicerone referretur. Id in oratione in Pisonem Cicero scribit ita: *An tum eratis Consules, quum quacunque de re uerbum facere cœperatis, aut referre ad senatum, cunctus ordo reclamabat, ostendebatq; nihil esse uos acturos, nisi prius de me retulissetis: quum uos, quanquam sædere obstricti tenebamini, tamen cupere uos diceretis, sed lege impediri? Audite uerò, quæ sunt in oratione pro Sestio scripta: Loquebatur liberius senatus: concurrebant equites Romani: Piso ille gener meus, cui fructum pietatis suæ neque ex me, neque à populo Romano ferre licuit, à propinquo suo socerum suum flagitabat: omnia senatus reijciebat, nisi de me primum Consules retulissent. quæ quū res iam manibus teneretur, & quū Consules provinciarum pactione libertatem omnem perdidissent, qui, quum in senatu priuatim, ut de me sententias dicerent, flagitabantur, legem*
illi

illi se Clodiam timere dicebant: quum hæc non possent iam diutius sustineri, initur consilium de interitu Cn. Pompeij. Prius igitur senatus statuit, nihil esse decernendum, nisi de Cicerone referretur, quàm de interitu Cn. Pompeij consilium iniretur: quamuis aliter in oratione in Pisonem referre uideatur. Iam, quæ sunt in oratione pro Sestio scripta, uidentur ad rei continuationem, quam Plutarchus interrumpit, pertinere: De meo reditu octo Tribuni promulgarunt. ex quo intellectum est, mihi absenti creuisse amicos, in ea præsertim fortuna, in qua nonnulli, etiam quos esse putaueram, non erant: sed eos uoluntatem semper eandem, libertatem non eandem semper habuisse. Nam ex nouem Tribunis, quos tunc habueram, unus me absente defluxit: qui cognomen sibi ex Aeliorum imaginibus arripuit, quo magis nationis eius esse, quàm generis uideretur. hoc igitur anno magistratibus nouis designatis, quum omnes boni omnem spem melioris status in eorum fidem conuertissent, princeps P. Lentulus autoritate ac sententia sua, Pisone & Gabinio repugnantibus, causam suscepit: Tribuniq; plebis octo referentibus, præstantissimam de me sententiam dixit, qui quum ad gloriam suam,

suam, atque ad amplissimi beneficij gratiam magis pertinere uideret, causam illam integram ad suum Consulatum reservari: tamē rem talem per alios citius, quā per se tardius confici malebat. Hoc interim tempore P. Sestius designatus, iter ad C. Caesarem pro mea salute suscepit. Atque illi quidem octo Tribuni de salute Ciceronis promulgarunt, & ad senatum sexenunero retulerunt: sed, impediēte Clodio, nihil profecerunt, ut in oratione post Reditū in senatu cognoscēs. Promulgarunt autem ad 1111. Cal. Nouemb. Pisone & Gabinio Coss. quod libro tertio ad Atticum legimus. Abijt, ut in oratione pro Sestio loquitur, ille annus: ueniunt Calendæ Ian. nos hac melius scire potestis: equidem audita dico, quæ cum frequentia senatus, quæ expectatio populi, qui concursus legatorum ex Italia cuncta, quæ uirtus, actio, grauitas P. Lentuli Consulis fuerit, quæ etiam collega eius moderatio de me: qui quum inimicitias sibi mecum ex Reip. dissensione susceptas esse dixisset, eas se patribus conscriptis dixit, & temporibus, & Reip. permissurum. Tum princeps rogatus sententiam L. Cotta, dixit, id quod dignissimum Rep. fuit: nihil de me actum esse iure, nihil more maiorum, nil

hil legibus: quare me, qui nulla lege abessem, non
restitui lege, sed renocari senatus autoritate oportere.
Hūc nemo erat quin uerissimè sentire diceret:
sed post eum rogatus Cn. Pompeius, approbata, lau-
dataq; Cotta sententia, dixit, sese ocy mei causa, ut
omni populari concitatione desungerer, censere, ut
ad senatus auctoritatem, populi quoq; Romani be-
neficium erga me adiungeretur. Idem libro ter-
tio de Legib. & in oratione pro Domo refert. sed
audite, quid in oratione in Pisonem dicat: Me Ca-
ledis Ian. qui dies post obitum occasumq; nostrum,
Reip. primus illuxit, frequentissimus senatus, con-
cursu Italia, referente clarissimo atque fortissimo
uiro P. Lentulo, cōsentiente populo Romano, atq;
una uoce renocauit: me idem senatus exteris na-
tionibus, me legatis, magistratibusq; nostris autori-
tate sua cōsularibus literis, non, ut tu nuper dice-
re ausus es, orbatum patria: sed, ut senatus illo ipso
tempore appellauit, ciuem conseruatorem Reip.
commendauit. Id senatusconsultum in templo Io-
uis Opt. Max. factum est: ut in oratione pro Do-
mo, & in oratione de Prouincijs consularibus o-
stendit: quamuis in oratione pro Plancio, & li-
bro primo de Diuinatione, de somnio loquens,
Marius

Marij monumentum uocet, quòd ades Iouis Mariana diceretur, ut apud Valerium Maximum uidere licet. Sed res impediabatur, ut sic in oratione pro Sestio describit: Quum omnimora, ludificatione, calumnia senatus autoritas impediretur, uenit tandem consilij de me agendi dies, *v* 111. Cal. Febr. princeps rogationis, uir mihi amicissimus, Q. Fabricius templum aliquàto ante lucem occupauit. quietus eo die Sestius is, qui est de uireus, actor hic, defensorq; causæ meæ, nihil progreditur, consilia expectat inimicorum meorum. Quid illi, quorum consilio P. Sestius in iudicium uocatur, quo se pacto gerunt? Quum forum, comitium, curiam multa de nocte armatis hominibus, ac seruis plerisque occupauissent, impetum faciunt in Fabricium, manus afferunt, occidunt nonnullos, uulnerant multos: uenientem in forum uirum optimum, & constantissimum, M. Cissium Tribunum plebis ui depellunt, eadem in foro maximam faciunt, uniuersi que districtis gladijs, & cruentis in omnibus fori partibus fratrem meum, uirum optimum, fortissimum, meiq; amantissimum, oculis quærebant, uoce poscebant: quorum ille telis libenter in tanto luctu, ac desiderio

rio mei non repugnandi, sed moriendi causa corpus obtulisset suum, nisi suam uitam ad spem mei reditus reseruasset. Subijt tamen uim illam nefariam conscleratorum latronum: & quum ad fratris salutem à populo Romano rogandam, deprecandamq^{ue} uenisset, pulsus à rostris, in comitio iacuit, seq^{ue} seruorum & libertorum corporibus obtegit, uitamq^{ue} cum suam noctis et fuga praesidio, non iuris, iudiciorumq^{ue} defendit. His etiam temporibus domus Nilonis Tribuni plebis, & Cecilij praetoris à Clodianis oppugnatae sunt: & P. Sestius Tribunus pl. uulneratus est. Tum Nilo Clodium primo de ui postulauit: posteaquàm ab eodem iudicia sublata esse uidit, ne ille omnia ui posset efficere, curauit. Quae quidem in orationibus post Reditum in senatu, pro Sestio, & pro Nilone pluribus uerbis explicantur. PIE. Iam uideris ad ea uerba, quae postrema de Plutarcho uertisti, peruenisse. COR. Perueni quidem, sed multa quae referri poterant, omisi, ut quae Plutarchus addit, ita coniungam: Ad Pompeium multi & ex populo, & ex uicinis ciuitatibus conuenerunt, quibus ille septus in forum quum uenisset, & inde Clodium deiecisset, ciues ad suffragium uocauit. Dicitur autem

popu.

populus nihil unquā tanta concordia iussisse. Videtis iam, quod omnes uident, Plutarchum, qui de nugis saepe tā multa scripsit, in hisce rebus quæ ad gloriam Ciceronis pertinent, ita parcum fuisse, uix ut eas indicarit. EGN. Sciebat lusciniæ cantionem non deesse. COR. Audiamus igitur eam sic in oratione quæ contra Pisonem dicta est, canentem: Ad meam unius salutem senatus auxilium omnium ciuium, cuncta ex Italia, qui Remp. saluam esse uellent, Consulis uoce & literis implorandum putauit. Mei capitis seruandi causa Romam uno tempore, quasi signo dato, Italia tota conuenit. De mea salute P. Lentuli præstantissimi uiri atque optimi Consulis, Cn. Pompeij clarissimi atque inuictissimi ciuis, cæterorumq; principum celeberrimæ & grauissimæ conciones fuerunt: de me senatus ita decreuit, Cn. Pompeio autore, & eius sententiæ principe, ut, si quis impedisset reditum meum, in hostium numero putaretur. ijsq; uerbis ea de me senatus autoritas declarata est, ut nemini sit triumphus honorificentius, quàm mihi salus, restitutioq; perscripta: de me quum omnes magistratus promulgassent, præter unum Prætorem, à quo non fuit postulandum, fratrem inimici mei, præterq; duos

de lapide emptos Tribunos plebis, legem comitijs centuriatis tulit P. Lætulus Cos. de collega Q. Metelli sententia, quem mecum eadem Resp. quæ in Tribunatu eius disjunxerat, in Consulatu, uirtute optimi ac iustissimi uiri, sapientiaq; cōiunxit. Quæ lex quemadmodum accepta sit, quid me attinet dicere? ex uobis audio, nemini ciui ulla, quo minus adesset, iustam excusationem esse uisam: nullus comitijs unquam multitudinem hominum tantam, neq; splēdidiorē fuisse. hoc ceriē uideo, quod indicant tabulæ publicæ, uos rogatores, uos distributores, uos custodes fuisse tabularum: & quod in honoribus uestrorum propinquorum non faciatis, uel ætatis excusatione, uel honoris, id in salute mea, nullo rogante, uos uestra sponte fecistis. PIE. O' dulcem cantum. COR. Addes uarium, quum sepius eadem, non eodem modo, more suo, canentē deinceps audiueris. EGN. Sed intus canentem. COR. Quippe quum iam satis foris fleuisset. Sed nos, qui Plutarchi uerba solemus explicare, Ciceronis uerba, quibus etiam superiora melius explanantur, non libenter audiamus? EGN. Audiamus. COR. Quamuis tu rideas, quasi ego sim resonabilis Echo: quedam tamen, quæ

quæ necessaria uideantur, referam. Senatus (inquit in oratione pro Domo) decreuit, ut omnes qui Remp. saluam esse uellent, ad me unum defendendum uenirent: ostenditq³, nec stare potuisse Remp. si ego non fuisset restitutus: nec futuram esse ullā, si non redisset. Idem in oratione post Reditum in senatu refert, ubi sunt illa uerba: Quid ego gloriosius meis posteris potui relinquere, quā, hoc senatum iudicasse, qui ciuis me non defendisset, eum Remp. saluam noluisse? Itaque tantum uestra auctoritas, tantum eximia Consulis dignitas ualuit, ut omne is flagitium se committere putaret, si quis non ueniret. Idemq³ Consul, quum illa incredibilis multitudo Romā, & penē Italia ipsa uenisset, uos frequentissimos in Capitolū conuocauit. Pompeius (ut ait in oratione pro Milone) quum de me decretum Capuæ fecisset, ipse cuncta Italiae cupienti, & eius fidem implorāti signum dedit, ut ad me restituendum Romam concurrerent. Hæc erat multitudo, quæ cōuenerat: quo quidem die (ut ad orationem post Reditum in senatu reuertamur) quū quadringenti decē senatores essetis, magistratusq³ omnes adessent, dissensit unus is, qui sua lege coniuratos etiā ab inferis excitandos putarat: at-

que illo die, quo Remp. meis consilijs conseruatam
grauissimis uerbis & plurimis iudicassetis, idem
Consul curauit, ut eadem à principibus ciuitatis
in concione postero die dicerentur: quum quidem
ipse egit ornatissimè causam meā, perfecitq; astan-
te atque audiente Italia tota, ut nemo cuiusquam
conducti aut perditu uocem acerbam, atque inimi-
cam bonis posset audire. Hæ fuerūt conciones prin-
cipum, quas cum omnes, tum illam Pompeij plu-
ribus uerbis in oratione post Reditum ad Quirites
explicauit. In oratione uerò post Reditum in sena-
tu, pergit ita: Ad hæc non modo adiumenta salu-
tis, sed etiam ornamenta dignitatis meæ reliqua
uos idem addidistis: decreuistis, ne quis ulla ratio-
ne rem impediret: qui id impedisset, grauiter mo-
lesteq; laturus: illum cōtra Remp. salutemq; bono-
rum, cōcordiamq; ciuium facturum: & ut ad uos
ea statim referrentur: meq; etiā si diutius calum-
niarentur, redire iussistis. quid: ut agerentur gra-
tiæ, qui è municipijs uenissent? quid, ut ad illam
diem, res quum redissent, rogarentur, ut pari stu-
dio conuenirent? Hoc senatusconsultum non est il-
lud, de quo Lentulus, ut antiè diximus, Cal. Ian.
retulit: sed illud, de quo Cicero v. 1. Cal. Iunias, ut
opinor,

opinor, ad Atticum libro tertio scripsit ita: *Littera mihi à Quinto fratre cum S. C. quod de me est factum, allatae sunt. mihi in animo est, legūlationem expectare. si obtreclabitur, utar autoritate senatus, & potius uita quàm patria carebo. Iam de lege sic in oratione post Reditum in senatu loquitur: Quid denique illo die, quem P. Lentulus mihi, fratriq; meo, liberisq; nostris natalem constituit, non modo ad nostram, uerumetiam ad sempiterni memoriam temporis? quo die nos comitibus centuriatis, quae maximè maiores iusta dici, haberiq; uoluerunt, accersiuit in patriam: ut eadem centuriæ, quae me Consulem fecerāt, Consulatum meum comprobarent. quo die qui ciuis fuit, qui fas esse putaret, quacunque aut etate, aut ualitudine esset, non se de salute mea sententiam ferre? quando tantam frequentiam in campo, tantum splendorem Italiae totius, ordinumq; omnium, quando illa dignitate rogatores, diribitores, custodesq; uidistis? Sed epilogum, si placet, ex oratione pro Domo translatum, audite: Proximus est senatui dignitate ordo equester: omnes omnium publicanorum societates de meo Consulatu, ac de meis rebus gestis amplissima atque ornatissima decreta fecerunt.*

runt. Scribæ qui nobiscum in rationib. monimentisq. publicis uersantur, non obscurum de meis in Remp. beneficijs suum iudicium, decretumq. esse uoluerunt. nullum est in hac urbe collegium, nulli pagani, aut montani (quoniam plebi quoque urbana maiores nostri conuenticula, & quasi consilia quædam esse uoluerunt) qui non amplissimè non modo de salute mea, sed etiam dignitate decreuerint. Nam quid ego illa diuina atque immortalia municipiorum, & coloniarum, & totius Italia decreta commemorem? quibus tanquam gradib. mihi uideor in cælum ascendisse, non solum in patriâ reuertisse. Ille uerò dies quis fuit, quum te P. Lentule legem de me ferentem populus Romanus ipse uidit, sensitq. quantus, & quanta dignitate esses? Constat enim, nullis unquâ comitijs campū Martium tanta celebritate, tanto splendore omnis generis hominum, ætatum, ordinum floruisse. omitto ciuitatum, nationum, prouinciarum, regum, orbis denique terrarum de meis in omnes mortales meritis unum iudicium, unumq. consensum.

EGN. Epilogus oratione longior. COR. Ille breuior, qui sic in oratione post Reditum ad Quirites legitur: En ego tot testimonijs, Quirites, hac autoritate

ritate senatus, tanta consensione Italiae, tanto studio bonorum omnium, agente P. Lentulo, consentientibus ceteris magistratibus, deprecante Cn. Pompeio, omnibus hominibus fauētibz, Dysdenique immortalibus frugum ubertate, copia, utilitate, reditum meum comprobantibus, mihi, meis, Reip. restitutus, tantum uobis, quantum facere possum, Quirites, pollicebor. EGN. Est ille quidem breuior: sed eo sic frequēter utitur, ut crambe non posita bis, sed sapius esse uideatur. COR. Ita fortasse Plutarcho uidebatur. quē rem tantam uidemus, ut canes in Aegypto solent, leuiter attigisse: & tamen grauius offendisse, quū putarit à Pompeio Clodium tunc è foro pulsum fuisse: quum Cicero sic in oratione pro Domo, cum Clodio loquatur: Illa fuit pulchritudo populi Romani, illa forma, quam in campo uidisti tum, quum etiam tibi contra senatus, totiusque Italiae auctoritatem & studium, dicendi potestas fuit: ille populus est dominus regum, uictor. atque imperator omnium gentium: quem illo clarissimo die sceleratē uidisti tum, quum omnes principes ciuitatis, omnes ordinum atque ætatum omnium, suffragium se non de ciuis, sed de ciuitatis salute

ferre censebant. EGN. Forum non erat campus.
COR. Plutarchus igitur male forum pro campo
posuit, quum tamen eadem de re loqueretur. sed
de eo mirum non est, qui iam saepe peccet, & quod
sequitur, etiam præpostere narret: Senatus cum
populo certans, decreuit, ut ciuitates quæ Ciceronẽ
exulantem recepiſſent, laudarentur: & domus
ac uillæ, quas Clodius euerterat, sumptu publico
Ciceroni restituarentur. Nam de domo & uillis,
post reditum Ciceronis, ut infra dicetur, decreuit:
quod ad laudandas ciuitates, quæ Ciceronem re-
cepiſſent, pertinet, antè, quàm lex ferretur. quod
in oratione pro Domo sic ipse testatur: Senatus
multo antè, quàm est lex lata de me, gratias agen-
das censuit ciuitatibus ijs quæ M. Tullium, tan-
tùmne? imò etiam ciuẽ optimè de Rep. meritum,
recepiſſent. Videtur autem id decretum fuisse in
eo S. C. quod ante v. i. Cal. Ian. factum fuisse, supra
demonſtrauimus: quum lex Prid. Non. Sext. per
lata sit. quod ita libro quarto ad Atticum scribit:
Prid. Non. Sext. Dyrrhachio sum profectus, ipso
illo die, quo lex est lata de nobis. Brundisium ue-
ni Non. Sext. ibi mihi Tulliola mea fuit præſto, na-
tali suo ipso die, qui casu idẽ natalis erat & Brun-
dusi

*duſinae coloniae, & tuae uicinae ſalutis: quæ res animaduërſa à multitudine, ſumma Brundusi-
 norum gratulatione celebrata eſt. quod in ora-
 tione pro Seſtione multis etiam uerbis confirmauit.
 EGN. Poſſumusne adhuc eum ſaluum ueniſſe
 gaudere? COR. Poſſumus quidem: ſed poſtea ta-
 men, quum domum uenerit, melius gaudebimus,
 & interea quod Plutarchus apponit uertemus:
 Cicero decimoſexto poſt exiliũ menſe redijt, et ciui-
 tates tanta letitia ſunt affectæ, tantoq; ſtudio ſunt ho-
 mines obuiã proſecti, ut quod poſtea Cicero dixit,
 non admodum procul à uero fuiſſe uideatur. Di-
 xit enim, ſe humeris Italiae Romam reportatum
 fuiſſe. De tempore Appianus cum Plutarcho
 ſentit: ſed Paterculus intra biennium, Eusebius
 poſt annũ rediſſe teſtatur. Verũ ſi circiter Cal.
 April. Gabinio & Piſone Conſulibus, ut ſuprà di-
 ximus, diſceſſit, et lex de reditu Prid. Non. Sext.
 Lætulo & Metello Conſulibus lata eſt, ſexdecim
 menſes ipſi numerantur: quanquã Romam Prid.
 Non. Sext. peruenit, ut libro quarto ad Atticũ
 refert, ubi ſunt illa uerba: A Brũduſinis honeſtiſ-
 ſimè ornatus, iter ita feci, ut undiq; ad me cũ gra-
 tulatione legati conuenerint. quod in oratione in*

Pisonem sic ostendit: *Meus aduentus is fuit, ut à Brundusio usque Romam agmen perpetuum totius Italiae uiderem: neque enim regio fuit ulla, neque municipium, neque praefectura aut colonia, ex qua non publicè ad me uenerint gratulatum. Quid dicam aduentus meos? quid effusiones hominum ex oppidis? quid concursum ex agris patrum familias cum coniugibus ac liberis? quid eos dies, qui, quasi Deorum immortalium, festi ac solenes sunt aduentu meo, redituq; celebrati? Unus ille dies mihi quidem immortalitatis instar fuit, quo in patriam redi, quum senatum egressum uidi, populumq; Romanum uniuersum, quum mihi ipsa Roma propè conuulsa sedibus suis ad complectendum conseruatorem suum procedere uisa est: quae me ita accepit, ut non modo omnium generum, aetatum, ordinum omnes uiri ac mulieres, omnis fortunae ac loci, sed etiam mœnia ipsa uiderentur, & tecta urbis, ac templa latari. EGN. Iam nos etiam latari possumus, quum uideamus uerum fuisse, quod tu nunc ex Plutarcho uertisti, & ipse sic in oratione post Reditum in senatu dixit: Italia cuncta me penè suis humeris reportauit. COR. Videte tamen, ne, quum domum nondum uenerit,*

rit, laudes ante uictoriam, quod aiunt, celebretis. quanquam iam nunc ueniet, ut sic ad Atticum scribens, ostendit: Ad urbem ita ueni, ut nemo ullius ordinis homo nomenclatori notus fuerit, qui mihi obuiam non uenerit, prater eos inimicos, quibus id ipsum non liceret aut dissimulare, aut negare. Quum uenissem ad portam Capenam, gradus templorū ab infima plebe cōpleti erāt: à qua plausu maximo quū esset mihi gratulatio significata, similis & frequentia & plausus me usque ad Capitolium celebrauit. In foro, & in ipso Capitolio miranda multitudo fuit. Et in oratione pro Sestio: Ad urbem accessus incredibili hominum multitudine & gratulatione florebat: iter à porta, in Capitolium ascensus, domum reditus erat eiusmodi, ut summa in letitia illud dolerem, ciuitatem tam gratam, tam miseram atq; oppressam fuisse. Item in oratione pro Domo: Ille unus dies, quo me populus Romanus à porta in Capitolium, atque inde domum sua celebritate letitiâ que comitatum honestauit, tantæ mihi iucunditati fuit, ut tua mihi conscelerata illa uis non modo non propulsanda, sed etiam emenda fuisse uideatur. Hinc in oratione pro Sestio, ubi rem totam plenius explicat,

plicat, ait: *Hunc ego redditum repudiarem, qui ita florens fuit, ut uerear ne quis in studio glorie putet iccirco exisse, ut ita redirem?* EGN. *Iam tandem nobis licet gratulari.* COR: *Licet etiam, si placet, numos spargere.* EGN. *Cur ipsi numos spargamus?* COR. *Ut gratulationem, letitiamq; maiorem significetis.* EGN. *Sparge tu, qui, Cicerone reuocato, triumphas: & Quæstor es ita, ut spargere numos etiam multos possis.* COR. *Ego uero uirum talem & tantum commendari, laudari, & planè coli triumpho, & gaudeo: & ob id multos numos iam sparsi.* EGN. *Nullos ipsi uidimus.* COR. *Ut arbitror, audisti. Pierius certè uidit: & tu fortasse uideres, si talenta sparsissem.* EGN. *Ne sum quidem, quod ridere soletis, odoratus.* PIE. *Noli Corrade mirari: si eos proiecisti, uix ut ego, qui tibi Lynceus esse uideor, illos uidere potuerim. Alios enim sic in cœnum quasi demersisti, ut nullo modo uideri possent: alios sic in unum locum coniecisti, ut, plurimi quum essent, paucissimi tamen esse uiderentur.* COR. *Hosce qui colligent, separabunt: & illos tum sol ostendet, quum cœnum, quo premuntur, exiccarit.* EGN. *Aegyptij sunt artifices machinarum.* COR. *Pie-*

rius habet. Is enim superioribus annis, ut ad me scripsit, in Aegypto peregrinatus est. PIE. Vos igitur Phœnicem pingite. quanquam Aegyptiorum regiones animo lustravi, non ego quidem, ut obscure, quemadmodū uos insimulatis, ipse loquerer: sed ut illorum literas, quæ sunt obscurissimæ, quàm planissimè fieri posset, explicarem. COR. Tu quoque iam nunc, ut Cicero, domum redyisti. PIE. Ego quidem domum redy: sed de Cicerone uereor, ne formicam, & pennam uestpertilionis pingere possimus: quòd eam domum non potuerit ingredi, quæ prius à Clodio fuisset euersa. COR. Ingressus est eam, in qua tūc uxor habitabat: quæ, nisi fallor, Quimi fratris erat, quicum postea se domo pulsum questus est. quamuis alias etiam domos habuisse uideatur. Postridiè igitur in senatu, qui fuit dies Non. Sept. senatui gratias egit, ut in epistolis ad Atticum refert. in oratione uerò in Pisonem sic idem loquitur: Ne consequentib. diebus in ea ipsa domo, qua tu me expuleras, quam expilaras, quam incenderas, Pontifices, Consules, Prætores collocauerunt: mihiq, quod ante me nemini, pecunia publica adificandam domū censuerunt. Ea de re sic ad Atticum scribit: Secuta est
sum-

summa contentio de domo: diximus apud Pontifices prid. Cal. Octob. acta res est accurate à nobis: & si unquam in dicendo fuimus aliquid, aut etià si nunquam aliàs fuimus, tum profecto doloris magnitudo uim quandam nobis dicendi dedit. Cal. Octob. nihil est actum: postridie factum est S. C. quod ad te misi. deinde Consules porticum Catuli restituendum locarunt. Illam porticum redemptores statim sunt demoliti, libentissimis omnibus. Nobis superficiem ædium Consules de consilij sententia æstimauerunt H s. uicies, cætera ualde illiberaliter, Tusculanam uillam quingentis millibus, Formianum H s. ducentis quinquaginta millibus: quæ æstimatio non modo uehementer ab optimo quoque, sed etiam à plebe reprehenditur. Hoc S. C. quod factum est post Ciceronis reditum, quod que Consules ipsi secuti sunt, Plutarchus etiam sequi debuit: non illud, quod ante Ciceronis reditum factum quidem, sed rescissum tamen uidetur. Et sanè Cicero prius, quàm S. C. illud fieret, sic ad Terentiam scripsit: Quod de domo scribis, hoc est de area, ego uerò tum denique mihi uidebor restitutus, si illa nobis fuerit restituta. & ad Atticum: De domo, & Curionis oratione, ut scribis,

bis, ita est: in uniuersa salute, si ea modo nobis restitueretur, inerunt omnia, ex quibus nihil malo quàm domum. Unde uidetur senatus eodem tempore de reditu, & de domo S. C. fecisse, præsertim quum statim reuersus sic ad Atticum scripserit: Nos tacemus, & eo magis, quòd de domo nostra nihil adhuc pontifices responderunt: qui si sustulerint religionem, aream præclaram habebimus. Superficiem Consules ex S. C. aestimabunt: sin aliter, demolientur, suo nomine locabunt, rem totam aestimabunt. EGN. Si prius S. C. factum fuerat, tu male Plutarchum reprehendisti: si post, nondum Consules ex eo poterant aestimare. COR. Quod Cicero dixit, Superficiem Consules ex S. C. aestimabunt, ita possumus interpretari: Superficiem Consules ex S. C. quod sublata religione fiet, aestimabunt. & ita, si nondum factum S. C. fuerat, Plutarchus reprehendi potest: sin factum fuerat, & postea inductum, ne defendi quidem potest. sed si factum fuerat, habebat eam conditionem: ut, si Pontifices religionem sustulissent, Consules aestimarent. & ita uel nondum S. C. factum fuerat: uel si factum fuerat, senatus in eo nondum prorsus decreuerat, ut, quod Plutar-

chus

chus ait, domus ac uilla Ciceroni restituerentur. Quod si decreuisset, opus postea Ciceroni nō fuisset tam multis iudicijs res suas repetere, quā multa in orationib. pro Domo, & de Responsis ostendit. quæ nos iccirco non referimus, quia duabus orationibus, quas antè nominauimus, omnia quæ de domo referri possent, explicantur. PIE. Hac Plutarchus etiam uidere potuisset. COR. Potuisset ille quidem, si uoluisset omnia diligenter scrutari, & illud etiam querere, cur ad Lentulum Cicero scripserit ita: Primis temporibus illis multis rebus meus offendebar animus, quum te agente de reliqua nostra dignitate, aut occulta nonnullorum odia, aut obscura in me studia cernebam. Nam neque de monumentis meis ab ijs adiutus es, à quibus debuisti: neq³ de uinefaria, qua cum fratre eram domo expulsus: neq³ hercule in ijs ipsis rebus, quæ quanquam erant mihi propter rei familiaris naufragia necessaria, tamen à me minimi putabatur, in meis damnis ex autoritate senatus resarciendis eam uoluntatem, quam expectarā, præstiterunt. EGN. Tu, qui res hasce scrutaris, quære. COR. Si quæram, in epistolis ad Atticum, quod respondeat, inueniam: lidem mi T. Pomponi, ydem inquam illi,

illi, quos ne tu quidem ignoras, qui mihi pennas inciderant, nolunt easdem renasci: sed, ut spero, iam renascuntur. Item: In re familiari ualde sumus, ut scis, perturbati. Possumus & illud addere, quod in oratione pro Domo scribitur, primis post reditum diebus in Ciceronis sententiam S. C. factum fuisse, ut Pompeius rei frumentaria per quinquennium præficeretur: unde Pompeius legatos quindecim quum postularet, Ciceronem principem nominauit, & eum ad omnia alterum se fore dixit. Cicero uerò passus est ita se legari, ut nulla re impediretur, quin si uellet, esset integrum: quòd esse in oculis ciuium de se optimè meritorum, non alienum putaret. Itaq; tunc nō exiuit, neque postea: quum postea rursus ab eodem legatus fuisset, ut in epistolis ad Atticum docet. Hæc Plutarchus quærere debuerat, & illud tacere: Crassus, qui Ciceronis inimicus ante exilium fuerat, ei reuertenti prompto animo processit obuiam, & reconciliatus est: ut, quod dicebat, Publio filio gratificaretur, qui Ciceronem conabatur imitari. EGN. Cur tacere debuerat? COR. Quia nec obuiam prompto animo processit, si modo processit: nec ei tunc est reconciliatus, quum postea Domitio & Appio Consu-



libus sit reconciliatus, ut ad *Lentulum* *Cicero* scribens ostendit. Quod si tanto post est reconciliatus, non potuit obuiam prompto animo procedere, ut processisse concedamus. Ascribit etiam *Plutarchus*, ne singula uerba uertamus, *Ciceronem* paulo post reditum, quum *P. Clodius* abesset, in *Capitolium* ascendisse: & tabulas, in quibus acta *Tribunatus* illius continebantur, discidisse: & quum postea *Clodius* id quereretur, & contra *Cicero* contenderet, eum contra leges ad plebem transisse: & nihil quod egisset, ratum esse debere: *Catonem* id agrè tulisse, & contradixisse, non quòd ille *Clodius* laudaret, sed quòd uiolentum putaret esse. si senatus decerneret, tot decreta, tot res gestas, in quibus essent illæ quas ipse in *Cypro* & *Byzantijs* gesserat, esse tollendas: & ob id inter eos nescioquid offensionis occulta natū fuisse. Eam *Dion* auget, & *Σύλλας*, non *Δίλτους*, quas *Cicero* deiecit, appellat: sed ceterà consentit. EGN. Ego non credo, te, qui ferè semper dissentis, nunc tandem consentire. COR. Ego quoque ceterà consentio. sed illud non uideo quī possim, aut debeam consentire: *Ciceronem*, cui nihil unquam, quod uiolentum esset, placuit, tunc ita uiolentum fuisse,

ut sine senatus auctoritate tabulas aut columnas publicas deiceret. Ille uerò non uolentia, sed legibus utebatur. & illo ipso tempore sic in oratione pro Domo scripsit: Dixi apud Pontifices, istā adoptionem nullo decreto huius collegij probatā, contra omne Pontificiū ius factam, pro nihilo esse habendam: qua sublata, intelligis totum Tribunatū tuum concidisse. Item: iam intelligis omni genere iuris, quod in sacris, quod in auspicijs, quod in legibus sit, te Tribunum plebis non fuisse. Atque ego hoc totū non sine causa relinquo. Video enim quosdam clarissimos uiros, principes ciuitatis, aliquot locis iudicasse, te cū plebe iure agere potuisse: qui etiā de me ipso, quū tua rogatione funere elatā Remp. esse dicerent, tamen id funus, etsi miserum atque acerbum fuisset, iure indictum esse dicebant. quòd de me ciue, ac de Repub. bene merito tulisses, funestum funus te indixisse Reip. quòd saluis auspicijs tulisses, iure egisse dicebant. Quare licebit, ut opinor, nobis eas actiones non infirmare, quibus illi actionibus constitutum Tribunatum tuum comprobauerunt. In his autem uerbis Catonem, & illos significat, quos in epistolis ad Lentulum nutu, significatione que frequenter appellat.

Quòd si tale quid Cicero fecisset, tunc, ut opinor, ad Atticum scripsisset, ut illud scripsit: *Armatis hominibus ante diem 111. Non. Nouemb. expulsi sunt fabri de area nostra: disturbata porticus Catuli, quæ ex S. C. Consulium locatione reficiebatur, & ad tectum penè peruenerat. Quinti fratris domus primò fracta coniectu lapidū ex area nostra, deinde inflammata, iussu Clodij, inspectante urbe, coniectis ignibus, magna querela, & gemitu non dicam bonorum, qui nescio an ulli sint, sed planè hominū omnium. Et paulo post: Ante diem 111. Id. Nouemb. quum sacra uia descenderem, Clodius insecutus est me cum suis: clamor, lapides, fustes, gladij, hac omnia improuisa. Discessimus in uestibulum M. Tetij Damionis. qui erat mecum, facile operas aditu prohibuerūt. ipse occidi potuit: sed ego diata curari incipio, chirurgiæ tædet. Hinc in oratione pro Milone postea dixit: Nuper quidem, ut scitis, ad Regiam me penè confecit. quod Asconius inuenire non potuit. Illud etiam scripsit ad Atticum: Publium reum, nisi antè occisus erit à Milone, fore puto. Si se inter uiam obtulerit, occisum iri ab ipso Milone uideo. & ad Lentulum: Quòd mihi de nostro statu, de Milonis familia,*

L

miliaritatē, de leuitate & imbecillitate Clodij gra-
tularis, minimè miramur, te tuis, ut egregium ar-
tificem, præclaris operibus letari. Atq; hæc qui-
dem penè omnia, & alia fortasse quæ nos non re-
cordamur, acta sunt P. Lentulo & Q. Metello
Consulibus. EGN. Non recordaris, de reducen-
do rege Ptolemaeo tunc actum fuisse? COR. E-
go uerò recordor, ea de re tunc agi cœptum fuisse:
sed scio quoque, quod omnes sciunt, eam ad Cice-
ronis uitam uel nihil, uel parū pertinere. Si quid
est tamen quod pertinere uideatur, deinceps refe-
retur, præsertim quū Cn. Marcellino & L. Phi-
lippo Consulibus actum de rege potissimū uidea-
mus. quod in epistolis ad Lentulum, & ad Q. fra-
trem sæpe dicitur: ne, quæ Strabo, Plutarchus,
Dion & alij dicūt, referamus. EGN. Eam rem
negas ad Ciceronis uitam multum pertinere, quæ
uel in primis eum uirum bonum, certè gratum
fuisse demonstrat? Nam sic in ea re P. Lentuli cau-
sa laborauit, ut quum Lentulus, nisi perfecta re de
illo, non conquiesset, ipse, quia idem in eius causa
non efficiebat, uitam sibi esse acerbam putaret.
COR. Ille quidem, quum Pompeium sua senten-
tiæ rei frumentariæ præfecisset, operam dedit, ut

P. Lentulus Ptolemaeum regem, qui pulsus fuerat, in regnum reduceret: & C. Catoni Tribuno plebis, qui legē de imperio Lentuli abrogando promulgarat, restitit: & omnibus in rebus erga Lentulum gratus fuit. Sed non puto mihi faciendum, ut omnes erga quos gratus fuit, & res omnes in quibus gratus fuit, exquiram. Satis est dicere, Ciceronem erga omnes, à quibus accepisset beneficia, gratissimum fuisse: quod cum alia scripta, tum orationes ostendunt. Sed de Cicerone potius ipso loquamur, qui prid. Non. April. ut ad Quintum fratrem scripsit, Tullia Crassipedi despondit: quum Pisoni priori genero, fructum pietatis sua neq. ex Cicerone, neque à populo Romano ferre licuisset, ut in Bruto nos ostendimus. Hinc ad Lentulum scripsit: Quod mihi de filia & Crassipede gratularis, agnosco humanitatem tuam, speroq. & opto nobis hanc coniunctionem uoluptati fore. Illud etiam scripsit: Marcellino & Philippo Consulibus Non. April. mihi est senatus assensus, ut de agro Campano, frequenti senatu Idibus Maijs referretur. Non potui magis in arcem illius causa inuadere, aut magis obliuisci temporum meorum, & meminisse actionum. Quid multa? Cicero tunc, ut ante,

Remp.

Remp. liberè defendebat. sed, quum Pompeium, Casarem, & Crassum offenderet: nec optimates, ut in epistolis ad Lentulum uidere licet, gratos esse uideret, sententiam mutauit. Hinc ad Atticum scripsit ita: Si quibus sententijs dixi, quod & ipsi probarent, letari sunt tamen, me contra Pompey uoluntatem dixisse. sed quoniam, qui nihil possunt, ij me uolunt amare: demus operam, ut ab ijs qui possunt, diligamur. Dices, uellem iam pridem. scio te uoluisse, & me asinum germanum fuisse. iam tempus est, me ipsum à me amari, quando ab illis nullo modo possum. His etiam temporibus Cicero Lucretij poemata uidetur emendasse, quod in epistolis ad Quintum fratrem ipse significat, & Eusebius affirmat. Dicerem, quos etiam defendisset, nisi de libris & orationibus alibi dicere constituißem: præsertim quum uerear, ne Plutarchum, quem ducem delegi, uidear omnino reliquisse. EGN. Id sæpe facis. COR. Ipse quoque summos duces deseruit. EGNAT. Quos duces? COR. Cn. Pompeium, M. Crassum, L. Domitium, App. Claudium, Cn. Domitium, M. Messalam: qui deinceps Consules fuerunt. quod tēpus ita Plutarchus tacuit, ut inerea Cicero dor

miſſe uideatur. EGN. Nihil fortasſe fuit dignū,
quod referret. COR. Ipſe tunc, quum libri qui
nunc deſiderantur, extarent, melius quàm nos
ſcire potuit: quanquam referre ſaltem potuit, quo-
nam modo L. Piſonem & A. Gabinium ſit inſe-
clatus, & quos etiam libros ſcripſerit. EGN. Sed
hæc ad orationes & libros pertinent: quæ ne tu
quidẽ referenda putas. COR. Quòd in aliud tem-
pus, aut locum reſeruem. ſed ille nihil quum reſer-
uaret, eò ſtatim tranſiuit: Nilo Clodium poſthæc
interfecit. Quam quidem rem nos, ne tam multa,
quæ Plutarchus ſcribit, uertamus, noſtris, uel alio
rum uerbis explicabimus: & ſi quid erit quod pu-
gnare uideatur, conferemus. Nilo igitur ad 111.
Cal. Feb. Lanuium, ex quo erat municipio, &
ibi tum Dictator, proſectus eſt ad Flaminem pro-
dendum poſtera die. occurrit ei circa horam no-
nam Clodius paulo ultra Bouillas, rediens ab A-
ricia, (prope eum locum, in quo Bonæ deæ ſacellū
eſt) & interfectus eſt: ut Cicero, Liuius, Aſconius,
Paterculus, Dion, Appianus, & alij referunt.
Sed quum Nilo Romã rediſſet, & nihilo ſecius
Conſulatum peteret, ſenatus ueritus, ne tumultus
aliquid excitaretur, decreuit, ut Interrex, & Tri-
buni

buni plebis, & Cn. Pompeius, qui proconsul ad urbem erat, uiderent, ne quid detrimētī Resp. caperet. Deinde factō in M. Bibuli sententiā S. C. Pompeius ab Interrege Ser. Sulpitio v. Cal. Mart. mēse intercalario Consul creatus est. Pompeius igitur Consul tertius de P. Clodij cade nouā quaestionem constituit, eiq; L. Domitium praesse maxime uoluit: sed exercitū in foro, & in omnibus templis, quae circum forum sunt, collocauit. PIE. Eares ita Ciceronem terruit, ut nihil eorum quae pro Milone meditatū fuerat, dicere potuerit. COR. Ita Plutarchus & Dion credunt. PIE. Tu uerò quid credis? COR. Quod uerum est, & ita scribit Asconius: Cicero quum inciperet dicere, exceptus est acclamatione Clodianorum: qui se continere ne metu quidem circumstantium militum potuerunt. Itaque non ea qua solitus erat, constantia dixit. manet autem illa quoque excepta eius oratio: scripsit uerò hanc quam legimus, ita perfecte, ut iurè prima haberi possit. Ex his enim uerbis intelligimus, eum non armis Pompeij territum tacuisse, sed acclamatione Clodianorū paulū commotum, minus constanter, quā solebat, dixisse: & orationem certē, quam dixit, exceptam fuisse:

tantum abest, ut isti uerum scribant, eum nihil eorū quæ meditatus fuerat, dicere potuisse. Quin ipse mihi Cicero uidetur in oratione sic uerè scripsisse: Illa arma, centuriones, cohortes, non periculum nobis, sed præsidium denunciant: neque solū ui quieto, sed etiam ut magno animo simus, hortantur: neque auxilium modo defensionis meæ, uerum etiam silentium pollicentur. Nam postea sic ad Appium scripsit: Qua Pompeius facilitate, qua humanitate tulit contentionem meam pro Milone, aduersantem interdum actionibus suis? quo studio prouidit, ne qua me illius inuidia temporis attingeret, quum me consilio, quum auctoritate, quum armis denique texit suis? Hinc Cornelius Balbus ad ipsum postea scripsit hoc modo: Hac re mihi placet, si tibi uidetur, te ad eum scribere, & ab eo præsidium petere, ut petisti à Pompeio, me quidem approbante, temporibus Milonianis. Quod si præsidium causa Ciceronis, ut ostendimus potissimum paratum fuerat, ridiculum uidetur, quod Plutarchus affirmat: Milonem ueritum, ne Cicero re insolita perturbatus, minus acriter oraret, ei persuasisse, ut lectica in forū delatus, quiesceret, donec iudices conuemsent. EGN. At Suetonius,

ronius, & alij, illa arma Miloni opposita fuisse testantur. COR. Quia sic omnes crediderunt, & Cicero simulauit, ut Pompeium suspitione liberaret. Lucanus certè locutus est ita, ut utrius modo possis interpretari:

Pompeiana reum clauferunt signa Milonem.

Sed hoc ut cōcedamus, uel certè mittamus, licet: illud quod Plutarchus de lectica scribit, rideamus.

Nam praterquam quòd fabulam refert, parum prudenter scriptum uidetur. Si quis enim iam constitutus in foro, uideat armatos, multo facilius perturbari potest, quàm si per armatos progressus, eò, quasi assuesfactus, deducatur. Sed Plutarchus id finxit, ut ita posset exclamare: Cicero nō in armis modo, sed in dicendo etiā timidus erat. EGN. Reffe Plutarchus exclamat. Omnes enim fatentur, Ciceronē timidū fuisse. COR. Fuerit ne Cicero timidus in armis, posterius uidero. quòd uerò timide semper ad dicendū accederet, ita Plutarchus ostendit: Vix se poterat cōtinere, quin titubaret, & tremeret, quāuis oratio iā summū incrementū et statū multis ex causis esset cōsecuta. Quū Liciniū Murænam, quē Cato tūc accusabat, defenderet, et Hortensius, qui feliciter perorauerat, superare contenderet,

deret, nullā partem noctis quieuit, ut ab attentissimis cogitationibus & uigilijs uexatus, ne inferior illi uideretur. EGN. Hoc ipsum ne Cicero quidem negauit. COR. Imò uero sic in oratione pro Deiotaro dixit: Quum in omnibus causis grauioribus C. Caesar initio dicendi cōmoueri soleam uehementius, quàm uidetur uel usus, uel ætas mea postulare: tum in hac causa me multa peturbant. Neque potest aliquis hoc ipsum reprehendere, quum L. Crassus in libris Oratorijs, timide ad dicendū esse accedendum precipiat, & ita dicat: Equidem & in uobis animaduertere soleo, & in me ipso sæpissimè experior, ut exalbescam in principijs dicendi, & tota mente atque omnibus artibus contremiscam. multo minus illud, quod de cogitationibus & uigilijs refert: quum Studium gloriæ commendari debeat: et ipse Cicero Ser. Galbam, qui fecit idem, quum Lælio successurus esset, imitatus esse uideatur. EGN. Nec Plutarchus hæc ipsa reprehendit. COR. Nec laudat, qui, quod dicit, ut reprehendat, dicit: & hominem sic timidum describit, ut, si quid addat, eò referat: uel id faciat, ut emendet, & aculeo dimisso, si possit, discedat. EGN. Si Ciceronē uoluisset hoc loco reprehendere, dixisset, quod

quod olim multi dixerunt: eadem Clodij manu
Nilonis, consilio uerò maioris alicuius factā fuisse.
COR. Audisset etiam, quod Cicero M. Anto-
nio respondit: P. Clodium meo consilio interfectum
esse dixisti. quid nam homines putarēt, si tum oc-
ciscus esset, quum tu illum in foro, spectante popu-
lo Romano, gladio stricto infecutus es? negotiumq;
transegisses, nisi ille se sub scalas tabernæ librariæ
cōiecisset, hisq; oppilatis impetū tuū compressisset?
sed quid? ego fauisse me tibi fateor, suasisse ne tu
quidē dicis. At Niloni ne fauere quidem potui:
prius enim rem transegit, quā quispiam tum su-
spicaretur eum facturum esse. At ego suasi. scili-
licet. is animus erat Nilonis, ut prodesse Reip. sine
suasore non posset. At letatus sum. quid ergo? in
tanta letitia cunctæ ciuitatis, me unū tristem esse
oportebat? quanquam de morte P. Clodij fuit quæ-
stio non satis prudenter illa quidem constituta.
Quid enim attinebat noua lege queri de eo qui ho-
minem occidisset, quum esset legibus quæstio con-
stituta? quæsitum est tamen. quid ergo? quum res
agebatur, nemo in me dixit: & tot annis post tu es
inuentus, qui diceres. Sciebat & homo Græcus,
Græcos homines Deorū honores his uiris tribuisse,
qui

qui tyrannos necassent: tantum aberat, ut ipse Ciceronem posset reprehendere, quamuis ille Clodiu prorsus tyrannu necandum curasset. EGN. Cur igitur Milo, qui certè necauit, est condemnatus? COR. Quia nec iudices erant Græci, nec ipse reorum more iudicum misericordiam uoluit implorare, & Pompeio suspectus erat. Unde Paterculus ita scripsit: Milonem reum non magis inuidia facti, quam Pompeij damnavit uoluntas: quem quidem M. Cato palam lata absoluit sententia: quam si maturius tulisset, non defuissent qui sequerentur exemplum, probarentq, eum ciuem occisum, quo nemo perniciosior Reip. neque bonis inimicior uixerat. Post hoc iudicium Cicero multos, ut A. Sconius ostendit, in iudicio defendit, & aliquos etiā accusandos curauit, & in his T. Munaciū Plancum Bursam: qui quum damnatus fuisset, Cicero ualde letatus est, ut ad Marium scripsit. Tunc in P. Craffi, qui bello Parthico perierat, locum factus est Augur, ut in Bruto retulimus. quod in Philippicis ita refert: Me Augurem à toto collegio expe- titum, Cn. Pompeius & Q. Hortensius nominaue- runt. neque enim licebat à pluribus nominari. Deinde, quod Plutarchus ait, Ciciliam provinciā

&

& exercitum, qui duodecim millibus peditum, et duobus millibus equitum, & sexcentis constaret, fortius, nauigauit: cui mandatum est, ut Ariobarzani regi Cappadociam beneuolam & obedientem redderet. Hæc ille sine bello sic constituit & composuit, ut à nemine posset reprehendi. Quum uerò Cilices propter Parthicum casum, quo uicti Romani fuerant, & tumultum, qui tunc erat in Syria, concitati fuissent, eos imperando mansuetè placauit. Et dona quidem nec ea quæ Reges darent accepit, & cænis homines prouinciae liberauit: sed ipse quotidie gratos homines conuiuio non opiparè, sed liberaliter accipiebat. Domus ianitorum non habebat: nec ipse cubans ab ullo fuit unquam uisus: sed manè stans, uel ambulans ante cubiculum, dextra, qui salutatum ueniebant, excipiebat. Dicitur autem neque uirgis quenquam cecidisse, neque uestem cuiquam discidisse, neq; conuiuium propter iram fecisse, neq; multā cum contumelijs irrogasse. Quum uerò multa de publico furtim surrepta reperisset, & urbes locupletauit, & eos qui nihil soluerent, & illo plus acciperent, sine infamia conseruauit. Attigit & bellum, & latrones in Amano cōmorantes sustulit: propter
quod

quod imperator à militibus est appellatus. EGN.
 Si quid antè Plutarchus, ut sæpe questus es, detra-
 xit, id hoc elogio quasi plena manu reddidit: ita ut
 amplius queri nò possus, eum, quò de Ciceronis lau-
 de scriberet, parcum fuisse. COR: Gratias agit,
 & rem quæ fuerit omnium iudicio & testimonio
 probata, refert: & tamen eā parcius multo, quàm
 fuit æquum, describit. Nam res à Cicerone tunc in
 Cilicia gestas, quæ uel longo commentario fuerant
 explicandæ, paucis uersibus ipse complectitur: nec
 homo Græcus potuit eum non laudare, & hoc lo-
 co ei quasi gratias agere, qui de Græcis eo tempore
 meritus est ita, ut illi (quod in epistolis ad Atticū
 scribitur) exultarent. Tacere uerò prorsus, uel etiā
 uituperare quī potuisset ea, quæ sciebat omnium
 penè testimonio fuisse cōprobata? Sed agite, si pla-
 cet, quæ Plutarchus hoc loco refert, cōsideremus:
 ut uera, quæ nos dicimus, esse cognoscamus. Pro-
 uincias igitur Cicero quum semper antea negle-
 xisset, post exilium expetiuit, ut ad M. Catonem
 sic scribens ostendit: Post iniuriam acceptā, quam
 tu Reip. calamitatem semper appellas, meam non
 modo non calamitatem, sed etiam gloriam, studui
 quàm ornatissima senatus populi Romani de me
 iudicia

iudicia intercedere. Itaq; & augur postea fieri uolui, quod antea neglexerā: & cum honorem qui à senatu tribui rebus bellicis solet, neglectum à me olim, nunc mihi expetendum puto. quamuis ad Appium, cui succedebat, paulo aliter scripserit, ut eum prouinciæ cupidum minus offenderet. Ser. Sulpicio et M. Marcello Consulibus, circiter Cal. Maias, ex urbe paludatus exiit, & in prouinciam Laodiceā prid. Cal. Sext. peruenit: ut libro quinto ad Atticum uidere possumus, ubi non iter modo totum, sed res omnes etiam, quas gessit, describit. Atque ut reliqua mittamus, in prouinciam quum iam peruenisset, ita scripsit: Leuātur misera ciuitates, quòd nullus sit sumptus in nos, neque in legatos, neq; in Quæstorem, neq; in quenquam. Scito non modo nos fœnum, aut quod lege Iulia dari solet, non accipere, sed ne ligna quidem: nec, præter quatuor lectos, & tectum, quenquam accipere quicquā: multis locis ne tectum quidem, & in tabernaculo manere plerunque. De exercitu uerò sic ait: Quum exercitum noster amicus habeat tantum, me nomen habere duarum legionum? Idē sepe queritur: sed auxit ipse postea. unde sic ad Catonē scripsit: Ego in castra ad 11. Cal.

y Sept.

Sept. ueni, quum interea superioribus diebus ex S. C. & euocatorum firmam manum, & equitatum sanè idoneum, & populorum liberorum, Regumq; & sociorum auxilia uoluntaria comparauissem. Item, quod ad Ariobarzanè pertinet, sic addit: Quum ad Cybistra propter rationem belli quinq; dies essem commoratus, regem Ariobarzanem, cuius salutem à senatu, te autore, commendatam habebam, presentibus insidijs nec opinantem liberaui: neq; solum ei saluti fui, sed etiam curavi, ut cum autoritate regnaret. Sed eam Cicero historiam, scribens ad senatum, multis uerbis explicauit. Casum Parthicum, quo Romani sunt à Parthis uicti, Linius libro centesimo sexto, Plutarchus in Crasso, Dion & aly descripserunt. In Syria uerò tumultus erat, quia Pacorus, Orodis regis Parthorum filius, Euphratem cum permagno equitatu Parthico trāsisse dicebatur. Hinc Cicero ad senatum scripsit: His rebus allatis, & si intelligebam socios, infirmè animatos esse, & nouarum rerum expectatione suspensos: sperabam tamen eos, ad quos iam accesseram, quiq; nostrā consuetudinem, integritatemq; perspexerant, auunciores populo Romano esse factos: Ciliciam autem fir-
miorem

miorem fore, si aequitatis nostra particeps facta es-
 set. Nam mihi (ut ad Catonem scripsit) ut in hu-
 iusmodi re, tantoq³ bello maxima cura est, ut qua
 copijs & opibus tenere uix possumus, ea mansue-
 tudine & continentia nostra, sociorum fidelitate
 teneamus. PIE. Haec omnia quae refers, pulchrè
 Plutarchi uerbis respondent. COR. Illud etiam,
 quod ad Atticum scribit, respondet: Με ἀδωπο
 δόκντορ praeui. illud item, quod non modo cæ-
 nas, ut Plutarchus ait, sed honores etiam, prater-
 quam uerborum, statuas, fana, & τῆς πίπας
 prohibuit: ac numum nullum erogari nec priua-
 tim nec publicè passus est, usque adeò, ut ne prae-
 torium quidem uectigal acceperit. Quòd uerò con-
 uuiui gratos homines acciperet, illud ostendit, quod
 ad Atticum scribit: Publicanis res est gratissima,
 si illa iam habent pleno modio, uerborum hono-
 rem, inuitationem crebram. His illa coniunga-
 mus: Aditus ad me minimè prouinciales: nihil
 per cubicularium: ante lucem inambulabam do-
 mi, ut olim candidatus: grata hac, & magna, mi-
 hiq³ nondū laboriosa ex illa uetere militia. Et sa-
 nè Ciceronem facit fuisse, Caesar olim testatus est,
 quum dixit, quod libro decimoquarto ad Atti-

cum refertur: Ego dubitem, quin summo in odio
sim, quā M. Cicero sedeat, nec suo commodo me
conuenire possit? atqui, si quisquam est facilis, hic
est. Iam, quod apud Plutarchum sequitur, sic ex
libro quinto & sexto ad Atticum conseramus:
Quacunque iter feci, nulla ui, nullo iudicio, nulla
contumelia, autoritate & cohortatione perfeci, ut
& Græci, & ciues Romani, qui frumentum com-
preſſerant, magnum numerum populis polliceren-
tur. Itē: Dissimilitudo meæ rationis offendit Ap-
piū. quid enim potest esse tam dissimile, quā illo
imperante exhaustam esse sumptibus & iacturis
prouinciā, nobis eam obtinentibus: numum nul-
lum esse erogatū nec priuatim, nec publicē? Quid
dicam de illius præfectis? comitibus? legatis? etiam
de rapinis? de libidinibus? de contumelijs? Nunc
autem domus mehercule nulla tanto consilio, aut
tanta disciplina gubernatur, aut tam modesta est,
quā nostra tota prouincia. Et, quod Plutarchus
addit, illud cōprehendit: Mīra erant in ciuitatib.
ipſorum furti Græcorum, quæ magistratus sui fe-
cerant. quæ sui ipſe de ijs, qui annis decem proxi-
mis magistratum geſſerant: apertē fatebantur. Ita
que sine ulla ignominia, suis humeris pecunias po-
pulis

pulis retulerunt. Populi autem nullo gemitu publicanis, quibus hoc ipso lustro nihil soluerāt, etiam superioris lustri reddiderunt. Hinc ad Calium scripsit: Nihil erat in animo, quoniam iurisdictionem confeceram, ciuitates locupletaram, publicanis etiam superioris lustri reliqua sine sociorū ulla querela conseruaram, priuatis, summis, infimis fuerā iucundus, proficisci. PIE. Iam Corrade tecum sentio, Plutarchum, quum res hasce debuisset latius explicare, parcum fuisse. COR. In referendo bello, quod in Cilicia Cicero gessit, auarus etiam, sic dicam, fuit: quod fortasse ueretur, ne si quē paulo antē timidum uocarat, hic uirum fortem describeret, secum pugnare uideretur. Neque enim bellū illud potuisset referre, nisi Ciceronem, qui gessit illud, & uicit, uirum fortem describeret. EGN. Quasi uerō nō potuerit Homerus pugnam ranarū & murium referre, nisi Phrysignathum commendaret. COR. Imō uerō poetae ueteres bellum Giganteum canere non poterant, quin Iouem uictorem celebrarent. EGN. Sanē uerō tui Gigantes Amanum & alios fortasse montes occupant. COR. Sed pater extructos dissecit fulmine montes. Nam sic ad Calium scripsit: Interea cum meis

copijs omnibus uexaui Amanienses hostes sempi-
ternos. multi occisi, capti: reliqui dissipati. castella
munita, improviso aduentu capta, & incensa. Ita
uictoria iusta Imperator appellatus apud Issum:
quo in loco saepe, ut ex te audiui, Clitarchus tibi
narrauit, Darium ab Alexandro esse superatū.
Abduxi exercitum ad infestissimam Cilicia par-
tem. ibi quintum & uigesimum iam diem aggeri-
bus, uineis, turribus oppugnabam oppidum muni-
tissimum Pindenissum, tantis operibus, tantoque
negotio, ut mihi ad summam gloriam nihil desit,
nisi nomen oppidi. Quod si, ut spero, capero, tum
uero literas publicè mittam. Cæpit uero Saturna-
libus manè: ut pluribus uerbis, ad Catonem & ad
Atticum scribens, explicauit. Hæc Romæ quum
scripsisset, ei M. Cato, qui supplicationem non de-
creuit, integritatis, iustitiæ, clementiæ, fidei: sed se-
natus, qui supplicationem decreuit, etiam fortitu-
dinis testimoniū dedit. His porro testimonijs, quæ
M. Cato, uir planè diuinus, & senatus, qui solet
orbis terrarum sanctissimum grauissimumq; con-
siliū uocari, dedit, credendum putamus: non his
quæ dicunt homines Græci, qui testimoniorum re-
ligionem & fidem nunquam coluerunt. EGN.

De

De Pisandro nobis imprudentibus Achillem fecit. COR. Nos Diſ non ſumus, qui ſic homines mutare poſſimus: nec oratores hoc loco uolumus eſſe: nec, quod præter alia Conſulatus, et hoc ipſum bellum demonſtrant, probare, Ciceronem uirum fortiſſimum fuiſſe: præſertim quum ſperemus, fore ut alibi de Ciceronis fortitudine plura dicamus. Nunc antè, quàm Plutarchi uerba repetamus, omnes qui Ciceronem ſecuti ſunt, & à nobis inueniri potuerunt, numerentur. Q. Tullius Cicero frater, C. Pontinus, M. Annius, L. Tullius legati: L. Meſcinius Quæſtor, cui poſtea C. Cælius ſucceſſit: Q. Fuſſidius Tribunus mil. Antonius præfectus euocatorũ: Q. Leptæ præfectus fabrũ: M. Tullius ſcriba: Pausanias accenſus: M. Marcilius apparitor. Sed iam Plutarchus appellat. Quum Cælius, inquit, orator eum rogaret, ut ex Cilicia Romam pantheras ad quoddam ſpectaculum ſibi mitteret: ille rebus geſtis glorians, reſcripſit, pantheras in Cilicia non eſſe, ſed in Cariam fuiſſe, dolentes, ſe ſolas bello, quum reliqua omnia eſſent in pace, uexari. Ille uerò, Gracule, rebus geſtis non eſt gloriatus, ſed cum Cælio familiari, familiariter iocatus: nec pantheras fuiſſe, ſed decedere

constituisse rescripsit. Verba Ciceronis audite: De pantheris, per eos qui uenari solent, agitur mandato meo diligenter: sed mira paucitas est: & eas, quæ sunt, ualde aiunt queri, quòd nihil cuiquam insidiarum in mea prouincia, nisi sibi, fiat. Itaque constituisse dicuntur, in Cariam ex nostra prouincia decedere. Quæ quidem uerba sic ad Atticum scribens, interpretari uidetur: Ad Calium rescripsi, alienum esse existimatione mea, Cibratas imperio meo publicè uenari. EGN. In alijs epistolis, quæ desiderantur, aliter fortasse rescripsit. COR. In re, de qua nihil certi possimus asserere, non contendam: quamuis omnes epistola, quas Calius Aedilis designatus, & Cicero Proconsul, de rebus huiusmodi scripserunt, extare uideantur: in quibus etiam de Tullia & Dolabella matrimonio scribitur, de quo nos infra pauca dicemus. Sed à Plutarcho ne discedamus: Nauigans ex prouincia, Rhodum quidem accessit, sed Athenis ueterum consuetudinū desiderio libenter est commoratus. Cum uiris autem primas in eruditione tenentibus congressus, amicos quæ & familiares, qui tunc erant, complexus, & admirabiliter à Græcia ipse acceptus, ad urbem, rebus iam uelut ex inflammatione quadam

quadam ad ciuile bellum erumpentibus, est reuer-
sus. Ipse Cicero sic in Bruto scribit: Quum è Cilicia
decedens, Rhodū uenissem, & eò mihi de Q. Hor-
tensii morte esset allatum, opinione omnium ma-
iorem animo capi dolorem. Quae quidem uerba
nos quum superioribus annis interpretaremur,
ostendimus, ad 111. Cal. Sext. de prouincia Cice-
ronem decessisse, & Rhodum uenisse, ut Cicerones
Rhodum uiderent. Quoquo uerò modo fecerit iter
Epheso, certè Cal. Octob. conscendit, & prid. Id.
Octob. Athenas peruenit: ut libro sexto ad Att-
cum testatur. Athenis apud Aristonem, uel po-
tius Aristū diuersatus est, ut in Tusculanis quæ-
stionibus ostendit. Inde profectus, iter, quod ad Ti-
ronem scripsit, confecit: & Brundisium 11. Cal.
Decemb. uenit, ubi Terentia illi obuiā in foro fuit.
Inde quum in Trebullanum, in Arcanum, in For-
mianum, Tarracinam, & in Albanum, L. Pau-
lo, C. Marcello adhuc Consulibus accessisset: ad ur-
bem eadem prid. Non. Ian. L. Lentulo, C. Mar-
cello Consulibus peruenit: ut libro septimo ad At-
ticum multis uerbis ostendit, & sic ad Tironē scri-
psit: Ego ad urbem accessi prid. Non. Ian. obuiā
mihi sic est proditum, ut nihil fieri potuerit hono-

ratiſ: ſed incidi in ipſam flammam ciuiliſ diſcordiæ, uel potius belli. EGN. Recte uideriſ hac ipſa cõtuliſſe. COR. Ita fortasſe putas: quia nihil fuit, in quo Plutarchuſ tuuſ reprehendi ualde potuerit. ſed nescio, an in hiſ quæ ſequuntur, idem diceſ: In ſenatu, quũ decernerent ei triumphuſ, dixit: iucundiuſ ſibi fore, ſi Caſarem triumphanteſ ſequeretur. Priuatim uerò conſilia dedit, ad Caſarem quum multa ſcriberet, & ipſum Pompeiuſ ſæpe rogaret, ac utrunque placare & reconciliare conaretur. Ut autem hac ſanari non potuerunt, & Caſare ueniente Pompeiuſ non expectauit, ſed cum multis & boniſ uiriſ urbem reliquit: ab ea fuga Cicero abhorruit, & cum Caſare uiſuſ eſt ſentire. Et ſanè ſuam ſententiã oſtendit, quum in utranque partem multa contulerit, & diſputarit. In epiſtolis enim ſcribit, ſe nescire, cum utro ſit futuruſ: quum Pompeiuſ quidem glorioſam & bonam cauſam ad bellũ habeat: ſed Caſar rebus meliſ utatur, & amiſiſ ſeipſum magiſ etiam conſeruet. Itaque ſe, quem fugiat, habere: ſed, ad quem fugiat, non habere. Quum uerò Trebatiuſ, quidam ex amiſiſ Caſariſ, epiſtolam ſcripiſſet, Caſariſ eſſe ſententiã, oportere ipſum potiſſimum ſecum facere,

cere, & spei participem esse: si uerò recusaret, in
Graciam proficisci, & ibi sedentem, & ab utrisq;
remotum quiescere: Cicero miratus, ipsum Cesa-
rem non scripsisse, iracunde respondit, se nihil indi-
gnum rebus hisce, quas in Rep. gesserat, esse factu-
rum. hæc sunt, quæ in Epistolis scribuntur. Quam-
uis epistolas Ciceronis multas desiderari sciamus,
quia tamē Plutarchus præter morem nos ad eas,
quasi Lydos in campum, prouocat: an eas quæ
nunc inueniuntur, diligenter & accuratè legerit
ipse, uideamus. In epistolis igitur ad Tironem scri-
bitur ita: Nobis, inter has turbas, senatus tamen
frequens flagitauit triumphum: sed Lentulus Con-
sul, quo maius suum beneficium faceret, simu-
latq; expedisset, quæ essent necessaria de Rep. di-
xit se relaturum. Quod si senatus flagitauit, non
decreuit: ac ne poterat quidem, nisi retulisset ali-
quis, $\tau\eta\phi\lambda\epsilon\delta\omicron\alpha$, quo uerbo Plutarchus est usus.
Sed tum nemo retulit. ita nec quisquam potuit
decernere: nec Cicero, quod nemo dabat, recusa-
re. Quin ut aliquando tandem triumphare pos-
set, in urbem nunquam, nisi post uictum Pom-
peium, uoluit introire. Id uerò si tum demum Ci-
cero dixit, Plutarchus ea quæ mox addit, præpo-
stere

sterè refert: quanquam Cicero uel nūquam dixit,
uel alio quodam modo dixit. Nam quum ad ur-
bem, nō in urbem uenisset, id in senatu dicere non
potuit, nisi senatus extra urbē sit factus: ubi quum
senatus ei triumphum flagitaret, ita dicere potuit:
Ego uerò mallem Cæsarem triumphantem sequi,
quàm ipse triumphare, dum concordia constitue-
retur: uel certè cum amicis ita priuatim locutus
est. Ille quidem triumphum, quem propter suam
παλιγγενεσίαν negligendum non putabat, de-
cretum, nunquam, quod ego sciam, cōtempnit: con-
tempturus tamen, si Reip. prodesse potuisset. neq;
solum triumphū, sed si quid etiam maius est trium-
pho, id ille, quo fuit erga Rēp. studio, cōtempnisset,
ut ad Caelium scribens ostendit: Nec me ista ter-
rent, quæ mihi à te ad timorē fidiſsimè atq; aman-
tiſsimè proponūtur. Nulla est enim acerbitas, quæ
non omnibus hac orbis terrarum perturbatione
impendere uideatur: quam quidem à Rep. meis
priuatis & domesticis incommotis libentiſsimè,
uel istis ipsis, quæ tu me mones ut caueam, rede-
miſſem. Cicero uerò semper autor pacis fuit, & ad
eam Cæsarem, Pompeium, reliquosq; omnes hor-
tatus est: sed nihil quum profecisset, censuit urbem
esse

esse retinendam: neque tunc eum Pompeius audiuit, sed urbem x l l l l. Cal. Feb. reliquit. Tum Cicero Capuam sumpsit, & nullū maius negotium suscipere uoluit, quo plus apud Casarem suae literae cohortationesq³ ad pacem ualerent, neque tamen unquam uisus est cum Casare sentire, nec suam sententiam ostendit, quamuis in utrāque partem multa disputarit, & sic ad Atticum scripserit: Quod addis, ne propensior ad turpem causam uidear, certē uideri possum. Dixit enim, Uideri possum, non Videor: & in alijs libris, negatio ponitur. Ut tamen cōcedamus, esse uisum quibusdam cum Casare sentire, quæ Plutarchus ponit: ea certē, quod proposuit, non probant: quum disputarit ille, manēdūne sit in patria tyrannide oppressa, an discedendū: & quū dixit, Ego quē fugiam habeo, quem sequar non habeo, significarit, se Casarem habere, quem fugere deberet: sed non habere uirum dignum, quem sequeretur. Plutarchus igitur, qui literas Latinas senex attigit, neq³ sententiam, quam diximus: neque, quod Trebatius scripsit, uidetur affecutus. Nam neque Trebatius scripsit, neque Cicero rescripsit, ut Plutarchus est interpretatus. Id ex hisce uerbis quæ sunt libro septi-

mo ad Atticum cognoscimus: Trebatius quidem scripsit, se à Casare 1x. Cal. Feb. rogatum esse, ut scriberet ad me, ut essem ad urbem: nihil ei me grātius facere posse. & paulo post: Illud admiror, non ipsum ad me scripsisse, non per Dolabellam, non per Calium egisse: quanquam non aspernor Trebatij literas, à quo me unce diligī scio. Rescripsi ad Trebatium (nam ad ipsum Casarem, qui mihi nihil scripserat, nolui) quā illud hoc tempore esset difficile: me tamen in pradijs meis esse, neque delectum ullum, neque negotium suscepisse. EGN. Tum Cicero duabus sellis sedebat. COR. Quod una virum tantum & ἐπίσκοπος capere non posset. quanquam non sedebat ille, qui tunc huc & illuc cursaret: & oram maritimam, cui praeerat, ut bonus ἐπίσκοπος exploraret. EGN. Ita certè tergiuersatus est, ut ansam multis ad calumniandum dederit. COR. Graculis fortasse: qui nostris hominibus ita sunt iniqui, ut nihil, in quo possint eos quoquo modo carpere, praetermittant: rursus ita sunt imprudentes, ut non uideant, quo consilio quicq; fiat, aut dicatur. Quapropter eos etiam qui docti uolunt haberi, mirari saepe soleo, tantum Graecis scriptoribus tribuere, ut non dubi-

dubitent, ea quæ cùm de alijs illi, tum de Cicerone mentiti sunt, uel in conuiujs disputare. Quæ tamen in re uidentur eos imitari, de quibus ad Atticum Cicero scripsit ita: Audio bonis uiris, qui & nunc, & sæpe antea magno præsidio Reipub. uerunt, hanc cunctationem non probari: multaq; in me, & seuerè, in conuiujs tempestiuis quidem disputari. EGN. Quum Ciceronis æquales hanc cunctationem non probarint, & in ipsum Ciceronem multa seuerè disputarint, postea miraris, eandem Gracos scriptores non probasse, & hodie doctos homines de ipsa disputare? COR. Ego uerò miror, quum posteri uel ex Epistolis ea scire potuerint: quæ tunc æquales ignorabant, quum Cicero prudens occultaret. qui tamen æquales nec in conuiujs seuerè disputare, nec esse uiri boni poterant, quum tam perturbata Rep. conuiujs operum darent. Itaque Cicero quum bonos appellat, eos uidetur deridere, ut hisce uerbis ostendit: Viris bonis me non nimis excuso. quas eos enim cænas & facere, & obire scripsit ad me Sextus, quàm lautas, quàm tempestiuas? sed sint quamuis boni, non sunt meliores quàm nos: mouerent me, si essent fortiores. EGN. Quæ sunt ea, quæ posteri

posteri uel ex epistolis scire potuerunt? COR. Ci-
 ceronem iam inde à principio constituisse, in bello
 Pompeium sequi, nec unquã postea mutasse sen-
 tentiam: sed quũ uideret agi de pace, & professio-
 nem talis uoluntatis esse sibi periculosam, cuncta-
 tum & tergiversatum esse, donec Pompeius ex
 Italia fugit, tum uerò semper de discessu cogitasse:
 sed occultasse consilium, ne posset uel ab Antonio,
 uel ab alijs impediri. EGN. Si tu ista probares,
 nemo posset amplius dicere, Ciceronem tum mobi-
 lem, uel mutabilem fuisse. COR. Nos, inquam,
 uel ex Epistolis ea scire possumus. EGN. Quid si
 suspecta sint epistola? COR. Illae non possunt esse
 suspectae, quas ille tunc ad Atticum scripsit, non
 ut se defenderet, sed ut illum de suis consilijs admo-
 neret, quicũ solebat omnia liberè communicare.
 In illis igitur, quum, rediens ex Cilicia, in Italiam
 peruenisset, ita scripsit: Quoniã res eò deducta est,
 non querã, ut scribis, ἢ σκᾶφος τῶν ἀγέειδ ὧν:
 mihi σκᾶφος unum erit, quod à Pompeio guber-
 nabitur. item: Si bellum geretur, non deero officio,
 nec dignitati meae. & alibi: Si erit bellũ, ut uideo
 fore, partes meae non desiderabuntur. Quid mul-
 ta? sexcentis locis idem testatur. EGN. Tecum
 senti-

sentimus iam, Ciceronem iam inde à principio constituisse, in bello Pompeiū sequi: sed cum nūquam postea sententiā mutasse, ueremur, ne tu nō possis probare. COR. Ego uerò facile uel duobus uerbis probabo: Secutus est, nam si mutasset sententiam, secutus non fuisset. EGN. Antequam tamen sequeretur, eam saepe mutauit. COR. Et si possum repetere, si sententiā mutasset, secutus non fuisset: ut aliquid tamen cōcedam, fateor, eum saepe secū, & cum Attico sic deliberaſſe, ut sententiā mutasse iūderi posset, praesertim quum dicat ita: De me autem ipso tibi aſſentior, ne me dem incertae & periculosae fugae, quum Reip. nihil proſim, nihil Pompeio: pro quo emori cūm piē possum, tum libenter manebo igitur, & si uiuere. His enim qui de rebus magnis deliberant, id euenire solet, quod poeta dixit:

Atq; animū nunc huc celerē, nunc diuidit illuc,
In partesq; rapit uarias, perq; omnia uersat.

EGN. Quid opus erat deliberaſſe, si iam pridem Pompeium sequi constituerat? COR. Illum Pompeium, qui prius erat, sequi constituerat: sed deliberaſſe, an eum Pompeium, qui tunc eſſet, sequeretur. EGN. Vel duo Pompeij fuerunt: uel, ut

Plautus ait, ille congeminavit. COR. Unus erat, sed ita mutatus, ut alius esse uideretur. Unde Cicero sic ad Atticū scripsit: Quod tu meum laudas, & memorandum dicis, malle quod dixerim me cum Pompeio uinci, quàm cum istis uincere: ego uerò malo, sed cum illo Pompeio, qui tum erat, aut qui mihi esse uidebatur: cum hoc autem, qui ante fugit, quàm scit, aut quem fugiat, aut quò, qui nostra tradidit, qui patriā reliquit, Italiā relinquit, si malui, contigit, uictus sum. Pompeius enim, qui prius rei militaris peritissimus, Reip. studiosissimus & clementissimus fuerat, tunc ἀσφατηγικώτατος, ἀπολιτικώτατος, & crudelissimus factus erat, qualis ab historicis describitur, & in epistolis ad Atticum uocatur, ubi sunt illa uerba: Sylla potuit, ego non potero? & paulo post: Huius belli genus fugi, & eo magis, quod crudeliora etiam cogitari & parari uidebam. Ne, quem nonnulli conseruatorem istius urbis, quem parentem esse dixerunt, Getarum, & Armeniorum, et Colchorum copias ad eam adducere? me meis ciuibus famē, uastitatem inferre Italiæ? Fuit igitur causa deliberationis, præsertim quum mos sit in rebus magnis

ita deliberandi. Potuit etiam deliberare, ut nonul-
lis persuaderet, se nondum, utrum sequeretur, con-
stituisse: quamvis ille nūquam deliberarit, utrum
ducem, sed an Pompeium, an neutrum sequeretur.
nam Casarem, quem uidere non poterat, sequi no-
luisse. sed an aliquò secederet, quemadmodum Cæ-
lius & alij sunt hortati, uidetur deliberasse, quum
sic ad Atticum scribat: Ego uerò Solonis, popula-
laris tui, & ut puto, etiam mei, legem negligā, qui
capite sanxit, si qui in seditione non alterius partis
fuiſſet (nisi tu aliter censes) & hinc abero. Atque
deliberabat quidē, et cūctabatur, uel se deliberare
& cūctari fingeat, ob eas causas, quas diximus:
& alias fortasse, quas inuenire non potuimus: sed
ob eam tamen potissimum, quam libro septimo sic
ad Atticum scripsit: Ego me ducem in ciuili bel-
lo, quoad de pace ageretur, negaui esse, nō quin re-
ctū esset: sed quia, quod multo rectius fuit, id mihi
fraude tulit. Planē enī, cui noster alterū Consulātū
deferret, et triūphū, at quibus uerbis? pro rebus ge-
stis amplissimis, inimicū habere noluerā. Ego scio,
& quem metuā, & quā ob rem. Eam rem pluri-
bus uerbis ad ipsum Pompeium scribens, explica-
uit: Ego me in hac omni causa facile intelligebam

pugnandi cupidis hominibus non satisfacere: primum enim pra me tui, me nihil malle quam pacem: non quin eadem timerem, quæ illi, sed ea bello civili leuiora ducebã. Inde suscepto bello, quum pacis conditiones ad te afferri, à teq, honorificè & largè responderi uiderem: duxi meam rationem, quam tibi facile me probaturum pro tuo in me beneficio arbitrabar. meminera me esse unum, qui, si offendissem eius animum, cui tum, quum iam in armis essemus, Consulatus tamen alter, & triumphus amplissimus deferrebat, subicerer eisdem praelijs, ut mea persona semper ad improborum ciuium impetus aliquid uideretur habere populare. Timebat igitur Cicero, ne si Pompeiũ sequeretur, & illi postea reconciliarentur, Cæsarem talem, qualem prius, experiretur. PIE. Etiam stultus, accepto malo, sapit. COR. At Cicero prudens erat, & quid Pompeius & Cæsar irati possent, expertus fuerat: iccirco ut neutrum offenderet, laborare debuit: ut fecit, & ut arbitror, assecutus est. Nam cum Pompeio praesens antè, quàm ex urbe discenderent, ita uidetur egisse, & ita postea certè per literas, quæ nunc inueniuntur, egit: ut, quamuis tandiu sit cunctatus, sperari tamen aduētum suum,

suum, quoquo tempore fuisset, illi, quod Atticus
etiã scripsit, ἀσμένισον fore, ut postea fuit. quod
mirum uideri potest, quum Pompeius, ut Cæsar
scribit, ab urbe discedens, dixisset, eodem se habitu
rum loco, qui remansissent, & qui in castris Cæsa
ris fuissent. Cum Cæsare uerò sic etiam per literas
egit: Me nunc Pompeij dignitas uehementer mo
uet. Aliquot enim sunt anni, quum uos duos dele
gi, quos præcipuè colerem, & quibus essem, sicut
sum, amicissimus. quam ob rem à te peto, uel po
tius precibus omnibus oro, & obtestor, ut in tuis
maximis curis aliquid impertias tēporis huic quo
que cogitationi, ut tuo beneficio bonus uir, gratus,
pius deniq; esse in maximi beneficij memoria pos
sim. Quæ si tantum ad me ipsum pertinerent, spe
rarem me à te tamen impetraturum: sed, ut arbi
tror, & ad tuam fidem, & ad Remp. pertinet, me
& pacis utriusq; uestrum, & ad ciuium concor
diam, per te, quàm accommodatissimum conser
uari. Ego, quum antea tibi de Lentulo gratias e
gisssem, quum ei saluti, qui mihi fuerat, fuisses: ta
men eius literis lectis, quas ad me gratissimo ani
mo de tua liberalitate, beneficioq; misit, eandem
me salutem à te accepisse putauī, quam ille. in quē

si me intelligis esse gratum, cura obsecro, ut etiam in Pompeium esse possim. Idem credimus eum postea pluribus uerbis à Cesare praesentem petisse, & impetrasse. EGN. At eo tempore Cicero Caesarem non uidit. COR. Ita quidem Dion nugatur: sed ipse Cicero libro nono ad Atticum testatur, se Formijs post Pompeij fugam Caesarianos omnes uidisse, & cum ipso Cesare locutum fuisse: ac in eo mansisse, ne ad urbem rediret. Tunc opinor, ab eo, quod cupiebat, impetrauit. quamuis illa uerba ponat: Extremum fuit de congressu nostro: quo quidem non dubito, quin istum offenderim. Sed huiusmodi uerba scribi solent, ut res occultentur. certe aliquid impetrauit, ut libro decimo ad Atticum sic ostendit: Caesar mihi ignoscit per literas, quod non uenerim, seseq; in optimam partem id accipere dicit. facile patior, quod scribit, secum Tullium & Seruium questos esse, quia non idem sibi, quod mihi, remisisset. Nisi Caesar aliquo modo consensisset, ut ad Pompeium proficisceretur, illi postea non ita facile pepercisset. Tunc igitur Cicero sic prudenter egit, ut neutrum magnopere, quod in seditione difficillimum est, offenderit: & quod à principio constituerat, Pompeium sit secutus: nec sententiam,

tentiam, quod isti calumniari solent, unquam mutavit. Quin tanta fuit hominis constantia, ut, quamvis uni utrumvis liceret, in sententia tamen manserit: & ut posset, quum liberet, proficisci, naues et in Caieta, & Brundisii paratas habuerit: quod refert in epistolis ad Atticum. quas utinam frequentius & diligentius legerent illi, qui Ciceronem sic temere solent accusare. tunc enim Ciceronem non imprudentem fuisse, sed, quod etiam Pompeius postea testatus est, plus, quam ceteros omnes, uidisse: nec inconstantem, sed omnium constantissimum fuisse, pradicarent. Videte hominis constantiam: quamvis, ut Cassandra, posset uaticinari, & plane uidere, quanta malorum iniuria impenderet: ut in fabulis tamen Amphiaræus, sic ipse prudens & sciens ad pestem ante oculos positam profectus est. Nam quum Caesar consulibus adhuc L. Lætulo, C. Marcello, sed cum Pompeio profectis, post diem *xiii. Id. April.* in Hispaniam ex urbe profectus esset: ipse non ita multo post partum Tulliae, quae *xiiii. Calend. Iun.* peperit, ex Italia discessit: & Q. fratrem, Ciceronesque pueros secum ducens, ad Pompeium nauigauit. Ita nec Caesar, nec Calpurnius, nec Dolabella suis eum literis reui-

nere potuerunt. Illum libenter omnes uiderunt, ut etiam Plutarchus affirmat: qui tamen, quod de Catone refert, ipse præstabit. Nos certe non credimus, Catonem, qui semper omnium constantissimus fuisset, ita tum mutatum fuisse, ut eò Ciceronem uenisse doleret: & ostenderet, se, si integrum esset, inde discessurum fuisse. Ille uero, qui Cæsarem semper odisset, non Ciceronem modo, sed omnes etiam ab illo discedere cupiebat: nec, si fuisset integrum, illam partem deseruisset, quam postea nunquam uiuus deserere uoluit. Quin si Cato tale quid unquam dixisset, Cicero postea, quum se iustis de causis ab armis discessisse doceret, aliquando se tam graui testimonio defendisset. Cetera, quæ pertinet ad illud tempus, ita leuiter Plutarchus tangit, & ita cum iocis miscet, ut præstet ea Ciceronis uerbis referre, & Plutarchum deserere. Sic igitur ad Marium Cicero scripsit: Pudori malui, famæq; cedere, quam salutis meæ rationem ducere: cuius me mei facti pœnituit, non tam propter periculum meum, quam propter uitia multa, quæ ibi offendi, quò ueneram: primum neque magnas copias, neque bellicosas: deinde extra ducem, paucosq; præterea (de principibus loquor) reliqui primum in ipso bello ra
paces

paces, deinde in oratione ita crudeles, ut ipsam uictoriam horrerem: maximum autem es alienum amplissimorum uirorum. quid quæris? nihil boni, præter causam. quæ quum uidißem, desperans uictoriam, primum cœpi suadere pacem, cuius fuerã semper autor: deinde quum ab ea sententia Pompeius ualde abhorreret, suadere institui, ut bellum duceret. hoc interdum probabat, & in ea sententia uidebatur fore: & fuisset fortasse, nisi quadam ex pugna cœpißet suis militib. confidere. ex eo tempore uir ille summus, nullus imperator fuit: signa tirone & collectio exercitu, cum legionibus robustissimis contulit. uictus, turpissimè, amissis etiam castris, solus fugit. Hunc ego belli mihi finẽ feci: nec putauì, quum integri pares non fuissẽmus, fractos superiores fore. discessi ab eo bello, in quo aut in acie cadendũ fuit, aut in aliquas insidias incidẽdũ, aut deueniendũ in uictoris manus, aut ad lubam confugiendũ, aut capiendus tanquam exilio locus, aut consciscenda mors uoluntaria. certè nihil fuit præterea, si te uictori nolles, aut non auderes committere. Ex omnibus autem ijs, quæ dixi, incommodis, nihil tolerabilius exilio, præsertim innocenti, ubi nulla adiuncta est turpitudine: addo etiã, quum

ea urbe careas, in qua nihil sit quod uidere possis sine dolore. Ego cum meis (si quicquam nunc cuiuspiam est) etiam in meis esse malui. quæ acciderunt, omnia dixi futura. Veni domum, non quod optima uiuendi conditio esset: sed tamen, si esset aliqua fortuna Reip. tanquam in patria ut essem: si nulla, tanquam in exilio. mortem mihi cur conscrerem, causa nulla uisa est: cur optarem, multæ. uetus est enim: Ubi non sis, qui fueris, non esse cur uelis uiuere. Ut Plutarchi uerba solemus, ita nunc hæc ipsa, quæ recitauimus, interpretabimur.

EGN. Ut igitur illa soles è Græco in Latinum, nunc ista rursus è Latino in Græcum conuerteres. COR. Alijs potius uerbis explicabo. Ea uero quæ nunc referam, sic deinceps collocabo, ut ijs quæ recitauimus ordine respondeant. Sic ad Cæcinnam scribit: Itaque uel officio, uel fama bonorum, uel pudore uictus, ut in fabulis Amphiaræus, sic ego prudens & sciens ad pestem ante oculos positam sum profectus. EGN.

Quid si Battus fias? COR. Dum ne tu Mercurius fias, id parum refert nostra: quibus cothurni placeant, qui utrique pedi possint accommodari.

EGN. Quasi dicas, nihil referre, si quid etiam scipius repetatur: dummodo rei, de qua loquaris, con-

uenire

uenire uidetur. COR. Nihil refert. PIE. At, cur Ciceronem sui facti pœnituerit, scire refert. COR. Ipse refert. PIE. Ipse refert in his, quæ tu recitasti: sed alia, quæ pollicitus es, desideramus. COR. Quid igitur in secunda Philippica respondeat, audite: Castra mihi Pompeij, atq; illud omne tempus obiecisti: quò quidem tempore si, ut dixi, meum consilium, autoritasq; ualisset, tu hodie egeres, nos liberi essemus, Resp. nō tot duces & exercitus amississet. fateor enim me, quum ea quæ acciderunt, prouiderē futura, tanta in mœstitia fuisse, quanta ceteri optimi ciues, si idem prouidissent, fuissent. dolebam, dolebam P. C. Remp. uestris quondam, meis que consilijs conseruatam, breui tempore esse perituram: neque uerò eram tam indoctus, ignarus que rerum, ut frangerer animo propter uitæ cupiditatem, quæ me manens conficeret angoribus, dimissa molestijs omnibus liberaffet. Illos ego praestantissimos uiros, lumina Reipub. uiuere uolebam, tot consulares, tot prætorios, tot honestissimos senatores, omnem præterea florem nobilitatis, ac inuentutis, tum optimorum ciuium exercitus: qui si uiuerent, quamuis iniqua cōditione pacis (mihi enim omnis

pax

pax cum ciuibus, bello ciuili utilior uidebatur)
Remp. hodie teneremus. quæ sententia si ualuisse,
ac non ij maximè mihi, quorum ego uita consule-
bam, spe uictoria elati obstitissent, ut alia omittā:
tu certè nunquam in hoc ordine, uel potius nun-
quam in hac urbe mansisses. Sic ad Thoraniū scri-
bit: Commemorabam, te unum in tanto exercitu
mihi fuisse assensorē, & me tibi: solosq; nos uidisse,
quantum esset in eo bello mali, in quo spe pacis ex-
clusa, ipsa uictoria futura esset acerbißima: quæ
aut interitum allatura esset, si uictus esses: aut, si
uicißes, seruitutem. Itaque ego, quem tum fortes
illi uiri, & sapientes, Domitij & Lentuli, timidū
esse dicebant (& eram planè: timebam enim, ne
euenirent ea, quæ acciderunt) idem nunc nihil ti-
meo. Idem penè ad A. Torquatum, M. Marcel-
lum, Cn. Plancium, M. Varronem, & alios scri-
bit: ne plura nos recitemus. Pompeij copias, & ge-
nus exercitus, M. Marcellus nūquam probauit,
& semper summè diffidit: & ipse Cicero quum
ad Pompeium uenisset, ostendit, dicentibus enim,
serò eum uenisse, respondit: Minime serò ueni, nam
nihil hic paratū uideo. Deinde interroganti Pom-
peio, ubi gener eius Dolabella esset? respondit, Cum
socio

socero tuo. Et quum donasset Pompeius transfugam ciuitate Romana, O hominem bellum, inquit: Gallis ciuitatem promittit alienam, qui nobis nostram non potest reddere. Propter quæ meritò uidebatur dixisse Pompeius: Cupio ad hostes Cicero transeat, ut nos timeat. EGN. Quæ Macrobius nescio quis scribit, refers: quæ uerò Plutarchus, uir tātus, refert, hac in parte taces. COR. Quæ Macrobius latinè, utcunque, scribit, referimus, quòd ea nec multa, nec falsa, nec inepta esse uideamus: quæ uerò Plutarchus refert græcè, tacemus, ne uertamus, & quòd multa, nec satis uera, nec admodum falsa esse cognoscamus. EGN. Quod falsum putas, dices, ne quis decipiat. COR. Illud falsum puto, Pompeium Ciceronis oratione sic alienatum fuisse, ut eius opera nulla in re magna sit usus: quum Cicero semper id egerit, ne rebus agendis interesset, ut ad Marcellum scribit. sed & in Philippica secunda, ne alienatū quidem testatur ita: An uerò Cn. Pompeij uoluntatem à me abalienabat oratio mea, an ille quenquā plus dilexit? cum ullo aut sermones, aut consilia contulit sæpius? quod quidem erat magnū, de re dissidentes, in eadem consuetudine amicitiae permanere.

re. sed & ego, quid ille, & contra ille, quid ego &
sentirem & spectarem, uidebat. ego incolumitati
cuius primū, & postea dignitati: ille presenti
potius consulebat. quod autem habebat uterque,
quid sequeretur, iccirco tolerabilior erat nostra
dissensio. Quid uerò ille clarissimus uir, ac penè di-
uinus de me senserit, sciunt, qui eum Pharsalica
fuga Paphum persecuti sunt. nunquam ab eo men-
tio de me, nisi honorifica, nisi plena amicissimi de-
siderij: quū me uidisse plus fateretur, se sperauisse
meliora. Nec Cicero, si fuisset alienatus, ei pecuniā
mutuam dedisset, ut libro undecimo ad Atticū
se dedisse testatur. Etsi egeo, inquit, rebus omnib.
quod is quoque in angustiis est, quicum sumus, cui
magnam dedimus pecuniam mutuam, opinantes
nobis, constitutis rebus, eam rem etiam honori fo-
re. item: Si quas habuimus facultates, eas Pom-
peio tum, quum id uidebamur sapienter facere, de-
tulimus. Nec uerum est, quod Lucanus refert, Ci-
ceronem Pompeio autorem fuisse, ut pugnaret:
quum semper ei suaserit, ut bellum duceret, ut su-
prà retulimus: nec in acie fuerit, ut ad Papirium
Patum scribit, quod infirmus esset: quod in episto-
lis ad Atticum scriptis legimus. nec Plutarchus
ipse

ipse negat, quum scribit ita: Pugna, cui Cicero propter aduersam ualitudinē non interfuit, ad Pharsalum facta, Pompeioq; fugato, M. Cato, qui Dyrachij magnas copias, & magnam classem tunc habebat, Ciceronem lege, Consulatusq; dignitate superiore ducem deligendum censuit. Verum quum Cicero imperium reijceret, & negaret omnino se amplius cum illis esse militaturum, propius nihil est factum, quam ut ille, Pompeio iuvene & amicis eum proditorem uocantibus, & enses educentibus, occideretur. & fortasse fuisset interfectus, nisi Cato resistēs, eum uix abstulisset, & extra exercitum deduxisset. Quam quidē rem Plutarchus idem sic in Catone refert: Quum M. Cato in Coryram, ubi tunc erāt naues, traiecisset, Imperium Ciceroni ut pratorius Consulari concedebat, quum uerò Cicero non acciperet, sed in Italiam discederet, uidens Pompeium contumaciter & parum tempestiuē uolentē nauigantes retinere, & in primis Ciceroni manus allaturū, sic eū priuatim monuit, & mitigauit, ut ē manifesta morte Ciceronem liberarit. PIE. De loco secum pugnat. COR. Ita solet facere: quanquam non putamus hoc magni referre, dum rem, qua de nunc agitur, intelligamus.

gamus. ut intelligemus etiam melius, si nos adde-
mus, Catonem uoluisse Ciceronem ducem deligi,
quod adhuc imperator esset. Ille uero discessit, nec
putauit uilius (ut ad Varronem scribes loquitur)
esse Reip. ad bestiarum auxilium cōfugere, quàm
uel mori, uel cum spe, si non optima, at aliqua ta-
men uiuere. Ad Atticum uero libro undecimo
scribit ita: Dicebar debuisse cum Pompeio profi-
cisci: exitus illius, minuit eius officij prætermissi re-
prehensionem. sed ex omnibus nihil magis tamen
desideratur, quàm quod in Africam non ierim.
Iudicio hoc sum usus, non esse barbaris auxilijs fal-
lacissima gentis Remp. defendendam, præsertim
contra exercitum sæpe uictorem. Profectus igitur,
ut Plutarchus ait, Brundisium, ibi Casarem, qui
propter res Asia & Aegypti morabatur, expe-
ctauit. sed postquam nunciatum est, eum Tarentū
peruenisse, & inde Brūdisium uenire, ei processit
obuiam. nec ualde quidem diffidebat: sed uereba-
tur, multis præsentibus hominis inimici, & uicto-
ris periculū facere. Verū non fuit opus ipsi quic-
quam facere, aut dicere, præter dignitatem. nam
Casar, ut illum longè ante alios occurrētē uidit,
descendit, & cōplexus est: & cum solo colloquens,

uer

iter multorum stadiorum uenit. Ex eo uerò tempore Ciceronem sic honorauit et dilexit, ut quum laudationem Catonis ille scripsisset, ipse contrà scribens, illius orationem & uitam, ut maximè Periclis orationi & Theramenis uitæ similem, laudaret. Ciceronis igitur liber Cato, Caesaris autem Anticato fuit inscriptus. Hic multa Plutarchus omittit, quæ nos fortasse reddemus. Me discessisse ab armis, (inquit ad Atticum scribens) nunquā pœnituit. tanta erat in illis crudelitas, tãta cum barbaris gentibus coniunctio, ut non nominatim, sed generatim proscriptio esset informata: ut iam omnium iudicio constitutum esset, omnium uestrum bona prædam esse illius uictoriæ. Uestrum planè dico: nunquam enim de te ipso, nisi crudelissimè, cogitatum est. Quare uoluntatis me meæ nunquam pœnitebit: cōsiliij pœnitet. In oppido aliquo malletm resedisse, quoad accerferet: minus sermonis subiissem, minus accepissem doloris: ipsum hoc me non angeret. Brundusij iacere, in omnes partes est molestum. Brundusium uerò uenit ante Non. Nouemb. Cesare iterum & Seruilio Consulibus: & ibi usque ad v. i. Cal. Octob. Q. Fusio Caleno & P. Vatinius Consulibus fuit, ut ex epistolis illo tempore

A scri-

scriptis cognoscere licet. Neque Cicero, quæ fuit hominis prudentia, Brundisium, ubi sciebat hostes esse, uenisset, nisi, quod suprâ suspicati sumus, à Cæsare prius impetrasset: & nisi postea literas, ut ueniret, accepisset. ut sic ad Atticum scribens ostendit: Ad Antonium misi L. Lamiam, qui demonstraret, Cæsarem Dolabella dixisse, ut ad me scriberet, ut in Italiam quamprimum uenirem: eius me literis uenisse. & in Philippica secunda: Quem ipse uictor, qui tibi, ut tute gloriari solebas, detulerat ex latronibus suis principatum, saluum esse uoluisset, in Italiam ire iussisset, eum tu occideres? Nec ita multo post ab ipso Cæsare literas accepit, de quibus in oratione pro Ligario loquitur ita: Apud quem igitur hoc dico? nempe apud eum, qui quum hoc sciret, tamē me antè, quàm uidit, Reip. reddidit: qui ad me ex Aegypto literas misit, ut essem idem, qui fuissē: qui, quum ipse imperator in toto imperio populi Romani unus esset, esse me alterum passus est: à quo, hoc ipso C. Pansa mihi nuntium perferente, concessos fasces laureatos tenui, quoad tenendos putavi: qui mihi tum denique salutē putauit reddere, si eam nullis spoliata ornamentis dedisset. Apud Senecam dicitur Cæsar

far Ciceronem rogasse, ut uiueret. His temporibus Cicero filium Casari obuiam mittere cōstituit, neque postea misit, et multis molestis affectus fuit: cū quod Q. fratrem, & eius filium, à se alienatos audiebat: tum quod se Brundisii iacere, filiam miseram esse, Dolabellam Tribunum plebis multaturbare, & Terentiam suo munere male fungi uidebat: quæ quidem omnia in epistolis ad Terentiam & ad Atticum scriptis, multis etiam uerbis explicantur. In urbem postea tandem reuersus, imperiū deposuit: ad amicos epistolas multas tempore belli Africi scripsit: & Terentiæ nuncium remisit, & ad Philosophiæ studia se retulit: hoc est, cum libris (ut ad Varronem scripsit) in gratiā redijt. Deinde quū Caesar ex Africa uictor redijset, & M. Marcello ueniam dedisset, ei gratias egit, & Q. Ligarium defendit, ac Casarem sic impulit, ut eū liberarit. Casare rursus in Hispaniā profecto, Tulliā amisit, Athenas filiū misit, Popiliam uxore duxit: laudationē Catonis, & quæ ΦΙΛΟΣΟΦΕΜΕΥΑ uocat ipse, magnā partē scripsit: ac Casarem tandē ex Hispania reuersum, ruri hospitio accepit. Hæc ita percurrimus, quod Plutarchus his referendis ordinem perturbare uideatur. EGN. Quasi

uero tu, qui coniunges ipsas tam longè disiungas, eum
seruare uidearis. COR. Longius ipse disiunxit,
quum Terentiam prorsus à se dimisit: & Popiliā,
rus ipse profectus, domi reliquit, quod in epistolis ad
Atticum legimus. PIE. Non disiunxit, quum
fecit quod dixit, & Quintilianus refert: Cras erit
mulier. Sed, quamuis ille coniunges, ut ais, disiunxe
rit: eas tu, si potes, ordinem tuum secutus, ipse con-
iunge. EGN. Qui poterit, nisi, quem semel insti-
tuit, ordinem mutet? COR. Ordinem, quo res in
epistolis ad Atticum nominantur, ego non muta-
bo quidem: sed nouum, quo facta uideri possint,
quū fuerit opus, excogitabo. Hic certè excogitem
necesse est, quum libro duodecimo ad Atticum,
Popiliam multo post Tulliae morem nominet: &
tamen eam multo antè, quum Terentiae nuncium
remisisset, duxisse uideatur. PIE. Id etiam Plu-
tarchus ostendit. COR. Ostendit ille quidem: sed
diuortij, quod Cicero cum Terentia fecit, causas ne-
scio quàm bene referat. Illa certè non uidetur di-
gna quæ credatur: illum sic ab ea tempore belli ci-
uilis neglectum fuisse, ut rebus necessarijs egens ad
bellum sit profectus: quum, quod ego sciam, id ille
nusquā queratur: & ipse uir multo melius, quàm
mulier,

mulier, quod opus erat, parare potuerit: & in eo bello diues ita fuerit, ut Pompeio magnam pecuniam mutuam, quod suprà retulimus, dare potuerit. Nec eam causam, quam Plutarchus idem refert, addere Cicero potuit: eam Brundisium ad se non uenisse, quū uenire uoluerit, nisi sic ipse rescripsisset. In uiam quòd te des hoc tempore, nihil est: & longum est iter, & non tutum: & non uideo, quid prodesse possis, si ueneris. At, inquit Plutarchus, eò filia admodum puella, & itineris tantum proficiscenti, nec idoneum comitatum, nec uiaticū præbuit. At præbere nec debuit, nec potuit. EGN. Non debuit mater filia tali præbere? COR. Matres filios spoliare non debent, ut filias, præsertim nuptas, exornent. Ut tamen eam debuisse concedamus, non poterat. quod Cicero sic ad Atticum scribens, ostendit: In miseris una est pro omnibus, quòd istam miseram, patrimonio, fortuna omni spoliata relinquam. Quare te, ut polliceris, uidere planè uelim: alium enim, cui illam commēdem, habeo neminem: quoniam matri quoque eadem intellexi esse parata, quæ mihi. Hoc idē sape queritur. EGN. Quas igitur ob causas eam dimisit? COR. Ob eas, quas idē Plutarchus addit, & ipse

Cicero sic ad Planciū scribens refert: Quod autem mihi de eo quod egerim, gratularis, te ita uelle certō scio: sed ego tam misero tempore nihil noui consiliū capissem, nisi in reditu meo nihilo meliores res domesticas, quā Remp. offendissem. quibus enim pro meis immortalibus beneficijs charissima mea salus, & mea fortuna esse debebāt: quum propter eorū scelus nihil mihi intra meos parietes tutum, nihil insidijs uacuum uiderem, nouarum me necessitudinum fidelitate contra ueterum perfidiam muniendum putauī. Sic ad Atticum: Terentiam moneatis de testamento. Tempora monent, ut uideat, ut satisfaciat, quibus debeat. Audium ex Philotimo est, eam sceleratē quadam facere. credibile uix est. sed certē si quid est, quod fieri possit, prouidendum est. Item: De Terentia (mitto cetera, quae sunt innumerabilia) quid ad hoc addi potest? scripseras, ut HS. XII. permutaret, tantū esse reliquum de argento. misit illa CCIC mihi, & ascripsit tantum esse reliquum. Quum hoc tam paruum de paruo detraxerit, perspicis quid in maxima re fecerit. Paulo post, inquit Plutarchus, uxorem uirginem duxit, forma ipsius (ut Terentia diuulgauit) captus: ut uerō Tiro Ciceronis libertus scripsit,

scripsit, ea causa motus, ut as alienum posset dissol-
uere. Nam puella ualde diues erat, & eius facul-
tates Cicero suae fidei commissas, ut haeres relictus
seruabat. Quum uerò multa numerorum millia de-
beret, ab amicis & domesticis admonitus, puellam
præter ætatem duxit uxorem, ut illius bonis ute-
retur, & feneratoribus quod debebat soluens; ac
alieno se liberaret. Antonius autē in his quæ con-
tra Philippicas scripsit, harum nuptiarum men-
tionem faciens, dicit: uxorem, apud quam senue-
rat, eiecisse. urbanè curam ipsius in re familiari,
ut hominis ignaui & mollis, mordens. An Tiro,
quod hic Plutarchus refert, scripserit, nos scire non
possumus: illud scimus, hoc idem Calenum Cicero-
ni, si Dion uerum scribit, obiecisse. PIE. Nos mi-
ramur, ita te uertisse: Eius facultates Cicero, suae
fidei commissas, ut haeres relictus seruabat. COR.
Volebatis ne, ut, quod alij fecerunt, ita uerterem?
Eius substantias sub tutoris fide seruabat? PIE.
Tum fortasse minus latine, sed magis propriè uer-
tisses: quum tutor res pupilli tueatur. COR. Tue-
tur ille quidem: sed neque pupillum adoptare,
neque lucrum ex tutela facere potest. Cicero ue-
rò puellam non adoptasset quidem, sed, quod

penè plus est, uxorem duxisset, & ex ea tutela magnū lucrū fecisset: quod, quæ fuit uiri fides, nunquam fecisset. nec ita Plutarchus scripsit, sed hoc modo: κληρονόμος ἀπολείφθεις διεφύλαττε. *PIE.* Poterat igitur uxoris illa molestia carere, & hereditatem cernere. *COR.* Heres erat secundus. *PIE.* Ergo suspectus, ut iurisperiti uocaretur. *COR.* Vir usque ad eum bonus fuit, ut, quod in Epistolis legimus, eum T. Pinnius iū tutorem, tum secundum heredem instituerit. *EGN.* Voluit etiam bonum nomē existimari, quum maluit uxorem ducere, & æs alienum uel aliena pecunia soluere, quàm quicquam debere. *COR.* At si aliena pecunia soluisset, deberet. quanquam, quæ uxoris esset, aliena uerè dici non poterat: si modò credimus, Ciceronem uxorem duxisse, ut posset æs alienū dote soluere. *EGN.* An ea de re dubitas, quam Tiro, qui poterat scire, scripsit? *COR.* Non dubitarem, si certò scirem, eam rem Tironem scripsisse: sed uereor, ne Plutarchus Tironem laudet autorem, quem nunquam uiderit: & quod inimici Ciceroni solebant obicere, id ille Tironem, quo magis credatur, scripsisse dicat, & mentiatur: quum uerisimile non sit, eum de suo patrono, cuius,

ius, ut qui maximè, studiosus fuit, aliquid quod i-
 tuperari posset, scripsisse: & ab eo qui causas diuer-
 sas ad Plancium scripsit, ut suprà retulimus, tan-
 topere dissenfisse. Nec Cicero, si ob eam causam,
 quam dicunt, uxorem duxisset, eam tam citò re-
 pudiare, & dotē restituere potuisset. nec ille πολ-
 λὸς μὲν ἰσθῆς, ut putat Plutarchus, debuit: qui
 quamuis ad bellum ciuile proficiscens, res domesti-
 cas impeditas reliquisset, & aliquid etiam Teren-
 tia dissipasset, prater tamen pecuniam quam in
 Asia habuit, eo tempore creuit hereditatem. de
 qua sic ad Atticum scribit: Literas tuas accepi
 Prid. Non. Feb. eoque ipso die ex testamento cre-
 ui hereditatem. ex multis meis, & miserrimis cu-
 ris, est una leuata, si, ut scribis, ista hereditas fidē
 & famam meam tueri potest: quam quidem te in-
 telligo, etiā sine hereditate, tuis opibus defensurū
 fuisse. Quod si Atticus sine illa hereditate suis opi-
 bus uolebat Ciceronis fidem & famam defendere,
 multo facilius cum hereditate illam defendere po-
 tuit, ne Cicero cogeretur æris alieni soluendi cau-
 sa iam senex uxorem ducere. quanquam Cicero
 tā multas uillas, tā multa prædia, tā multas in ur-
 be domos, tam multas deniq; opes habuit, ut, quod

debebat, dissoluere facile posset: praesertim quum paulo post, in Epistolis ad Atticum tam multos etiam numos habuisse uideatur, ut facultates Othonis uincere se posse speraret, si Scapulani horti praconi subicerentur. Tum Cicero se ad Philosophiae studia retulit, ut ad Ser. Sulpicium scripsit: Tantum dicam, quod te spero approbaturum: me, posteaquam illi arti, cui studueram, nihil esse loci neque in curia, neq; in foro uiderim, omnem meam curam atque operam ad Philosophiam contulisse. Hoc illud est tempus, quum Cicero tacebat: & diutius tacuisset, nisi Caesar M. Marcello ueniam dedisset: ut in epistola legimus, quam tunc ad Ser. Sulpicium scripsit, ubi sunt illa uerba: Statueram, non mehercule inertia, sed desiderio pristinae dignitatis, in perpetuum tacere. Fregit hoc meum consilium, & Caesaris magnitudo animi, & senatus officium. Itaque pluribus uerbis egi Caesari gratias. Iisdem prope temporibus Q. Ligarium defendit, quum libro decimotercio ad Atticum, quo tempore Caesar cum filiis Pompeij bellum in Hispania gerebat, & Marcellum interfectum fuisse, & orationem quam pro Ligario dixerat, ad Caesarem missam fuisse demonstraret: cuius uim tantam fuisse Plutar-

chus

chus affirmat, ut ea Caesar uictus, Ligariū, quem
uel in primis oderat, liberarit. Non multo post, in-
quit Plutarchus, filia decessit, quū apud Lentu-
lum peperisset, cui post Pisonis prioris uiri mortē
nupsrat. Tunc igitur undique Philosophi ad con-
solandum Ciceronem conuenerunt. Nam graui-
ter adeò casum tulit, ut uxorem, quam duxerat,
repudiarit: quod uisa esset Tulliae morte letari. De
morte, & maritis Tulliae, sic Asconius etiam scri-
bit: Cicero filiam, post mortem Pisonis generi, P.
Lētulo collocauit, apud quē illa ex partu decessit.
Illa uerò Crassipedi post Pisonis mortem nupsrat,
ut suprā nos ostendimus: & postea, quum Cicero
Proconsul esset in Cilicia, P. Cornelio Lentulo Do-
labellae nupsit, ut in Epistolis saepe legimus. EGN.
Id aliās etiam retulisti. COR. Retuli quidem: sed
erant, qui ne credituri quidem essent, nisi rem to-
tam pluribus uerbis in Bruto rursus explicassem.
Decessit autem, quum Caesar in Hispaniam con-
tra Pompeij filios esset profectus, ut in Epistolis ap-
paret. An uerò Philosophi undique conuenerint
ad Ciceronem consolandū, uiderit Plutarchus: nos
ex epistolis ad Atticū cognouimus, illum post Tul-
liae mortē nō domi suae, sed paucos dies apud Atti-
cum

cum Romæ fuisse, et Asturam postea profectum, sic in solitudine uersatum fuisse, ut ad Atticū scripserit ita: In hac solitudine careo omnium colloquio: quumq; manē me in syluam abstrusi, densam & asperam, non exeo inde ante uesperum. Secundum te, nihil est mihi amicus solitudine. Tantum absuit, ut eum philosophi facile potuerint conuenire. Multi quidē, ut C. Cæsar, Ser. Sulpicius, & M. Brutus, & alij, consolatorias epistolas ad eum scripserunt. EGN. Sed nihil profecerunt. COR. Ipse profecit: qui fecit, quod profecto antē nemo, ut ipse se per literas consolaretur. & de luctu minuēdo scripsit, quo de libro sic libro secundo de Diuinatione refert: Quid ego de consolatione dicam? quæ mihi quidem ipsi sanē aliquantum medetur, cæteris item multum illam profuturam puto. EGN. Recte dixit, Aliquantum medetur: quod tum, quum libros de Diuinatione scriberet, aliquantum fortasse illi mederetur, quod antē non uidetur fecisse, quum Lactantius ita dicat: Tum, quū amiserit charissimam filiam, uictum se à fortuna turpiter confitetur. COR. Audite, quid in Tusculanis quæstionibus ipse dicat: Aegritudinis sedatio & hesternæ disputatione explicata est, &

in consolationis libro, quem in medio (non enim sapientes eramus) mœrore & dolore conscripsimus. quodq; uetat Chrysippus, ad recentes quasi tumores animi remedium adhibere: id nos fecimus, naturaq; uim attulimus, ut magnitudini medicinae doloris magnitudo concederet. Quod si magnitudini medicinae doloris magnitudo concessit, ipsa cōsolatio multum profecit. quod in epistolis ad Atticum sic etiam testatur: Quod me ipse per literas consolatus sum, non pœnitet me, quantum profecerim. mœrorem minui, dolorem nec potui: nec, si possem, uellem. EGN. Ut suprâ, quoquo modo potuisti, probaris, in exilio Ciceronem præter modum non doluisse: hic tamen non probabis, ut opinor, eum modicè, uel intra modum doluisse, qui se tam ualde doluisse, & à fortuna uictum fuisse fateatur. COR. Fatetur item, sapientem se non fuisse. EGN. His tamen temporibus, ut quum maxime, philosophatus est: & ad Papirium Patrum scribens, se philosophum non dubitauit appellare. COR. Respondere quidem possum, omnes qui philosophi uocantur, non esse sapientes: sed, illud ut mittam, malo repetere, Ciceronem, quamuis eo ipso tempore philosopharetur, tum tamen, quum doleret,

leret, sapientem non fuisse: ut *Herculē*, quem poe-
tæ nobis ut hominem sapientissimum describunt,
tum, quum fureret, aut seruiret, sapientem nega-
mus appellari potuisse. EGN. Noli nos ad fabu-
las reuocare. COR. Ad historiā reuocabo, quam
Plutarchus etiam refert: *Solonem*, quum (quod
etiam *Thales* finxerat) audisset, filium, quem reli-
querat *Athenis*, esse mortuum, prorsus cōcidisse.
Illū me nos hominem, qui sibi caput percusserit,
& omnino muliebriter doluerit, tum sapientem
fuisse dicemus? EGN. Nos uerò dicemus, qui scia-
mus eum inter septem sapientes numerari. COR.
Si sapiens ille, qui, quæ diximus, fecit, fuit: *Cicero*,
qui nihil eorum fecit, sapientissimus merito debet
appellari. EGN. At ipse se tum sapientem fuisse
negat. COR. Fortasse negat, ut modestius loqua-
tur: uel in *Tusculanis* questionibus negat, quas
post *Cæsaris* cadem scripsit: quo quidem tempore
Stoicos potissimum secutus uidetur, ad quorum
normam, qui dolent hoc modo, sapientes esse non
possunt. sed antea *Cicero* quum esset *Academi-*
cus, quamuis doleret, sapiens tamen esse pote-
rat, *Academicorum* more: qui mediocritates in
perturbationibus probabant, & per motiones istas
ani-

animis nostris utiliter à natura dat. us esse dice-
bant. Hinc Crantor Academicus dixit: Minimè
assentior ijs, qui istam nescio quam indolentiam
magnopere laudant, quæ nec potest ulla esse, nec
debet. Meminerat etiam Cicero, quamuis philo-
sophus esset, se tamen & hominem, & oratorem
esse: & sic hominis, & oratoris, qui sæpe dolent,
personam sustinere. Quin uerebatur fortasse, ne,
quemadmodum Demosthenes ab Aeschine, sic
ipse ab aduersarijs accusaretur, nisi filiam talem
quasi de more luxisset. EGN. Si de more luxisset,
ferri posset: sed ille neque morem, neque modum
seruauit. COR. Eodem tempore patriam luge-
bat. Itaque dolor ille duplicatus, omnem consola-
tionem uincebat: quanquam sum ueritus inter-
dum, ne Cicero, quem uel Atticus in Bruto uo-
cat ἑταῖρος, se plus dolere, quàm reuera doleret, si-
mularit, ut per eam causam liberius abesse posset.
quod tamen in epistolis ad Atticum sic indicat:
Quòd me in forum uocas, eò uocas, unde etiam bo-
nis meis rebus fugiebam. Quid enim mihi cum fo-
ro, sine curia? in oculos incurretibus ijs, quos æquo
animo uidere nō possum? Quòd autem homines à
me postulare scribis, ut Roma sim, neque mihi ut
ab sim

absim concedere, aut quatenus eos cōcedere, iam-
 pridem scito esse, quum unum te pluris quàm om-
 neis illos putem. ne me quidem contemno: meoq;
 iudicio multò stare malo, quàm omnium reliquo-
 rum: neq; tamen progredior longius, quàm mihi
 doctissimi homines concedunt: quorum scripta o-
 mnia, quacunque sunt in eam sententiam, non le-
 gi solum (quod ipsum erat fortis aegroti accipere
 medicinam) sed in mea etiam scripta transtuli:
 quod certè afflicti & fracti animi non fuit. Idem
 saepe refert, adèò ut illum nos quidem doluisse con-
 cedamus: sed quod de exilio suprà diximus, idem
 propemodum de Tullia morte dicendum iudice-
 mus. EGN. Vereor, ne tuum iudicium rescinda-
 tur, si quis alios iudices appellet. COR. Nullos ego
 iudices reijciam, aut recusabo, dum ne Græci iudi-
 ces sedeant, aut testimoniū dicant. Nam Ciceroni
 Græcos omneis iam nunc iniquos eiuro, quum de-
 dita opera mentiri uoluisse uideantur. ut Plutar-
 chus, qui Ciceronem nouæ uxori nuncium, quòd
 Tullia morte letari uisa fuisset, statim remisisse
 contendit: quam nos in epistolis ad Atticū mul-
 to pòst tēpore cum Cicerone uixisse uideamus. ut
 Dion, qui scribit ita: Ne illam quidem retinuisti,
 ut Ce-

ut Cerelliam licenter habere posses: quam tanto te ipso maiorem natu, quanto minorem puellam duxeras, stuprasti: ad quam tales epistolas scribis, quales scurra dicax ad fœminã septuagenariam mordēs scriberet. Non puduit hominem Gracum hæc ipsa de Cicerone mentiri: qui non modo Popiliam Cerellie causa non repudiavit, sed etiam Cerelliã à Popilia, ut ex libro decimoquarto ad Atticum collegimus, legatam missam nō inuitus audiuit. Quod si qua suspicio fuisset, non ea potissimū legata Popilia, uel mater eius uti uoluisset. quamquam ne suspicio quidem esse potuit, ne Cicero mulierem uetulam puellæ diuiti, quam nuper uxorem duxisset, anteferret: præsertim cū uir is esset, qui uerè sic ad Papirium Patum scribere potuerit: Ne uerò nihil istorum ne iuuenem quidem mouit unquam, nedum senem. Et sanè non legimus, Ciceronem iuuenem rebus hisce delectatum fuisse: tantum abest, ut credere debeamus, illum iam senem cum muliere uetula consuetudinē habere uoluisse: qui ne uxorem quidem iuuenem rus eo tempore uenire uolebat, ne cum illa esse cogeretur. Ille tamē Cerelliam non ut amicam, sed ut necessariam (quemadmodum scribens ad Seruilium

B

uocat)

uocat) dilexit, & quòd ei nescio quid debebat, &
 quòd eam studio philosophiæ flagrare cognoscebat,
 quod in epistolis ad Atticum testatur. EGN. Tu
 uide, ne potius ipse rerum naturalium studio flagra
 ret. COR. Ille quidẽ libro secundo de Diuinatione
 scribit ita: Ad reliqua acriter debeamus animo,
 sic parati, ut, nisi quæ causa grauior obstiteret,
 nullum Philosophiæ locum pateremur, qui non La
 tinis literis illustratus patèret. Sed ita iam senex,
 itaq; planè frigidus erat, ut quamuis ad ignem ac
 cederet, ne calefcere quidem posset: quum præser
 tim non esset ignis ille tantus, ut de suo lumine lu
 men alterius ita facile posset accendere: nec omnes
 præterea qui ueniunt ad ignes huiusmodi, sem
 per calefcunt, quamuis hominibus, qui credunt
 omnia, calefcere uideantur. EGN. Illi fortasse sunt
 ex Hirpijs familijs oriundi. COR. Unde sint o
 riundi, nos quidem nescimus: sed multos certè noui
 mus, et uos, qui seniores estis, plures, ut puto, nostis,
 qui frequenter ad ignes tales accedant, neque ta
 men unquam calefcant. EGN. Et si difficile ui
 detur, ne tamẽ amplius hac in re tecum pugnemus,
 hoc ipsum concedemus, si prius ita quasiuerimus:
 Cur igitur ad eam tales epistolas scribebat, in qui
 bus

bus *Ausonius* etiam *petulantiam* notauit? COR. Vir aptissimus ad iocandum, iocari uoluit: quod in illis epistolis ita fecit, ut *Quintilianus*, & alij (qui melius, quàm *Graculus ineptus*, & *Gallus* non satis aptus, iudicare poterāt) in ea re *Ciceronem* laudarent: non etiam turpes amores, aut *petulantiam* notarint. EGN. Per nos, ex hoc loco iam potes exire. COR. Ego uerò libenter exibo, si, ut ueni, licet exire. EGN. locare, uel etiam (si lubet) lude, & rimas omnes quare: nullam tamen hodie reperiēs, nisi numos omnes dederis. ut illud seruetur: Si quis habet numos ueniens, exibat inanis. COR. Fateor. Nam quum plenus huc ego uenerim, inanis, ut uideo, cogar exire. quanquam opcrā dabō, ne prorsus inanis reuertar: quod esse turpissimum, *Cicero*, mutuatus ab *Homero*, in libris de Officijs ad filium, qui tunc erat *Athenis*, scripsit. PIE. Filium *Ciceronis Athenis* eo tēpore fuisse, sciunt omnes: sed quo tempore missus eo fuerit, uideo posse dubitari: nisi tu pluribus uerbis ordinem, quem dicebas, explicaris. COR. Explicabo, quum prius dixero, quod etiam *Plutarchus* affirmat: *Ciceronem* perfecisse, ut *Cratippus Peripateticus* à *Casare* iam *Rēp. tenente*, cuius *Romanus* fie-

ret: item perfecisse, ut *Areopagita* illum decreto rogarent, ut *Athenis* maneret, & disputando iuvenes erudiret, ut qui urbem ipsam esset exornaturus. Idigitur *Cicero* quum effecisset, *Athenas* filium *Cal. April. C. Cesare, Q. Maximo* Consulibus, ita misit, ut annum tempus *Cal. Apr. M. Antonio, P. Dolabella* Consulibus, libro decimo quinto ad *Atticum* confectum esse dicatur. Hinc libros de *Officijs* quum scriberet, dixit, *Illum* annum iam audientem *Cratippum*, idq³ *Athenis*, abundare praeceptis oportere. Illi *Cicero*, ex *Argileti* & *Auentini* mercedibus octuaginta festeria (hoc est, ut nunc subducunt, aureorum numorum duo millia) suppeditabat: quod in epistolis ad *Atticum* demonstrat. Tum *Cicero* literas, ut *Plutarchus* refert, alias ad *Herodem*, alias ad filium scripsit: in quibus mandauit, ut & cum *Cratippo* philosopharetur, & à consuetudine *Gorgiae* rhetoris, qui uoluptatibus & compotationibus illum corrumperebat, prorsus abstinere. Hinc *Cicero* sic ad *Atticum* scribit: *Leonidae* epistola, quam ad me misisti, quid habet quaeso, in quo magnopere letemur? nunquam ille mihi satis laudari uidebitur, quum ita laudabitur, quo modo nunc est. Non est

fiden-

fidentis hoc testimonium, sed potius timentis. Herodi autem mandaram, ut mihi κατὰ μίτον scriberet: à quo adhuc nulla litera est. Vereor, ne nihil habuerit, quod mihi, quum cognossem, iucundum putaret fore. De Cratippo uerò, de erratis ætatis, & de Gorgia, Cicero filius ad Tironem plura scripsit: quæ uidere quiuis poterit. Catonis etiam laudationem, quamuis aliquot fortasse diebus antè, sed certè post Africum bellum, in quo M. Cato se interfecit, scripsisset, his tamen temporibus ita libro duodecimo ad Atticum nominauit: Qualis futura sit Cæsaris uituperatio cōtra laudationem meam, perspexi ex eo libro, quem Hircius ad me misit, in quo colligit uitia Catonis, sed cum maximis laudibus meis. item: Hircij epistolam si legeris, quæ mihi quasi πρὸ πλάσµα uidetur eius uituperationis, quā Cæsar scripsit de Catone, facies me, quid tibi uisum sit, si tibi erit commodum, certiorum. item libro decimo tertio: Legi Cæsaris epistolam. multa de meo Catone: quem sapissime legendo, se dicit copiosorem factum: Bruti Catone lecto, se sibi uisum disertum. Nam M. Brutus, & Fabius Gallus, etiam de Catone scripserunt. Quin Cicero rogatus à Bruto, suum scripsit, ut sic in Ora-

tore docet: Hoc sum aggressus statim Catone absoluto: quem ipsum nunquam attigissem, tempora timens inimica uirtuti, nisi tibi hortanti, & illius memoriam mihi charam excitanti, non parere, nefas esse duxissem. Quod autem tum ΦΙΛΟΣΟΦΩ
μενᾶ potissimum scripserit, ut in ordine nostro supra posuimus, & postea Caesarem ex Hispania reuersum hospitio acceperit, ipse libro decimotercio ad Atticum demonstrat. Neque Cicero tum primum, ut Plutarchus putat, historiam scribere cogitauit: quum, quod libro secundo ad Atticum legimus, uel ante exilium se historia daret, & multa Theopompino genere pangeret. & ipse libro primo de Legibus ita prius etiā scripserit: Postulatur à te iam diu, uel flagitatur potius, historia. Sic enim putant, te illam tractante, effici posse, ut in hoc etiā genere Græciæ nihil cedamus. Atque ut audias, quid ego ipse sentiam, non solum mihi uideris eorum studijs, qui literis delectantur, sed etiam patriæ debere hoc munus: ut ea quæ salua per te est, per te eundem sit ornata. Abest enim historia literis nostris, ut & ipse intelligo, & ex te persape audio. Potes autem tu profectò satisfacere in ea: quippe quum sit opus, ut tibi quidem uideri solet, unū
hoc

hoc oratorium maximè. Sed iam tempus est, ut ad Plutarchū reuertamur: Coniurationis, inquit, in Caesarem particeps non fuit, quamuis Bruti amicusissimus esset, & iniquo animo praesentem statum ferret, ac, ut qui maximè, ueterem desideraret. Sed illi uiri cum illius naturam ut minus audacem, tum tempus, in quo robustissimis naturis audacia deesse solet, timuerunt. *M.* tamen Antonius dixit, Caesarem consilio Ciceronis interfectum fuisse. *EGN.* Id in Philippicis ipse negat. *COR.* Negat ille quidem: sed in Bruto sic ipso Bruto praesente ciuitatis cladem deplorat, ut illum prorsus ad liberandum Remp. inuitare uideatur. Quòd si uel in scriptis id ipsum faciebat: quāto magis illum, quum secreto loqueretur, id fecisse putare debemus? Non sine causa interfecto Caesare, statim cruentum extollens alie *M.* Brutus pugionem, Ciceronem nominatim exclamauit, atque ei recuperatam libertatem est gratulatus. *EGN.* Nunc Ciceronem, quem semper defendere soles, accusas. *COR.* Ego uerò, ne scriptor Graecus eum timidum, quod inter coniuratos numeratus non sit, appellet, defendo, & laudo: quum Bruto, ut libertatem recuperaret, autorem

fuisse contendo. EGN. Si fuisset, ut erat gloria cupidus, aliquando diceret. COR. Non erat stultus, ut illi, qui quum in ea societate non fuissent, se tamen fuisse iactabant. EGN. Stultus dici non posset, si se facti uel autorem, uel participem fuisse diceret, quod ille pulcherrimum gloriosissimumq³ solet appellare. COR. Minus prudens certe uideri potuisset, si diceret, quod ipsi & Reip. dāni multum, sed utilitatis aut nihil, aut parū poterat afferre. Nam si dixisset, ueteranos milites, ceterosq³ Cæsarianos inimicos haberet, & ita non posset de pace tractare. quod tamen ipsum uix ita potuit uitare, ut ad C. Cæsiū postea scribens ostēdit: M. Antonius cadis initium querit, nullamq³ aliam ob causam me autorem fuisse Cæsaris interficiendi criminatur, nisi ut in me ueterani incitentur. Si quis tamen aliter sentit, is credat quod uelit: dum ne Græcis assentiatur, Ciceronem timidum fuisse, quem nos nec antea timidum, & temporibus illis fortissimum fuisse uideamus. Quum igitur (inquit Plutarchus) Brutus, Cæsius, & reliqui rem peregißent: & amicis Cæsaris conuenientibus, periculum esset, ne ciuitas in bellum ciuile rursus incideret, Antonius Consul senatum conuocauit, & de
con-

concordia pauca uerba fecit : Cicero uerò pluribus uerbis, ut tempus postulabat, amice locutus, senatui persuasit, ut Athenienses imitatus, eorum quae propter Casarem facta fuerant, obliuionem decerneret, & provincias Cassio, Bruto, & reliquis diuideret. Sed horum nihil est perfectum. Ciues enim, qui sua sponte misericordia commoti fuerant, ut cadauer per forum uiderunt efferrì, quum M. Antonius illis uestem sanguine refertam & gladijs perforatam ostenderet, ira & furore correpti, percussores in furo querebant : & habentes ignem, ad domos, ut incenderent, cucurrerunt. Illi uerò, periculum hoc diligentia uitarunt : & alia multa & magna quum timerent, urbem reliquerunt. Post Caesaris interitum multa sunt pratermissa, quae uideamus in epistolis ad Atticum, & ad Brutum potissimum referri : ne nos hic ponamus, & historiam pro Quaestura referamus. Liberalibus autem, id est post diem tertium, M. Antonius Consul (ut in Philippicis, & in epistolis ad Atticum legimus) in adem Telluris uenit, & senatum conuocauit : ubi facta sunt, quae Plutarchus hoc loco refert. quae de re sic in Philippica prima scriptum uidemus : *A* Repub. non deinceps oculos ex eo

die, quo in eadem Telluris conuocati sumus. In quo templo, quantum in me fuit, ieci fundamenta pacis, Atheniensiumq; renouaui uetus exemplum: Græcum etiam uerbum usurpauī, quo tum in sedandis discordijs erat usa ciuitas illa: atq; omnem memoriam discordiarum obliuione sempiterna delendam censui. De die, quo prouinciæ diuise sunt, hic, & in Bruto secum Plutarchus ipse dissentit: ne, quæ Dion & Appianus hisce de rebus scribunt, conferamus. Satis est, quod ad Atticū Cicero scribit, referre: Liberalia accusas: quid fieri tum potuit? iam pridem perieramus. Meministi ne te clamare, causam perisse, si funere elatus esset? at ille etiam in foro combustus, laudatusque miserabiliter: seruique & egentes in tecta nostra cum facibus immissi. quæ quidem omnia multis uerbis in Philippicis explicantur. In iisdem Philippicis, & Epistolis, cur ex urbe, & quò Brutus, Cassius, & reliqui coniurati discesserint, demonstratur. Statim igitur, ut ait Plutarchus, Antonius elatus, ut regnaturus, cum reliquis omnibus, tum potissimum Ciceroni, terrori esse cœpit: Nam quum illius in Rep. potentiā rursus esse confirmatam uideret, & illum Bruti studiosum esse sciret, & illum tunc oderat,

derat, & prius etiam nescio quid suspicionis inter eos propter uitæ dissimilitudinem & differentiam fuerat. Hæc Cicero ueritus, primum quidem Dolabellæ legatus in Syriam nauigare uoluit: deinde, quum Hircius & Pansa, qui post Antonium futuri Consules erant, uiri boni, & Cicero- nis æmulatores, illum ne se desereret rogarent, pollicentes se M. Antonium ipso præsentem de- pressuros: ille neque diffidens omnino, neque fi- dens; Dolabellam quidem dimisit: sed Hircio & Pansæ pollicitus, Athenis æstate se mansurum, & quum illi magistratum inissent, reuersurum, solus ipse nauigauit. Facta uerò nauigationi mo- ra, nouis'que Roma sermonibus, ut fieri solet, allatis, M. Antonium pœnituisse, mirabilem mutationem facere, omnia de sententia senatus administrare: sed ipsius præsentiam, quo minus optimum statum res habeant, deesse: ille suam ipsius multam cautionem detestatus, Romam re- diit. nec spes eum primò fefellit, tanta hominum multitudo ei obuiam processit: & ita totum penè diei tempus ante portas, & in introitu dextra iunctæ, & complexus consumpserunt. Poste- ro uerò die M. Antonio senatum conuocante,

& ipsum uocante, non uenit: sed iacuit, ex labore se fingens agrotare. Nam uerè periculum in senatu, ex suspitione quadam & indicio, quod illi in uia factu fuerat, esse uidebatur. Id Antonius propter contumeliam grauiter tulit: & milites misit, quibus imperauit, ut eum ducerent, uel domum euerterent. Verum multis instantibus, & rogantibus, pignora quum capisset, quieuit. Sic illi deinceps inter se non admodum turbulente, sed caute disenserunt. Hac ipsa Cicero scribens ad Brutum, complexus est ita: Post interitum Caesaris, & uestras memorabiles Idus Martias, Brute, quid ego pratermissum à uobis, quantamq; impendere Reip. tempestatem dixerim, nō es oblitus. Magna pestis erat depulsa per uos, magna populi Romani macula deleta: uobis uerò parca diuina gloria, sed instrumentū regni delatum ad Lepidum & Antonium: quorum alter inconstantior, alter impurior, uterque pacem metuens, inimicus otio. His ardentibus perturbanda Reip. cupiditate, quod opponi posset, præsidium, non habebamus. Erexerat enim se ciuitas, in retinenda libertate consentiens. Nos tum nimis acres: uos fortasse sapientius, excessistis urbe ea quam liberatis: Italia, sua uobis
studia

studia promittenti, remisistis. Itaque quum teneri urbem à parricidis uidere, nec te in ea, nec Castrum tuto esse posse, eamq; armis oppressam ab Antonio, mihi quoque ipsi esse excedendum putavi. Sed animus idem, qui semper, infixus in patriæ charitate, discesum ab eius periculis ferre non potuit. Itaque in medio Achaico cursu, quum etesiarum diebus auster me in Italiam, quasi dissuasor mei consilij, retulisset: te uidi Velia, doluiq; uehementer. Cedebas enim Brute, cedebas: quoniam Stoici uestri negant fugere sapientis. Romam ut ueni, statim me obtuli Antonio sceleri, atque dementia. Sed quoniam possunt hac è Philippicis, & Epistolis, ubi describuntur, peti, pauca tantum confereamus. Insolentiam M. Antonio Consulis cum alibi saepe, tum ad L. Placum scribens, ostendit: de M. Bruti & aliorum coniuratorum discesu, præter Ciceronem, Paterculus & alij multa scribunt: de suspitione, siue causa inter Ciceronem & Antonium, in Philippicis plura dicuntur. An uero Cicero Dolabella legatus in Syriam nauigare uoluerit, uiderit Plutarchus, qui scribit. nos in epistolis ad Atticum sic scriptum uidimus: Dolabella me sibi legauit ad 1111. Non. Apr. id mihi heri uespere

rinunciatum est. EGN. Id etiam Plutarchus uiderat, ut apparet: ne tu nunc dicas, uiderit. COR. Ille quidem fortasse uiderat: sed, ut in rebus hisce parum diligens fuit, non uidetur intellexisse, quam legationem Cicero significaret. EGN. Quum Dolabella Consul Syriam prouinciam sortitus esset, quam potuit aliam legationem, quam Syriacam, significare? COR. Ut mittā, uerisimile non esse, Ciceronem, qui neque Caesaris, neque Pompeii legatus in prouincijs esse uoluisset, tunc Dolabella legatum in Syriam nauigare uoluisse: si legationem Syriacam significasset, à M. Antonio nihil erat cur eam peteret. & tamen in epistolis ad Atticū se petisse sic ostendit: Scripsi ad Antonium de legatione, ne, si ad Dolabellam solum scripisssem, iracundus homo commoueretur: & prius à Casare petierat. Legationem uerò liberam significat, de qua sic ad Atticum scribit, ubi de Dolabella loquitur: Habēt, opinor, liberae legationes definitum tempus lege Iulia, nec facile addi potest: idq; ad eod genus legationis, ut, quum uelis introire, exire liceat. hinc in prima Philippica dixit: Quum haberem ius legationis liberum, discessi ea mente, ut adessem Cal. Ian. quod initium senatus cogendi fore uide-

uidebatur. Quæ Plutarchus de Hircio & Pansa refert, ea uellem diligentius scripsisset, nec eos uiros bonos appellasset: nec eos dixisset pollicitos fuisse, se M. Antonium depressuros, quum semper antea Casariani fuissent: & tunc otium timerent ita, ut neque bene audirent, neque M. Antonium se depressuros pollicerentur, ut in epistolis ad Atticum Cicero demonstrat: quicquid in Philippicis, & alibi, scenæ seruiens, dicat. In Græciam uero Cicero proficiscebatur, cum ut cadis impendentis periculum uitaret, tum ut in studijs filium confirmaret: quæ fuit à principio sola causa profectionis, quum consilium capit à Casare legari, quod in epistolis ad Atticum scribit, quoquo modo in prima Philippica consilium profectionis & reuersionis exposuerit. Ac præter ea quæ de reuersione refert ibi pluribus uerbis, quàm ut sint referenda, sic ad Atticum scribit: V 111. Id. Sext. quum à Leucopetra profectus (inde enim transmittēbam) stadia circiter ccc processissem, reiectus sum austro uehementi ad eandem Leucopetram. Ibi quum uentum expectarem (erat enim uilla Valerij nostri, ut familiariter essem, & libenter) Rhegini quidam illustres homi-

nes eò uenerunt Roma, sanè recentes: in his Bruti nostri hospes, qui Brutum Neapoli reliquiset. hac afferebant, edictum Bruti & Cassy, & fore frequentem senatũ Cal. à Bruto, Cassio literas missas ad Consulares, & Prætorios, ut adessent, rogare: summam spem nunciabant, fore ut Antonius cederet, res coueniret, nostri Romam redirent. Addebāt etiā, me desiderari, subaccusari. quæ quum audissem, sine ulla dubitatione abieci consilium profectionis, quo mehercule ne antea quidem delelabar. Atque inde (ut ad Cornificiũ scribit) uenitis remisq₃ in patriā omni festinatione properaui, postridieq₃ in summa reliquorum seruitute liber unus fui. Sic sum in Antoniũ inuectus, ut ille non ferret. Quod si Cicero postridie, quàm uenit, in Antonium inuectus est: Antonius non postero die, sed eodem die, quo Cicero uenit, senatum conuocauit: etsi M. Antonius eodem die senatũ conuocauit, & tam multa dixit & fecit, quàm multa in prima Philippica referuntur, non est ille dies iungendis dextris & complexibus consumptus, ut Plutarchus affirmat. EGN. Res admodum leues notas, & Ciceronis laudẽ minuis. COR. Ego uerò res admodum graues noto, & Ciceronis laudem

laudem cumulo. Nam fateor, ei plures obuiā prodisse, quā quos uno die complecti potuerit: & scriptoris prudentiam requiro, qui quod fieri neq₃ soleat, neque possit, scribat. EGN. Venetijs quidem fieri neque solet, neque potest: quum uiris magnis in urbem uenientibus, ita cymbis alijsq₃ nauiculis obuiam procedamus, uix ut eos occurrentes salutare, nedum complecti possimus: sed Romae fortasse fieri solebat, & poterat. COR. Plutarchus & Appianus ita uidentur credidisse. sed neque fieri solebat, ut ad Atticum Cicero de suo reditu ab exilio scribens ostendit: neque poterat, nisi qui ueniebant, ex equis, aut lecticis, aut rhedis, quibus ueherentur, descendiſſent: quod Cicero tum senex, & de uia languens, uix facere potuiſſet. Verūm, quod uult Plutarchus, fecerit. ille quo pacto defendet, Antonium milites miſiſſe, quibus imperarit, ut uel Ciceronem ducerent, uel domum eius euerterent: quum milites non miſerit, sed in ſenatu, cum fabris se domum Ciceronis eſſe uenturum dixerit? Id in prima Philippica Cicero ſcribit, & ita repetit in quinta: Huc etiam niſi uenirem Cal. Septemb. fabros ſe miſſurum, & domum meam diſturbaturum eſſe dixit. Et Plutarchus cum hac

C male



male considerauit: tum, quod sequitur, etiam peius coniunxit. nam coniungit hoc modo: Post Ciceronis reditū, M. Antonius, & ipse Cicero, dissenserūt, donec Caesar iuuenis Apollonia uenit. quasi uerò post reditum Ciceronis, hoc est, post Cal. Septemb. Apollonia Caesar uenerit: qui libro decimo quarto ad Atticum, uel antiè Id. Apr. uenisse dicitur. Quæ præterea Plutarchus ibi de Casare scribit, ea nos ideo non uertimus, quòd ad Ciceronis uitam parum, uel nihil pertinere uideantur: nisi forte somniū, quod refert de ipso Casare, pertineat: de quo tamen ille non minus, quàm de Caesaris Octauiani matre, uoluit à Suetonio, qui scripserat antiè, dissentire. At Plutarchus (credo) putauit, Ciceronem, quem multi solent hac in parte uehementer accusare, posse defendi, si diceretur ei tantum fauisse, quem uidisset in somnijs finem bellis civilibus impositurum. Sed somnium est: nec Cicero somnio defendi debet, qui somnia contemnebat. & id fortasse nunquam somniauit: certè non credidit, quum sic ad Atticum scripserit: Nobiscum hic perhonorificè & amicè Octauius, quem quidem sui Casarem salutabant: Philippus non, uaque ne nos quidem: quem nego posse bonum ciuem.

ciuem. Item: Octauiano, ut perspexi, satis ingenij, satis animi: uidebaturq; erga nostros uisus ita fore, ut nos uellemus, animatus. sed quid etati credendum sit, quid nomini, quid hereditati, quid uox τυχός, magni consilij est. Et ne quis dicat, cur igitur ipse postea credidit? sic addit: Sed tamen alendus est, & ut nihil aliud, ab Antonio seiungendus. Nam uir prudentissimus, quum uideret Brutum, Cassium, reliquosq; coniuratos, post Caesaris interitum nihil eorum quæ debuerant, in urbe gessisse, ex urbe discessisse, Italia sua studia remississe, nec eos quicquam facere, sed Brutum, Cassiumque (quod in epistolis ad Atticum queritur) ad Eurotam sedere: uerebatur, ne, si M. Antonius & Octauianus cōiungeretur, Resp. cui nemo succurrebat, opprimeretur. Itaq; M. Antonium, ructantē & nauseantē, in Caesaris Octauiani plagas (ut scripsit ad Cornificiū) cōiecit. Plutarchus tamen, quū somniū narrasset, et posuisset etiā, adolescenti fauere cœpisse, quod in eius Consulatu natus esset, sic addere nō dubitauit: Primum M. Antonij odiū Ciceronē, deinde natura, quæ facile uincetur ab honore, Cesari cōciliauit: existimātem, se in Rep. potētia illius usurū. nā sic adolescenti se subie-

cit, ut adolescens illū patrem uocaret. Unde Brutus stomachans, in epistolis ad Atticum Ciceronem reprehendit, quòd Antonij metu Casarem foveat, & ostendat, se patriæ non libertatem, sed dominū sui studiosum querere. Ille uerò non Antonij odio potius, quàm libertatis studio, nec honore, sed amore patriæ uictus, Octavianū cæpit adiuuare: nec illi se subiecit, sed ab eo sæpe rogatus, Reip. causam suscepit. Nec alteri se subijcit, qui pater uocatur, & ut pater imperat, & regit, ut ad Brutum Cicero scribens ostendit: Casaris pueri mirifica indoles uirtutis. utinam tam facile eum florentem & honoribus & gratia, regere ac tenere possimus, quàm facile adhuc tenuimus. Alibi quoque sæpe, Casarem suis consilijs gubernatum fuisse testatur. Quare multo prudentius Brutus scripsit, quàm Plutarchus descripsit. Licet ergo patrem appellet. Octavius Ciceronem, referat omnia, laudet, gratias agat: tamen illud apparebit, uerba rebus esse contraria. Quanquam Brutus ipse quoque Ciceronem reprehendit: nec uidet, omnem se culpam sustinere. nam multa prætermisit, quæ si fecisset ille, Resp. in id periculum non incidisset. Itaque Cicero sic ad Atticum scribens, queritur: Ita-

ne uerò? hoc meus & tuus Brutus egit, ut Lannuij esset? ut Trebonius itineribus deuijs proficeretur in prouinciam? ut omnia facta, scripta, dicta, promissa, cogitata Caesaris plus ualeret, quam si ipse uiueret? meministi ne me clamare, illo ipso primo Capitolino die, senatū in Capitolium à Praetoribus uocari? *Dij immortales, quae tum opera effici potuerunt, latantibus omnibus bonis, etiam sat bonis, fractis latronibus? Item Cassius querebatur, amissas occasiones: et illud addebat, oportuisse senatum uocari, populum ardentem studio uehementius incitari, totam suscipere Remp. Hac, & alia multa, quae Cicero solet in epistolis ad Atticū significare, Brutus in urbe praetermisit. deinde quum deberet urbem, quam liberarat, defendere, ueluti Pompeius alter, eam reliquit: ut Antonius, ueluti Caesar alter, in ea potetior fieri posset. Quū que Brutus urbe cessisset, ut Pompeium prorsus imitaretur, nec delectum habuit, & Italiae sua studia promittenti remisit, nec ita multo post ex Italia discessit, & quidem quo tempore Resp. illius opera iuuari multū, uel fortasse liberari potuisset. Nam quum Cicero M. Antonium, & Casarem Octavianum quasi commisisset, utrumque uel al-*

terius auxilio præsens opprimere, & ita patriam liberare potuisset. Hinc Cicero sic ad Atticū scribens, exclamat: O Brute, ubi es? quantam ex ore gēia p amittis? Sed ille discessit, nec unquam postea, quamuis eum Cicero sæpe reuocari, in Italiam uoluit reuerti. Quòd si Ciceroni paruisset, & exercitum, quem pararat, in Italiam duxisset, nunquā triumuiui Rēp. quemadmodum postea fecerunt, occupassent. Ille tamen epistolas scripsit: quas qui legunt hodie, putant, & assentiuntur Bruto, Ciceronem, quòd Octavianum fouerit (si Dīs placet) esse reprehendendum. Sed illas, opinor, Cicero didicisset, si, quæ scribuntur in illis, à quoquam probatum iri putasset. uerū quum uideret ea nullo negotio posse confutari, uoluit illas epistolas inter suas reponi: ut posteri possent, quā bene scripsisset ille, iudicare. EGN. Ergo multi bene scripsisse iudicant. COR. Vos, ut puto, non ita iudicatis: ego certè, quæ scribit ille, uel hoc ipso loco facile confutarem, nisi res ipsa, quæ penè loquitur, confutaret. EGN. Non ita loquitur, ut omnes audiant. COR. Ita certè loquitur, ut quiuis intelligat, eum, qui sit ipse Bruius, operā dare, ut etiam Ciceronem brutum faciat: sed ille purus est ita, ut
nul-

nullis sordib. possit inquinari. At M. Brutus uir bonus fuit. Auunculus eius etiam M. Cato uir bonus fuit: sed tamē ille animo optimo uir, & summa fide, nocebat interdum Reip. ut ad Atticum Cicero scripsit: sic Brutus uir quidem bonus fuit, sed tum Stoicos & Catonem nimis imitari uoluit. Itaque quum Ciceroni, quem uel ipse omnium prudentissimum uocabat, parēre noluiſſet, Remp cui non succurrit ut debebat, perdidit. Ille tamen Ciceronem, qui Remp. mordicus, ut aiunt, tenebat, ac defendebat, non dubitauit accusare, quod ad Octavianum suppliciter ac demisse nimis scriberet. Illi Cicero, si posset, id (ut puto) responderet, quod Attico de Cesare tale quid obijcienti rescripsit: Quum ad pacem hortarer eum praesertim hominem, non uidebar ullo modo facilius moturus, quam si id, ad quod eum hortarer, conuenire eius sapientiae dicerem: eam si admirabilem dixi, quum eum ad salutem patriae hortabar, non sum uertitus, ne uiderer aſſentari, cui tali in re libenter me ad pedes abiecissem. Id Ajax non faceret, scio: sed faceret Ulyſſes, qui tamen in bello Troiano non minus laudis, quam Ajax, uidetur eſſe cōſecutus. Cicero cerie, qui Reipublicae,

ut qui maximè, studiosus fuit, iuuenem, qui tunc ei multum prodesse posset, suppliciter ac demisse, quemadmodum Brutus ait, inuitare non dubitauit. At eum nimis extulit. Si Brutus ei paruisset, illum, recuperata Rep. curasset, ut etiam credunt illum dixisse, tollendum. sed aliàs hac de re fortasse plura dicemus: nunc ad Plutarchum redeamus. Filium Ciceronis Athenis operam Philosophis dantem, quum Brutus accepisset, ei ordinem ducendum dedit: eumq³, multis in rebus opera illius usus, instituit. Tunc in urbe Ciceronis potentia maxima fuit. nam, quacunq³ uolebat affecutus, Antonium per factionem uictum eiecit: & duos Consules Hircium & Pansam, qui bellũ cum illo gererent, emisit. Senatui præterea persuasit, ut Cæsari lictores, & imperatorium ornamentum, cãquam pro patria pugnanti decerneret. De filio Ciceronis ita Brutus scripsit: Cicero filius tuus sic mihi se probat industria, patientia, labore, animi magnitudine, omni denique officio, ut prorsus nunquam dimittere uideatur cogitatione, cuius sit filius. Quare, quoniam efficere non possum, ut pluris facias eum qui tibi est charissimus: illud tribue iudicio meo, ut tibi persuadeas, non fore illi abutendũ gloria

ria tua, ut adipiscatur honores paternos. item: Filius ualet, & in Macedoniam cum equitatu premissus est. quod alibi quoque repetit. Hinc in Philippica decima Cicero dixit ita: Legio, quam L. Piso ducebat, legatus Antonij, Ciceroni filio meo tradidit. Sed de patre loquamur, qui quàm potens eo tempore fuerit, in Philippicis ostedit: ne nos hic plura recitemus. quàmquam tacere illud non possumus, XIII. Cal. Ian. primum Quirites fundamenta iacta sunt Reipub. fuit enim longo interuallo ita liber senatus, ut uos aliquando liberi essetis: quo quidem tempore, etiamsi ille dies uitæ finem mihi allaturus esset, satis magnum ceperam fructum, quum uos uniuersi una mente atque uoce iterum à me conseruatam esse Remp. conclamastis. Nam Cicero cum liberè locutus est, tū curauit ut Octavianus Antonium Brundusio reuertentem ab urbe auerteret: quod in Philippicis sæpe testatur. Hinc ad M. Brutum scribit ita: Dico, Casarem hunc adolescentem, per quem adhuc sumus, si uerum fateri uolumus, fluxisse ex fonte consiliorum meorum. huic habiti à me honores, nulli quidem Brute, nisi debiti: nulli, nisi necessarij. Ut enim primum libertatem reuocare cœpimus, quū se non-

dum ne Decimi quidem Bruti diuina uirtus ita commouisset, ut iam id scire possemus, atque omne praesidium esset in puero, qui à ceruicibus nostris auertisset Antonium, quis honos ei non fuit decernendus? quanquam ego illi tum uerborum laudem tribui, eamq; modicam. Decreui etiam imperium: quod quanquam uidebatur illi aetati honorificum, tamen erat exercitum habenti necessarium. Quid enim est sine imperio exercitus? Sed de Cesare Octauiano, item de Hircio & Pansa Consulibus, de Ciceronis periculo, de legatione ad Antonium ab eo recusata, deq; alijs huiusmodi rebus, in Philippicis & epistolis plura scribuntur. Quare nos ordinem Plutarchi sequamur: Quum uicto quidem Antonio, sed Consulibus mortuis, omnes milites ad Cesarem ex pugna conuenissent, senatus iuuenem, & bona fortuna usum ueritus, milites ipsos honorib. & premijs reuocare, ipsiusq; potentiam minuire tentauit, tanquam propugnatoribus, Antonio fugato, non indigeret. Hac de re Cicero sic ad M. Brutum scripsit: Consules duos, bonos quidem sed duntaxat bonos, amissimus. Hircius quidem in ipse uictoria occidit, quum paucis diebus magno praelio antè uicisset. nam Pansa su-

gerat,

gerat, uulnerib. acceptis, quæ ferre non potuit. Reliquias hostiū Brutus persequitur, & Caesar. hostes autē omnes iudicati, qui M. Antoni sectā secuti sunt. Item: Ciuitas recreata ad xii. Cal. Maij te huc uenire, quàm se ad te ire malebat. quo quidē die magnorū meorū laborū, multarumq. uigiliarū fructū capi maximū, si modo est aliquis fructus ex solida ueraq. gloria: nam tāte multitudinis, quantā capit urbs nostra, concursus est ad me factus. à qua usq. in Capitoliū deductus, maximo clamore atq. plausu in rostris collocatus sum. Hæc Plutarchus omisit. & illud item, quod de Decemuiris ad D. Brutiū Cicero scribit: Quod Segulius ait, uetera nos queri, quod tu & Caesar in Decemuiris nō essetis: utinā ne ego quidē essem. quid enim molestius? Plutarchus igitur de Ciceronis Decemuiratu tacet, & id, quod cōsiderabimus, refert: Ciceronem cum Casare Consulem fieri uoluisse, quod ei Caesar ipse persuasisset, fore ut, si Consules ipsi fierent, cum se tum res omnes ad arbitriū suum regeret. sed ab eo deceptum, tum demum cognouisse, se, populi que libertatem concidisse. Idem propemodum Dion & Appianus affirmant: quamuis Dion sibi parū cōstare uideatur, dum postea scribit, Ciceronem, ei
qui

qui stricto gladio dixerat, Si uos *Cæsari* Consulatū non dabit, hic dabit: respondiſſe, Si uos ita rogabit, ipsum capiet: idq; etiam poſtea cauſam necis illi fuiſſe. Sed nos oſtendemus, *Ciceronem* & in ea re *Cæsari* ſemper aduerſatum fuiſſe, & nihil eo tempore de Conſulatu cogitaſſe. EGN. M. tamen *Brutus* audiuit, illum Conſulem factum fuiſſe. COR. Audiuit, quia Romæ ſermo fuerat, de quo *Cicero* ſic in *Philippicis* ait: Scitis per hos dies creberrimum fuiſſe ſermonem, me per *Idus Quint.* qui dies hodie eſt, cum faſcibus deſcenſurum. Deinceps ita defendit, ut oſtendat, eum ſermonem fictū fuiſſe: quem tamen *Græci* ſcriptores ſequi maluerunt, quā reſerre, quod tunc una uoce cuncta concio declarauit, nihil eſſe ab eo unquā de Rep. niſi optimè cogitatum. Quod uerò tunc in ea re *Cæsari* *Octauiano* ſit aduerſatus, ſic ad M. *Brutum* ſcribens oſtendit: *Cæſarem* meis conſilijs adhuc gubernatū, præclara ipſum indole, admirabiliq; conſtantia, improbiſſimis literis quidam, fallacibuſq; interpretibus ac nuncijs impulerunt in ſpem certiffimam Conſulatus: quod ſimulatq; ſenſi, neque ego illum abſentem literis monere deſtiti, nec accuſare præſentes eius neceſſarios, qui eius cupidita-

ti suffragari uidebantur: nec in senatu sceleratissimorum consiliorum fontes aperire dubitavi. nec uerò ulla in re memini aut senatum meliorem, aut magistratus. Nunquam enim in honore extraordinario potentis hominis, uel potentissimi potius (quandoquidem potentia iam in ui posita est, & armis) accidit, ut nemo Tribunus plebis, nemo alio magistratu, nemo priuatus autor existeret. Item: Caesarem, ut spero, tenebo multis repugnantibus. Videtur enim in eo esse bona indoles, sed flexibilis aetas: multiq; ad deprauandum parati, qui splendore falsi honoris obiecto, aciem boni ingenij præstringi posse confidunt. Quin ei Cicero sic in hisce rebus aduersatus uidetur, ut illi D. Brutus timuerit, quod in Epistolis apparet. Caesar tamen Consul factus, x. Cal. Octob. cum Q. Pedio Consulatum iniuit, ut Paterculus ostendit: & Ciceronem, quum diu repugnasset, tandem passus est proscribi. quod Plutarchus quidem, Dion, Appianus, & alij scribunt, sed Paterculus ita refert: Nihil tam indignum illo tempore fuit, quam quòd aut Caesar aliquem proscribere coactus est, aut ab illo Cicero proscriptus est: abscisaq; scelere Antonij uox publica est, quum eius salutem nemo defendisset, qui per tot annos

annos & publicam ciuitatis, & priuatam ciuium
defenderet. Sed quoniam nemo unquam melius,
quàm *Linus*, eam rem scripsit, ut adhuc in *Seneca*
scriptis inuenitur, huc transferemus: *M. Cicero*
sub aduentum triumuirorum urbe cesserat, pro
certo habens, id quod erat, non magis *Antonio* e-
ripisse, quàm *Cæsari* *Cassium* & *Brutū*, posse. Pri-
mò in *Tusculanum* fugerat: inde transuersis itine-
ribus in *Formianum*, ut ab *Caieta* nauim conscen-
surus, proficiscitur. unde aliquoties in altum proue-
ctum, quum modo uenti aduersi retulissent, modo
ipse iactationē nauis ceco uolente fluctu pari non
posset, iædium eadem eum & fugæ & uitæ caput.
Regressus ad superiorem uilla, quæ paulo plus mil-
le passibus à mari abest: *Moriar* (inquit) in patria,
sepe seruata. Satis constat, seruos fortiter fideliterq;
paratos fuisse ad diuicandum: ipsum deponi lecti-
cam, & quietos pati, quod fors iniqua cogeret,
iussisse. Prominenti ex lectica, præbentiq; immo-
tam ceruicem, caput præcisum est. nec satis stolidæ
crudelitati militum fuit: manus quoque, scripsisse
aliquid in *Antonium* exprobrâtes, præciderunt.
Ita relatum caput ad *Antonium*, iussuq; eius in-
ter duas manus in rostris positum, ubi ille Consul,
ubi

ubi sæpe Consularis, ubi eo ipso anno aduersus Antonium, quanta nulla nunquam humana uox, cum admiratione eloquentiæ auditus fuerat. uix attollentes lachrymis oculos homines intueri truci data membra eius poterant. Vixit tres & sexaginta annos, ut, si uis absuisset, ne immatura quædam mors uideri posset: ingenium & operibus & præmijs operarum felix: ipse fortuna diu prospera, & in longo tenore felicitatis, magnis interim ictus uulneribus, exilio, ruina partium, pro quibus fletu rat, filia morte, exitu tam tristi atq; acerbo, omnium aduersorum nihil, ut uiro dignum erat, tulit, præter mortem: quæ, uerè æstimanti, minus indigna uideri potuit, quod à uictore inimico crudelius passus erat, quàm quod eiusdem fortune composito fecisset. si quis tamen uirtutibus uitia pensarit, uir magnus, acer, memorabilis fuit, et in cuius laudes sequèdas Cicerone laudatore opus fuerit. EGN. Ut est noster candidissimus omnium magnorum ingeniorum æstimator T. Lilius, plenissimum testimonium Ciceroni reddidit. COR. Illa uerba nollem dixisset: Omnium aduersorum nihil, ut uiro dignum erat, tulit, præter mortem. In illis enim uidetur opinionem secutus, quam nos antè cōstatuimus:

tauimus: cetera uerò sic probamus, ut digna pute-
 mus, quæ, quemadmodum Ciceronis & Plutar-
 chi uerba solemus, explicemus. Florus igitur sic a-
 pud eundem *Liuium* scribit: C. *Cæsar* pacem cum
Antonio & *Lepido* fecit, ita ut tres uiri *Reip.* con-
 stituendæ quidem per quinquennium præessent.
 Ipse, *Lepidus*, *Antonius*, statuerunt, ut suos quis-
 que inimicos proscriberent. In qua proscriptione
 plurimi equites, CXXX senatorum nomina fue-
 runt, & inter eos *L. Pauli*, fratris *M. Lepidi*, &
L. Cæsaris Antonij auunculi, *M. Ciceronis*: cu-
 ius occisi à *Popilio* legionario milite, quum haberet
 annos LXXI, caput quoque cum manu dextra
 in rostris positum est. *M. Lepidus* *L. Paulum* fra-
 trem, & *M. Antonius* *L. Cæsarem* auunculum
 uiros Consulares, quos *Octavianus* petebat, ut *Cice-
 ronem* liberaret, proscribi passi, ut *Cicero* proscribe-
 retur: quod omnes penè scriptores affirmant, &
Cornelius Hispanus sic apud *Senecā* refert: Pro-
 scriptus est ille, qui tuam sententiam secutus est: to-
 ta tabula tuæ morti præluditur: alter fratrem pro-
 scribi, alter auunculum patitur. quid habes spei?
 Ut *Cicero* periret, tot parricidia facta sunt. Hac in
 parte *Plutarchus* & *Appianus*, de locis ad quæ
 Ci.

Cicero uenit, à Liuiο: de coruis, qui auspiciū fecerunt, à Valerio Maximo dissentiunt. Nos, ne tam multa referamus, uel conferamus, illud tantum dicemus: mortem Ciceronis, ut hominis magni, non solum per aues tunc, sed per simulachrum Palladis etiam, paucis antè mensibus ui fulminis dissipatum, significatam fuisse: quod Dion & Iulius Obsequens ostendunt. Quin eam sibi uidetur ipse prædixisse, quū sic ad Atticum scripsit: *Attice, fortiter hoc uelim accipias, ut ego scribo: genus illud interitus, quo casurus es, scædum duces, & quasi denunciatum nobis ab Antonio. uel potius in Philippicis, quum dixit: Ut omittam res aui tui prosperas, acerbissimum eius diem supremum malim, quàm L. Cinna dominatum, à quo ille crudelissimè est interfectus. Nam Cicero, quod hic optauit, est affecutus: ut in Bruto diximus, & infra dicemus. Ciceronem patrem patriæ Cn. Popilius Lenas, qui patrem prius interfecerat, & ab ipso Cicerone defensus fuerat, interfecit: ut omnes penè scriptores, ut Liuius, Valerius Maximus, Seneca, Dion & Appianus affirmant: præter Eusebiū & Plutarchū, qui Popilium quidem, sed Herennium tamen nescio quem, magis interfe*
D Etorem

florem Ciceronis fuisse probant. Verum Seneca declamatio repugnat: & quod Appianus refert, & recentiores ratiocinantur, Popilium Ciceronis caput Antonio uiginti quinque millibus aureorum uendidisse. Mortem Cicero forti animo tulit, ut omnes (præter Asinium Pollionem, qui Ciceroni fuit iniquus) affirmant, & apud Senecam sic Aufidius Bassus ostendit: Cicero paulum remoto uelo, postquam armatos uidit, Ego uerò consisto, ait: accede ueterane, & si hoc saltem potes recte facere, incide ceruicem. Trementi deinde, dubitantiq, Quid si ad me, inquit, primum uenissetis? Idem pene de militibus, qui fuerant missi, ut M. Antonium oratorem interficeret, scribitur: ut illius, & Ciceronis interitus, omnino similis fuisse uideatur. Accedit, quod in libris Oratoris ita scriptum uidemus: M. Antonij in his ipsis rostris, in quibus ille Rēp. constantissime Consul defenderat, quæq, Censor imperatoris manubys ornarat, positum caput illud fuit, à quo erant multorum ciuium capita seruata. quod idem de Ciceronis capite retulimus, quod inter duas manus in rostris positum fuisse Liuius ostendit: quamuis Florus ab eo quem refert, in ea re dissenniat, quoniam caput cum manu dextra tantum in rostris

rostris positum fuisse dicat: quod, ut apud Senecam legimus, etiam Cremutius Cordus dixit. sed alij pene omnes, duas manus dixerunt. Antonius uero caput in mensam iussit afferri, eoq, spectaculo per diem fuit oblectatus ante, quàm in rostris poneret: quod Appianus refert. nec Dion aliter sentit, qui scribit, etiam Fulviam, M. Antonij uxorem, linguam Ciceronis extractam, multis cum contumelijs acupugnisse. Capite Ciceronis in rostris posito, quātus in urbe mœror & luctus excitatus fuerit, cum Plutarchus & alij scriptores ostendunt, tum Cremutius Cordus apud Senecam docet ita: Soluit pectora omnium in lachrymas, gemitusq, uisa ad caput eius deligata manus dextra, diuinæ eloquentiæ ministra: cæterorumq, cædes priuatos luctus excitauerunt, illa una cōmuncem. Cicero, quod apud Cornelium Tacitū legimus, Hircio & Pansa Consulibus, ut Tiro libertus eius scripsit, v. 11. Idus occisus est: quo anno Diuus Augustus, in locum Pansa & Hircij, se, et Q. Pedium Consules suffecit. Quāuis autē Cornelius Tacitus mensem nō ponat, intelligimus tamē, quū Caesar Octavianus x. Cal. Octob. inierit consulatū, Nouemb. uel Decēb. significari. Unde cognoscimus, Ciceronem sexaginta quatuor

annos uixisse, ut *Aurelius Fuscus* apud *Senecam* testatur: quamuis alij tres & sexaginta tantum scribant. Sunt qui putet, *Ciceronis* corpus à *L. La mia*, qui semper illi fuit amicus, sepultum fuisse: quod etiam scriptum uidemus in uersibus, quos uiri duodecim scripsisse dicuntur. Nam multi, quod apud *Senecam* uidere licet, cum uersibus, tum soluta oratione *Ciceronis* mortem deplorauerunt, ut *Paterculus* ita: Nihil tam indignum illo tempore fuit, quàm quod aut *Cesar* aliquem proscribere coactus est, aut ab illo *Cicero* proscriptus est, abscisaq; scelere *Antonij* uox publica est: quàm eius salutem nemo defendisset, qui per tot annos et publicam ciuitatis, & priuatam ciuium defenderat. Nihil tamen egisti *M. Antoni* (cogit enim excedere propositi formam operis, erumpens animo ac pectore indignatio) nihil inquam egisti: mercedem cælestissimi oris, & clarissimi capitis abscisi numerando, autoramentoq; funebri ad conseruatoris quondam *Reip.* tantiq; *Consulis* irritando necem. Rapuisti tu *M. Ciceroni* lucem sollicitam, & aetatem senilem, & uitam miseriorem te principe, quàm sub te *Triumuiro* mortem: famam uero, gloriamq; factorum atq; dictorum adeò non abstulisti,

listi, ut auxeris. *Viuit, uiuetq̃ per omnem seculorum memoriã: dumq̃ hoc uel fortè, uel providentia, uel utcunque constitutum rerum naturæ corpus, quod ille penè solus Romanorum animo uidit, ingenio complexus est, eloquentia illuminabit, manebit incolume, comitem æui sui laudem Ciceronis trahet, omnisq̃ posteritas illius in te scripta mirabitur, tuum in eum factum execrabitur: citiusq̃ in mundo genus hominum, quàm nomen huius cadet.* EGN. *Iam situs est, & laudatus.* COR. *Nec situs, ut debuit: nec laudatus, ut meruit: qui dignus fuit, quem hominum fama beneficiorum memor in concilio cælestium, ut Herculem, ut Castorem & Pollucem, ut Aesculapium, ut Liberum collocaret. Quanquã uidetur collocasse: cuius Consulatum C. Curio ἀποδίδωσι, P. Lentulus P. F. mentem diuinam, Cornelius Nepos prudentem diuinationem uocarit. illum certè cælestē uirum Quintilianus appellauit.* EGN. *Sed in dicendo.* COR. *Nihil mea refert, dū cælestē uocarit eū, cuius imaginem uel inter Diuos Alexander Seuerus Imperator Romanus (qui latina quū legeret, non alia magis, quàm de Officijs Ciceronis, & de Rep. legebat) postea collocauit.* EGN. *Quin igitur*

illi nos uota facimus? COR. Nos uerò illi uota faciamus, oculis ut nostris ille medeatur. EGN. Oculis ut nostris ille, cui lippitudo tam saepe molesta fuit, medeatur? COR. Diui morbos, quibus, dum uiuerent, affici solebant, in cælum sublatis saepe curare creduntur. Aqua certe Ciceroniana, quas Tullius Laurea carmine celebrauit, oculis, ut Plinius affirmat, medebantur. Diuus Augustinus, se Ciceronis Hortensio lecto Christianum factum fuisse, confitetur. Sed iam tempus est, ut numos omnes, quos dedi, mihi uos acceptos referatis. PIE. Singulos deinceps, ut dedisti, retulimus. COR. Video: sed habere uelim, qui provincialibus, praeritim curiosis, possim, me soluisse demonstrare. EGN. Tuas perscriptiones habebis, quas ipsi probabimus: & te in hoc fano pecuniam nostro iussu deposuisse, quum tamen deposueris, ascribemus. COR. Pecuniam, quam certis & locis & temporibus exegi, iam deposui: nunc, si placet, reliqua deponā. EGN. Nobis uerò placet. COR. Nunc igitur ea, quae Dion Calenum dixisse finxit, non omnia quidem, sed quae digna putabo quae consutentur, deponam. Sunt enim quaedam ita parum uerisimilia, uel potius ita prorsus falsa, ut facile demonstrent, quod
etiam

etiam diximus, Gracum scriptorem Ciceroni semper iniquum fuisse. Non ne, inquit, hic ille est, qui Casarem Pompeiumq; quasi commisit: & prohibuit, ne Pompeius cum Casare reconciliaretur? qui uobis persuasit, ut ea contra M. Antonium decerneretis, quibus Casar est commotus? qui Pompeio persuasit, ut Italiam relinqueret, & in Macedoniam trāsiret? quod omnium malorum, quae postea consecuta sunt, causa fuit. Hic quot sunt uerba, totidem penè sunt mendacia. EGN. Antonius tamen, quod hic referre Dion uidetur, dixit, Ciceronis opera Pompeium à Caesaris amicitia esse disiunctum, ob eamque causam Ciceronis culpa ciuile bellum esse natum. COR. Dixit ille quidem, sed in Philippicis id ipsum nullo negotio confutauit, & sic addidit: Quum inferri patriæ bellum nefarium uiderem, pacis, concordiae, compositionis autor esse non destiti. mea que illa uox est, nota multis: Utinam, Cn. Pompei, cum C. Casare societatem aut nunquam coisses, aut nunquam diremisses. Et ad Cecinam sic etiam scripsit: Plurimi sunt testes, me & initio, ne coniungeret se cum Casare, monuisse Pompeium: & postea, ne sciungeret:

coniunctione frangi senatus opes, disiunctione civile bellū excitari uidebam. EGN. Hic Dion, quæ Ciceroni quoquo modo sunt obiecta, refert. COR. Referat. illud, opinor, nullus obiecit: eum, qui tunc esset imperator ad urbem, nec in senatum ueniret, senatui persuasisse, ut ea contra M. Antonium decerneret, quibus ipse Caesar sit commotus. nemo certè potuit obijcere, illum Pompeio persuasisse, ut Italiam relinqueret: quū Pompeium semper ipse reprehenderit, quòd urbem primum, deinde Italiam reliquisset. quod in epistolis ad Atticū sic aperte scribitur, ut Dion, si non uidit, negligentissimus: si uidit, & aliter scribere uoluit, mendacissimus esse uideatur. Et sanè cūm ferè semper, ut Græcus, est mendax: tū uerò, cum de Cicerone loquitur, ita saepe mentiri solet, ut facile morbū, quo laboret, ostēdat. En, cui credas cetera, quū, quæ dicere nullus unquā Ciceronis inimicus est ausus, ea Græculus homo post tā multos annos finxerit. ut illud etiā finxit: ea quæ Cicero Consul gessisset, ita senatui postea displicuisse, ut ab eo pœnā sumpserit. quum uel ipse Dion alibi nihil ab eo, nisi consilio senatus, gestum fuisse testetur: et omnes præterea scriptores affirmant, & omnes homines qui literas di-

discunt, sciāt, senatum Ciceronis causa uestem mutasse, nec eo diu carere potuisse. *PIE.* Mendaces oportet esse memores. *COR.* Ille certè memor non est, qui dicat: Ciceronem Roma, seditionib. sedatis, profectū fuisse: & rursus excitatis, Athenas & filiū reliquisse: Romāq. reuersum, *M.* Antonio cœpiſſe aduersari, quē prius amare simulasset. alibi uerò scribat, eū propter inimicitias, quas cum *M.* Antonio gerebat, Octauiano fauere cœpiſſe: quāuis ex urbe disceſſiſſet, ut Athenas filium deduceret. Hic enim tā secum, quā cū Cicerone pugnat. *EGN.* Pugnat Calenus, qui calumniatur. *COR.* Pugnat potius ipse Dion, qui res ita contrarias, ita leues, ita planè falsas scribat, ut facile quiuis intelligat, eas ne dignas quidem esse quæ cōfutentur: Nos certè quamuis eas nullo negotio possimus, nolumus tamen confutare, ne tempus ipsum frustra conteramus. Alia potius, quæ uel scripta sunt, uel dici solent, quantum poteſt refellamus: ut, à Cicerone Tironem turpiter amatum fuisse: quod multi uel ob id credunt, quòd Plinius in epistolis scribat, se, quum librum *Asinij Galli* de comparatione patris & Ciceronis legeret, in epigramma Ciceronis incidisse, ubi queritur, quòd fraude mala frustra-

tus amantem, paucula cœnato sibi, debita sawia Ti-
ro tempore nocturno subtraxerit. Nec uidit Pli-
nius, ab Asinio Gallo, qui Ciceronem deprime-
bat, ut patrem extolleret, illud epigramma fingi
potuisse: præsertim quum fuerit unus ex illis, qui
(quod ait Gellius) ea quæ neque dictu neque audi-
tu digna essent, diceret. Cicero uerò, quod in Quin-
to fratre, qui Statium diligeret, tam sæpe reprehen-
dit, id nunquam, ne frater par pro pari referret,
ipse fecisset, nisi fortè more Platonis, quem semper
imitatus est, Tironem, quem uel ob id Alexim uo-
cet, amauit. Nam Plato, quo nemo castior fuit,
Alexim non turpiter dilexit, quamuis carmini-
bus luserit: quem Pöponius Atticus, M. Cicero,
& P. Virgilius imitati, suos pueros Alexides ap-
pellarunt. Quod si Cicero hac in re malè audisset,
aduersarij, qui tunc uiuebant, id illi aliquando
(quod tamen ipsi non legimus) obiecissent, ut in di-
cendo timiditatem non semel obiecerunt: quod ille
tamen non modo non refellit, sed in orationibus e-
tiam frequenter agnouit. Ita Deos, inquit, mihi
uelim propitios, ut, quum illius diei mihi uenit in
mentem, quo die, citato reo, mihi dicendū sit, non
solum commoueor animo, sed etiam toto corpore per-

perhorresco. Nam summus est timor, quem mihi natura, pudor' que meus attribuit. Et si natura, pudor' que timorem non attribuisset, se tamen ille timere, quemadmodum praecepit in libris Oratoris, simulare debuisset: tantum abest, ut ob eum timorem reprehendi possit, aut debeat. EGN. Reprehendi potius solet ob eum timorem, quo solebat in rebus, non in uerbis affici. COR. Et nos id ipsum suis locis consutauimus, & Quintilianus ita scribit: Cicero parum fortis uidetur quibusdam, quibus optimè respondit ipse, non se timidum in suscipiendis, sed in prouidendis periculis: quod probauit morte quoq; ipsa, quam praestantissimo suscepit animo. Sanè post Caesaris cadem Cicero sic ad Tironem scripsit: De Seruilio tu uideris, qui senectutem non contemnis: & si Atticus noster, quia quondam me comoueri πᾶν τοῦ ἀνδρὸς intellexit, idem semper putat, nec uidet, quibus praesidijs philosophiae septus sim. et hercle, quòd timidus ipse est, θογοῦς ποιεῖ. Virū certè fortissimū Ciceronem M. Brutus in epistolis appellauit. Quod quidem testimoniū grauisimū uideri debet, ut à M. Bruto uiro grauisimo, & eo qui Ciceronē reprehendere sole ret, profectū. PIE. Reprehēdit in primis, q̄ in ore
fre-

frequenter suas Nonas Decembres haberet. COR.
Hoc est, quod se laudaret. Ut enim Quintilianus
ait, reprehensus est in hac parte non mediocriter Ci-
cero: quanquam is quidem rerum à se gestarum
maior, quam eloquentia, fuit in orationibus u-
tique iactator. Ac plerunque illud quoque non si-
ne aliqua ratione fecit. aut enim tuebatur eos,
quibus erat usus adiutoribus in opprimenda con-
iuratione: aut respondebat inuidia, cui tamen
non fuit par, seruata patriæ pœnam passus e-
xilium: ut illorum quæ egerat in Consulatu, fre-
quens commemoratio possit uideri non gloriæ ma-
gis, quam defensionis data. Id in oratione de Respon-
sis ostendit: Non ego de meis, sed de factis uestris lo-
quor: nec uereor, ne hac mea uestrorum beneficio-
rum prædicatio, non grata potius, quam arrogans
uideatur. quanquam si me tantis laboribus per-
functum efferret aliquando ad gloriam in refutan-
dis maledictis improborum hominum tamen ani-
mi quidam dolor, quis non ignosceret? Et in ora-
tione pro Domo: Quoniã hoc reprehendis, quod so-
lere me dicas de meipso gloriosius prædicare, quis
unquam audiuit, quum ego de me, nisi coactus ac
necessario, dicerem? Nam si, quum mihi furta, largi-
tiones,

tiones, libidines obijciuntur, ego respondere soleo,
 meis consilijs, periculis, laboribus patriam esse con-
 servatam: non tam sum existimandus de gestis re-
 bus gloriari, quàm de obiectis non cōfiteri. Res igi-
 tur ille suas laudat, ut aduersarijs potissimum re-
 spondeat: nec tamen ipse negat, sed ad Atticum
 scribens fatetur, se laudis avidissimum esse, & in
 se nescio quid subinane & non ἀφιλόδοξον esse
 testatur: quod qui reprehendunt, maximos quoq;
 viros, ut Themistoclem, Alexandrum Magnum,
 Africanum, Pompeium, & alios reprehendunt:
 qui nec minus ambitiosi fuerūt quàm Cicero, nec
 minus quàm ille res suas celebrari cupierunt, quū
 multi scriptores ad id faciendum uel premijs inui-
 tarint. At de se scripsit, quod in primis Plutar-
 chus accusauit: fortasse, quod iniquo ferret animo,
 tam docte, tamq; eleganter hominem Romanum
 græcè scripsisse, ut, quod in epistolis ad Atticum
 legimus, Græcam nationem conturbaret. quan-
 quam non ἐγκωμιάσιν, sed ἰσοπικῶν, quæ scri-
 psit, erant, ut in ijsdem epistolis ostendit: & Xeno-
 phon, Aratus, Scaurus, Catulus, Caesar, Adria-
 nus, & alij res suas etiam scripserunt: ne qui-
 dam Ciceronem tam grauitè, ut faciunt, accu-
 sent,

sent, quòd uel aliquid de se scripserit, uel à Luceio, ut res suas scriberet, postularit. Quare si Ciceronem uolunt accusare, illos etiam, quos diximus, & M. Varronem, C. Trebonium, qui à Cicerone, Plinium iuniorem, qui à Cornelio Tacito, ac alios innumerabiles, qui ab alijs idem propemodum postularunt, accusent. Nam si contentio fiat, uideant omnes, ex ijs multos, qui res etiam leues celebrari cupiebant, reprehendendos: Ciceronem uero, qui res magnas scribi uolebat, esse laudandum. Res enim, quas gesserat, si scriberentur, non sibi solum, sed omnibus etiam hominibus cum presentibus, tum futuris etiam profuturas putabat: & ideo, ut scriberentur & extarent, laborabat: sed de seipso modeste loquebatur: eloquētiā quidem, ut ait Quintilianus, quum plenissimā diuersae partis aduocatis concederet, sibi nunquam in agendo immodicē arrogauit. Illius sunt enim: Si quid est in me ingenij iudices, quod sentio quā sit exiguum. & , Nā quo minus ingenio possum, subsidio mihi diligentiam comparauī. Quinetiam contra Q. Ceciliū de accusatore in Verrem constituen- do, quamuis multum esset in hoc quoque momen- ti, uter ad agendum magis idoneus ueniret, dicen-
di

di tamen facultatem magis illi detraxit, quàm sibi arrogauit: seq̃ non consecutũ, sed omnia fecisse, ut posset eam consequi, dixit. Sed, inquit Lactantius, quia ipse caninam illam facundiam (sicut Sallustius ab Appio dictum refert) exercuit, uoluit quoque hominem canino modo uiuere, ut remordeat laceßitus. Si canina fuit eloquentia, cur eam Lactantius ipse, quantum potuit, imitari uoluit? quanquam canina dici potuit eloquentia, qua Cicero uir bonus, & ciuis Reipublicæ studiosus, improbos homines, quasi canis fures, infestaretur. Nam si canina dicatur aliter, tum Sallustius, & Appius, Ciceronis inimici, testes iniqui sint existimandi. EGN. Quid si Sallustius, & Appius, id nunquam de Cicerone dixerunt? COR. Lactantius igitur illam, quam facundiam caninam uocat, exercuit ipse: qui ne Ciceronem quidem, quem semper, quantum potest, imitatur, mordere dubitauit. Et si mordet, beneficij affectus, quid faceret, iniuria laceßitus? Et tamen id in Cicerone negat ferendum: qui nec Christianus fuit: & si quid in eo peccauit, non ipse potius, quàm Panætius, quem secutus est, culpam debuit sustinere. EGN. Panætius, qui Stoicus erat,

erat, nec iniuriam putabat in sapientem cadere, id opinor, nunquam scripsisset. COR. Scripserit, nec ne, quum libri non extent, nemo potest affirmare: quia tamen, ut ait ipse Cicero, uiuitur non cum perfectis hominibus, pleneq³ sapientibus: & ob id tam Panætius, quàm Cicero de medijs officijs scripserunt: credere possumus, id utrunq³ scripsisse: nec Ciceronem, etiamsi solus id scripsit, esse ualde reprehendendum, quum temporibus illis id ipsum non lege modo talionis, sed etiam diuina, quod in sacris libris legimus, liceret. ne dicam, Solonem, Menandrum, & alios homines sapientissimos existimasse, ciuitatis illius optimum esse statum, in qua iniuriarū autorem non solum qui passi essent iniuriam, sed etiam qui passi non essent, ulciscerentur. Plura dicerem, nisi Ciceronem ueterū dicta, sententiæ, leges, & mores excusaret. EGN. Quid excusabit, si nos eum mendacem fuisse dicamus? COR. Illud, quod in Bruto scripsit: concessum Rhetoribus esse, uel in historijs mentiri. EGN. Quasi dicas, in causis, ubi cum Creteni xῆντι? & oportet, id multo magis esse concessum. Verū quum de domo mentitus est, neque causas, ut puto, dicebat, neque historias referebat. COR. Vnebat in-
ter

ter homines, quos omneis esse mendaces etiam Sacra litera docent. quāquam melius ille, quod etiā Gellius refert, excusavit: prudentis & cauti patris familiās esse, quod emere uelit, empturum sese negare, propter competitores emptionis. Quod autem Plinius scripsit, & Calenus apud Dionem calumniatus est, Ciceronem uelandarum uaricum gratia togam ad calceos usque demittere solutum fuisse: Quintilianus id ea ratione confutat, quod omnes eo tempore togam, ut Græci pallium, ita demittebant. Non negamus tamen, Ciceronem uarices, ut Macrobius & Sidonius ostendūt, habuisse: sed illa duo negamus, quæ sic Dion obiecit: Quid ausus est M. Antonio conuiuium obijcere, ipse quidem aquam, ut ait, bibens, ut pernoctans orationes contra nos scribat: filium uerò in tāta ebrietate nutriens, ut ille nunquā neq₃ de nocte, neq₃ de die resipiscat? Nam Cicero se uinum bibisse, uel sic ad Atticum scribens, ostendit: Putas prætermittendum nobis esse hoc tempore cratera illum delictum. & ut filius erudiretur quā diligentissimè, se curasse docet, quum Dionysium, qui docebat illum, se tanti fecisse demonstrat. Nec Cicero filius ebrietati deditus uiuo patre uidetur fuisse, si,

E quod

quod Plinius ait, hanc gloriam patris interfectori
M. Antonio uoluit auferre. Quñ res tam leues,
 & tam falsas aduersarij persequerentur, multo li-
 bentius graues & ueras, si qua reprehendi potuis-
 sent, persecuti fuissent. sed eum quñ morderè non
 possent, lapidem, quasi canes, mordebant: ut qui
Regem uocabant eum, quo nemo libertatis unquā
 magis studiosus fuit. *PIE.* Ille quidem cū *L.*
Torquato, qui *Regem*: tum *P. Clodio* ceterisq; *Ca-*
tilina gregalibus, qui non regem solum, sed etiam
 tyrannum uocabant, satis respōdit. sed in *Epistolis*
 tamen ait: Regnare existimabamur. quod ostēdit,
 idem multos præterea iudicasse. *COR.* Quod in
Rep. multum poterat, aduersarij, qui regium no-
 men inuisum Romanis sciebāt, eum *Regem*, quod
 etiam suprā diximus, appellabant: sed nec ille *Rex*
 unquam fuit, nec, quum fortasse posset, uoluit re-
 gio sanguine natus uideri. Contrā poeta fuit, & ui-
 deri uoluit: omnibusq; qui uerè iudicare potuerūt,
 ita uisus est, ut poetas omnes, qui prius fuerant, lon-
 ge superasse credatur. aduersarij tamen eius car-
 mina reprehendebant: quibus, ut antè diximus,
 ille respondit. *EGN.* At *Seneca*, qui postea scri-
 psit, illum in carminibus ab eloquentia sua destitu-

tum fuisse, respondere non potuit. COR. Nos responderemus, nisi uiri docti, quorum scripta leguntur, respondissent: & ostendissent illum non modo poetam, sed summum etiam poetam fuisse. EGN. Si fuisset poeta, fabulas melius fortasse nouisset. COR. Ille uero poetarum fabulas optimè nouit, ut in eius libris apparet. EGN. Apparet etiā, quod omnes uidere possunt, illum, quum loqueretur in Tusculanis quæstionibus de Ganymede, Laomedontem pro Troe posuisse. COR. Ille fortasse non Homerum, sed alios autores secutus ita scripsit: uel id dedita opera fecit, ne minima quæque cōsecrari uideretur, præsertim quumfingeret ex tempore se uel ambulando, uel sedendo disputare. Sed hæc Gellius & Politianus, qui diligentes hac in parte fuerunt, uiderint: nos id potius uideamus, an Cicero reprehendi possit, quod mensas sestertijs undecim emptas habuisse dicatur. EGN. Nemo reprehendat, si nos apud Plinium, quemadmodum tu refers, legamus. COR. Legamus, quando uiri docti sic esse legendum putant: quamuis Calius Calcagninus noster sestertiū undecies legere non dubitarit. EGN. Is uidetur iniquus Ciceroni fuisse, qui libros etiam de Officijs, quos omnes

admirantur, ipse reiecit. COR: At homines bene docti, M. Antonius Maioragius, & Iacobus Grifolus, unde Cælius ui hominibus armatis deiecerat, eò restituerunt: nec apud ueteres defuerunt, qui quas iniurias Asinius Gallus, Licinius Larius, & Didymus Alexandrinus intulerunt, ab eo propulsarent. Quanquam Cicero talis & tantus fuit, ut nullis ipse defensoribus indigeret. Nam Ciceronem uerecundum fuisse, nisi res ipsa doceret, nos ipsi probaremus: clemente Ammianus Marcellinus eum describit: apertum Q. Cicero frater in libro de Petitione consulatus ostendit: facilem fuisse Cæsar etiam testatus est: fortem fuisse, nos ante demonstrauimus: & omnium prudentissimum M. Brutus appellat. & ad eum Plancus ita scripsit: Omnia tua consilia mihi non magis prudentia plena, quæ summa est, uidentur, quàm fidelitatis, quam ego ex mea conscientia metior. Quamuis autem iocans in Tusculanis quæstionibus ipse dicat, Me tardiorẽ esse, non moleste fero: constat tamen, eum sic ingeniosum fuisse, ut eius ingenium summum & excellens à Cecina, & à Plinio ipse extra omnem ingenij aleam positus esse dicatur. Quanta porrò fuerit industria, quamuis ipsius scri

ta demonstrent, ipse tamen ad Appium scribens ostedit. Iam uerò Quintilianus Ciceronem uirum bonum fuisse, uel oratoris, ne plura dicam, definitione defendit: sed ille suspectus esse posset, nisi prius optimum uirum M. Brutus eum uocasset. Verū enim uero C. Matium, qui Ciceronis bonitatem singularem fuisse dixit, & alios innumerabiles, qui Ciceronem semper ut uirum bonum commendarunt, mittamus: quum M. Cato, qui Ciceroni unus pro centum millibus erat, integritatis ei, iustitiae, clementiae, fidei testimonium dederit: & res ipsa loquatur, eum semper omnibus, quibus potuit, profuisse. Nec id Plinius, Suetonius, uel etiam scriptores Graeci, qui caetera solent insectari, negant: quum liberalem, pacis, ocij, concordiae studiosum, non inuidum, sed ingenuum & apertum fuisse testentur. Quòd si Cicero nostram religionem cognouisset, nihil in eo possemus desiderare, quum praesertim nec de Deo admodum male senserit, & in oratione De responsis ita scribat: Is ego non sum, qui, si cui fortè uideor plus quàm caeteri, qui aequè atque ego sunt occupati, uersari in studio literarū, his delecter, aut utar omnino literis, quae nostros animos deterrent, atq; auocant à religione. EGN.

Suum Platonem, quem semper admiratur, ut etiam sacri scriptores admirantur, est imitatus. COR: Ille uero Platonem sic est imitatus, ut illum Philosophis omnibus anteposuerit: eius sententias & uerba, quoad eius fieri potuit, exprefferit: eius instituto suos libros inscripserit: eius Academiae nomen in suum Tusculanum, quod antea L. Syllae Dictatoris fuerat, ut Plinius ostendit, & Cumanum transtulerit: eius Statuam Romae, quod in Bruto refert, habuerit: eius uerecundiam seruauit, & eum tandem Deum uocarit. Hinc Quintiliano uidetur Cicero, quum se totum ad imitationem Graecorum contulisset, uim Demosthenis, copiam Platonis, iucunditatem Isocratis effinxisse. Itaque Cicero cum ab illis quos audiuit, tum ab illis quos legit, didicit, & semper se didicisse praese tulit: nec unquam, ut M. Antonius, dissimulauit. tantum uero profecit, ut à Iulio Caesare non solum princeps atque inuentor copiae, quae fuit magna laus, sed etiam de populi Romani nomine & dignitate bene meritus: ab Aquilio Gallo, rhetoricae omnium peritissimus: à Quintiliano, in omnibus quae in quoque oratore laudantur, eminentissimus: à Plinio, doctrinarum lux: à Lactantio, perfectus orator,

orator, & summus philosophus: & à Diuo Augustino, sapiens etiam sit appellatus. EGN. Ad summam sapiens uno minor est Ioue, diues, Liber, honoratus, pulcher, Rex denique Regum. COR. Quamuis tu ioceres, in Cicerone tamen hæc omnia nos ipsi, si uos uelletis, reperire possemus. EGN. Si uellemus, dicis? qui te, numorum quicquid habes, huc primo quoque tempore transferre uellemus? COR. Multo magis, ut puto, uelletis, si diuitias, quas Ciceroni Ser. Sulpicius tribuit, haberem. Sed ego nec illas habeo, nec eas quas M. Caelius ei dedit, quum inter senes diuites illum numerauit. EGN. Aliud agens, Ciceronem non solū, ut Stoici dicebāt, sed etiam Romano more diuitem fuisse, testibus etiam uideris probasse. COR. Id etiam supra probaui, nec semel, quam fuerit honoratus, ostendi. Omnes enim honores populus Romanus illi ipsi homini detulit. Nam primus ex hominibus nouis, ut nunc alios honores mittamus, Consul est factus sine repulsa: primus pater patriæ fuit nominatus: illi togato senatus, non ut multis bene gestæ, sed ut nemini, conseruatae Reipublicæ, singulari genere supplicationis Deorum immortalium templa patefecit: illius causa Senatus,

& hominum uiginti millia uestem mutarunt : illum senatus exteris nationibus, legatis, magistratibus, auctoritate sua, Consularibus literis, ut ciuem conseruatorem Reip. commendauit: illius domum senatus unam post urbem constitutam ex arario aedificandam, à Pontificibus liberandam, à magistratibus defendendam, à iudicibus puniendam putauit. hinc in Oratore dixit: De meis meritis tanta senatus iudicia fecit, comprobate populo Romano, quanta de nullo. EGN. Id probas, quod nemo negat: & id, quod antè dicendum fuit, omittis, quòd fortasse te probare posse diffidas, eum liberum fuisse. COR. Omittebam, quòd scirem, neminem prorsus unquam fuisse, qui dubitarit, an, qui talis & tantus ciuis esset, liber fuerit. EGN. Fuerit liber, ut tu nunc dicis, & ut olim Stoici scripserunt: illum certè Gallus liberum non putauit. COR. Audi, quid illi rescripserit: Ne, propter quem ceteri liberi sunt, tibi liberum non uisum, demiror. Ad Cornificium uerò scripsit ita: In summa re: liquorum seruitute liber unus fui. & in Philippicis: Si consuetudinem meam, quam in Rep. semper habui, tenuero: id est, si libere, quae sentia, de Rep. dixero: deprecor, ne irascatur. Quid uerbis opus est? Omnes

nes scimus, ei libertatem non semel fraudi fuisse.
 EGN. Fuerit Cicero diues, fuerit liber, fuerit honoratus: sed pulcher, ut ordo positus postulat, an fuerit, à te cupimus audire: quanquam ueremur, ne, si tu pulchrum fuisse contendes, nobis Silenos Alcibiadis, aut hominem pulchrum Stoicorum more describas. COR. Talem suprà, nisi fallor, descripsi: sed nunc Asinij Pollionis, qui illi fuit iniquus, uerbis, quo testimonium sit grauius, hominem pulchrum Peripateticorū potius, quàm Stoicorum more describam: Ciceroni quidem facies decora ad senectutem, prospera quæ permansit ualitudine. EGN. Hac igitur in parte quoque suo Platoni similis fuit, cuius ἐν ἑξίᾳ Diogenes commendauit. Tu uerò iam mihi tria bonorum genera, quæ Peripatetici ponunt, uideris esse complexus. COR. Id tu uerius dices, quum potentiam Ciceronis addidero: quæ tanta fuit, ut meritò Rex, ut suprà dictum est, posset appellari. Hinc ad eum Brutus ita scripsit: Tuam tantam auctoritatem Senatus ac populus Romanus non solum esse patitur, sed etiam cupit, quanta maxima in libera ciuitate unius esse potest: quam tu non solum bene sentiendo, sed etiam prudenter, tueri debes. Q. autem Cassius omnium

maximum ciuem illum uocare non dubitauit, & eius togam omnium armis feliciorẽ. EGN. Hic Cassius nescio quo modo uidetur adulari. COR. Id de M. Bruto dici non potest: qui tamen existimauit eius uirtutes cum quolibet antiquorum posse comparari. EGN. Illum certè Plutarchus cum Demosthene comparauit. COR. At eundem Georgius Trapezuntius, homo et ipse Græcus, in eloquentia cum Demosthene, in philosophia cum Platone, in prudentia cum Themistocle, in iustitia cum Aristide, in liberanda patria cum Thrasybulo contulit. EGN. Nemo tamen illis, aut alijs omnibus, ut tu sæpe facis, illum prætulit. COR. Res ipsa multis illorum prætulit: nec omnibus ego, sed singulis ita præfero, ut audeam penè dicere, à condito orbe neminem fuisse, quem prorsus cum Cicerone conferre possimus. Nam quum sæpe singuli singulas artes ita didicisse legantur, ut in his etiam excelluerint: ipse sic eas didicit, ut à M. Bruto artibus instructissimus appelletur. Quod si M. Cato res, ut ait Plinius, summas in homine res præstirisse existimatus, optimus orator, optimus imperator, optimus senator, laudatur: quanto magis est Cicero laudandus: quẽ uideamus, si minus eam quã per-

pertinet ad imperatorem, reliquas ceriè & multo
 melius, & alias multo plures præstitisse? EGN.
 Ut rem bellicam, sic etiam senatoriam, uellemus
 excepiſſes. COR. Ne illam quidem libens excepi:
 quòd uerear, ne quis agrè ferat, in ea re Ciceronem
 parcius laudari, quàm ille, qui πολιτικῶν
 totam in imperio explicauit, & res magnas geſſit,
 ſcientia & uſu. M. uerò Cato, & alij ueteres im-
 peratores, qui literas Græcas ignorabant, uſu po-
 tius, quàm ſcientia, comprehendiffe uideantur.
 Quia tamen excepi, non contendam: ſed illud nun-
 quam concedam, M. Catonem, uel alium quem-
 piam Ciceroni, qui πολιτικῶν, cui ſcientias ciui-
 les Ariſtoteles ſubiecit, optimè didicit, ſcriptis diui-
 nitùs expreſſit, & annos ſerè triginta ſeptem exer-
 cuit ſumma cum laude, debere præferri. Fuit, in-
 quā, ſic ille Reip. peritus, ſic ſtudioſus: ut nos, quū
 mures politiam Platonis apud illum corroſerunt,
 Reipub. quam penè ſolus ipſe ſuſtinebat, interitum
 ſignificatum fuiſſe credamus. Non ſolum uerò Ca-
 tonem, cuius orationes Atticus, ut temporib. illis,
 in Bruto laudat: ſed omnes etiam Romanos, & ſi
 uos concedetis, etiā Græcos dicēdi laude ſuperauit.
 EGN. Ut nos cōcedamus, nunquā Græci cōcedēt.

COR.

COR. Concedent Latini, ut apud Senecam uir magnus ita concessit: Iniuriam illum facturū populo Romano, cuius linguam in ciuem extulisset, ut insolentis Græciæ studia tanto antecederet & eloquentia, quanto fortuna. Non admodum dissimile testimonium fuit, quod Apollonius illi iuueni, quemadmodum suprâ retulimus, dedit: multo grauius & magnificentius, si postea uirum talem & tantum, qualis & quantus fuit, audisset, daturus.

EGN. Noster tamen poeta dixit: Orabunt alij melius causas. COR. Credunt eum, quem certè Ciceronis studiosum fuisse scripta demonstrant, ita dixisse: uel etiam nomen, ubi de Catilina loquitur, tacuisse: ne Casarem Augustum, cui uel in primis gratificari cupiebat, offenderet. Verùm, si quis eū rogasset, ut quasi iuratus ea dere testimonium diceret, ut fuit Latini nominis & ueritatis amator, eum Græcis omnib. ut ego puto, prætulisset. PIE. Demosthenem, quem Cicero serè semper imitatus est, ut arbitror, excepisset. COR. Ne Græci quidem solent alium, uel etiam possunt, excipere, quum uolunt illum cum Cicerone conferre: quod Plutarchus etiam, nescio quem Cecilium secutus, quum fecisset, illa dixit: Duos alios oratores posse
repe-

reperiri non puto, qui ex obscuris & parvis potentes & magni facti sint, reges ac tyrannos oppugnarint, filias amiserint: è patria eiekti, honorifice sint reuocati: rursus fugerint, & ab hostibus capti, unà cum ciuium libertate uitam amiserint. EGN.

Uterque uidetur oño prognatus eodem. COR. Cicero tamen nunquam nec è bello, nec è carcere fugit: nec αἰγυγὸς ὕχνη est passus. quāquam nemo, qui sapiat, audebit unquam mores cum moribus, res gestas cū rebus gestis, honores cum honoribus, opes cum opibus, patriam cum patria, gloriā cum gloria, uel res alias, quibus Cicero longè superior fuit, comparare. Illum certè, qui græcè tantum sciuit, nec illa quæ à Platone didicerat, tenuit, nec pronunciare uoluit Cicero, qui semper cum Græcis Latina coniunxit, artes omnes ingenuas didicit, & de Philosophia tam doctè scripsit: qui, quod ait Cornelius Tacitus, suorum temporum eloquentiam anteponebat, nec ulla re magis eiusdem ætatis oratores præcurrit, quàm iudicio: qui primus excoluit orationem, primus ex uerbis delectū adhibuit, & cōpositioni artem, locosq; altiores attentaui, & quasdam sententias inuenit: qui primus tam multa, quæ ponit in Bruto, complexus est, lon

gè multumq̃ superauit. Nobis, inquit in Oratore,
 non satisfacit ipse Demosthenes: qui quanquā u-
 nus eminet inter omnes in omni genere dicendi,
 tamen non semper implet aures meas: ita sunt aui-
 dæ & capaces, & semper aliquid immensum, in-
 finitumq̃ desiderāt. Unde Quintilianus ait: Nec
 ipsi Ciceroni Demosthenes satis uidetur esse perfe-
 ctus, quem dormire interim dicit. at Cicero per-
 fectus est, nec ullus est cui dormire uideatur: &
 in libris de Officijs ipse docet, ea quibus ipse fuit or-
 natus, omnia nemini Græcorum, nisi fortè Deme-
 trius Phalæreus excipiat, cōtigisse. EGN. Eum
 tamen Cornelius Tacitus ostendit, à Caluo solutum
 & eneruatum, à Bruto fractum & elumbem uoca-
 tum fuisse. COR. Nihil in ea re neque Caluo, ne-
 que Bruto credit ille: qui uel in epistolis ad Atti-
 cum legerit, à Cesare Brutum disertum potius,
 quàm copiosum, iudicatum fuisse. quòd in alio ge-
 nere uoluerit esse, ut epistola, quæ nunc etiam re-
 periuntur, ostendunt: apud Senecam uerò uiderit:
 Caluus, qui diu cum Cicerone iniquissimam litem
 de principatu eloquentiæ habuit, uolentus accusa-
 tor fuit: cuius dicendi rationem ne Seneca quidem
 probauit, & Cicero semper ualde reprehendit, ut
 mirum

mirum non sit, si Calvus ei, quoquo modo potuit, par pro pari uoluit referre. Nec Adriano quisquam credet, ut puto: qui Ciceroni Catonem, Virgilio Ennium, Sallustio Calium praeferbat. Multo uerò minus Asinio, ceterisq; obrectatoribus est credendum, quos, praeter alios, Seneca, Quintilianus, & ueritas ipsa confutarunt. *PIE.* Quintilianus quidē semper egregiē Ciceronem defendit, & sic in uirtutib. oratoris cum Demosthene confert, ut in salibus eum, commiseratione, & epistolis praeferat. *COR.* In epistolis, inquit, quanquam sunt utriusq; nulla contentio est. Iam salibus Cicero, de quibus doctissime scripsit, & commiseratione, quae solet in peroratione potissimum commoueri, non Demosthenem modo, sed omnes etiam homines, & seipsum superasse iudicatur. Hinc in oratore scripsit ita: Quid ego de miserationibus loquar? quibus eò sum usus pluribus, quòd etiamsi plures dicebamus, perorationem mihi tamen relinquebant: in quo ut uiderer excellere, non ingenio, sed dolore assequebar. & in Bruto, Brutus ita loquitur: De te ipso, non ne quid optarent rei, quid ipse Hortensius iudicaret, uidebamus? qui quā partiretur tecum causas, saepe enim inter-

interfui, perorandi locum, ubi plurimum pollet oratio, semper tibi relinquebat. EGN. Eundem locum nos quoque tibi, si placet, iam nunc relinquemus. COR. Bartholomaeus etiam Riccius, uir eloquentissimus, & de literis optimè meritus, mihi tanquam filio pater, ut iocatur, relinquit: sed oportet, ut antè digrediamur, & Ciceronis libros, atq; adeòscriptiones omneis, prater epistolas, quo scripsit ordine, referamus. PIE. Quod operæ precium sit, feceris: sed cur epistolas, quæ tam multa sunt, omittas? COR. Non omittā quidem: sed, quum diuersis temporibus scriptæ fuerint, in ordine, quo cetera scripta sunt, non comprehendam: quod ne possem quidem facere. sed ad rem uenio. Puer igitur adhuc Pontium Glaucum, quod poema Plutarchus etiā nominat, scripsit. PIE. Cur tu Glaucum, quem Græci θαλάττιον δόκιμονα uocant, ipse Pontium potius, quàm marinū uertisti? COR. Quia Mnaseas, ut Athenæus refert, scripsit, Glaucū Anthedonis & Alcyones filium, quod nauigandi natandiq; peritissimus esset, Pontium uocatum fuisse: & nos ob id putamus Ciceronem sic inscripsisse, ut Aeschylus inscripsit: nisi fortè multis nominibus appellauit, uel alia multa generis

ris eiusdem scripsit. Ita certè Iulius Capitolinus in Gordiano refert: *Adolescēs quū esset Gordianus, poemata scripsit, quæ omnia extāt, & cuncta illa quæ Cicero ex Demetrio, & Arato, & Alcyonas, & Uxorū, & Nilum: quæ quidem ad hoc scripsit, ut Ciceronis poemata nimis antiqua uiderentur. Scripsit etiam Limonem, ex quo carmina quadam Donatus in uitam Terentij transtulit. Horum nos hodie nihil habemus, præter Arati pauca carmina, quæ Cicero se admodum adolescentulum conuertisse testatur. Nam carminibus, ut etiam Plutarchus ostendit, à primis annis est delectatus: unde postea sic ad Lentulum scripsit: Me refero ad māsuetiores Musas, quæ me maxime, sicut iam à prima adolescentia, delectarunt. Quāuis aliter etiam possemus illud interpretari, quum præsertim nos eum non carmina solum, sed Platonis etiam Protagoram, & Xenophontis Oeconomicum conuertisse, librosq; duos de Inventione temporibus illis scripsisse uideamus. Nam confirmandi genera compluria, quod in Phormione Donatus refert, dixit: quod postea grandior non dixisset. Oeconomicum certè Xenophontis, quum esset annorum serè uiginti, conuertit: ut in libris*

de Officijs ita docet: Xenophontis Oeconomicum nos ista fere ætate quum essemus, qua es tu nunc, è Græco in Latinum conuertimus. Quot annos autem tunc esset Cicero filius, ex Consulibus colligi facile potest. PIE. Hinc Quintilianus ait: Uertere Græca in Latinum ueteres nostri oratores optimi iudicabant. Id se L. Crassus in illis Ciceronis de Oratore libris dicit fecisse. Id Cicero sua ipse persona frequentissime præcipit. Quinetiam libros Platonis & Xenophontis edidit hoc genere tralatos. EGN. Ille Platonis Timæum uertit. COR. Ille quidem iam senex, ut dicemus, Timæum uertit: sed admodum adolescentulus, ut diximus, & Quintilianus etiam significat, Platonis Protagoram, & Xenophontis Oeconomicum conuertit. EGN. Ob id fortasse Diuo Hieronymo non satisfecit, cuius uerba, quando uos Capitolinos & Quintilianos tanti facitis, nec ipse referre dubitabo: Noster Tullius Platonis integros libros ad uerbum interpretatus est. & quum Aratum iam Romanum hexametris uersibus edidisset, in Xenophontis Oeconomico lusit. In quo opere ita saepe aureum illud flumen eloquentiæ quibusdam scabris & turbulentis obicibus retardatur, ut qui interpretatum ne-
sciunt

sciunt à Cicerone, dicta non credant. COR. Nos, qui tantum caput apud Columellam uidimus, ea de re iudicare non possumus. Ipse quidem non uidetur tunc in scribendo sibi satisfacisse: qui, quæ scripsit adolescens, inchoata atque rudia non dubitauit appellare. PIE. Libros de Inuentione, qui sunt inchoati, et rudes, significauit. COR. Ita quidem, ut, qui libros ad Herennium, qui sunt perfecti, significatos, uel à Cicerone scriptos putant, longè decipiantur. EGN. Probares. COR. Ego uerò facile probarem, si iam uel amplius quisquam doctus dubitaret, uel hic locus idipsum postularet. Nunc autem locus postulat, ut de scribendi ratione, qua tunc Cicero est usus, quamq; ne ipse quidem postea probauit, dicamus. Quantis, inquit, illa clamoribus adolescentuli diximus, de supplicio parricidarum? quæ nequaquam satis deferbuisse post aliquanto sentire cœpimus: sed Nolo dedit operam, si modo id consequi potuit, ut nimis redundantes nos, & superfluentes iuuenili quadam dicendi impunitate & licentia reprimeret, & quasi extra ripas disfluentes coerceret. Hinc Cornelius Tacitus ita scripsit: Priores Ciceronis orationes non carèt uitijs antiquitatis: lentus est in principijs: lon-

gus in narrationibus: otiosus circa excessus: tardè
 commouetur: rarò incalescit: pauci sensus optimi:
 & quum quodam lumine terminatur, nihil ex
 tempore referre possis: & uelut in rudi edificio, fir-
 mus sanè paries, & duraturus, sed non satis expoli-
 tus & splendens. Item: Ciceronem magnum ora-
 torem nō P. Quintius defensus, aut Licinius Ar-
 chias poeta faciunt: Catilina, & Milo, & Verres
 & Antonius hanc illi famam circundederunt.
 EGN. Lentus certè, longus & otiosus in oratione
 pro Sex. Roscio Amerino uidetur: quam natus
 annos sex & uiginti dixit, ut Fenestella & Quin-
 tilianus scripserunt, & tu suprà retulisti. COR.
 Sequitur oratio pro P. Quintio, quam mortuo
 Sylla, uel certè quum Dictaturam deposuisset, di-
 xit: ut in Bruto collegimus, ne nūc plura dicamus.
 Tunc etiam Marium, nisi fallor, scripsit. Ut enim
 Cicero, uiuo Sylla, nihil quod illum posset offende-
 re, scripsisset: sic, illo mortuo, re tamē adhuc recen-
 ti, uidetur Marium uersibus, quibus eo tempore
 delectabatur, scripsisse. Illum certè se in epistolis ad
 Atticū, in libris de Legibus, & de Diuinatione
 scripsisse testatur: quanquam de tempore nihil om-
 nino dicat. Unde sæpe sum ueritus, ne poema fue-
 rit,

rit, quod ad Casarem post reditum misit, de quo postea nos aliquid dicemus. Nunc illud dicendum videtur, à Quintiliano tres orationes, pro Tullio, pro Oppio, & pro Vareno sæpe nominari: quas ipsi putamus à Cicerone temporibus istis scriptas fuisse. Suspiciamur enim, quamvis errare possimus, M. Tullium Deculam, qui cum Cn. Dolabella Consul fuit, significari. Is enim post Consulatum potuit accusari, & à Cicerone defendi. Illum certè, quem Cicero defendit, Priscianus ita M. Tullium uocat, Cicero pro M. Tullio: Hoc iudiciũ sic expectatur, ut non una rei statui, sed omnibus constitui putetur. & Quintilianus ita scribit: Cicero pro Tullio: Quis hoc statuit unquam, aut cui concedi sine summo omnium periculo potest, ut eum iurè potuerit occidere, à quo metuisse se dicat, ne ipse posterius occideretur? Tale quid etiam in oratione pro Sex. Roscio queritur. Unde licet etiam conijcere, temporibus non admodum diuersis orationes illas scriptas fuisse. Nec multo post, opinor, pro P. Oppio dixit: quem nos apud Quintilianum uidemus ex epistola M. Cotta, qui cum L. Lucullo Consul fuit, & Propertidem, Bithyniamq, ut Plutarchus refert, obtinuit, reum factũ fuisse. Obijciatur, inquit Quin-

tilianus, Oppio, quòd militum cibarijs detraxerit.
 asperum crimen, sed contrarium ostendit Cicero:
 quia idem accusatores obiecerunt Oppio, quòd is
 uoluerit largiendo corrumpere exercitum. Item
 paulo post: Est enim contrarium, quo aduersarius
 bene uti potest: At enim uerisimile non est, tantũ
 scelus M. Cottam esse commentum. Quid? hoc ue-
 risimile est, tantum scelus Oppium esse conatum?
 Item alibi: Cicero, quanquam erat in Cottam gra-
 uissimè dicturus, neque aliter agi P. Oppij causa
 poterat, longa tamen præfatione excusauit officij
 sui necessitatem. Iam credimus orationem, quam
 pro Vareno dixit, iisdẽ temporib. scripsisse, quum,
 quod Priscianus refert, ita sit locutus: Ea cades si
 potissimum crimini datur, detur ei, cuius interfuit,
 non ei, cuius nihil interfuit. PIE. Recte colligis:
 quòd adhuc antiquitatẽ referret: sed mihi uideor
 apud Priscianum, Varronem, non Varenum le-
 gisse. COR. Bene mones. nam Varenum Quinti-
 tilianus, & Varronem Priscianus appellat: sed
 eodem modo nos apud utrunque legendum puta-
 mus. Nam Quintilianus ita refert: Ut pro Vare-
 no: Quum iter per agros & loca sola faceret cum
 Populeno, in familiam Ancharianam incidisse
 dixit.

dixerunt, deinde Populenum occisum esse, illico
Varenum uinctum, asseruatum, dum hic osten-
deret, quid de eo fieri uellet. Ita Priscianus: Cicero
pro Varrone: C. Ancharius Rufus fuit è munici-
pio Fulginate. Unde cognoscere quivis potest, eun-
dem esse, quum C. Ancharius utrobique nomine-
tur. Illis etiam temporibus causam Muslius pecu-
nariam habuit, Tullio defendente: cuius oratio non
est edita, ut Asconius ait. Et sanè, quum penè quo-
tidie pro aliquo diceret, orationes omnes, quas di-
xit, edere nec potuit, nec fortasse uoluit: quòd mul-
tas causas ne scriptione quidem dignas putaret. Eas
tamen omnes in commentarios, ut puto, referebat:
quos ita Quintilianus uidetur significare: Commen-
tarij Ciceronis ita sunt exacti, ut ab ipso mihi in
memoria posteritatis uideantur compositi. Nam Cice-
ronis ad praesens modo tempus aptatos, libertus Tiro
contraxit: quos non ideo excuso, quia non probe, sed ut
sint magis admirabiles. Haec equidem scio, an is fue-
rint, quos Diomedes causarum libros appellat. Ora-
tiones quidem, quas edidit, prius habitas, postea scri-
psit: quod illi apud Dionem Calenum obiecit, quod lau-
dari debet. Unde Cicero sic in Bruto scripsit. Ple-
raque scribuntur orationes habitatae, non ut habeantur.

tur. Ipse cerè scribēs ad Atticum, quem suarum orationum uoluit Aristarchū esse, in illis aliquid saepe se uel mutasse, uel addidisse testatur. Sed, ut ad rem reuertamur, orationem pro Q. Roscio Comædo, quæ nunc extat, eodem anno quo Verrinas dixit, hoc est, Cn. Pompeio, M. Crasso Consulibus, uidetur habuisse. Tunc enim C. Piso Prætor erat, qui biennio post anno suo Consul fuit. EGN. At quum Verrinas dixit, M. Glabrio Prætor erat. COR. Uterq; Prætor erat: sed alter ius dicebat, alter quæstioni præerat. Unde postea simul etiam Consules fuerunt. Orationem uerò pro M. Fonteio, uel eodem anno, uel cerè paulo post habitam putamus: quòd non ita multo post Pompeij ex Hispania reditum dicta uideatur. De tempore uerò, quo pro A. Cecinna dixit, nihil certi cõstitui potest, quamnis in oratione P. Dolabella Prætor nominetur: sed quibus ille Consulibus Prætor fuerit, ignoratur: eam tamen orationem nos eo loco, quo nunc etiam ponitur, retinēdam putamus. nec illas longè fuisse ponendas arbitramur, quas pro C. Fundanio, & L. Coruino, uel eodem tempore, uel ante Consulatum cerè dixit, ut Q. frater in libro de Petitione Consulatus ostendit: ut sint orationes illæ,

illa, quas *Asconius* de *Corneliana* loquens, ita significat: Hanc orationem dixit *L. Cotta*, *L. Torquato* Consulibus, post annum, quàm superiores: nam per superiores, *Verrinas*, quæ multo antè dictæ fuerant, significare non potest. *Cicero* certè, quum *Prator* esset, ut antè retulimus, pro *C. Cornelio*, pro lege *Manilia*, & pro *Cluentio* dixit, ut *Orationes*, *Asconius*, & alij scriptores ostendunt: *PIE*. Oratio certè pro *C. Cornelio*, quæ nulla nunc inuenitur, id ostendere non potest. *COR*. Ostendunt reliquæ, quas *Asconius* cōseruauit: uerùm *Cicero* duas orationes pro *C. Cornelio* scripsit, ut nos in *Bruto* diximus. Oratio in toga candida, ut *Asconius* ait, dicta est *L. Cesare*, *C. Figulo* Consulibus: post annum, quàm pro *Cornelio* dixerat. & paulo post, *Q. Gallium* reum ambitus defendit: ut *Quintus* frater, & *Asconius* affirmant. Iam Consul orationes eas habuit, de quibus ad *Atticum*, quod etiam suprà diximus, ita scripsit: Curavi, ut meæ essent orationes, quæ Consulares nominarentur: quarum una est in senatu *Cal. Ian.* altera ad populum de lege agraria, tertia de *Othone*, quarta pro *Rabirio*, quinta de proscriptorum filiis: sexta, quum provinciam in concione deposui: septima,

qua Catilinam emisit: octaua, quam habui ad populum, postridie quàm Catilina profugit: nona, in concione, quo die Allobroges indicarunt: decima, in senatu Non. Decemb. sunt præterea duæ breues, quasi ἀποτῶμα ὁμολογίας legis agrariæ. Inter eas orationē pro Murræna non posuit: quod eā, quamuis Consul esset, ut patronus tamen dixit, & quidem quum iam Catilinā emisisset: sed antè, quàm coniuratos comprehenderet, ut in oratione cognosci potest. Finito uerò Consulatu Metellinam scripsit, ut in Bruto nos, & suprà demonstrauimus. sed iam D. Silano, L. Murræna Consulibus, P. Syllam defendit: quū Q. Metellus Nepos adhuc Tribunus plebis esset, ut in oratione cognoscēs. Tunc etiam duas orationes, alteram de coniuratione, alteram de Consulatu suo scripsit, ut in Crasso Plutarchus affirmat: ubi negat, alteram, in qua Crassum & Casarem coniurationis autores uocabat, ab eo, uiuis illis, editam fuisse. ut fortasse fuerit liber ille, quem Dion Βιβλίου ἀποδόξητον appellat, ut infrà dicemus. De Consulatu certè suo commentarium græcè, & tres libros uersibus latinè, Q. Metello & L. Afranio Consulibus scripsit. Hæc in epistolis ad Atticum uidere licet. nam quum de

com.

com mētario locutus eſſet ſic addidit: *Tertium poe-
ma expectato. & alibi: Ne uxorū pīoris mea illa
commouet, quæ eſt in libro tertio. in quo Calliope
loquebatur, ut in ſecundo Urania pronunciabat
illa, quæ libro primo de Diuinatione ſcribuntur.
Iſdem Conſulibus etiam prognōſtica ſcripſit, ut ſic
ad Atticum ſcribens, oſtendit: Prognōſtica mea
cum oratiunculis propediem expecta. & libro pri-
mo de Diuinatione: His rerum præſenſionib. pro-
gnōſtica tua referta ſunt. Hac ſua uocat, ne quis
Aratea, quæ iuuenis conuertit, eſſe putet: præſer-
tim quum ſimilia ſint ita, ut ipſe libro ſecundo de
Diuinatione, uel ob id Aratea uocare uideatur.
Tunc etiam credimus orationem pro Archia poe-
ta, quæ legitur, illum dixiſſe: quum ſic ad Atti-
cum M. Meſſala, M. Piſone Conſulibus ille ſcri-
pſerit: Epigrammatis tuis, quæ in Amaltheo po-
ſuiſti, cōtenti erimus, præſertim quum & Chilius
nos reliquerit, & Archias nihil de me ſcripſerit.
in oratione uerò dicat ita: Quas res nos in Conſula-
tu noſtro nobiſcū ſimul pro ſalute huius urbis, atq;
Imperij, & pro uita ciuium, proq; uniuerſa Rep.
geſſimus, Archias attigit uerſibus, atq; inchoauit:
quibus auditis, quòd mihi magnæ res, & incun-
da*

da uisa est, hunc ad perficiendum hortatus sum.
Nam si Messala & Pisone Consulibus nihil ad-
huc scripserat, Metello & Afranio Consulibus
uidetur inchoasse, quo tempore nos illum defen-
sum putamus. PIE. Orationem pro Flacco uide-
ris omisisse. COR. Omisimus quidem, sed ita fe-
cimus, ut nunc illam nos, unde prius quasi ui deie-
cta fuit, eò restituamus. nam M. Bibulo, C. Cæsa-
re Consulibus dicta fuit. quod ex orationis ipsius
uerbis ita colliges: Damnatus est is, qui Catilinam
signa patriæ inferentem interemit. Item, oppressus
est C. Antonius. Ille uerò Bibulo & Cæsare Con-
sulibus est damnatus, Cicerone defendente, quòd
in oratione pro Domo scribitur. Itaq, post illū dam-
natum Flaccus est accusatus, & ab Hortensio &
Cicerone defensus. Hinc epistola, quam Cicero Con-
sulibus illis ultimam scripsit ad Atticum, sic ait:
Tuus familiaris Hortensius quàm plena manu,
quàm ingenuè, quàm ornate nostras laudes in a-
stra sustulit, quum de Flacci Prætura, & de illo
tempore Allobrogum diceret. Postea Cicero fuit
eiectus ita, ut Gabinio & Pisone Consulibus ora-
tionem nullam dicere potuerit. Nam, quæ nunc
inuenitur, ut antè, quàm in exilium iret, dicta, di-
gna

gna non est, quæ Ciceronis esse credatur. Ut enim multi defendant, Ciceronem, ut dolorem melius exprimeret, ita dedita opera locutum fuisse: nos tamen, nisi breuitati studeamus hac in parte, nec minus multis, nec minus firmis argumentis eā, quàm duas illas, de quibus antea dictum est, confutare possimus. Sed Cicero restitutus, P. Lentulo, Q. Metello Consulibus, orationibus, quæ nunc extant, populo & senatui gratias egit. Orationes enim deinceps ita collocantur: sed uiri docti putant, eas ordine conuerso collocandas fuisse: quum Cicero semper in alijs orationibus senatum populo solet anteferre. Nos tamen eas, ut nunc posite sunt, conseruandas arbitramur. Nam Cicero quum Romam prid. Non. Sept. ut antea dictum est, uenisset, postridie in senatu, qui fuit dies Non. Sept. primū senatui, deinde populo, postremò magistratibus in senatu gratias egit, ut in ipsa oratione sic ostendit: Vobis P. C. singulis & egi, & agam gratias uniuersis. egi initio, quantum potui: satis ornatè agere nullo modo possum. ei paulo post: Hodierno autem die nominatim à me magistratibus statui gratias esse agendas, & de priuatis uni, qui pro salute meæ municipia coloniasq. adisset. Hinc in oratione pro
Plan-

Plancio sic ait: Nonne etiam illa testis est oratio, quæ est à me prima habita in senatu? nam dixit, in senatu: ut ostenderet, non fuisse primam, quæ Roma post reditum sit habita. Egit igitur senatui primum gratias, sed orationem non scripsit: deinde populo, postremo senatui, & magistratibus simul, & orationes scripsit. *Iisdem Consulibus prid. Cal. Octob.* ut in epistolis ad Atticum refert, orationem pro Domo dixit: quam nos omnium pulcherrimam esse iudicamus. *EGN.* Id autem Quintilianus de Miloniana iudicavit. *COR.* Omnium quas ante dixerat, pulcherrimam dico: quamquam sperem, me, si reliquas etiam complectar, id esse probaturum, sed non est hic locus, quare dicamus, eum tunc orationem, quam de rege Alexandrino, ut Fortunatianus & Aquila docent, inscripsit, dixisse. Nam, quæ de Aruspicum responsis appellatur, eam post Megalesia Cn. Lentulo, L. Philippo Consulibus, ut in ipsa oratione legimus, dixit: quibus etiam temporibus poema scripsit, quod, ut ante significauimus, Marium uideri potest inscripsisse. Tunc enim Cicero de uetere, diuturna^q sententia depelli, ac popularis esse cepit: & ob id Marium, qui popularis fuit, ad Casarem, qui Marianus & popularis

pularis fuit, uidetur misisse. Ad Atticum certè scripsit ita: Ain tu? existimas ab ullo malle mea legi, probariq³, quàm à te? Cur igitur cuiquam misisti prius? Urgebar ab eo, ad què misi, & non habebam exemplar. Quid? etiam (dudū enim circunrodo, quod denorandū est) subturpicula mihi uidebatur esse πειλιδ' ἰα. sed ualeant recta, uera, honesta consilia. non est credibile, quæ sit perfidia in istis principib. ut uolunt esse: & ut essent, si quicquam haberet fidei. Illi uersus etiam fuerunt in Mario: Hanc ubi præpetibus pennis, lapsuq³ uolantem, Conspectit Marius diuini numinis augur: Fauſta' que signa sua laudis, reditus' que notauit, Partibus innotuit cæli pater ipse sinistris, Sic aquila clarū firmavit Iuppiter omen. In quib. quidē uersibus, & alijs, Cicero uideri potest reditū Marij cū suo reditu, ut alibi quoq³, comparasse. Oratio pro P. Sestio, & interrogatio in P. Vatinius, sequi, uel potius orationi de Responſis præponi debent. Nam P. Sestius ad 111. Id. Mart. Cn. Lentulo, L. Philippo Consulibus, est absolutus: ut ex epistolis ad Q. fratrem cognoscimus. oratio uerò de Responſis, post Megalesia, quæ Non. April. fiebāt, est habita. Iisdē Consulibus, Cn. Domitius,

ut in epistolis ad Q. fratrem uidere licet, Prætor fuit: apud quem M. Cælium defendit. Orationem quoque de prouincijs Consularibus ijsdem Consulibus dictam fuisse, cum ipsi nos credimus, tum Asconius affirmat. Nec ego ualde repugnem, si quis eodem tempore pro L. Cornelio Balbo dixisse contendat. Cn. enim Pompeius, & M. Crassus, eum defenderunt: quod illi fortasse postea, quamuis possent, non ita facile tamen fecissent. Post Consulatum certè M. Crassus in prouinciā profectus est. Oratio uerò in L. Pisonem dicta est, ut ait Asconius, Cn. Pompeio Magno iterum, M. Crasso iterum Consulibus, ante paucos dies, quàm Cn. Pompeius ludos faceret, quibus theatrum à se factum dedicauit. Asconius idem sic etiam scribit: Oratio nem pro M. Scauro eisdem Consulibus dixit, quibus pro Uatinio, L. Domitio Aenobarbo, & Ap. Claudio Pulchro. Et de Uatinio quidem, præter ea quæ nos ad P. Lentulum scripta uidemus, ad Q. fratrem sic etiam scribit: Ego eodem die post meridiem Uatinium aderam defensurus. & ibidem de Scauro: Comitia in mensem Septembrem reiecta sunt. Scauri iudicium statim exercetur. item: Orationes efflagitatas pro Scauro, &

pro

pro Plancio absolui. Unde nos ipsi coniecimus, Cn. Plancium post M. Scaurum, ut ibi ponitur, L. Domitio & Ap. Claudio Consulibus, defensum fuisse. EGN. Levis est coniectura, quum saepe nomina uirorum uel ut sub acumen styli subeunt, uel ut oratio crescat, ita soleant, ordine saepius etiam conuerso, collocari. COR. Nec illa grauis admodum: Cn. Plancium, qui Marcellino & Philippo Consulibus Tribunus plebis fuit, postea, quum factus esset Aedilis, accusatum fuisse: quum tamen inter Tribunatum & Aedilitatem aliquot anni solerent interesse. sed illa grauissima, C. Alfiu tum Quaesitorem fuisse: de quo Cicero, L. Domitio & Ap. Claudio Consulibus sic ad Q. fratrem scripsit: Hodie hora octaua, quum edicto C. Alfii Gabiniu adesse oporteret, concursu magno, & odio uniuer- si populi penè afflictus est. Item: Quæris quid fiat de Gabinio? sciemus de maiestate triduo: quo quidem in iudicio odio premitur omnium generum, maximè testibus ceditur, accusatoribus frigidissimis utitur, cōsiliu uarium, Quasitor grauis & firmus Alfius. EGN. Hac ipsa nobis facile probas. COR. Facilius, opinor, probabo, quod nemo negat: libros Oratorios ysdem Consulibus absolutos
 G fuisse:

fuisse: quum sic, ad *Lentulum* scribens, ipse dicat: Scripsi *Aristotelico* more, qucadmodum quidem uolui, treis libros in disputatione ac dialogo de *Oratore*. & in *Epistolis* ad *Atticum*: De libris oratoris factum est à me diligenter, diu multumq³ in manibus fuerunt, describas licet. Sed de libris oratoris, siue de *Oratore* nemo potest dubitare nunc uideamus, quod ad eundem scribit: Scripsi etiam uersibus tres libros de temporibus meis, quos iampridem ad te misissem, si esse edendos putassem. Hic ego saepe dubitavi, an ille sit liber, quē βιβλίον ἀπορίων, ut suprà diximus, *Dion* appellat, & ut scriptum temporibus illis agnoscit, sed editum uiuo *Cicerone* negat. Quem quidem librum uidetur expositionem suorum consiliorum uocasse, ut *Asconius* ostendit: si modo liber idem fuit. *Cicero* ceriè quadam scripsit ἀνένδοτον, quod in *epistolis* ad *Atticum* non semel ostendit, & nos alibi retulimus. Eodem tempore sex illos libros de *Rep.* scripsit, ut in *epistolis* ad *Q. fratrem*, & ad *Atticum* uidere possumus. Iisdem *Consulibus* etiam *Dion* *Gabinium* putat à *Cicerone* defensum: sed ipse aliquanto post diem 1111. Cal. Decemb. illius anni, scribens ad *Q. fratrem*, demonstrat, se ne tum quidem

dem idipsum cogitasse. Quare nos putamus, illud iudiciũ, in quo Gabinus à Cicerone defensus fuit, & condemnatus, uel in fine Consulatus L. Domitij, & Ap. Claudij, uel in principio illius anni, quo postea Cn. Domitius & M. Messala Consules fuerũt, factum fuisse, nec ita multo post C. Rabirium Posthumum ab eodem Cicerone defensum. Nam sic in oratione pro Rabirio scriptum legimus: Posthumi causa, quaecunq; est, seiuncta à senatu est: quòd si item à Gabinio seiunctam ostendero, ceritè, quòd dicas, nihil habebis. & infrà: Tu, inquit, Gabinium, ut Regem reduceret, impulisti. Non patitur mea etiam fides, de Gabinio grauius agere. Quem enim ex tantis inimicijs receptum in gratiam summo studio defenderim, hunc afflictum uiolare non debeo: quo cum stante, si me Cn. Pompeij auctoritas in gratiam non reduxisset, nunc iam ipsius fortuna reduceret. Quin uero pro Milone, Pompeio tertium Consule dixerit, nemo dubitat: sed quo tempore libros Augurales, quos Charisius & Seruius uiderunt; & libros etiam de Legibus scripserit, omnes possunt dubitare, quum de libris illis ipse nusquam, quod ego uiderim, meminerit, nisi fortè credimus, eum, quum in Cilicia Pro-

*consul esset, utrosque scripsisse: alteros, ut cum libris de Rep. coniungeret: alteros, ut Appium, qui libros Augurales ad eum scripserat, remuneraretur: sed postea neutros ante libros, quos deinde scripsit, edidisse. Atticus enim sic in Bruto loquitur: Ut illos de Rep. libros edidisti, nihil à te sane postea accepimus. EGN. Ne orationes quidem, quas tu multas etiam numerasti? COR. Uel eas nondum ediderat: uel in eo numero non ponebat. Sed ad libros Augurales reuertamur: quos ille, nisi fuisset Augur, nunquam scripsisset: ne, quod in oratione pro Domo se facturum negat, Augurum libros Græci scrutari uideretur. Augur uero paulo ante, quam in Ciliciam proficisceretur, est factus, ut ante diximus. Augur etiam, quum libros de Legib. scripsit, erat: ut in ipsis libris apparet, in quibus etiam sic Atticus in principio loquitur: Si queres, ego quid expectem, quoniam scriptum est à te satis de optimo Reip. statu: consequens etiam esse uidetur, ut scribas tu idem de legibus. Sic enim fecisse uideo Platonem illum tuum, quem tu admiraris. Scripsit igitur de legibus Augur ipse, quum Ser. Sulpicius adhuc incolumi Rep. iuris ciuilis scientiâ, quod in ipsis libris dicitur, sustineret. Eos ipse
for-*

fortasse nunquam, quòd essent inchoati, quode-
tiam nunc apparet, edidit. Nam si libros absol-
uisset, nunquam Quintilianus, ut puto, dixisset,
illum componere aliqua de iure cœpisse. Sed, ut in
libris de Officijs ait, plura breui tempore eversa,
quàm multis annis stante Rep. scripsit. Nam, quo
tempore Cæsar Africũ bellum gessit, Cicero Par-
titiones oratorias & Brutum scripsit. Et de Bru-
to quidẽ, nos in Bruto diximus: sed de Partiioni-
bus oratorijs, quia dubitari posse uidemus, aliquid
dicẽdum uidetur. quamuis nihil habeamus, quod
pro certo possimus affirmare. Quare coniectura
nobis est utendum ea: uideri nobis eas antè scriptas
fuisse, quàm Cicero filius Athenas Cal. Apr. C.
Cæsare, Q. Maximo Consulibus, ut suprà dictum
est, mitteretur. nam præsens in eo dialogo cum pã-
tre ruri loquitur. Porro dialogus ille uix inter Tul-
liæ mortem, & Ciceronis filij profectiõnem, uideri
potest institutus: quum pater eo tempore sic filiam
lugeret, ut de rebus hisce nihil, aut parum cogita-
ret. Quin ex epistolis ad Atticum cognoscimus, eo
tempore patrem ruri, & in solitudine, filium Ro-
mæ fuisse. Sequitur igitur, ut putemus, eos ante
Tullia mortem, de rebus illis inter se locutos fuisse.

Atq; ipsum inter bellum Africanum & Hispaniense factum fuisse crederemus: nisi sciremus, & tempus illud breuius, & Ciceronem occupationem fuisse, quam ut tam multa cōplecti potuerit: quam multa nos infrā dicemus. Africi uerò belli tempore magis ociosus fuit, ut in ipsis Partitionib. se tum fuisse demonstrat: et rus interdum, ut in Tusculanum, se conferebat, ut in principio libri duodecimi ad Atticum docet. quamuis longius abire non auderet, ut ad Varronem scribit. Tunc etiam Cicero filius annum decimumoctauum agebat, ita ut ea posset querere: quod antea fortasse facere non posuisset. Africo ceriè bello finito, pro M. Marcello, & pro Q. Ligario dixit: Brutum, quem prius, ut opinor, inchoauerat, absoluit: Catonem, Oratorem, & libellum de Optimo genere oratorum scripsit, atque Demosthenis & Aeschinis duas nobilissimas orationes inter se contrarias cōuertit. Tum Tullia, sicut antè diximus, Hispaniensis belli tempore mortua, seipse per literas est consolatus: quem librum de luctu minuendo, uel consolationis inscripsit. EGN. Tu suprā post hanc consolationem, Catonis laudationem posuisti. COR. Posui quidem, sed ut absolutā, nam prius inchoatam fuisse, tunc etiam

etiam dixi, quod ad Atticum sic antè scripisset:
De Catone πρὸ βλημᾶ ἀρχιμὲνδεορ est: uem,
Cato me quidē delectat. & de Oratore: Tantum-
ne ab re tua est ocij tibi, ut etiam Oratorem legas?

EGN. Si Pomponius Atticus Oratorem prius
etiam, quàm Tullia moreretur, legit: & Cicero,
quod ipse refert, Oratorem, Catone absoluto, est ag-
gressus, non Cato solum, sed Orator etiam ante
Tullia mortem scriptus uidetur. COR. Videtur,
sed neuter editus. Nam Cicero cū cetera sua
scripta uellet ab Attico non legi modo, sed etiam
emendari: tum duos hosce libros uoluit, ut arbitra-
mur, ab eo diligenter considerari: in quorum alte-
rum, quicquid habuit iudicij dedicens, cōtulisset:
alterum ne attigisset quidem, tempora timens ini-
mica uirtuti: nisi Bruto hortanti, & Catonis me-
moriā charā excitanti, non parēre nefas esse
duxisset. Itaq; uerisimile est, Ciceronē libros hosce,
sed præsertim Catonē, de quo scripsit ad Gallū, Ve-
reor ne in Catonū Catones, in manib. multū tem-
poris habuisse. Nos autem cum Oratore, librum
de Optimo genere oratorum cōiunximus, quod in
utroque opere de Atticis disputat, & iudiciū
Nilonis nominat: quod ostendit, illud opusculum

tarde scriptum fuisse. Hispaniensis etiam belli tempore Hortensium, & libros quatuor Academicos ex duobus confecit, & quinque de Finibus bonorum & malorum scripsit, ut libro decimotercio ad Atticum sapius ostendit: sed ita, ut nescias, utris utri sint præferendi: nisi libro secundo de Divinatione doceat ipse, libros Academicos, libros de Finibus, libros de Tusculanis questionibus, libros de Natura Deorum, librum de Senectute, libros de Divinatione deinceps esse collocandos. EGN. Sic etiam nunc collocantur, sed tu librum de Senectute, qui Cato maior etiam dicitur, interiecisti. COR. Ipse Cicero potius interiecit, qui libro secundo de Divinatione sic etiam scripsit: Interiectus etiam est nuper liber is, quem ad nostrum Atticum de senectute misimus. Pro Deiotaro rege non multo ante Caesaris cadem dixit. nam Cicero literas, quas Caesar ad Deiotarum Tarracone Blesamio dedit, in oratione nominavit. Ea res ostedit, orationem, quum Caesar ex Hispania Romam post Saturnalia, quod in epistolis ad Atticum videre licet, venisset, habitasse. De tempore, quo Lælius, siue de Amicitia liber scriptus, & Timæus, siue de Universitate liber est conversus, dubitamus: quod u.

ti *Laelium* post *Catonem* maiorem, & ante libros de Officijs scriptum uidemus: ita nescimus, utrum ante *Cæsaris* cadem, an post, scriptus fuerit de *Timæo* nihil habemus, quod dicamus, nisi libet ita ratiocinari: Liber ille certè post *Academicos* libros, quos ibi nominat, est conuersus: in cuius quidem exordio *P. Nigidium* iam decessisse demonstrat. Ille uerò, quemadmodum scribit *Eusebius*, *Cæsare* *Dilatatore* decessit. Unde liber ille temporibus hisce uidetur esse conuersus. EGN. Uidi, qui dubitarent, an illud opus fuerit à *Cicerone* conuersum.

COR. At *Nonius Marcellus*, & ceteri *Grammatici* ueteres, non dubitarunt, qui *Timæum* *Ciceronis* appellat: nec *Diuus Augustinus* dubitauit, qui multos etiam uersus inde descripsit. Uidetur autem *Cicero* duobus fere mensibus post *Cæsaris* mortem, librū de *Fato* scripsisse. Nam sic in eo refert: Quum essem in *Puteolano*, *Hirciusq;* noster *Consul* designatus, iisdē in locis, uir nobis amicissimus, & ijs studijs, in quibus nos à pueritia uiximus, deditus, multum unā eramus: maximè nos quidem exquirentes ea consilia, quæ ad pacem & ad concordiam ciuium pertinerent. Quum enim omnes post interitum *Cæsaris* nouarum per-

turbationum causa quari uiderentur, hisq³ esse oc-
 curendum putaremus, omnis ferè nostra in his de-
 liberationibus consumebatur oratio. Deinde ser-
 monem illum habitum fuisse testatur. In epistolis
 autem ad Atticum sic ait: Ego perspexi, quum à
 me xvii. Cal. lun. de Puteolano Neapolim Pan-
 sa conueniendi causa proficisceretur Hircius, om-
 nem eius sensum: seduxi enim, & ad pacem sum
 cohortatus. Ego tamen nō ualde repugnem, si quis
 contendat, eum sermonem tunc habitum, sed ali-
 quanto post à Cicerone literis fuisse mandatum:
 dum mihi concedat, duos de Gloria libros à Cice-
 rone quatuor propè mēſibus post Caesaris interitum
 fuisse confectos. Id ex epistolis ad Atticum proba-
 ri facile potest. Nam ante Non. Quint. ita scribit:
 Librum tibi celeriter mittam de Gloria, alibi uerò
 post vi. Id. Quint. ita: De gloria misi tibi. Item post
 ix. Cal. Sext. ita: De gloria librū ad te misi. & in
 eo proœmium id est, quod in Academico tertio. Id
 euenit ob eam rem, quòd habeo uolumē proœmio-
 rum: ex eo eligere soleo, quum aliquod *Πύρρον*
μα institui. EGN. Gellius hosce libros legi. COR.
 Franciscus etiam Petrarcha legi, sed hodie desi-
 derantur: non desiderantur uerò Topica, qua die-
 bus

bus iisdem penè scripsit, ut in epistolis ad Trebatium scriptis ostendit. Verùm quæri posse uideo, an libros de Officijs ante librũ de Gloria, & Topica scripserit. quum paulo post v. 1111. Cal. Iun. ad Atticum scribens, ita dicat: Nos hic φιλοσοφόμενοι: quid enim aliud? & τὰ περὶ τῶ ἡγεθῆντος magnificè explicamus, προσφώνωμεν Ciceroni: qua de re enim potius pater filio? Sed nos ita respondemus: Libros de Officijs ille quidem citius inchoauit, sed tardius absoluit, quum libros de Gloria in hisce nominet: & in epistolis ad Atticum post Cal. Sept. quum de medio Achaico cursu reuocatus, Romã uenisset, & rursus ex urbe discessisset, ita scripserit: Quòd de inscriptione quæris, non dubito, quin τὸ ἡγεθῆνός officium sit, nisi quid tu aliud: sed inscriptio plenior, de Officijs. προσφώνωδ' autem Ciceroni filio: uisum est ἡ ἀνοικεῖον. Item postea: Mihi non est dubium, quin, quod Græci ἡγεθῆνός, nos officium. Id autem quid dubitas, quin etiam in Rempub. præclarè caderes? Nónne dicimus, Consulũ officium, senatus officium? præclarè conuenit, aut da melius. Conuenit etiam, ut nos cum libris hisce de Officijs, in quibus tam multa de uirtutibus disputantur, commenta-

rium

rium de uirtutibus à Cicerone scriptum coniungamus: quāuis de illo libro nihil scriptum, nisi apud Charisiū, legamus. Ex his autem, quæ dicta sunt, intelligimus, præter poemata, quæ nos quindecim libris cōplectimur, orationes sexaginta duas, & libros octo & quinquaginta, Ciceronis numerari. Quare libro primo de Officijs ita uidetur scripsisse: Te hortor, ut non solum orationes meas, sed hos etiam de philosophia libros, qui se iam illis serè æquarunt, studiose legas. Id enim uiri docti putant ad numerum potius, quàm uel ad dicendi rationem, uel ad magnitudinem esse referendum. In Oratore sic etiam dixit: Hæ res si erūt perfectæ, profectò forensibus nostris rebus & domesticæ literæ respondebunt. Quòd si causarum commentarios in tredecim libros, Diomedem secuti, diuidemus, libri hoc genere scripti plures erunt, quàm orationes: quamquam scimus, non orationes solum multas, sed orationum etiam nomina multa desiderari. Nec nos omnia uel orationum, uel librorum nomina colligere, uel etiam recordari potuimus. Post aliquot Philippicas, ut opinor, τὰ παρὰ δόξα conscripsit. Nam secundo τὸ παρὰ δόξα in Antonium uidetur inuehi: quamuis in proæmio de Catone qua-

si uiuo loquatur. quum tamen addit, Illud maiorum uigiliarum munus in tuo nomine apparuit: uidetur Brutum significare, quem nos ut concedamus uiuo Catone scriptum fuisse, non ita facile tamen eodem uiuo concedemus apparuisse. Philipicas autem partim M. Antonio, P. Dolabella, partim Hircio, Pansa Consulibus, non multis mensib. ante mortem dixit: quarum libros sexdecim Nonius Marcellus, in uerbo Manere, nominauit. Super sunt Epistolae: quarum nos apud Grammaticos uidimus libros circiter octuaginta poni: earum quae Familiares appellatur, libros sexdecim, epistolarum ad Atticum libros totidem, ad Cornelium Nepotem libros totidem, ad Pompeium libros quatuor, ad Q. fratrem libros tres, ad M. Brutum libros septem, ad Pansam libros quatuor, ad Hircium libros octo, ad Caluum librum unum, ad Filium librum unum, ad Marcellum & Hostilium libros nescio quot, ad Octauianum libros tres. PIE. Octauianum ultimo loco posuisti, ut epistolam, quae nunc ut ad eum scripta legitur, ultimam nobis ostenderes à Cicerone scriptam fuisse. COR. Iocar is tu quidem: sed tamen alibi nos ostendemus, non modo non à Cicerone, sed ne à uiro quidem, qui lite-

ras sciret, scriptam fuisse: quamuis eam Frācisus
Petrarcha, maioresq̃ nostri penē omnes, Ciceronis
fuisse iudicant. Iam uerò quis non intelligit, Cice-
ronis ingenium planē diuinū fuisse, qui tam mul-
ta, tā ualde ferē semper occupatus scripserit? Hinc
in Oratore: Nemo, inquit, orator tā multa, ne in
Græco quidem ocio scripsit, quā multa sunt no-
stra: eaq̃ hanc ipsam habent, quam probo, uarieta-
tem. Id eo magis est mirādum, quo plus industria
ille solebat adhibere. Profecto, inquit, ad Appium
scribens, non est meum, qui in scribendo (ut soles
admirari) tantum industriae ponam, committere,
ut negligens uidear. Hinc in epistolis ita Seneca
scripsit: Compositio Ciceronis una est, pēdem ser-
uat, curata, lenta, & sine infamia mollis. Multa
uerò Cicero subcisiuis temporibus scripsit, ut ita li-
bro primo de Legib. ostendit: Subcisiua quædam
tempora incurrunt, quæ ego perire non patior, ut
si qui dies ad rusticandum dati sint, ad eorum nu-
merum accommodentur, quæ scribimus. & in o-
ratione pro Plancio: Orationes ego scripsi ludis &
ferijs, ne omnino unquam essem ociosus. & in Phi-
lippicis: Dico me nec Reipub. nec amicis unquam
defuisse, & tamen omni genere monumentorum

meorum perfecisse operis subcisiuis, ut mea uigilia,
mea' que litera & iuuentuti utilitatis, & nomini
Romano laudis aliquid afferrent. Ob id in libris de
Diuinatione sic ait: Quarenti mihi, multumq;
& diu cogitati, qua' nam re possem prodesse quam
plurimis, ne quando intermitterem cōsulere Reip.
nulla maior occurrebat, quam si optimarum ar-
tium uias traderem meis ciuib. quod compluribus
iam libris me arbitror consecutum. PIE. Ille non
solum scribebat, ut prodesset, sed etiam docebat.
quod ita Quintilianus ostendit: Quid porrò est ho-
nestius, quam docere, quod optime scias? Sic ad se
Caelium deductum à patre, Cicero proficitur: sic
Pansam, Hircium, Dolabellam in morem prae-
ceptoris exercuit, quotidie dicens, audiens que.
COR. Inde factum est, ut Franciscus Philel-
phus, & maiores nostri putarint, Ciceronem lu-
dum, quo tempore Caesar omnia tenebat, ape-
ruisse: praesertim cum ipse scribens ad Volum-
nium, & ad Papirium Pætum, se ludum, &
discipulos habere testetur. nec uiderunt, eum par-
ticulam, Quasi, ponere, & in illis epistolis sem-
per ferè iocari. ne dicam, Ciceronis etiam discipu-
los eos potuisse uocari, qui Ciceronem, ut Sulpicius

& Cotta Crassum & Antonium, sequerentur:
 & apud eum dicerent, ut corrigerentur: uel cum
 declamantem, quod sæpe faciebat, audirent. Horum
 Quintilianus utrumque uerbis, quæ tu Pieri pau-
 lo antè recitasti, complexus est: quod utrumq; le-
 gerat in epistola quadã, quam Cicero ad Volum-
 nium scripsit, esse comprehensum: ne, quæ uel ipse,
 uel Suetonius in Rhetoribus scribit de Pansa &
 Hircio, qui coegerunt illum declamare, referamus.
 ille certè si ludum aperuisset, nunquam sic in Ora-
 tore scripsisset: At dignitatem docere non habet,
 certè si quasi in ludo: sed si monendo, si cohortan-
 do, si percontando, si communicando, si interdum
 etiam unà legendo, audiendo, nescio cur non docen-
 do etiam aliquid aliquando, si possis, meliores face-
 re nolis. Hoc igitur modo Cicero docebat, uel dice-
 bat, quum iam dicendi genus mutasset, ut Philip-
 picæ nobis ostendunt: quanquam non semel muta-
 uit. Nam iuuenis ex Grecia non modo exercita-
 tor, sed etiam, quod in Bruto refert, propè muta-
 tus, se domum recepit: et paulo ante bellum ciuile,
 quum iam oratio canesceret, remissius & lenius,
 ut L. Crassus primus ostendit, dicebat. ut Atticus
 ita libro primo de Legib. affirmat: Vereor, ne ista

causam nemo noscat, tibiq³ semper dicendum sit: & eo magis, quod te ipse mutasti, & aliud dicendi instituisti genus: ut, quemadmodum Roscius familiaris tuus in senectute numeros in cantu ceciderat, ipsasq³ tardiores fecerat tibias, sic tu à contentionibus, quibus summis uti solebas, quotidie relaxes aliquid, ut iam oratio tua non multum à philosophorum lenitate absit: quod sustinere quum uel summa senectus posse uideatur, nullam tibi à causis uacationem uideo dari. EGN. Ob id eum fortasse Seneca gradarium uocauit. COR. Ob id etiam: & quod, ut libro primo de Legibus ait, addicendum nunquam, nisi apparatus, & meditatus accedebat, poterat eodem die accusatori respondere, & tribus horis perorare. PIE. Id ipse libro tertio de Finibus refert. COR. Et hoc in Bruto: Maxime perspecta est utriusque nostrum exercitatio paulo ante, quam perterritum armis hoc studium Brute nostrum conticuit subito, & obmutuit: quum lege Pompeia ternis horis ad dicendum datis, ad causas simillimas inter se, uel potius easdem noui ueniebamus quotidie. Nec uiuos modo Cicero uel dicendo, uel docendo, ut ostendimus, sed mortuose etiam scribendo correxit. EGN. Quid ais? COR.

Lucretij poeta, qui perierat, libros, ut Eusebius refert, emendauit: quod in epistolis ad Q. fratrem uidetur ipse significare. Utinam, quod instituerat de Geographia, per fecisset. de qua sic ad Atticum scripsit: De Geographia, dabo operā, ut tibi satisfaciam: sed nihil certi polliceor. magnum opus est: sed tamen, ut iubes, curabo, ut huius peregrinationis tibi opus extet: item, Γεωγραφικὰ, quæ constitue ram, magnum opus est: ita ualde Eratosthenes, quem mihi proposueram, à Serapione, & ab Hipparcho reprehenditur. Utinam, quod etiam magis optamus, historiam scripisset. EGN. Ille, quod multi putant, hac in parte non satisfecisset. COR. Ille, quod plures putant, optimè satisfecisset: quem ad omnia summum atque excellens ingenium, quod Cecina dixit, armauit: quia primus, ut arbitror, apud nos ea de re præcepta tradidit, & ei se Bibulo & Cesare Consulibus dedit. Nihil dico, quod nemo melius, quàm Cicero, memoriam rerū Romanarum tenebat: ex qua, si quādo opus esset, ab inferis, ut ait in Bruto, locupletissimos testes excitaret. Romani porro, qui tunc uiuebant, & Ciceronem melius, quàm nos, norant, id ab eo nunquam, quod ille præstare non posset, postulassent.

Libro tamen primo de Legib. Atticus ita loquitur: Postulatur à te iamdiu, uel flagitatur potius historia. Sic enim putant, te illam tractante, effici posse, ut in hoc etiam genere Græciæ nihil cedamus. Atque, ut audias, quid ego ipse sentiam, non solum mihi uideris eorum studijs, qui literis delectantur, sed etiam patriæ debere hoc munus: ut ea qua salua per te est, per te eundem sit ornata. Abest enim historia literis nostris, ut & ipse intelligo, & ex te per sepe audio. Potes autem tu profecto satisfacere in ea: quippe quum sit opus, ut tibi quidem uideri solet, unum hoc oratorium maxime. Atticus autem, qui Ciceronis ingenium uel unus optime norat, & illius laudis, ut qui maxime, studiosus erat, ad id illum nunquam, quod ille præstare non posset, esset hortatus: nec Cicero, qui se melius etiam norat, id aggredi tantopere desiderasset. quod ex epistolis ad Atticum colligi potest: Hortaris me, ut historias scribam. item: Ardeo studio historiae: incredibiliter enim me commouet tua cohortatio. Nec uero semel ille, sed sæpius uel in Verrinis, uel alibi, quid in ea re præstare posset, ostendit. Nec in historiam Græcorum fabulas & orationes transferre, quod Plutar-

chus ait, cogitarat: qui neutras, ut in libris de Legibus, & in Bruto uidere licet, in historia probaret. Sed ille postea negotijs cum priuatis, tum publicis impeditus, & quo modo dictum est, etiam sublatius: nec historiam, quemadmodum cupiebat, scripsit: nec philosophiam, quemadmodum cœperat, absoluit. Quod si potuisset absolueret quod cœperat, uerum fuisset, quod ita libro secundo de Diuinatione scripsit: Ad reliqua acriter debamus animo, sic parati, ut, nisi quæ causa grauior obstitisset, nullum philosophia locum pateremur, qui non Latinis literis illustratus patêret. O uirum dignum, qui non modo trecentos annos, ut Nestor, sed semper etiam uiueret: quum dies & noctes aliud nihil, nisi quo pacto posset hominib. quàm plurimum prodesse, cogitaret. Verum, quum prius ipse literis & moribus ornatus, Quæstor, Aedilis, Prætor, Consul fuisset, eosq; magistratus sanctissimè gessisset: quum curiam cæde, urbem incendijs, Italiam bello liberasset: quum ex defensionibus, exilio, prouincia, bello ciuili, scriptis, & omnib. cum priuatis, tum publicis actionibus immortalem sibi gloriam comparasset: quum Græcos etiam laude superasset: M. Antonij iussu necatus, in eum locum, quem

quem scripserat, omnibus qui patriam conseru-
 rint, adiuerint, auxerint, in cælo certum ac defi-
 nitum esse: in illum quasi domum suam, ubi bea-
 tus æuo sempiterno fruetur, commigrauit. EGN.
 Iam tu quidem, quod ad Ciceronis uitã pertinet,
 ut uideo, perorasti. sed, quod Spartianus scribit,
 non dixisti: Tullio soli melius fuerat liberos non ha-
 bere. COR. Diximus, quod ad pecunias in prima
 prouincia signatas pertinebat. nũc autem numos,
 qui sunt in ciuitatibus attributis exacti, dabimus:
 in quibus hunc ipsum, in quo Cicero filius est ex-
 pressus, numerari uolumus. EGN. At hic ita si-
 milis est illis, quos antè dedisti, ut in eodem loco, &
 ex eodem argento factus esse uideatur. COR. In
 prima quidem prouincia ille fuit inchoatus: sed in
 attributa ciuitate, quod certò scimus, exactus. De
 argẽto uos, quorum interest, uideritis. EGN. Be-
 ne dicis. Quare Pieri, qui melius uides, inspice.
 PIE. Plumbeus est numus. COR. In Britaniã
 mittetur. Nam uos quidem numos, qui probentur
 usquã, per legem recusare non potestis: quanquam
 uix plumbeus esse totus potest, quum Cicero non
 argentum modo, sed aurum etiam, quo quàm o-
 ptimus fieret, præbuerit. EGN. Id nemo pro cer-

to potest affirmare: sed ut præbuerit, qui numos tam excudunt, saepe fraudant, & plumbum pro argento supponunt: uel ita cum illo miscent, ut à principio nemo quidem, sed omnes postea cognoscant. COR. Hunc numum nos quidem esse talem fatemur: sed tamen ostendemus, ipsum plus argenti, quàm plumbi uel nunc habere. de quo Cicero sic ad Atticum scribit: L. Iulio Casare, C. Martio Figulo Consulibus, filiolo me auctum scito, salua Terentia. Is annum septimum quum ageret, patris exilio doluit: & quod ad Terentiã Cicero scripsit, quum primùm sapere cœpit, acerbissimos dolores miseriãq; percepit. Hinc ad Q. fratrem ita scriptum legimus: Quid filium uenustissimum, mihiq; dulcissimum, quem ego ferus ac ferreus c̄ complexu dimisi meo, sapientiore puerũ, quàm uellem. & in Orationibus: Quid paruus filius, quem, quandiu absui, nemo nisi lachrymantem, confectumq; uidit, quid fecerat, quòd eũ toties per insidias interficere uoluisti? Id alibi quoq; testatur: sed hũc Cicero reuersus, à Dionysio, quem uirũ doctissimũ semper describit, erudiendũ curauit. Ob id ad Atticũ L. Domitio, Ap. Claudio Consulib. quibus annũ decimũ filius attingebat, ita scripsit: Dio

nysium uelim saluere iubeas, & eum roges, & hortare, ut quàm primùm ueniat, ut possit Ciceronem meum, atq; etiam meipsum erudire. Quin interdum solebat ipse docere, ut sic in epistolis ad Q. fratrem refert: Mihi cura erit, ut Ciceronem tuum nostrumq; uideam scilicet quotidie, sed inspiciam quid discat, quàm sapissimè: & nisi ille contemnat, etiam magistrũ me ei profitebor: cuius rei nonnullam consuetudinem nactus sum in hoc horum dierum ocio, Cicerone nostro minore perdocendo. In prouinciã postea duxit, ubi Dionysius illũ docuit, & exercuit: sed in Italiam quum redissent, Dionysius penè defecit. Quare Cicero dolens ita scripsit ad Atticũ: Dionysio qui noster honos, quod obsequiũ, quæ etiam ad ceteros cõmendatio contempti cuiusdam hominis defuit? ut meum iudiciũ reprehendi à Q. fratre, uulgoq; ab omnib. mallet, quàm non illum efferre laudibus, Ciceronesq; nostros meo potius labore subdoceri quàm me ijs magistrũ quærere. Cicero filio, quum iam esset annorum sexdecim, C. Marcello, L. Lentulo Consulib. Arpini, iam Põpeio ex Italia pulso, & Casare in urbem reuerso, togã puram dedit, ut libro nono ad Atticũ testatur. Is eo tempore tractabilis erat, & patrem,

ut Pompeium sequeretur, hortabatur, ut ex uerbis illis ad Atticū scriptis intelligimus: Ego meū filium facile teneo. nihil est enim eo tractabilius: cuius quidem misericordia languidiora adhuc consilia capi. & quo ille me fortiorem uult esse, eo magis timeo, ne in eum existā crudelior. Ad bellum ciuile postea patrem secutus est, & à Pompeio alæ præfectus fuit, ut in libris de Officijs ostēdit: & reuersus, multum temporis etiam literarum studijs operam dedit. nam pater curabat, ut non minus græcè, quàm latinè diceret: quod in Partitionibus oratoris ostendit. Ille postea, ne socrum ferret, Romæ domum conducere cogitauit, & alia fecit, quæ scribēs ad Tironem suæ ætatis errata uocat. EGN. Hac in parte numus est plumbeus. COR. Et in ea, quæ iuncta est. Nam missus, ut suprā dictum est, Athenas, à Gorgia rhetore uoluptatibus & compotationibus est corruptus. Hinc ebrietas illius à Seneca & Plinio celebratur. PIE. Eum tamen M. Brutus, ut antè retulisti, commendauit. COR. Messala, Trebonius, & alij prius etiā commendauerunt: sed Cicero, quod in epistolis ad Atticum uidere licet, timebat, ne fingerent, ut sibi gratificarentur. EGN. Ita certè Plutarchus postea
 com-

commendauit, ut id dici non possit. COR. Consul etiam postea cum C. Casare Octauiano fuit, ut Seneca, Plinius, & Plutarchus affirmāt. PIE. Seneca quidem ita: Ciceronem filium quæ res Consullem fecit, nisi pater? COR. Et Appianus ita latine: Cicero à Cicerone parente eius in Græciam præmissus, quum fortunam huiuscemodi futuram timeret, è Græcia ad Brutum peruenit. Defuncto deinde Bruto, ad Pompeium pertransiuit, cum utroque Praturæ functus est officio. Hunc Caesar, quo se à traditione Ciceronis excusaret, Pontificem statim declarauit: nec multo post Consulem instituit, & Syriæ Prætozem. EGN. Et Plutarchus ita: Octauianus Consul Ciceronis filium collegam delegit: sub quo senatus imagines Antoni sustulit, & alios honores antiquauit: ac decreuit, ne quis Antoniorum Marcus appellaretur. Sic Deus in Ciceronis domum finem Antoni ultionis contulit. COR. Hæc omnia defendi possunt, præter illud quod refert Appianus, ab Octauiano Ciceronem filium Syriæ Prætozem factum fuisse. Seneca certè scribit ita: Erat Cælius nullius quidē ingenij, Ciceroni etiam infestus: quod illi non impune cecidit. nam, quum M. Tullius filius Ciceronis

Asiam obtineret, homo, qui nihil ex paterno ingenio habuit præter urbanitatem, cœnabat apud eum Cestius. M. Tullio & natura memoriam dempserrat: & ebrietas, si quid ex ea supererat, subducebat: subinde interrogabat, quis ille vocaretur, qui in imo recumberet? & quum sæpe subiectum nomen Cestij excidisset, nouissimè seruus, ut aliqua nota memoriã eius faceret certio rem, interroganti domino, Quis ille esset, qui in imo recumberet? ait, Hic est Cestius, qui patrẽ tuũ negauit literas scisse. afferri protinus flagra iussit, & Ciceroni, ut oportuit, de corio Cestij satisfecit. Atque hæc quidem sunt, quæ de Ciceronis filio referenda uideantur: Epistolas quidẽ, quæ nunc extant, ad Tironem scriptas, nos alibi cogitamus interpretari. De Tullia uerò, & Terentia, præter ea quæ dicta sunt, nihil amplius dicendum uidetur: nisi libet addere, quod nonnulli scripserũt, Terentiã à Cicerone dimissam, primũ Sallustio, deinde Messala nupsisse: & eam, quod Plinius affirmat, annos centum decem & septem uixisse. nam quòd apud Dionem legimus, uxorem Ciceronis Vibio Ruso nupsisse, utrã significet, nemo diuinare potest: quum Cicero duas uxores, ut antè diximus, habuerit. Sed de Cicero-

ne,

ne, de Ciceronis liberis & uxoribus, satis dictum uidetur. Quare tempus est iam, ut aliquid de fratre, & filio fratris dicamus: quamuis ea quae dicta sunt, communia multis in locis esse uideantur. Q. igitur Tullius Cicero, M. Tullij Ciceronis frater germanus fuit, iisdem parentibus natus, & iisdem doctioribus eruditus. Id in libris Oratorijs ostenditur: ubi Cicero docet, cum, quamuis ornatè & diceret & scriberet, oratorem tamen esse noluisse. Nam sic ait: Nec uerò te. charissime frater, atque optime, Rhetoricis nunc quibusdam libris, quos tu agrestes putas, insequor, ut erudiā. Quid enim tua potest oratione aut subtilius aut ornatius esse? sed quoniam siue iudicio, ut soles dicere, siue, ut ille pater eloquentiae de se Isocrates scripsit ipse, pudore à dicendo, & inuiditate ingenua quadam refugisti: siue, ut ipse iocari soles, unum putasti satis esse non modo in una familia Rhetorem, sed penè in tota ciuitate: non tamen arbitror, & quae sequuntur. In eadem uilla non uidetur esse natus, nam Cicero libro secundo de Legibus ita dixisset: Hoc ipso in loco, quum auus uiueret, & antiquo more parua esset uilla, ut illa Curiana in Sabinis, nos scito esse natos. Erat, inquit Cornelius

lius Nepos, soror Attici nupta Q. Tullio Ciceroni: eas que nuptias M. Cicero conciliarat. illa Pomponia dicebatur, ex qua Quintum filium paulo ante M. Ciceronis Consulatum suscepit. Nam Q. Cicero filius M. Cicerone filio maior natus fuit, ut in epistolis ad Q. fratrem legimus, & togæ puræ suis temporibus utrique datæ demonstrant. Quum uero filium suscepisset, non ita multo post ad Marcum fratrem librū de Petitione Consulatus scripsit, & in Consulatu postea Ciceronis omnium laborum & periculorum particeps fuit, quod in epistolis ad ipsum scriptis legimus. EGN. Eum tamen ad se Cæsar traduxit. COR. Id efficere potuit amicitia, quæ uetus illi cum Cæsare fuit. PIE. Hoc in epistolis ad Lentulum Cicero scribit, illud Suetonius affirmat. COR. Verum dicis. sed in epistolis ad Atticum, & in Orationibus, idem Cicero demonstrat: Quintū fratrem Prætorem M. Messala, M. Pisone Consulibus, ante Idus Martias Asiā prouinciā sortitum, & ante Non. Decemb. profectum L. Flacco successisse. EGN. Nihil de cæteris eius magistratib. dixisti. COR. Nihil inueni: sed suspicor, illum, præter Consulatum, magistratus omnes, quos frater habuit, asecutū fuisse.

In epistolis ad Atticum sic certè scribitur: Sary-
rus fuit & mihi, & Quinto fratri magno usui in
nostris petitionib. Item, Obieris Quinti fratris co-
mitia. & in oratione pro Plancio: Ne cū C. Vir-
gilio uel maximè tum uetusta amicitia, tum mei
fratris collegia, tum Resp. sociarat. Hic enim cogno-
scimus, non uno tantum in magistratu C. Virgi-
lium Q. fratris collegā fuisse. In prouincias etiam
uidentur eodem tempore profecti: quū sic ad ipsum
Quintum fratrem scribat: Et mediocri me dolore
putas affici, quum audiam qua sit existimatione
Virgilius, qua tuus uicinus C. Octavius? Hinc in
Augusto Suetonius ita scribit: Octavius ita socios
tractauit, ut epistola M. T. Ciceronis extent, qui-
bus Quintum fratrem eodem tempore parum se-
cunda fama Proconsulatum Asiae administran-
tem hortatur, & monet, imitetur in prome-
rendis socijs uicinum suum Octauium. Quan-
quam Suetonius nec parum secunda fama, nec
Proconsulatum fortasse dicere debuit. Ut enim
concedam Proconsulatum, ut Consulatum, dici:
Quintus Cicero certè Proconsul non fuit, quum
Prætor, non Proconsul, Asiam prouinciā præ-
toriam sortitus esse dicatur, & à Cicerone, & Cor-
nelio

nelio Nepote Prator, non Proconsul appelletur: nisi forte, quemadmodum qui Proconsul sit, saepe Prator uocatur: ita, qui Prator sit, Proconsulem dici posse credamus. Nec parum secunda fama dici potest administrasse Proconsulatum, quem nemo, quū redisset, accusarit: quemq; Cicero cū in orationib. tum in epistolis ad ipsum scriptis, tan toper e commendatum, totq; & tantis honoribus ornatum fuisse testetur. EGN. Cur igitur eum Cicero tam longis epistolis hortabatur? COR. Quia uolebat eū sine exceptione laudari. Omnes enim qui ex Asia ueniebant, ita de Quinti fratris uirtute, integritate, humanitate commemorabant, ut in eius summis laudibus exciperent unam iracundiam. Hinc ad eum Cicero scripsit ita: Si omnium mearum literarum praecepta repetes, intelliges, nihil esse à me, nisi orationis acerbicatem & iracundiam: & si forte, raro literarum indiligētiā reprehensā: quibus quidem in rebus si apud te plus autoritas mea, quam tua siue natura paulo acrior, siue quēdā dulcedo iracundiae, siue dicendi sal faciet: q; ualuisse, nihil sanē esset quod nos poeniteret. Erat autem Quintus frater iracundus: & ob id uxori saepe, quod postea dicemus, irascebatur.

& Attico Roma discessit iratus, fortasse quod legatus ire nolisset, ut Cicero & Cor. Nepos ostendunt. Sed ille Tiberonem, Allienum, & Gracidianum legatos habuit, Quæstorem nescio quem, nomenclatorem Syllam, præfectos uel contubernales Cæsium, Charippum & Labeonem. Verum quum treis annos Asiam gubernasset, Romam Gabinio & Pisone Consulibus redijt, quum iam frater eiectus fuisset: et, ut in oratione post Rediit in senatu scribitur, in eum pietate filius, consilijs parens, amore (ut erat) frater inuentus est. Idcirco sic in oratione pro Domo, Cicero scripsit: Frater meus, quum aliquantopost meum discessum ex prouincia uenisset, neque sibi uiuendum, nisi me restituto, putaret: quum eius mæror, squalor incredibilis & inauditus, omnibus mortalibus miserabilis uidebatur, quoties ex uestro ferro ac manibus est elapsus? Sed hæc, & alia, sunt à nobis etiam suprâ relata. Is igitur quum Pompeio pro fratre spondidisset, illum reuocandum curasset, & reuocatum multum sua liberalitate iuuisset, in Sardiniam Pompeij legatus, ut arbitror, loco fratris est profectus. Eum certè Pompeius in Sardinia conuenit, & ad eum Cicero multas epistolas

las in Sardinia misit. Atque hæc quidem usque ad L. Domitium & Ap. Claudium Consules facta sunt. Tunc enim, uel cerè paulo ante, Cæsaris legatus in Galliam uenit: ubi Cæsar eum (quod in epistolis ad ipsum scriptis, & ad Atticū legimus) plus quotidie dilexit, & honore, dignitate, gratia, non secus ac si Cicero fuisset imperator, tractauit. Et sanè prudenter, & fortiter, ut ipse Cæsar affirmat, in bello se gessit: quāuis esset tenuissima ualitudine, nec facile militia labores ferret. Iam Marcello, Sulpicio Consulibus, illum Cicero reuocatum ex Gallia sibi legauit: qui cum proficiscens in Arcanum suum fundum uenit, ubi cum Pomponia uxore litigauit. EGN. Qui non litigat, cælebs est. COR. Quintus quidem Cicero sæpe cum Pomponia litigabat: quæ morosa mulier uidetur fuisse. quāquam fortasse causam habuit, quòd Statium uideret à uiro nimis amari: quem etiam scribens ad Atticum, & ad ipsum Quintum fratrem Cicero, doluit manumissum, & tã gratiosum fuisse. Sed & illa difficilis fuit ita, ut Quintus Cicero uel absens eā repudiare cogitaret: idq; fortasse fecisset, nisi fuisset à Quinto filio recõciliatus, quum adhuc esset in Sicilia, ubi se præclarè gessit: & quum fra-

ter eū prouinciā præsicere uellet, assentiri noluit. Romam igitur uenienti Pomponia, ne in Arcanum quidem obuiā uenit: quod etiam Cicero ualde miratus est. Bellum ciuile secutum est, in quo fratrem secutus ille, se ad Pompeium contulit: nec ab eo Cicero potuit impetrare, ut maneret. Dicebat enim, quicquid Ciceroni placeret, id rectum se putare: Caesar tamen existimabat, eum Ciceronis profectionis lituum fuisse. Quare Cicero sic ad illū scripsit: De Quinto fratre meo non minus laboro, quam de meipso: sed eum tibi cōmendare hoc meo tempore non audeo. Illud duntaxat tamen audebo petere abs te, quod te rogo, ne quid existimes ab illo factum esse, quo minus mea in te officia constarent, minus ue te diligerem, potiusq; illum semper autorem nostræ coniunctionis fuisse, meiq; itineris comitem, non ducem. Quare cæteris in rebus ei tantum tribues, quantum humanitas tua, amicitiaq; uestra postulat. Ego ei nequid apud te obsim, id te uehementer etiam atque etiam rogo. Atque hæc ipsa Cicero faciebat, quum tunc ei Quintus frater esset inimicissimus: quippe quū de ipso ad multos multa scripsisset, & multa præsens in presentem acerbè dixisset, & fecisset: & Quintus filius

P. Terentio uolumen orationis ostendisset, quam apud Casarem contra ipsum Ciceronem esset habiturus. Nam Quintus, inquit, misit filium non solū sui deprecatorem, sed etiam accusatorem mei. Dicitat se à me apud Casarem oppugnari: quod refellit Caesar ipse, omnesq; eius amici. Neque uerò desistit, ubicunque est, omnia in me maledicta conferre. Nihil mihi unquā tam incredibile accidit, nihil in his malis tam acerbū. Qui ex ipso audissent, quum Sicyone palām multis audientibus loqueretur nefaria quadam, ad me pertulerunt. nosti genus: etiam expertus es fortasse: in me est omne conuersum. Et sanè Quintus Cicero non solum iracundus, sed maledictus etiam, & contumeliosus erat, ut in epistolis ad ipsum scriptis uidere possumus. Postea uenit, qui se Antiochia diceret apud Casarem uidisse Quintū filium cū Hircio: eos de Quinto, quae uoluissent, impetrasse nullo quidem negotio. quanquam Cornelius Nepos ita scribit: Attici quies tantopere Casari fuit grata, ut uictor, cum priuatis pecunias per epistolas imperaret, huic non solum molestus non fuerit, sed etiam sororis filium, & Quintum Ciceronem ex Pompeij castris concesserit. Domum postea Quintus frater & Ci-

cero quum redissent, sunt reconciliati: sed Quintus filius, qui iampride corruptus fuerat, in Hispaniam profectus, patrio, patri, & fratri patrueli maledicebat. quod in epistolis ad Atticum cum alyis uerbis, tum illis ostenditur: Balbus minor mecum locutus est, Hircium cum Quinto acerrimè pro me litigasse: omnibus eum locis facere, maximeq; in conuiuijs: cum multa de me, tum redire ad patrem. nihil autem habeo ἀξιότιςος dici, quàm, alienissimos nos esse à Casare: fidem nobis habendam non esse: me uerò etiam cauendum. ποβὲδὸν ἴπ, nisi uiderem scire Regem, me animi nihil habere: Ciceronem uerò meum uexari, sed id quidem arbitratus suo. Sed nec ille de matre piè scripsit: quam tunc oderat ita, ut scripserit, se domum, in qua esset illa, uidere non posse. Ea uidetur fuisse causa, quòd, dum dubitabat quam duceret, nec matri, nec auunculo satisfaciebat. Pomponiam uerò post Caesaris cadem uel amisit, uel, ut antè cogitabat, dimisit: & Aquiliam uel duxit, uel ducere cogitauit. In epistolis ad Atticum sic ceriè legimus: Scribis esse rumores, me, ad lacum quod habeo, uenditurum: minusculam uerò nullam utique Quinto traditurum, uel impèso precio, quo in-

roducatur, ut tibi Quintus filius dixerit, dotata
Aquila. Ego uerò de uenditione nihil cogito, nisi
quid, quod magis me delectet, inuenero. Quintus
autem de emendo nihil curat hoc tempore: satis e-
nim torquetur debitione dotis: in qua mirificas Q.
Egnatio gratias agit. à ducenda autem uxore sic
abhorret, ut quicquam libero lectulo neget esse iu-
cundius. Item, Quintus filius ad patrem acerbissi-
mas literas misit: quæ sunt ei redditæ, quum ue-
nissimus in Pompeianum: quarum tamen erat ca-
put, Aquiliam nouercam non esse laturum. sed
hoc tolerabile fortasse: illud uero? se ab Cesare ha-
buisse omnia, nihil à patre, reliqua sperare ab An-
tonio. O perditum hominem. Tunc enim Casaria
nos sequebatur: & ob id accusatus à patre, quod
coronatus fuisset, rescripsit, se coronam habuisse ho-
noris Caesaris causa, posuisse luctus gratia: postre-
mò se libenter uituperationem subire, quòd ama-
ret etiam mortuum Casarem. Illum Cicero M.
Antonij dextellam uocat. Consilium tamen po-
stea mutauit, ut sic ad Atticum Cicero scribens
ostendit: Staius scripsit ad me, locutum secum esse
Q. Ciceronem ualde asseueranter, se hæc ferre non
posse: certum sibi esse, ad Brutum & Cassium tran-
sire.

sire. Item: Narro tibi, Quintus pater exultat laticia. scripsit enim filius. se iccirco profugere ad Brutum uoluisse, quod quum sibi negotium daret Antonius, ut eum dictatorem efficeret, praesidium occuparet, id recusasset. Quum uero non ita multo post ex urbe exisset, ostendebat, se Fauonium, Asinium, & Catonem fore: quem Cicero plane commutatum Bruto commendauit. Ille uero paucis post diebus ad fratrem suum patruelem scripsit, se ex Nonis Decemb. ad eum Opus explicaturum. Ob id, opinor, illum postea M. Antonius edicto compellauit. quod in Philippicis ita legimus: M. Antonius Q. Ciceronem fratris mei filium compellat edicto, nec senit amens commendationem esse compellationem suam. Quid enim accidere huic adolescenti potuit optatius, quam cognosci ab hominibus, Caesaris consiliorum esse socium, Antonij furoris inimicum? At etiam gladiator ausus est scribere, hunc de patris & patruis parricidio cogitasse. O admirabilem impudentiam, audaciam, temeritatem, in eum adolescentem hac scribere aude: quem ego & frater meus, propter eius suauissimos atque optimos mores, praestantissimumque ingenium, certatim amamus: omnibus horis, oculis,

auribus complexum tenemus. Et sanè, quamuis antea fuisset impurus, ut à Cicerone dicebatur, pium tamen illum fuisse finis ostendit: siue, quod Appianus refert, petijt, ut ante patre necaretur: siue patrem, quod Dion scribit, abscondit, nec ullis unquam tormentis cogi potuit, ut illum, quem potius quàm se seruari cupiebat, indicaret. Sed pater id ipsum ferre non potuit. Quare quum se prodidisset, à Triumuiris uterq₃ fuit interfectus, & quidem eodem tempore, ut Appianus affirmat. Fuit Q. Cicero M. frater tenuissima uale tudine, ut Cæsar scribit: exiguo corpore, ut Macrobius ostendit. sed ingenio magno, qui uersus optimè scriberet, ut in epistolis ad ipsum Cicero sic testatur: De uersibus, tibi istius generis in scribēdo priores partes tribuo, quàm mihi. Item: Tu, qui omnes isto eloquendi & exprimendi genere superasti, uersus à me petis? Item: Quatuor tragædias sexdecim diebus ab soluisse quum scribas, tu quicquam ab alio mutuaris? Quum uerò tragædias scriberet, Sophoclem, quem tragicorum principem constituunt, admirabatur, eoq₃ delectabatur. Dedit etiam operam philosophiæ: quippe cui in doctrina, cui in uirtute atque humanitate percipienda plurimum à puericia

ricia studij fuit, et temporis, ut in epistolis ad ipsum legimus. Hinc in libris de Finibus Peripateticos ita laudat, ut Peripateticus fuisse uideatur: quamuis in libris de Diuinatione, Stoicè Stoicorum sententiam defendisse dicatur. Atque ille quidem multa quum scripisset, ut tragœdias, & annales: epistolas tamen aliquot tantum nos hodie, libellumq³ de Petitione Consulatus habemus. sed illas alias: hunc autem nunc operam dabimus, ut, quemadmodum polliciti sumus, quàm diligentissimè & breuissimè fieri poterit, explicemus. Neque tamen res singulas, ut interpretes, sed rerum & uerborum quasi summas, ut Quæstores, persequemur. In primis igitur occurrit uerbum, Consequi, quod in libris manuscriptis positum uidemus: ut à ueterib. ponebatur. Orbilius enim, quod Grammatici referunt, ita dixit: Hac uix ab hominibus consequi possunt. Ita Quintus etiam Cicero locutus uidetur, si libros ueteres sequimur: sin recentiores, in quibus, homines, uerbum descriptum uidemus, ille, quemadmodum alij nunc, locutus fuerit. Sic in alijs etiam libris illa uerba legimus: Ut ea quæ in te dispersa atq³ infinita uideretur esse, ratione & distributione sub uno aspectu continerentur. Quæ uerò

sit in hisce uerbis, & in alijs, quæ ponemus, dissimilitudo, cognoscet, qui uolet conferre: ne nos conferre cogamur. qui ne illa quidem, quæ de Ciceronis nouitate, Consulatu, Roma, dicendi gloria, patrocínio, rebus sepositis hoc loco dicuntur, quòd nota sint, & alibi sint dicta, conferemus. Ea potius, quæ de Demosthenis studio & exercitatione scripsit Demetrius, nunc ipsi quoque recordemur. de quibus ita Cicero libro secundo de Diuinatione refert: Multi etiam natura uitium meditatione atque exercitatione sustulerunt. ut Demosthenem scribit Phalaræus, quum Rho dicere nequiret, exercitatione fecisse, ut planissime diceret. Mitto, quæ M. Antonius in libris oratorijs, & Valerius Maximus in suis, & Plutarchus in uita Demosthenis retulerunt. Illa uerò Demetrius Phalaræus optime scire poterat: qui Demosthenem senem iuuenis audiuerat, & illum fortasse uiderat in Phalericum, ut ad fluctum declamaret, descendentem. Quintus igitur Cicero uolebat, ut frater ea quæ nocere, & impedimento esse uidebantur, studio & dicendi exercitatione superaret. Addit, eum publicanos habere, & totum fere equestrem ordinem: quòd quamuis publicani equites essent, omnes ta-

men

men equites non erant publicani. li porrò semper
Ciceronis studiosi fuerunt, ut saepe testatur. Iam
uerba quae sequuntur, Multa praeterea municipia:
sic in ueteribus libris legimus, Multa praeterea di-
uina municipia. quod posse defendi putamus. Cae-
tera quae deinceps dicuntur, clara sunt, & de no-
bilitum uoluntate, deq; Ciceronis competitorib. nos
ante diximus ita, ut penè nihil hoc loco supersit,
quod explicemus: nisi fortè libet, quod antea de
Pompeij gratia tanquam contrarium posuimus fuit,
explicare. Iurat igitur in oratione Cicero, quod scie-
bat: hic Quintus scribit, quod fortasse nesciebat,
quamuis frater esset, & id ipsum suspicaretur. Vel
Cicero populo dabat, apud quē loquebatur: hic uult
apud optimates, quod popolare uidebatur, ex-
cusari. Vel Cicero poterat, ne causā noceret, aliqua
in parte mentiri: hic debet, ad fratrem scribens,
quod prorsus uerum sit, referre. Hic item sciebat,
quod Cicero postea scribens ad Curionem, significa-
uit, adolescentes nobiles in suffragijs solere esse gra-
tiosos: iccirco fratrem monuit, ut eos teneret. sed quo
loco de P. Galba, & L. Cassio loquitur, ueremur:
ne legere oporteat: Nam P. Galbā, & L. Cassiū.
ut ratione reddat, quare plus illis nobilitas, quam

Ciceroni virtus prodesse non debeat: quòd quamuis ex amplissimis familijs, ut ait, essent nati, Consulatus tamen indigni putabantur. Nam P. Sulpicius Galba patricius, & uir sobrius & sanctus etiam fuit, ut Asconius ostendit: sed ita sine neruis, ut, quod in epistolis ad Atticum legimus, homines ei uulgo negarent. De Cassio uerò sic Asconius scribit: L. Cassium Longinum plebeium nobilem, qui iners ac stolidus tum magis, quam improbus uideretur, post paucos menses in coniuratione Catilinae esse apparuit, ac cruentissimarum sententiarum fuisse autorem. Iam Quintus Cicero C. Antonium, & L. Sergium Catilinam sicarios appellat: quòd Catilina uerè sicarius fuit, ut infra describitur, & apud Asconium reus inter sicarios post repulsam factus esse dicitur: Antonium uerò gladiatorem, & illum & Catilinam sicas Cicero, in oratione In toga candida, uocare non dubitauit. Quàm uerò essent libidinosi, paulo post ipse Quintus, ne Sallustium & Asconium nunc appellemus, ostendit: nec illorum tacet egestatem, ut indicabimus. Eorum alterius, inquit, bona proscripta uidemus: uocem deniq; audiuius iurantis se Romae iudicio aequo cum homine Graeco certare non posse:

posse: & ex senatu eiectū scimus. His C. Antoniū significat, de quo Cicero sic in oratione In toga candida scripsit: quem clientem habere potest is, qui in sua ciuitate cum peregrino negauit se iudicio a quo certare posse? Quæ quidem uerba sic Asconius interpretatur: Clientē negat habere posse C. Antoniū. nam is multos in Achaia spoliauerat, nactus de exercitu Syllano equitū turmas. Deinde Græci, quos spoliauerat, eduxerunt Antoniū in ius ad M. Lucillum prætorem, qui ius inter peregrinos dicebat. egit pro Græcis etiam cum adolescentulus, de quo paulo antè mentionē fecimus. & quū Lucillus id. quod Græci postulabant, decreuisset, appellauit Tribunos Antonius: iurauitq; se ideo iurare, quòd a quo iure uti non posset. Hunc Antoniū Gellius, & Lentulus, Censores, sexennio, quo hæc diceretur, senatu mouerūt, causasq; subscripserūt: quòd socios diripuerit, quòd iudicium recusarit, quòd propter æris alieni magnitudinē prædia manciparit, bonaq; sua in potestate non haberet. In uerbis Quinti Ciceronis, uidimus, & è senatu, libri ueteres habet. Verū uerba quæ sequuntur, his quæ retulimus, uidentur esse paulo difficiliora: Optima uerò Censorū existimatione in Prætura cōpetitorē

rem habuimus, amico Sabidio & Pathera: quod, ad tabulam quos poneret, non habebat. Quin C. Antonium, quem Gellius & Lentulus Censores, ut retulimus, senatu mouerant, significet, nemo dubitat. sed reliqua sunt dubia: an optimam Censuram existimationem ἐξῶς ἄλλως appellet: quae tabula fuerit. nam C. Antonium Ciceronis in Praetura competitorum fuisse constat: an uero Censores eo tempore de C. Antonio male existimarint, & illum de senatu eiecerint: an bona illius aestimarint, ut hoc loco legendum sit, aestimatione, ut in alijs etiam libris legitur, haud equidem possumus affirmare. Tabula quidem significari potest auctio nū, uel argentarij: ubi, quod ex oratione pro Cicina collegimus, & alibi pluribus uerbis ostendimus, ita fiebat auctio, ut licitator statim post rem sibi addictam, ab argentario precium solueret. C. igitur Antonius sic ab amicis erat inops, ut, quum bona ipsius ita uenderentur, praeter Sabidium & Patheram, terrae (quod aiunt) filios, habuerit nullos, quos ad tabulam suarum rerum custodes poneret. Quia tamen hic de competitorum loquitur, ad tabulam suffragij referendum uidetur. de qua Cicero sic in Philippicis scribit: Quod si comitia placet in sena-

senatu habere, petamus, ambiamus: modo tabula
detur nobis, sicut populo data est. De qua quidem
tabula quamvis Quintus frater, ut in libris de Le
gibus est scriptū, à Cicerone dissentiret: hic tamen,
ut mos erat, loquitur. Nos autem fuit, ut in comi
tijs rogatores, diribitores & custodes adhiberen
tur. Sic L. Piso Ciceronem comitijs, prærogatiua
primum custodem præfecit: ut in oratione Post re
ditum in senatu scribitur. Sed C. Antonius, quos
in comitijs ad tabulam poneret, non habebat. Quo
tamen in magistratu, inquit, amicā, quam palam
domi haberet, de machinis emit. Vel, ut in alijs li
bris scribitur: Quo tamen in magistratu amicam,
quam palam domi habebat, de machinis emit.
Sed cætera cum intelligi, tum defendi possunt:
quid uerò sit emere de machinis, adhuc qui sciret,
inueni neminem. Sunt qui putent, esse penè idem
quod emere de lapide. Alij malunt ad machinas
scenicas, de quibus tam multa Pollux scribit, re
ferre: ut Quintus Cicero significet, eam quam C.
Antonius emit, tibiçinā, uel mimam fuisse. Nec
desunt, qui per machinas credant significari pergu
lam, in qua res uendi solebant: ut Ulpianus libro
quinto, & nono Digestorū satis ostendit. Quin le-

nones in pergulis olim meretrices prostituiebant. Unde, quum Ballio sic apud Plautum dixisset, Cras Pœnicium Pœnicio corio inuises pergulam: Callidorus amans ita consuluit seruum, Quid mihi auctor es huic ut mittam, nē amicam hic meam prostituat? οὐκ ἔστιν, certè Græci uocant, in quibus Solon omnium primus, ut Athenæus refert, meretrices prostare uoluit. Verum nos ad illa pergamus: In petitione autem Consulatus caupones omnes hic compilare per turpissimam legationem maluit, quàm adesse, & populo Romano supplicare. hoc est, hic autē Catilina, in hac Consulatus petitione maluit diuiores mittere, & ita per turpissimam legationem caupones, & homines huiusmodi mercenarios compilare: hoc est, ut Sex. Pompeius interpretatur, cogere, quàm adesse, & populo Romano supplicare. Quum uerò libri ueteres alij aliter habeant, ita fortasse legere possemus: In petitione autem Consulatus caupones omnes hic compellare per turpissimā largitionem maluit, quàm adesse, & populo Romano supplicare. Nam Catilina multos homines infimos largitione corrumpibat. Quare quum in dies, ut ait Asconius, licentia ambitus augeretur, propter præcipuam Cat. linæ

& Antonij audaciam, censuit senatus, ut lex am-
 bius etiã cum pœna ferretur. Alter uerò, inquit,
 diu boni, quo splendore est? C. autem Antonius
 quo splendore est? Is uero, qui M. Antonij orato-
 ris esset filius, non poterat non esse magno splendo-
 re: sed an esset eadẽ nobilitate, qua Catilina, qua-
 ri potest, quum C. Antonius plebeius, L. uerò Ser-
 gius Catilina patricius esset: ut, præter alios, Asco-
 nius ostendit. qui tamen Antonium nobilem uo-
 cat, ut Sallustius Catilinam nobili genere natum
 scribit. Quinthus igitur Cicero sic ait: Primum no-
 bilitate eadem, qua Catilina: num maiore? nõ, sed
 uirtute. Quibus quidem uerbis uidetur ostendere,
 C. Antonium maiore uirtute, quàm L. Catilinã,
 fuisse: quum tamen hic eum nec laudare uelit, &
 uerbis, qua sequuntur, timidissimum describat.
 quod ad Catilinam referri non potest: cui Sallu-
 stius magnam uim & animi & corporis, ac fero-
 ciam tribuit, quem que Cicero uel audacissimum
 describit. Quare uerba illa, Sed uirtute: uel ei-
 gwvixw; dicta sunt, uel cum interrogatione sunt
 legenda: Sed uirtute? ut quærat quidem, sed po-
 stea taceat. quod intelligi facile poterat uel ex uer-
 bis, qua sequuntur ita: Quamobrem qui inanius
 um-

umbram suam metuit, hunc negliges quidem, natum in patris egestate, educatū in sororis stupris, corroboratum in caede ciuium, cuius primus ad Remp. aditus in equitibus Romanis occidendis fuit: Quae tamen uerba quum uarie scribantur, nemo, ut puto, poterit interpretari, nisi nos ea, quemadmodum Cratander propemodum descripsit, ita legamus: Quamobrem C. Antonius umbram suam metuit: hic nec leges quidem, natus in patris egestate, educatus in sororis stupris, corroboratus in caede ciuium, cuius primus ad Remp. aditus in equitibus Romanis occidendis fuit. Nam C. Antonius omnia metuebat, qui ne cum Graco quidem homine Romae iudicio certare auderet: Catilina uero ne leges quidem metuebat, qui faceret ea, quae uel hic referuntur. Hinc patria sic apud Ciceronem cum illo loquitur: Nullum iam tot annos facinus extitit, nisi per te: nullum flagitiū sine te: tibi uni multorum ciuium neces, tibi uexatio, direptioq; sociorum impunita fuit, ac libera: tu non solum ad negligendas leges & quæstiones, uerum etiam ad deuincedas, perfringēdasq; ualuidisti. Nos quidē nihil neq; de Catilinæ patris egestate, neq; de sororis stupris legimus: sed de Catilinæ ipsius egestate scriptores se-

re omnes loquuntur, & de stupris Sallustius ita scribit: Iam primum adolescens Catilina multa nefanda stupra fecerat cum uirgine nobili, cum sacerdote Vesta, & alia huiusmodi contra ius, fas' que. Unde Cicero dixit: Quæ cades per hosce annos sine Catilina facta est? quod nefarium stuprum non per illum? & sanè sororis uirum, quod infra dicitur, fortasse sustulit, ut sorore liberius abuti posset. In cade uero ciuium Catilina corroboratus esse dicitur: quod multos ciues trucidauit, ut in toga candida Cicero dixit. ubi sic Asconius interpretatur: Catilinam, quum in Syllanis partibus fuisset, crudeliter fecisse, nominatim etià postea Cicero dicit. Ut enim dicitur hoc loco, Gallis eum Sylla præfecerat: quibus ut immanibus, nec Romani nominis admodum studiosis, mandarat, ut Romanos ciues, quos oderat, interficerent. Ob id fortasse Cicero in oratione pro Sex. Roscio dixit: Quis ibi non est uulneratus ferro Phrygio? nam Galli quum populi sunt, tum sacerdotes etiam Cybeles, & quidem Phrygii dicuntur. li, quod hic dicitur, Titiniorum ac Vaniorum, ac Tanusiorum (uel, ut in alijs libris legitur, Titiniorum ac Nanniorum, ac Thamisorum) capita demebant. Nos quidem in oratione pro Cluen

tio Cn. Titinium inter equites, & in epistolis ad Atticum Caluum nescio quem ex Nanneianis inter iudices numerari uidemus: sed de Tanusis, siue Thamisis nihil scriptum uidimus. nisi forte libet legere, Tantaſiorū: quum scribat Afconius, à Catilina M. Volumniū & L. Tantaſium necatos fuiſſe. quo loco nominat etiam Q. Ceciliū, quem nos hic Catilinae ſororis uirum putamus appellari: quamuis in alijs libris, Q. Cauciliū, in alijs Q. Catiliū ſcribi uideamus. Quae uerò de M. Marij nece dicuntur, ea nos in Bruto multis uerbis explicauimus. Quare nunc addendum nihil putamus, niſi nobis uideri, poetam, quum Priami finem deſcriberet, huc reſpexiſſe. Quintus igitur Cicero uult argumentari, Catilinam, qui tot ſcelera commiſerit, & populum tam grauiter offenderit, facile ſuperari poſſe. Quòd autem dicit, Virgis per totam urbem ceciderit: libri plures habent, Uiribus per totam urbem ceciderit. Et ſanè tum, quum Catilina nodum magiſtratus eſſet adeptus, & in bello ciuili uerſaretur, uiribus potius quàm uirgis uſus uideri debet. Ad buſtum uerò Q. Catuli traxit, ut Seneca & Oroſius oſtendunt: qui de re tali plura ſcripſerunt, quàm ut huc tranſfe-

ren-

renda uideatur: quū præsertim nos singula uerba
 nolimus interpretari, quæ quiuis per se possit inter
 pretari. Nam præter alios Cicero et Sallustius ita
 Catilina mores descripserunt, ut omnes intelligere
 possint etiam quod sequitur, Catilinā cum histrio-
 nib. & cum gladiatorib. uixisse: ut recte Porcius
 Latro Catilina molliciem scenicā & mentem gla-
 diatoriā uocet. Sed illa uerba uideamus: Qui nul-
 lum in locum tam sanctum ac tam religiosum ac-
 cessit, in quo non, & si in alijs culpa non esset, ta-
 men ex sua nequitia dedecoris suspiciōne relinque-
 ret. His illa, quæ Cicero dixit in toga candida, re-
 spondet: Ita uixisti, ut nō esset locus iā sanctus, quō
 non aduētus tuus, etiā quū culpa nulla subesset, cri-
 mē afferret. Quæ quidē uerba sic Asconius inter-
 pretatur: Fabia uirgo Vestalis causam incesti dixe-
 rat, quū ei Catilina obijceretur. eratq; absolutā hęc
 Fabia, quia soror erat Terētiæ Ciceronis. Ideo sic di-
 xit: Etiā si culpa nulla subesset. Ita et suis pepercit,
 & nihilo leuius inimico summi opprobrii turpitu-
 dinē obiecit. quā rē Plutarchus et Orosius etiā scri-
 bunt. Ex curia Curios, inq̃t, & Annios: hoc est, se-
 natorij ordinis cū alios, tū Q. Curium, et Q. Annium
 amicissimos, ut apud Sallustium legimus, coparauit.

Quod uerò addit, *Ab atrijs Sapalas*: nos quidem atria, quæ Cicero in oratione pro P. Quinto, *Licina* uocat, significari putamus: sed de *Sapalis* dubitamus, quum de his nihil adhuc scriptum uiderimus: et ita libri ueteres habeant, *Ab atrijs exsistralas*. *Caruilios* autem *Romæ* fuisse, cum ueterum monumenta, tum *Plinius* ostendit: & *Suetonius* in *Grammaticis*, *M. Pompilium* nominat. quos tamen hic *Q. Cicero* per *Pompilios* & *Cneios* significet, ignoramus: nisi forte *Popilios* & *Uectios*, ut etiam scribitur, legere uelimus: ut aliquem *Popilium Lanatem*, & *L. Uectium*, qui postea fuit index, significet. Quæ præterea *Q. Cicero* de *Catilinæ* audacia, nequitia, libidine, efficacitate & stupris refert, exponeremus, nisi *Cicero*, *Sallustius*, *Porcius Latro*, & alij scriptores explicaret. Quin ea quæ paulo post de *Africa*, & de testium dictis *Q. Cicero* ponit, sic illa *Ciceronis* & *Asconij* uerbis explicantur: *Catilina* ex *Prætura* *Africam* provinciam obtinuit, quam quum grauius uexasset, legati *Afri* in senatu, iam tum absente illo questii sunt, multaq; graues sententiae in senatu de eo dictæ sunt. In iudicijs quanta uis esset, didicit, quum est absolutus, si aut illud iudicium, aut illa absolu-

tio nominanda est. Ante annum, quàm hac dice-
 rentur, Catilina, quum redisset ex Africa, Tor-
 quato & Costa Consulibus accusatus est repetun-
 darum à P. Clodio adolescente. Item: Quid ego, ut
 uiolaueris prouinciã prædicem? nam, ut te illic
 gesseris, non audeo dicere, quoniam absolutus es:
 mentitos esse equites Romanos, falsas fuisse tabel-
 las honestissimæ ciuitatis existimo. mentitum Q.
 Metellum Pium, mentitam Africam. Vidisse
 puto nescio quid illos iudices, qui te innocentem iu-
 dicarunt. Item: Iudicium quoque secutum, à quo
 ipse per infamiam liberatus est Catilina: sed ita, ut
 senatorum urna damnaret, equitum & Tribuno-
 rum absolueret. Hac ipsa certè testium dicta, qui-
 bus Catilina fuerat in iudicio notatus: ea si Cicero
 saepe legeret, Q. Cicero sperabat fore, ut is hominẽ,
 qui tam turpis esset, & indignus Consulatu, com-
 petitorem minus timeret. Itaque nunc hortatur
 eum, ut ea sæpius legat. Deinde probat, eum non
 esse timendum: qui sic egens è iudicio discessit, ut in
 petitione largitione uti non possit: sic infamis, ut a-
 liud in eum iudicium quotidie flagitetur. Contrà
 docet, Ciceroni fortunam petitionis esse meliorem,
 quàm C. Cælio fuit: qui nouus homo & ipse quum

esset, cū duobus hominib. nobilissimis & optimis
Consulatū petiuit: quū Cicero cum hominib. quidē
nobilib. sed improbis peteret. De C. Celio porro nos
in Bruto diximus. sed quī nā fuerint illi duo, qui-
buscū C. Celius Consulatū petiuit, nec inuenire po-
tuimus: nec intelligere, quare Q. Cicero dicat hoc lo-
co, Quū deesset alter. quanquā liber etiā uetus ha-
bet, cū diceret alter. In quo quidem libro illa uerba
sic etiā legūtur: Quis enim reperiri tā improbus ci-
uis potest, qui uelit uno suffragio duas in Rep. sicas
distringere? Et sanē sic etiā apud Asconiiū legitur:
Qui posteaquā illo, ut conati erāt, Hispaniensi pu-
ginculo neruos incidere ciuiū Romanorū non po-
tuerūt, duas uno tēpore conantur in Rep. sicas di-
stringere. Per sicas autem L. Catilinā, & C. An-
tonium significat: qui Consules facti, in Rep. sicæ
fuiſſent. Illa uerba, Nemo est qui te non dignū ar-
bitretur: in ueteri libro sic etiam leguntur, Nemo
est quin te dignum arbitretur. Iam multos eo tem-
pore Ciceroni inuidisse, quum suprā de petitione lo-
queremur, ostendimus. Quòd uerò Q. Cicero dicit,
multos ab honoribus nouis alienatos: interpretari
soleo, ab hominibus nouis, quibus honores daren-
tur. Quòd autē Cicero multos agendis causis offen-
disset,

disset, etiā Dion ostēdit. Quin in Prætura quum
se ad Cn. Pompeij gloriā augēdam dedisset, multos,
ut antē diximus, offenderat. ut illa uerba: Num
quos tibi putes ob eam causam esse amicos? sic in-
terpretari debeamus, ut ostendat, aliquos non esse
amicos: præsertim quum loquatur de his, quos ue-
risimile sit aduersaturos esse. Quosdam nobiles igitur
offenderat, sed urbanam multitudinem sibi
conciliarat, ut infrā demonstratur. Illud parui qui-
dem momenti est, sed tamen dicendum, in alijs li-
bris legi, causa iustiore: ubi nunc legitur, causa ho-
nestiore. item, Quisque amplissimū esse te cupiat:
& quisque fidelissimus esse te cupiat. ubi uulgo le-
gitur, Quiq; fidelissimum esse te cupiat. Paulo post
autem seruitus pro seruis ponitur: nisi, ut in alijs li-
bris, serui tui, non, seruitus, legatur. Illa uerba,
Deinde instituedi sunt cuiusq; generis amici ad spe-
ciem hominis illustris honore ac nomine, qui etiā si
suffragandi studia non nauāt, tamen afferūt petitori
aliquid dignitatis ad iustitiā obtinendā: sic etiā le-
guntur, Deinde instituedi sunt cuiusq; generis amici
ad spem nominis illustris honore ac nomine, qui e-
tiam si suffragandi studia non iuuāt, tamen afferūt
petitioni aliquid dignitatis ad iustitiā obtinen-

dam. leges etiam pro nauant, siue iuuant, moueāt,
uel nouerint. Sed ad iustitiam obtinendam, oportet, ut opinor, interpretari: ad id, quod iustum est, obtinendum. Verba uero, quae statim sequuntur, sic scripta uidimus: Tribunos plebis ad conficiendū centurias homines excellenti gratia, qui abs te Tribuniitiam, aut centuriam, aut aliquod beneficium aut haberent, aut non habeant, sperent, eos prorsus magnopere compara & confirma. Sed & haec uerba perturbata, & illa parum latine dicta uidentur: Hos tu homines quibuscunque rationibus poteris, ut ex animo, atque ut ex illa summa uoluntate tui studiosi sint, laborato. Neque enim dicere solemus, Laboro te, ut mihi sis amicus: nec item, omni studio atque opere laboro. Quare paulo ante opera, & hic, hi homines, legendū uidetur: & paulo post, parata esse confido. De orationibus autem, quibus Cicero M. Fundanium, Q. Gallium, C. Corneliū, & L. Coruiniū defendit, suprà diximus ita, ut nihil hoc loco sit referendum, nisi, C. Corneliū, non autem, Cn. Corneliū, esse scribendum. Sunt etiam libri, in quibus, referendae gratiae, non restituendae gratiae: ad studium nauandum, non ad studium seruandum: maximè munita est, non

maximè initiata est, aut maximè nunciata est, legamus: quos etiam libentius sequimur. Idem fortasse dici possit de libris, qui, in suis uicinitatibus, pro in suis ciuitatib. paulo post habet: quod ex oratione pro Cn. Plancio facile probari potest. Quòd autem C. Antonius, ut infrà dicitur, per se suo nomine ciues appellare non posset, id uidetur causæ fuisse, quòd absuisset: uel quum multos in Achaia spoliauit, & postea iudicium recusauit. Unde Cicero in toga cādida dixit: Quem clientem habere is potest, qui in sua ciuitate cum peregrino negauit, se iudicio æquo certare posse? quod etiam suprà retulimus. Qui uerò diutius absuissent, ij ciues neq. nosse, neque suo nomine sine nomenclatore poterant appellare: quod de Scipione legimus. sed illi proderat illa, quam nunc Q. Cicero commendat, eximia gloria, & dignitas, ac rerum gestarū magnitudo: quæ non erat in C. Antonio, qui sic esset iners, sine officio, sine ingenio, cum infamia, nullis amicis septus, ut Ciceronem hominem plurimorū studio, atque omnium bona existimatione munitum, sine magna culpa negligētiæ ipsius Ciceronis præcurrere non posset. Et ita Q. Cicero fratrem monet, ut diligentiam adhibeat: & curet, ut om-

nes centurias multis & uarijs amicitijs confirma-
tas habeat. Post hoc autem in ueteri libro sic illa
uerba legimus: Et primum id quod ante oculos si-
tum est, senatores, equitesq; Romanos, ceterorum
nominum uarios homines & generosos complecte-
re. & paulo post illa: Summo beneficio te affici o-
stendito. & illa paulo post: Postea totam Italiam
fac ut in animo & memoria tributim descriptā,
comprehensamq; habeas. & illa: Homines municipi-
pales ac rustici, si nomine tantum noti sunt, in
amicitia se esse arbitrantur. Hosce Cicero norat, ut
suprà nos ex Plutarcho uertimus. Iccirco Quintus
hic ait: Tu & nosti, & cognosces, sine queis amici-
tia esse non potest. in quibus quidem uerbis fortasse
scribi debet, Sine quo: ut sit, sine qua cognitione.
nam talis amicitia non potest esse, nisi cognoscantur
illi, quos habere amicos uelis. Quod si dicas, Si-
ne queis hominibus municipalibus & rusticis:
erit absurdū. posses interpretari, Sine queis, notio-
ne et cognitione: ut illa duo uerba, Nosti & cogno-
sces, referantur. Iam, Quintus ait, equitum centu-
ria multo facilius mihi diligētia posse teneri uiden-
tur. Equites enim primi uocabantur, ut Liuius
docet. Verūm, si quis uerba Q. Ciceronis ut descri-
pta

pta sunt, uolet interpretari, uidebit, ab equitib. e-
questrem ordinem separari: nisi legat, ut nos in ue-
teri libro scriptum uidimus, Primum cognoscendi
sunt equites, deinde adipiscendi. multo enim faci-
lius illa adolescentulorum ad amicitiam aetas ad-
iungitur. Deinde habebis tecum ex iuuentute opti-
mum quemq; & studiosissimū humanitatis. tum,
quod equester ordo tuus est, sequentur illi autori-
tatem ordinis, si abs te adhibebitur ea diligentia,
ut non ordinis illius auctoritatē solum uolūtate, sed
etiam singulorū amicitijs eas cēturias confirmatas
habeas. Oportet igitur, ut alijs uerbis interprete-
mur, primum ut equites cognoscas, deinde cōcilies.
quod facile facies: quū equites maiore partē sint a-
dolescētes, & adolescentulorū aetas facilius ad amici-
tiam adiūgatur. Deinde habebis tecū ex iuuetute
optimū quemq; & studiosissimū humanitatis. Sic
Cicero postea, quū Mīlo Consulatū peteret, C. Cu-
rionē habere uoluit. Equites autē adolescentiores,
& reliqui adolescentes, ut partes totū, sequētur or-
dinem equestre, qui tuus est: quia natū te scit eque-
stri loco, et tuos copeitores, praesertim Catilinā, qui
temporib. Syllanis, ut in ioga cādida dixisti, ipsum
ordinem trucidauit, odit. Sequētur inquā, si cura
bis,

bis, ut non ordinis illius auctoritatem solum uolun-
 tate confirmatam, sed etiam singulorum amicitijs
 eas centurias confirmatas habeas: Quòd impensa
 nulla, quod infra dicitur, per Ciceronem alij rem
 honestam, alij salutem ac fortunas omnes obtine-
 rent, iam supra demonstratum est. Quòd uerò di-
 cit, Non est huius temporis perpetua illa de hoc ge-
 nere disputatio, quibus rebus beneuolus & simu-
 lator dyjudicari possit: eam disputationem Plutar-
 chus in eo libro, qui inscribitur, πῶς ἂν τις δια-
 κρίνῃ τὸν καλὸν καὶ τὸν φιλῶν, postea tractauit.
 & nos illud, quod postea sequitur, ἐπιχαρμῆιον
 illud teneto, neruos atque artus esse sapientia non
 temerè credere: in epistolis ad Atticum explica-
 uimus, ubi sic scribitur: Crebrò mihi uaser ille Sici-
 lus insuurrat Epicharmus, cantilenam illā suam:
 οὐκ ἔστιν, οὐκ ἔστιν μέννασο ἀπιστεῖν, ἀρετὰ τὰ ὑπὸ τῶν
 φρενῶν. Illa uerba quæ postea sequuntur, in uete-
 ri libro sic etiā scripta legimus: Qui sine causa non
 amanti, eos aut beneficio, aut spe, aut significando
 tuo erga illos studio, dato operam, ut de illa animi
 prauitate deducas. & illa: Nam comitas tibi non
 deest ea, quæ bono ac suauis homine digna est. Quā-
 ta porrò fuerit in Cicerone comitas, non semel antè
 de-

demonstratum est. Item, nusquam discedere, pro
nusquam deesse. Illorum uerò uerborum (Non com-
mittere, ut quisquam possit dicere, quod eius sit,
consequi possis, si abs te non sit rogatum, & ualde
ac diligenter rogatum) ea uidetur esse sententia:
non comittere, ut quisquam possit ita dicere: quod
meum est, consequi potuisses, si ualde ac diligenter
rogaßes: & tum dicere possit, quum tu non roga-
ris. Id est enim, si abs te non sit rogatū: quod quasi
¶ πρεβέσσω scribi potuit. Ea uerò quæ de be-
nignitate, quæ sit in re familiari, uel in opera, di-
cuntur hoc loco, latius in libris de Officijs explican-
tur. cetera quæ sequuntur, tam patent, quàm diu-
turni atq; nocturni aditus patebant ad Ciceronē,
quem supra facilem fuisse demonstrauius. Ut au-
tem Cicero negaret, ex libro octauo ad Atticum
cognosci potest. Quum paulo post in alijs libris, Tibi
homini planè perito: in alijs, Tibi homini Platoni-
co, scriptum uideamus. arbitramur, utrunq; posse
defendi: quū Cicero fuerit homo peritus, & Plato-
nicus: nec facile sit, uiris peritis & Platonicijs, ut
mentiantur, persuadere. Qui uolunt Platonem,
qui ueritatis, ut qui maximè, studiosus fuit, imita-
ri, ut Cicero semper est imitatus: ij certè non facile
pote-

poterunt induci, ut mentiantur. quod hic Q. Cicero faciendum petitorib. ostendit: & C. Cottam, de quo nos in Bruto diximus, imitandum proponit. Illa uerba sic etiam leguntur, Ideoq; se negare nemini: quod saepe accideret causa, cur is, cui pollicitus esset, non uteretur: saepe, ut ipse magis esset uacuus, quàm putasset. & illa: Sin autem id neges, & certe ab alienes & statim, & plures. Plures enim multo sunt, qui rogant, ut uti liceat opera aliterius, quàm qui utantur. Illa uerò nos ita legimus: Praesertim cum multo magis irascatur ijs qui negent, quàm ei quem uideant ea causa impeditum, ut facere, quod promissit, cupiat, si ullo modo possit. Post hac ad suam distributionem redit, & ante quàm faciat epilogum, de rumore loquitur. de quo Cicero sic in oratione pro Mtilone scribit: Tempore comitiorum (scio enim, quàm timida sit ambitio, quantaq;, & quàm sollicita cupiditas Consulatus) omnia non modo quae reprehendi palàm, sed etiam obscurè cogitari possunt, timemus: rumorem, fabulam fictam, falsam perhorrescimus. ora omnium, atq; oculos intuemur. In epilogo, quem postea Q. Cicero facit, sic ex libro ueteri legimus: Bene loqui, aestimare, domus ut multa nocte cõpleatur: ut aestimare

mare ponatur pro spectare, & quasi curare. Sed illa uerba referamus: iam urbanā multitudinem, & eorum studia, qui conciones tenent, quae adeptus es in Pompeio ornando, in Manilij causare, cipiēda, Cornelio defendendo, exciūda nobis sunt. In hisce uerbis nos aliquid desideramus, nisi, urbana illa multitudo, legatur: uel dicamus Q. Ciceronē sic, ut antè diximus, nō satis latinē locutum fuisse. Nam quòd Cicero Pompeium ornarit, oratio quae nunc extat ostendit: & quòd Cornelium defendērit, nos etiam suprā demonstrauimus: sed de causa Manilij recepta dubitari potest. quanquā multi putant, eadem oratione Ciceronem Pompeij laudes, & Manilij causam esse complexū: ut ob id oratio pro lege Manilia, siue de Cn. Pompeij laudibus inscribatur: sed nihil erat, cur hoc loco Q. Cicero separaret, si uoluisset eandē orationē significare. et ipse in oratione quā pro C. Cornelio dixit, C. Maniliū in iudiciū uocatū, & à se defensum, uerbis quae nūc apud Asconium leguntur, ostendit: Petiuit à me Praetore maxima cōtestatione, ut causam Manilij defendere. Et Asconius paulo post ita interpretatur: Dicit de disturbato iudicio Maniliano, nos hac de re suprā diximus. Cetera, quae deinceps in
hoc

tio Cn. Titinium inter equites, & in epistolis ad Atticum Caluum nescio quem ex Nanneianis inter iudices numerari uidemus: sed de Tansis, siue Thamisiis nihil scriptum uidimus. nisi forte libet legere, Tansiorū: quum scribat Asconius, à Catilina M. Volumniū & L. Tansium necatos fuisse. quo loco nominat etiam Q. Ceciliū, quem nos hic Catilina sororis uirum putamus appellari: quamuis in alijs libris, Q. Cauciliū, in alijs Q. Catiliū scribi uideamus. Quae uerò de M. Marij nece dicuntur, ea nos in Bruto multis uerbis explicauimus. Quare nunc addendum nihil putamus, nisi nobis uideri, poetam, quum Priami finem describeret, huc respexisse. Quintus igitur Cicero uult argumentari, Catilinam, qui tot scelera commiserit, & populum tam grauitè offenderit, facile superari posse. Quod autem dicit, Virgis per totam urbem ceciderit: libri plures habent, Vitibus per totam urbem ceciderit. Et sanè tum, quum Catilina nōdum magistratus esset adeptus, & in bello ciuili uersaretur, uitibus potius quàm uirgis usus uideri debet. Ad bustum uerò Q. Catuli traxit, ut Seneca & Crotius ostendunt: qui de re tali plura scripserunt, quàm ut huc transfe-
ren-

renda uideatur: quū praesertim nos singula uerba
 nolimus interpretari, quæ quiuis per se possit inter-
 pretari. Nam praeter alios Cicero et Sallustius ita
 Catilinæ mores descripserunt, ut omnes intelligere
 possint etiam quod sequitur, Catilinā cum histrio-
 nib. & cum gladiatorib. uixisse: ut recte Porcius
 Latro Catilinæ molliciem scenicā & mentem gla-
 diatoriā uocet. Sed illa uerba uideamus: Qui nul-
 lum in locum tam sanctum ac tam religiosum ac-
 cessit, in quo non, & si in alijs culpa non esset, ta-
 men ex sua nequitia dedecoris suspiciōe relinque-
 ret. His illa, quæ Cicero dixit in toga candida, re-
 spondet: Ita uixisti, ut nō esset locus tā sanctus, quō
 non aduētus tuus, etiā quū culpa nulla subesset, cri-
 mē afferret. Quæ quidē uerba sic Asconius inter-
 pretatur: Fabia uirgo Vestalis causam incesti dixe-
 rat, quū ei Catilina obijceretur. eratq; absoluta hac
 Fabia, quia soror erat Terētiæ Ciceronis. Ideo sic di-
 xit: Etiā si culpa nulla subesset. Ita et suis pepercit,
 & nihilo leuius inimico summi opprobrii turpitu-
 dinē obiecit. quā rē Plutarchus et Orosius etiā scri-
 bunt. Ex curia Curios, inqt, & Annios: hoc est, se-
 natorij ordinis cū alios, tū Q. Curium, et Q. Annium
 amicissimos, ut apud Sallustium legimus, comparauit.

Quòd uerò addit, *Ab atrijs Sapalas*: nos quidem atria, quæ Cicero in oratione pro P. Quinto, *Licina* uocat, significari putamus: sed de *Sapalis* dubitamus, quum de his nihil adhuc scriptum uiderimus: et ita libri ueteres habeant, *Ab atrijs exsistra palas*. *Caruilios* autem *Roma* fuisse, cum ueterum monumenta, tum *Plinius* ostendit: & *Suetonius* in *Grammaticis*, *M. Pompilius* nominat. quos tamen hic *Q. Cicero* per *Pompilios* & *Cneios* significet, ignoramus: nisi fortè *Popilios* & *Uectios*, ut etiam scribitur, legere uelimus: ut aliquem *Popilium Lenatem*, & *L. Uectium*, qui postea fuit index, significet. Quæ præterea *Q. Cicero* de *Catiline* audacia, nequitia, libidine, efficacitate & stupris refert, exponeremus, nisi *Cicero*, *Sallustius*, *Porcius Latro*, & alij scriptores explicarēt. Quin ea quæ paulo post de *Africa*, & de testium dictis *Q. Cicero* ponit, sic illa *Ciceronis* & *Asconij* uerbis explicantur: *Catilina* ex *Pratura* *Africam* provinciam obtinuit, quam quum grauiter uexasset, legati *Afri* in senatu, iam tum absente illo questi sunt, multæq; graves sententiæ in senatu de eo dictæ sunt. In iudicijs quanta uis esset, didicit, quum est absolutus, si aut illud iudicium, aut illa absolu-

tio nominanda est. Ante annum, quàm hac dice-
 rentur, Catilina, quum redisset ex Africa, Tor-
 quato & Cotta Consulibus accusatus est repetun-
 darum à P. Clodio adolescente. Item: Quid ego, ut
 uiolaueris prouinciam. pradicem? nam, ut te illic
 gesseris, non audeo dicere, quoniam absolutus es:
 mentitos esse equites Romanos, falsas fuisse tabel-
 las honestissimæ ciuitatis existimo. mentitum Q.
 Metellum Pium, mentitam Africam. Uidisse
 puto nescio quid illos iudices, qui te innocentem iu-
 dicarunt. Item: ludicium quoque secutum, à quo
 ipse per infamiam liberatus est Catilina: sed ita, ut
 senatorum urna damnaret, equitum & Tribuno-
 rum absolueret. Hac ipsa certe testium dicta, qui-
 bus Catilina fuerat in iudicio notatus: ea si Cicero
 saepe legeret, Q. Cicero sperabat fore, ut is hominẽ,
 qui tam turpis esset, & indignus Consulatu, com-
 petitorem minus timeret. Itaque nunc hortatur
 eum, ut ea saepius legat. Deinde probat, eum non
 esse timendum: qui sic egens è iudicio discessit, ut in
 petitione largitione uti non possit: sic infamis, ut a-
 liud in eum iudicium quotidie flagietur. Contrà
 docet, Ciceroni fortunam petitionis esse meliorem,
 quàm C. Calio fuit: qui nouus homo & ipse quum
 K 3 esset,

esset, cū duobus hominib. nobilissimis & optimis
Consulatū petiuit: quū Cicero cum hominib. quidē
nobilib. sed improbis peteret. De C. Calio porro nos
in Bruto diximus. sed quī nā fuerint illi duo, qui-
buscū C. Calius Consulatū petiuit, nec inuenire po-
tuimus: nec intelligere, quare Q. Cicero dicat hoc lo-
co, Quū deesset alter. quanquā liber etiā uetus ha-
bet, cū diceret alter. In quo quidem libro illa uerba
sic etiā legūtur: Quis enim reperiri tā improbus ci-
uis potest, qui uelit uno suffragio duas in Rep. sicas
distringere? Et sanē sic etiā apud Asconiiū legitur:
Qui posteaquā illo, ut conati erāt, Hispaniensi pu-
ginculo neruos incidere ciuiū Romanorū non po-
tuerūt, duas uno tēpore conantur in Rep. sicas di-
stringere. Per sicas autem L. Catilinā, & C. An-
tonium significat: qui Consules facti, in Rep. sicæ
fuisent. Illa uerba, Nemo est qui te non dignū ar-
bitretur: in ueteri libro sic etiam leguntur, Nemo
est quin te dignum arbitretur. Iam multos eo tē-
pore Ciceroni inuidisse, quum suprā de petitione lo-
queremur, ostendimus. Quòd uerò Q. Cicero dicit,
multos ab honoribus nouis alienatos: interpretari
soleo, ab hominibus nouis, quibus honores daren-
tur. Quòd autē Cicero multos agendis causis offen-
disset,

disset, etiã Dion ostēdit. Quin in Prætura quum
se ad Cn. Pompeij gloriã augēdam dedisset, multos,
ut antè diximus, offenderat. ut illa uerba: Num
quos tibi putes ob eam causam esse amicos? sic in-
terpretari debeamus, ut ostendat, aliquos non esse
amicos: præsertim quum loquatur de his, quos ue-
risimile sit aduersaturos esse. Quosdam nobiles igitur
offenderat, sed urbanam multitudinem sibi
conciliarat, ut infrà demonstratur. Illud parui qui-
dem momenti est, sed tamen dicendum, in alijs li-
bris legi, causa iustiore: ubi nunc legitur, causa ho-
nestiore. item, Quisque amplissimū esse te cupiat:
& quisque fidelissimus esse te cupiat. ubi uulgo le-
gitur, Quiq; fidelissimum esse te cupiat. Paulo post
autem seruitus pro seruis ponitur: nisi, ut in alijs li-
bris, serui tui, non, seruitus, legatur. Illa uerba,
Deinde instituedi sunt cuiusq; generis amici ad spe-
ciem hominis illustris honore ac nomine, qui etiã si
suffragandi studia non nauāt, tamen afferūt petitori
aliquid dignitatis ad iustitiã obtinendã: sic etiã le-
guntur, Deinde instituedi sunt cuiusq; generis amici
ad spem nominis illustris honore ac nomine, qui e-
tiam si suffragandi studia non iuuāt, tamen afferūt
petitioni aliquid dignitatis ad iustitiã obtinen-
dam.

dam. leges etiam pro nauant, siue iuuant, moueāt,
uel nouerint. Sed ad iustitiam obtinendam, oportet, ut opinor, interpretari: ad id, quod iustum est, obtinendum. Verba uerò, quæ statim sequuntur, sic scripta uidimus: Tribunos plebis ad conficiendū centurias homines excellenti gratia, qui abs te Tribunitiam, aut centuriam, aut aliquod beneficium aut haberent, aut non habeant, sperent, eos prorsus magnopere compara & confirma. Sed & hæc uerba perturbata, & illa parum latine dicta uidentur: Hos tu homines quibuscunque rationibus poteris, ut ex animo, atque ut ex illa summa uoluntate tui studiosi sint, laborato. Neque enim dicere solemus, Laboro te, ut mihi sis amicus: nec item, omni studio atque opere laboro. Quare paulo ante opera, & hic, hi homines, legendū uidetur: & paulo post, parata esse confido. De orationibus autem, quibus Cicero M. Fundanium, Q. Gallium, C. Cornelium, & L. Corninium defendit, suprà diximus ita, ut nihil hoc loco sit referendum, nisi, C. Corneliū, non autem, Cn: Cornelium, esse scribendum. Sunt etiam libri, in quibus, referendæ gratiæ, non restituendæ gratiæ: ad studium nauandum, non ad studium seruandum: maximè munita est, non

ma-

maximè initiata est, aut maximè nunciata est, legamus: quos etiam libentius sequimur. Idem fortasse dici possit de libris, qui, in suis uicinitatibus, pro in suis ciuitatib. paulo post habet: quod ex oratione pro Cn. Plancio facile probari potest. Quòd autem C. Antonius, ut infrà dicitur, per se suo nomine ciues appellare non posset, id uidetur causæ fuisse, quòd absuisset: uel quum multos in Achaia spoliauit, & postea iudicium recusauit. Unde Cicero in toga cādida dixit: Quem clientem habere is potest, qui in sua ciuitate cum peregrino negauit, se iudicio æquo certare posse? quod etiam suprà retulimus. Qui uerò diutius absuissent, ij ciues neq. nosse, neque suo nomine sine nomenclatore poterant appellare: quod de Scipione legimus. sed illi proderat illa, quam nunc Q. Cicero commendat, eximia gloria, & dignitas, ac rerum gestarū magnitudo: quæ non erat in C. Antonio, qui sic esset iners, sine officio, sine ingenio, cum infamia, nullis amicis septus, ut Ciceronem hominem plurimorū studio, atque omnium bona existimatione munitum, sine magna culpa negligētiā ipsius Ciceronis præcurrere non posset. Et ita Q. Cicero fratrem monet, ut diligentiam adhibeat: & curet, ut om-

nes centurias multis & uarijs amicitijs confirma-
tas habeat. Post hoc autem in ueteri libro sic illa
uerba legimus: Et primum id quod ante oculos si-
tum est, senatores, equitesq; Romanos, caterorum
nominum uarios homines & generosos complecte-
re. & paulo post illa: Summo beneficio te affici o-
stendito. & illa paulo post: Postea totam Italiam
fac ut in animo & memoria tributim descriptā,
comprehensamq; habeas. & illa: Homines munici-
pales ac rusticani, si nomine tantum noti sunt, in
amicitia se esse arbitrantur. Hosce Cicero norat, ut
suprà nos ex Plutarcho uertimus. Iccirco Quintus
hic ait: Tu & nosti, & cognosces, sine queis amici-
tia esse non potest. in quibus quidem uerbis fortasse
scribi debet, Sine quo: ut sit, sine qua cognitione.
nam talis amicitia non potest esse, nisi cognoscan-
tur illi, quos habere amicos uelis. Quod si dicas, Si-
ne queis hominibus municipalibus & rusticanis:
erit absurdū. posses interpretari, Sine queis, notio-
ne et cognitione: ut illa duo uerba, Nosti & cogno-
sces, referantur. Iam, Quintus ait, equitum centu-
ria multo facilius mihi diligentia posse teneri uiden-
tur. Equites enim primi uocabantur, ut Liuius
docet. Verū, si quis uerba Q. Ciceronis ut descri-
pta

pta sunt, uolet interpretari, uidebit, ab equitib. e-
questrem ordinem separari: nisi legat, ut nos in ue-
teri libro scriptum uidimus, Primum cognoscendi
sunt equites, deinde adipiscendi. multo enim faci-
lius illa adolescentulorum ad amicitiam aetas ad-
iungitur. Deinde habebis tecum ex iuuentute opti-
mum quenq, & studiosissimū humanitatis. tum,
quod equester ordo tuus est, sequentur illi autori-
tatem ordinis, si abs te adhibebitur ea diligentia,
ut non ordinis illius auctoritatē solum uolūtate, sed
etiam singulorū amicitijs eas cēturias confirmatas
habeas. Oportet igitur, ut alijs uerbis interprete-
mur, primum ut equites cognoscas, deinde cōcilies.
quod facile facies: quū equites maiore partē sint a-
dolescētes, & adolescētulorū aetas facilius ad amici-
tiam adiūgatur. Deinde habebis tecū ex iuuetute
optimū quenq, & studiosissimū humanitatis. Sic
Cicero postea, quū Mtilo Consulātū peteret, C. Cu-
rionē habere uoluit. Equites autē adolescentiores,
& reliqui adolescentes, ut partes totū, sequētur or-
dinem equestre, qui tuus est: quia natū te scit eque-
stri loco, et tuos copetitores, praesertim Catilinā, qui
temporib. Syllanis, ut in toga cādida dixisti, ipsum
ordinem trucidauit, odit. Sequētur inquā, si cura
bis,

bis, ut non ordinis illius auctoritatem solum uolun-
 tate confirmatam, sed etiam singulorum amicitijs
 eas centurias confirmatas habeas. Quòd impensa
 nulla, quod infrà dicitur, per Ciceronem alij rem
 honestam, alij salutem ac fortunas omnes obtine-
 rent, iam suprà demonstratum est. Quòd uerò di-
 cit, Non est huius temporis perpetua illa de hoc ge-
 nere disputatio, quibus rebus beneuolus & simu-
 lator dyudicari possit: eam disputationem Plutar-
 chus in eo libro, qui inscribitur, πῶς ἂν τις δια-
 κρίνῃ τὸν καλὰ καὶ τὸ φιλῶ, postea tractauit.
 & nos illud, quod postea sequitur, ἐπιχαρμῆιον
 illud teneto, neruos atque artus esse sapientiæ non
 temerè credere: in epistolis ad Atticum explica-
 uimus, ubi sic scribitur: Crebrò mihi uaser ille Sici-
 lus insusurrat Epicharmus, cantilenam illà suam:
 ὕψι, καὶ μέμνασο ἀπιστεῖν, ἄρθεα τὰ ὑπὲρ τῶν
 φρενῶν. Illa uerba quæ postea sequuntur, in uete-
 ri libro sic etià scripta legimus: Qui sine causa non
 amant, eos aut beneficio, aut spe, aut significando
 tuo erga illos studio, dato operam, ut de illa animi
 prauitate deducas. & illa: Nam comitas tibi non
 deest ea, quæ bono ac suauis homine digna est. Quæ
 ta porrò fuerit in Cicerone comitas, non semel antè
 de-

demonstratum est. Item, nusquam discedere, pro
 nusquā deesse. Illorum uerò uerborum (Non com-
 mittere, ut quisquam possit dicere, quod eius sit,
 consequi possis, si abs te non sit rogatum, & ualde
 ac diligenter rogatum) ea uideatur esse sententia:
 non comittere, ut quisquam possit ita dicere: quod
 meum est, consequi potuisses, si ualde ac diligenter
 rogasses: & tum dicere possit, quum tu non roga-
 ris. Id est enim, si abs te non sit rogatū: quod quasi
 ὅτι πᾶσι θεοῖς scribe potuit. Ea uerò quae de be-
 nignitate, quae sit in re familiari, uel in opera, di-
 cuntur hoc loco, latius in libris de Officijs explican-
 tur. cetera quae sequuntur, tam patent, quàm diu-
 turni atq; nocturni aditus patebant ad Ciceronē,
 quem suprà facilem fuisse demonstrauius. Ut au-
 tem Cicero negaret, ex libro octauo ad Atticum
 cognosci potest. Quum paulo post in alijs libris, Tibi
 homini planè perito: in alijs, Tibi homini Platoni-
 co, scriptum uideamus. arbitramur, utrunq; posse
 defendi: quū Cicero fuerit homo peritus, & Plato-
 nicus: nec facile sit, uiris peritis & Platonicijs, ut
 mentiantur, persuadere. Qui uolunt Platonem,
 qui ueritatis, ut qui maximè, studiosus fuit, imita-
 ri, ut Cicero semper est imitatus: ij ceriè non facile
 pote-

poterunt induci, ut mentiantur. quod hic Q. Cicero faciendum petitorib. ostendit: & C. Cottam, de quo nos in Bruto diximus, imitandum proponit. Illa uerba sic etiam leguntur, Ideoq; se negare nemini: quòd saepe accideret causa, cur is, cui pollicitus esset, non uteretur: saepe, ut ipse magis esset nactus, quàm putasset. & illa: Sin autem id neiges, & certè ab alienes & statim, & plures. Plures enim multo sunt, qui rogant, ut uti liceat opera alterius, quàm qui utantur. Illa uerò nos ita legimus: Praesertim cum multo magis irascatur ijs qui negent, quàm ei quem uideant ea causa impeditum, ut facere, quod promissit, cupiat, si ullo modo possit. Post hæc ad suam distributionem redit, & antè quàm faciat epilogum, de rumore loquitur. de quo Cicero sic in oratione pro Milone scribit: Tempore comitiorum (scio enim, quàm timida sit ambitio, quantaq; & quàm sollicita cupiditas Consulatus) omnia non modo quæ reprehendi palàm, sed etiam obscurè cogitari possunt, timemus: rumorem, fabulam fictam, falsam perhorrescimus. ora omnium, atq; oculos intuemur. In epilogo, quem postea Q. Cicero facit, sic ex libro ueteri legimus: Bene loqui, aestimare, domus ut multa nocte cõpleatur: ut aesti
mare

mare ponatur pro spectare, & quasi curare. Sed illa uerba referamus: iam urbanā multitudinem, & eorum studia, qui conciones tenent, quæ adeptus es in Pompeio ornando, in Manilij causare, cipiēda, Cornelio defendendo, excitāda nobis sunt. In hisce uerbis nos aliquid desideramus, nisi, urbana illa multitudo, legatur: uel dicamus Q. Ciceronē sic, ut antè diximus, nō satis latinē locutum fuisse. Nam quòd Cicero Pompeium ornarit, oratio quæ nunc extat ostendit: & quòd Cornelium defendērit, nos etiam suprā demonstrauimus: sed de causa Manilij recepta dubitari potest. quanquā multi putant, eadem oratione Ciceronem Pompeij laudes, & Manilij causam esse complexū: ut ob id oratio pro lege Manilia, siue de Cn. Pompeij laudibus inscribatur: sed nihil erat, cur hoc loco Q. Cicero separaret, si uoluisset eandē orationē significare. et ipse in oratione quā pro C. Cornelio dixit, C. Maniliū in iudiciū uocatū, & à se defensum, uerbis quæ nūc apud Asconium leguntur, ostendit: Petiuit à me Praetore maxima cōtestatione, ut causam Manilij defenderē. Et Asconius paulo post ita interpretatur: Dicit de disturbato iudicio Maniliano, nos hac de re suprā diximus. Cetera, quæ deinceps in
hoc

hoc libello continentur, clara sunt. sed illa uerba sic in alijs libris leguntur. Hæc mihi ueniebant in mentem de duabus illis commonitionibus matutinis: & sic illa, atque hæc ita te uolo illis proponere, ut uideare accusationem non meditari, sed ut hoc terrore facilius hoc ipsum, quod agis, consequare. & sanè nunc de accusatione loquitur: nec, occasionem meditari, dicere solemus. A fratre uerò se mone-ri facile patiebatur Cicero, apud quem neq; aucto-ritate quisquã plus, quàm frater, ualere poterat: neque uoluntate, ut ait in libris Oratorijs, quos ad illum scripsit. Sed iam tẽpus est, ut aliorũ uitas & scripta, quæ sunt in Ciceronis libros congesta, quem admodum polliciti sumus, explicemus. EGN. Id breuiter, quemadmodum dicebas, facere non poteris. COR. Breuius etiam fortasse, quàm dicebãm, faciam. Nam quum Ciceronis epistolas, inter quas illa scripta continentur, uel iam pridem simus interpretati, uel breuissimus interpretaturi, nihil erit ex his, quod non sit explicatum. Uitas autem scriptis explicandis etiam persequemur: quãquam C. Cesaris, Cn. Pompeij, M. Bruii, M. Antoni, & M. Catonis uitas ita Plutarchus & alij scripserunt, ut hoc loco nihil nos addendum putemus

mus: quæ uerò pertinent ad Q. Pompeij Bithynici, M. Cælij, M. Marcelli, Q. Metelli Celeris, Q. Metelli Nepotis, & Ser. Sulpicij uitas, ea nos in Bruto collegimus ita, ut nihil amplius colligere uelimus, uel etiam possimus. EGN. Næ tu breuiter admodum facis, qui nihil omnino des: sed te & alios dedisse, teque etiam esse daturum dicas. Unde mihi libet illa uerba Ciceronis usurpare: Hoc est rationes referre? hoc modo aut ego, aut tu Hortensi, aut quisquam hominum retulit? COR. Satis est, ea me, quæ dedi, Reip. dedisse: & daturum, quicquid dabo: nec eum esse, qui, quæ dederunt alij, ipse dare uelim. EGN. Nec nos ijs sumus, qui uelimus accepta tibi, quæ uel alij dederint, uel tu alijs dederis, uel etiam daturus sis, referre. COR. Mihi uerò satis erit, si quæ uobis hodie dedi, ea mihi iam nunc accepta referetis. EGN. Referemus, quum tu, quæ pollicitus es, & debes, ipse retuleris. COR. Quæ sum pollicitus, retuli, nec amplius quicquam debeo: nisi forte uultis C. Asinij Pollionis, C. Cæsi, L. Planci, C. Marij, C. Trebonij, D. Bruti, L. Cornelij Balbi, & Oppij, L. Luceij, M. Curi, M. Lepidi, P. Dolabellæ, P. Lentuli F. Q. Cæsi, Ser. Galbæ, & P. Uatinij uitas & epistolas, ut alibi se

L cimus,

cimus, uel faciemus, explicari. EGN. Id te factum esse recepisti. COR. Recepi quidē: sed nunc uideo summā, quam fecimus, esse maiorem, quā ut accessio tanta fieri possit: nec magni referre, utrum hic, an alibi, quae debemus, Reip. soluantur: dum ciues tabulas, in quibus soluta dicantur esse, cognoscant. EGN. Qui uolent igitur illa uidere, è tabulis, quas dicis, ea petent: nos autem, quando tu iam totā Quaesturae rationem retulisti, & nos, qui pecuniam omnem in tabulas publicas referendam curauimus, uidemus rationum summā quadrare, tē que bene, & è Rep. fecisse iudicamus: te in fano pecuniam iussu nostro deposuisse, si placet, quo tibi melius caueatur, adscribemus. COR.

Placet.

IOANNIS BAPTISTAE EGNATII, ET
IOANNIS PIERII VALERIANI COSS.
IVSSV. SEB. CORRADVS QVAE-
STOR IN FANO HANC PE-
CVNIAM DEPOSVIT.

Seb. Corradi Quaestura literis hisce consigna-
ta, XIII. Cal. Quint. MDLV.

BONONIAE.

LECTORI A. ARLENIVS.

Cum hanc Quæsturâ accuratius relegissem, animaduerti, Corradum nostrum in historia expendenda, atque adeo singulis operum Ciceronis locis conferendis exquisitam adhibuisse diligentiam. Quamobrem in hoc in dice tum colligendo, tum digerendo, nostram etiam operam enitere uolui, in hispisis locis adnotandis: existimans huiusce nostræ industriæ qualemcunq; accessiorem tibi non ingratam futuram, & per commodam his omnibus, qui illorum temporum historiarû, ac Ciceronis, hoc est eloquentis. præstantissimi que scriptoris lectione perfrui uoluerint.

A cademicus fuit Cicero	perantibus dictum	248
66	Alexander Seuerus Imp. Cicero	
accensi Regienses Academicici	nis imaginem inter diuos collocauit	421
8	Alexim sincere, non turpiter dilexit Plato	426
accusandi ratio	96	
Achilles Bochiis	14.68	
Adriani Imp. peruersum de scriptoribus quibusdam iudicium	Amanus mons ancillatus	341
447	Annius Milo Clodium de ui posulauit	204
ædilis quando designatus Cicero	89	
29	Anticato Casaris liber	369.389
ædiles quot fuerint	106	
ædilitij qui dicti	115	
æris alieni comes miseria	138	
Æsopo tragædo an dederit operam Cicero	72	
Æschinæ & Demosthenis aduersarias orationes uertit Cicero	64	
64	Æschylus Cnidius Ciceronis in Asia comes	60
Æschylus Cnidius Ciceronis in Asia comes	60	
Africi belli tempore Cicero multas scripsit ad amicos literas	371	
371	Agelilai de laudantibus uel uituperantibus dictum	248
Agelilai de laudantibus uel uituperantibus dictum	248	
	Antonijs imagines quando sublatae	489
	Antonium qui nam mouerint senatus	138

INDEX.

C. Antonius gladiator fuit	<u>506.</u>	cero	<u>64</u>
<u>507</u> senatu à censoribus		arma Ciceroni quæ	<u>179</u>
<u>motus, et cur 507. 508</u> Ci-		Areopagitæ iudices, ex decreto	
ceronis in prætura competi-		non commouebantur	<u>118</u>
tor	<u>114. 508</u>	Ariobarzanes	<u>338</u>
C. Antonius M. Antonij orator		Aristotelis lingua balbutiens	<u>30</u>
ris filius Ciceronis competitor		Arnoldus Arlenius	<u>131</u>
in consulatu	<u>126</u>	Arpinati uilla natus Cicero	<u>27</u>
M. Antonius Flaminius	<u>14</u>	Arpinates Ciceronis laudes reu-	
M. Antonij Gniphonis scholam		lerunt, & numis memoriam	
quando frequentari Cicero		seruarunt <u>22</u> in qua tribu	
<u>125</u>		suffragium ferebant, et quan-	
M. Antonius Maior agius	<u>436</u>	do hoc illis permissum	<u>42</u>
P. Antronius collega Ciceronis		Arpinatibus quando ciuitas da-	
in quæstura	<u>84</u>	ta	<u>42</u>
Apollo consultus à Cicerone quid		Afconij locus	<u>114. 119. 120. 122.</u>
responderit	<u>68</u>	<u>126. 132. 135. 159. 225. 255.</u>	
Apollonij Molonis de Cicerone		<u>296. 324. 379. 457. 507</u>	
iudicium honorificum	<u>63</u>	Asiam quando peragrauerit Ci-	
ἀποφυσμάτων libros scripsit Cæ-		cero	<u>60</u>
sar	<u>78</u>	in Asia cur profectus Cicero	<u>57</u>
ἀποδίασις dictus consulatus Ci-		Asinius Gallus Ciceronis inimic-	
ceronis à Curione	<u>248</u>	cus	<u>436</u>
Appianus tempora cōfundit	<u>263</u>	Asinius Pollio Ciceroni iniquus	
Appiani incuria	<u>112. 113</u>	fuit	<u>418</u>
Appius Censor Sallustium sena-		assecla	<u>220</u>
tu mouit	<u>148</u>	Asturam quando profectus Cice-	
App. Claudius & L. Piso Sallus-		ro	<u>380</u>
stium senatu mouerunt	<u>211</u>	Athenas quando uenerit Cicero	
aquæ Ciceronianæ oculis mede-		<u>59</u> & quandiu fuerit	<u>60</u>
bantur <u>422</u> h. u. Tullius Lau-		Athenas quando miserit filium	
rea carmine celebrauit. ibid.		Cicero	<u>371</u>
Aquila Q. T. Ciceronis uxor		Atticus Ciceronis Aristarchus	
<u>500</u>		<u>456</u>	
C. Aquilius Gallus Ciceronis col-		Attici soror nupta Q. Tullio Ci-	
lega in prætura	<u>114</u>	ceroni	<u>492</u>
Arati carmina iuuenis uertit Ci-		auctio tabule	<u>508</u>

INDEX.

D. Augustinus Ciceronis Horten
sio lecto Christianum se factū
confitetur 422
aurei numi quo tēpore signati 23
Aufonius petulantiam alicubi in
Ciceronis epist. notauit 387

B

Bartholomæus Crotus poeta 15
Bartholomæus Riccius 448
Bernardus Felicianus 14
Bestia 344
βιβλίον ἀπὸ τῶν Ciceronis quid
Dioni 458.466
Bibulus 16
Blondi sententia cōsiderata 109
Bonæ deæ sacrificium an in ædio
bus consulum solum fiat 235
Brundisium quādo uenerit Cice
ro 369
Brudusinae coloniae dies natalis
313

M. Brutus Ciceronem uocauit os
minum prudentissimum 266
Cæsarem necat. 391 urbe ce
dit, & Italia 396 de Cato
ne scripsit 389 cur rep.
perdiderit 407
in Bruto post Cæsaris necem quæ
requirebat Cicero 405
Bruto, ut libertatē recuperaret,
autor fuit Cicero 391
Brutum Ciceronis interpretatus
est Sebast. Corradus 136

C

Q. Cæcilius 514
Cælius Calcagninus 435.436
Cæsar Ciceronem uenientem à

Pompeio, ex equo descendens
complexus est 308 Clodii
confirmauit 267 Lentulum
& Cethegum illegitimè sub
latos causabatur 267 Pom
peii à Cicerone alienauit. ib.

Cæsar & tribuni militum, quas
nam leges tulerint, in odium
Ciceronis 245

Cæsaris liber qui Anticato 369
389 suspectū studiū opprimē
di Ciceronem 266.267 tes
Simonium de Cicerone 183

Cæsarem ex Hispania reuersum
ruri hospitio excepit Cicero
371.390

in Cæsarem cōiurationis an par
ticeps fuerit Cicero 391

Cæsare mortuo quid senatui sua
serit Cicero 393

M. Cæsonius collega Ciceronis
in ædilitate 106

Calendæ ueteribus quæ 32
Calpū pontificum uox ibid.

Calenus, in oratione pro Anto
nio in Ciceronem, secum pue
gnat. 36.37

L. Calphurnius Bestia Cice
ronis consulatū reprehēdit 245

Caluus cum Cicerone litem de
eloquentia diu habuit, & ui
uentus accusator fuit. 446

Camillus cur secundus Romulus
sit appellatus 183

Campani Ciceronem donarunt
inaurata statua, & cur. 242

243

INDEX.

- L. Cassius Longinus** 306
Ciceronis in consulatu cōpetitor 126
- P. Cassius, Ciceronis in prætura collega** 114
- Q. Cassius maximum ciuem uocauit Ciceronem** 442
κατακλίμασαι 110
καδῶκεν 475
- Catilina adulterium commisit** 215 filiam an duxerit uxore. ibid. Africam prouinciam ex prætura obtinuit, eamq; diuexauit 516 repetundarū accusatus 517 bis repulsam tulit in petendo consulatu 216 quid responderit Ciceroni in senatu 227. 223. siciarius fuit 506
- Catilinæ, Cethegi, Lētuliq; coniurationem quando aperuit Cicero** 144
- Catilinæ coniuratio quo tempore fuerit** 129 ante Ciceronis consulatum facta 167. 230 egestas, & stupra 512. 513 cædes, aliaq; flagitia. ibid. mollicies scenica & mens gladiatoria 515
- Catilinæ coniurationem Dijs fulminib; & terræmotib; præfagire uisi** 226
- Cato Ciceroni clementiæ testimonium dedit** 176
- Cato, inscriptus liber Ciceronis** 369. 389 quando scriptus 371
- Cato Tribunus pleb. Ciceroni consuli magnam utilitatem attulit** 245 Ciceronis consulum laudauit ibid.
- M. Catonis orationem per nos excipiendam curauit Cicero** 240
- Q. Catulus Ciceronem parentē patriæ uocauit** 145. 146
- Q. Cecilius Niger Quæstor Verris** 90
- Cerellia** 385
- Cestius ceditur** 490
- Cethegus in carcere necatus.** 144
- Cethegum parum legitime sublatum dixit Caesar.** 267
- Cicero Academicum se profiteatur** 66. Academicos libros quatuor quando scripserit 472 Aedilis quando designatus 89 Aesopo histrio. ni an dederit operam 72 aliorum dicta sibi adscribi ægre fert 77 Antiocho Academico Athenis familiaris 59 Antonium pacatione prouinciæ perpulit 139 Apollinem Delphis consuluit 68 à quibus habitus solutus eneruis, & fractus 446 à quibus laudatus 436. 437. 438 à quibus reprehenfus 436 Arati carmina iuuenis uertit in Latinum 64 pro Archia poeta quando scripserit 459 de Aruspiciū responsis quando 462 Asiam totā peragra

INDEX

- uit 60 ex Asia quādo redijt
 80 Athenis cum uiris eru-
 ditis congressus est 344
 Cicero Cæsare Formijs post Pō-
 peij fugā uidit et allocutus est
 358 Capuam sumpsit 349
 carminibus à primis annis est
 delectatus 449 Catonem
 quando scripsit 470 causis
 multorum gratuito defendit
 89 in Cilicia conuiuio gra-
 tos homines excepit 339 fa-
 cilis fuit, liberalis et continēs.
 ibid. cæno & lapidib. an à
 Clodio petitus 272 cœnare
 solebat noctu. 110. consula-
 tum quando petierit 125 cō-
 sulatum suum græcè scripsit
 64. 260 pro L. Cornelio
 Balbo 464. cum quolibet an-
 tiquorum comparandus 442
 cur accusatus à Cæsare 267
 cur discesserit Roma 369
 cur in Asiam profectus 57
 cur multis odiosus Romæ, ex
 Plutarchi sententia 246
 Cicero pro Deiotaro rege quan-
 do dixerit 472 Demetrium
 Syrum Athenis audiuit 59
 Dolabellæ an legatus in Sy-
 riā nauigare decreuerit 395
 397. domū quāti emerit 162
 & à quo 164. domū suam
 contra insidiatores muniuit
 169. pro domo quando dixe-
 rit 462
 Cicero ea didicit quæ L. Crasso
 placuerūt 45 eques fuit. 157
 Cicero facetus natura 78 lib.
 de Fato quādo scriptus 473
 de Finibus bonorum et mal.
 472 pro Flacco quādo 460
 pro M. Fonteio quando 456
 pro C. Fundanio quādo ibid.
 Cicero Gabiniū quādo defende-
 rit 466 Geographiā absol-
 uere cogitauit 482 gestus
 an ab histronib. didicerit 72
 73 de Gloria lib. duos quan-
 do 474 in Græciā cur pro-
 fectus 399 Gradarius uoca-
 tus 481
 Cicero historiam scribere in-
 stituit 482 Hipponium ue-
 nit, cedens furori Clodij 283
 Brundisiū, Dyrrachiū, Thes-
 salonicā. ibid. Hortensij arie
 fatigauit 94 Hortensij quā-
 do scripsit 472
 Cicero imperator appellatur
 342 imperiū recusauit 367
 Cicero Laliū quo tempore scri-
 psit 472 laudis audissimus
 fuit 429 de lege Agraria ad
 populū 457 pro Lege Ma-
 nil. ibid. pro Q. Ligario
 quando 470 de luctu mi-
 nuendo 380. 381
 Cicero magistris quibus usus 65
 pro M. Marcello 470 Ma-
 riū uersibus scripsit. 452. 462
 Orationes pro lege Manilia
 & Cluentio quando scripserit

I N D E X.

Cicero pacis semper studiosus.

361 paradoxa quādo 476
paratus ad dicendum accede
bat 481 parens patria à quo
appellatus 145. 146 paro
tiones Oratorias & Brutū
quando scripserit 469 ex
patrocinio an mercedem ac
ceperit 88. 173 in peroratio
nibus excelluit 447 Phi
lippicis orationes 477

Cicero philosophiæ multū opere
dedit 65 philosophus sum
mus à Lactantio uocatus 68
in L. Pisonem 464 pro
Plancio quando 465 Pla
tonem imitatus 438 poeta
bonus fuit 438 Pompeio
mutuam pecuniam dedit 366
proscriptorum liberos comi
tiorum ratione priuauit 136
Posidonium suum famili
rem uocat 65

Cicero prætor primus quando de
signatus, & quos collegas ha
buerit 114 Protagoram Pla
tonis, & Xenophontis Oeco
nomicum uertit adolescens
449 de prouinc. Consular.
464. pulcher fuit 441

Cicero quadā scripsit æuindota
466 quæsturam quando pe
tuerit 70 quā diu fuerit
adilitius 115 quādo ad cau
sus priuatus & publicas adio
re cepit 55 quando cessit fu
rori Clodij 278. 279. 282

quando geßerit adilitatē 104
quando iniuit cōsulatum 130
quando miserit filium Athe
nas 371 quādo Philoni Aca
demico se totū tradiderit 48
quando se ad literarum retu
lerit studium 48 quando P.
Sulpicij genus dicendi cogno
uerit 48 quando uenerit
Athenas 59 quantum hæ
redibus acceptum retulerit
109 pro P. Quintio quan
do dixerit 452 quo corpo
ris habitu fuerit 57 quotem
pore Quæstor factus 80 quo
tempore occisus 419 et ubi
414 quot annos uixit 419.
420 quos Græcos expref
serit 438 quos in peregris
natione Asia habuerit comi
tes 60 quot habuerit cōpe
titores in consulatu 126

Cicero pro Rabirio quādo dixit
457 pro C. Rabirio Posth.
467 Post reditum suum.
461 Reipub. studiosus 348
res suas qua ratione laudet.
429 reus an fuerit & ac
cusatus 271 ridiculus Con
sul à Catone uocatus 79 reo
uocatur 202 donum redijt
315 Rhodum quando per
uenerit 60. 344 Romæ
tres fundos et domum habuit
109 Romam quādo è Cilicia
redierit 345. 348 Roma
quando discesserit 70 &
quando

INDEX.

- quādo Romam reuerfus. ibid. uertit. 64.
 Roscio Comædo an dederit operā 72 pro Rosc. Comædo quando scripserit 89. 456
 cum Salustio an magnis gesserit inimicitias 223
 Cicero pro M. Scauro 464 Q. Se uolæ opē dedit in iuris ciuilibus studio 48 seditionem inter equites & plebem sedauit 133 de seipso an gloriofus prædicauerit sæpe 428
 de Senectute 472 pro P. Sestio 463 sextodecimo anno in forum uenit oratores auditurus 47 ē Sicilia quando redierit 84 Siculos sibi ualde coniunctos habuit 101
 pro P. Sylla 458
 Cicero tergieratus an initio belli 351 an sententiam mutauit 352 Timæum Platonis uertit 64 & quando 473 togam cur ad calceos usq; demiserit 433 Topica quando 474. 475. Tusculanas questiones 472 tyrocinii ubi et quo tēpore primum iecit. 47
 Cicero pro Vatinius 464 in P. Vatinius 463 ubi natus, & quo tēpore 27. quo die 30 Verrē quādo accusauerit 89 uir fortissimus a Bruto iudicatus 427 Vraniam deā secum locutam finxit 166
 Cicero Xenophontis æconomium iuuenis in latinum conuertit. 64.
 Ciceronis aduersarij regem cum inuidiose appellabant 434
 Ciceronis caput quanti diuentum Antonio 418 in rostris positum 419 causarium commentarij 476 comitis 524. 525 commētarij quales 455 constantia 358. consulares orationes quæ 457 cōsulatus quibus nominibus a diuersis appellatus 421
 Ciceronis diuitie 377 domus floruit doctissimorum hominum familiarit. 109. 110 domus incensa. & bona direpta 293 quanti aestimata 318 domum ex arario adificandam putauit senatus 440
 Ciceronis encomium per diuersos 41 & deinceps. epistolas Corradus interpretatus est 528 Ciceronis & M. Antonij oratoris interitus similis 418 exilium non fuit diuturnum 296. 311
 Ciceronis imaginem inter Diuos collocauit Alexand. Senecrus Imp. 421 industria Verri defensores oppressit 25 ingenium diuinum fuit 478 inuestiua in Sallustium falso eidem ascripta 149 & deinceps. ioci tribus libris a Tiro ne collecti 74 ioci in bello 165
 Ciceronis laudes retulerunt Arpinales

I N D E X.

- pinates 22. liber qui Cato in
 scribitur 369. 389 librorum
 numerus 476
 Ciceronis loci diuersi passim ex
 operibus ad uerioris historiae
 normam collati.
 Epist. famil. 110. 115. 142. 277
318. 320. 338. 347. 360. 361
364. 374. 378. 385. 423. 466
 ad Attic. primo 39. 115. 239. 248
258. 262 secundo 42. 109
260. 263. 264. 390 III.
275. 277. 289. 297. 309
 IIII. 312. 313 VII. 30
350. 355. IX. 262. 275. 358
XI. 275. 366. 368. XII. 237
389. XIII. 25. 30. 389.
390. XIII. 385. XV. 388.
 ad Att. passim 117. 126. 250. 255
260. 261. 265. 267. 273. 315
317. 318. 320. 324. 369. 370
373. 374. 377. 380. 381. 383
388. 397. 399. 402. 459.
471. 474. 475. 499. 500.
501.
 epistola ad Q. Frat. 120. 277.
463. 464. 465
 epist. ad Brutū 396. 410. 412
 De Oratore I. 45. II. 37. 40
45. 74. III. 45 Bruto
27. 52. 57. 60. 66. 80. 95. 114
390. 447. 476. 478
 Orationib. pro Archia 45 In
 Catilinam 241 pro Cecina
580 Calio 226 Pro domo
263. 264. 271. 276. 281. 285.
291. 293. 295. 309. 315. 323.
428. 495 lege Ma-
 nilia 127. Ligario 370
 Milone 253. 273. 324 Mu-
 rena 121. 131. 143. 226. Pbia
 lipp. 47. 109. 363. 370. 393
412. 423. 501. 508
 Cotta Ciceronem imitandi cupio
 ditate incitauit 70
 Crantor indolentiam non lau-
 dabat 383
 Crassipes Ciceronis gener 326
 M. Cras. auctor creditur prioris
 Catilinae cōiurationis 239
 quando Ciceroni reconcilia-
 tus 321 quem iudicauit di-
 uitem 109 quibus consuli-
 bus suaserit Seruiliam legē 27
 Crassum cur multi Romae obser-
 uabant 113
 ad M. Crassum noctu missae lite-
 ra, à quo nam scripta 228
 M. Crassum inter & Ciceronē
 inimicitiae unde uideantur na-
 ta 228
 Cratippus cuius Romanus factus
 387 idem Areopagitarum de
 creto cur Athenis retētus 388
 Cremutij Cordi uerba de Cice-
 ronis capite in rostris posito
419
 Curules & diles duo, Plebeij duo
106
 cūstodes adhibebantur in comi-
 tijs 509

D

 Delibutus periurys, an Latina o-
 ratio 160
 decreta de Cicrone 309
 Delphis

INDEX

Delphis Apollinem cōsuluit Ci cero	68	E Egnatius melius dixit quàm scri psit 4 memoria pollebat s.
Demetrium Syrum Athenis au diuit Cicero	59	122. præceptor fuit Seb. Cor radi
Demosthenes cur ab Æschine ac cusatus	383	ap̄va Ciceronē uocauit Atticus
Demosthenis exercitatio	504	383
deos salutates dextrorsum se uer tebant	190	emere de machinis, de lapide, quid 509
in Dialectica uersatur Cicero	54	inuis cur à Catilina uocatus Ci cero 112
dialogus quibus potissimum de rebus fieri soleat	7	ιστιλχηα 64
dicacis nomen non conuenit Ci ceroni	74	ιστιλχηα ludis & gladiatori bus mirandis abstulit Cicero
Didymus Alexandrinus	436	248
Digestorū Iur. <i>civil. locus</i> 31. 32		equestri loco ortus Cicero 41
Diodotum Stoicum domi suæ Ci cero habuit 35 in dialecti cis audiuit. ibid.		equites nonnulli, non tamen om nes publicani 505
Dion historicus Ciceroni fuit ini quior 423. 424. in histo rijs Romanis non semper tue tur ueritatem 36 tempora confundit 263		equites primi uocabantur in pe titione consulatus 522
Dionis fragmenta confutantur. 423. 424. 425 mendacium 160		Erasmus Burgus Regiensis 151
Dionis locus 135. 136. 160. 241 251. 265. 267. 270. 322. 358 375. 384		Eusebij locus 41. 60
Dionysius præceptor M. T. Cice ronis filij 486		Eutropij libro aliena quadam assuta 41
Dionysius Magnes 60		Eutropij locus ibid.
doctōrib. quibus usus Cicero 65		exiliū qualiter tulerit Cicero 291
Dolobella tribunus pleb. 371		F
domum paternam Cicero fratri concessit 111. 112		Fabius <i>Gallus de</i> Catone scripsit 389
		factus fuit Cicero 78
		T. Fadus Quæstor fuit Cicero nis 243
		ferre calumniam an Latine di catur 196
		Fibrenus fluuius 11
		filij natu maximi, patris præno men referebant 38
		G. Fla.

INDEX.

- C. Flaminius Ciceronis in prætu Glaucus 448
 ra collega 114 gloria maximè solet inuideri 193
 Florus in quo à Livio dissentiat Gordiani poemata 449
 418. 419 Gorgius rhetor Ciceronem M.
 P. Fonteius adoptauit P. Clodiu. T. C. filium compotatio-
 264 nibus corruptit 488
 Fortunius Spyræ 514 Græcus an uocitatus Cicero 69
 Franciscus Floridus Sabinus 14 græcè quando cœperit declama-
 Franciscus Philelpbus fallitur re Cicero 54
 479 Græci cur Ciceroni iniquiores
 Fulvia M. Antonij uxore linguâ fuerint 249
 Ciceronis mortui acu contus Græci in Romana historia negli-
 meliose pupugit 419 gentiores 145. 146
 Fulvia Catilinæ coniurationē in H
 dicauit 166 Heluia mater Ciceronis 40
 C. Fundanium defendit Cicero C. Herennius de P. Clodio ad ple-
 456 bem traducendo egit 260
 Q. Fufius Calenus Ciceroni ad- Hircius qualis 399
 uersatus, multa falsò consina- historiam scribere quando Cice-
 git 100. uide Calenus ro cogitauerit 399
 G histriones habuit infames 72
 Gabinio cur Syriam sine sorte Hortensius Ciceronem imitandi
 dederit Clodius 276 cupiditate incitauit 70. defa-
 Galliam prouinciam ex permu- tigatus arte Ciceronis 94.
 tatione accepit Cicero 139. extemporalis dictione quam
 eandem in concione deposuit scripto maior 4. orationes
 143 pro Verre scripsit 95. rex
 A. Gellius & Potilianus quid in causarum habitus 90
 Cicerone notarint 435 I
 A. Gellij locus 28 Iacobus Grifolus 436
 L. Gellius, ciuicam coronam à Imperij atque orbis salus Cicero
 Rep. deberi Ciceroni dixit ni adiudicata à Pōpeio 248
 147 ineptus non exprimitur Græcè
 Georgy Trapezuntij laudatio in 64
 Ciceronem 442 inimicitiarum inter Ciceronem
 gestus ab histrionibus non didi- & Clodium causa quæ 257
 cit Cicero 23 inquilinus ciuis quis, & uetus
 quis

INDEX.

quis	112	minibus notauerit Sallustium	
inter Calendar, & in Calendar	<u>148</u>		
an idem	<u>31</u>	M. Lenius Flaccus Brundisij Ci	
Ioannes Baptista Gainæus	10	ceronem excepit	<u>285.286</u>
Ioannis Bapt. Egnatij laus	3	Lentulus de Cicerone reuocando	
Ioannes Oporinus	<u>13.131</u>	laborauit	<u>300.301</u>
Ioannes Picrius Valerianus	6	Lēulus in carcere necatus	<u>144</u>
Ioannes Strabius	<u>131</u>	Lentuli Catilinæ, aliorumq; con-	
ioco opportune adhibito libera-		iurationem quando detexit Ci	
uit L. Flaccum Cicero	<u>28</u>	cerro	ibid.
iocis & facetijs commodè usus		Lentulum & Cethegum illegiti	
est Cicero	<u>74</u>	mè sublatos causabatur Cæ-	
Iouita Rapius	<u>14</u>	far	<u>267</u>
Iphicratis lepidum dictum	200	Leonardus Arretinus Ciceronis	
iudicis summi imago quæ, quæ-		uitam ex Plutarcho non con-	
lisq; Thebis	<u>117</u>	uertit <u>73</u> improbatur <u>58</u>	
Iulij Obsequentiis locus	<u>41.226</u>	lex ambitus cur & quando cum	
L		pœna lata	<u>510.511</u>
Labienus quid criminabatur in		lex Roscia quæ, & à quo lata.	
Cicerone	<u>135</u>	<u>132</u>	
Lactantius Ciceronem summum		liberalia	<u>393.394</u>
appellauit philosophum	<u>68</u>	A. Licinius Archias Ciceronis eo	
L. Lamia missus ad Antonium		rudiuit pueritiam	<u>45</u>
à Cicerone	<u>370</u>	C. Licinium Macrum repetun-	
Laodiceam quando peruenit		darum reum quando condem-	
Cicero	<u>337</u>	narit Cicero.	<u>116</u>
lastaurus et lurco uocatus Sallu-		C. Licinius sacerdos Ciceronis	
stius à Lenæo grāmatico	<u>148</u>	ad consulatum cōpetitor	<u>127</u>
laudatorum mores non minus		Q. Ligarium quo tempore Cice-	
quàm laudantiū spectādi	<u>248</u>	ro defenderit	<u>371.378</u>
Lazarus Bonamicus	<u>12</u>	Lilybetanus Quæstor fuit Cice-	
legationes Ciceroni à Cæsare o-		ro	<u>31</u>
blatæ	<u>261.264</u>	Limonem scripsit Cicero	<u>449</u>
legationes liberæ quæ	<u>398</u>	literatorum uitas quo libro tra-	
legati possunt è legatione reuo-		ctari Seb. Corradus.	<u>187</u>
cari	<u>266</u>	litis comes miseria	<u>40</u>
Lenæus grammaticus quibus no-		Lilius Ciceronis mortem quo-	
		modo	

I N D E X.

modo descripserit	<u>414</u>	Qu. Metelli Celeris uxor, Clodij	
Titi Liuij locus	<u>44</u>	soror fuit	<u>257</u>
Luceius orationes in Catilinam		Qu. Metello Celeri res extra ur-	
scripsit	225	bem commissæ in Catilinæ con-	
Lucius Cicero, M. T. C. frater		iuratione	<u>229</u>
patruelis	<u>39</u>	Milo Pompeio suspectus fuit	<u>334</u>
Lucretij poemata quando emen-		Molo studuit Ciceronis redun-	
dauerit Cicero	<u>327.482</u>	dantiam coercere & repria-	
Lucullus Clodij uxorem infamē		mere	<u>451</u>
magno dedecore repudiavit		Moloni Rhodio quando dederit	
<u>257</u>		operam Cicero	<u>53.55.60</u>
ludos quos & quot fecerit Cice-		T. Munacium Plancum Bursam	
ro	<u>104.105</u>	accusauit Cicero	<u>334</u>
M		L. Murænam quando defende-	
Macedoniam cur collega tradidit		rit Cicero	<u>243</u>
Cicero	<u>139</u>	Mutium Scaeuolam utrumque au-	
Macri tribuni pleb. ridiculum		diuit Cicero	<u>52</u>
iudicium	<u>181</u>	N	
Macrobij locus	<u>3132</u>	Qu. Naso, Ciceronis in prætura	
Magnus Gruberus	<u>12.131</u>	collega	<u>114</u>
maledicere uerē qui dicantur		Nonæ quo nomine appellatæ	
<u>220</u>		Varroni & Censorino	32
Manilius de furto postulat	<u>118</u>	nouator uerborū Sallustius	133.
quas leges tulerit	<u>119.120</u>	<u>157</u>	
Manilius defendit Cicero	<u>527</u>	nouitatem generis quānam Cice-	
Marius Nizolius	14	roni obiecerint	<u>157</u>
Martialis Rota	ibid.	numerus periodi extremus, qua-	
Martinus Cromerus	<u>12</u>	lis esse debet	<u>160.161</u>
Menippus Stratonicensis	<u>160</u>	numi aurei quo tempore signati	
Metellinam cur scripserit Cice-		<u>23</u>	
ro	<u>245</u>	numis memoriam Ciceronis ser-	
Metellus consul impediu it cona-		uarunt Arpinates	22
tus C. Herennij contra Clo-		O	
dium susceptos	<u>260</u>	Oclauianus quando consulatum	
Q. Metellus Nepos omnium ma-		inijt	<u>413.419</u>
ximē Ciceronē uexauit	<u>245</u>	Oclauianum cur Cicero fouerit	
		& laudauerit	<u>406.409.</u>

I N D E X.

<u>410</u>		deplorat, ac in Antonium in-
<i>δικύματα</i>	510	uebitur <u>420</u> Romanas hi-
<i>ἀλβία</i> Ciceronis mater Plutar-		storius fidelius Græcis scri-
cho	<u>42</u>	ptoribus recenset <u>144</u>
optimates à principio sunt Cice-		Paterculi locus <u>163.293.413.334</u>
roni aduersari	<u>128</u>	Parthicum casum quinam scri-
P. Oppius	<u>453</u>	pserint <u>338</u>
Orationes pro lege Manilia	<u>6</u>	patrem patriæ Ciceronem uoca-
Cluentio quando scriptæ <u>122</u>		uit Cato in concione <u>246</u>
contra Rullum quando scri-		Catulus in senatu <u>ibid.</u>
pta, & qua de re <u>130</u> pro		Paulus Manutius libros de magi-
Q. Roscio Comædo quando		stratibus scripsit <u>103</u>
<u>89</u>		Pauli Orosij locus <u>41</u>
orationis pro Sex. Roscio		pellex <u>221</u>
commendatio	<u>55</u>	perduellionis iudicium à Cicero-
orationes in Verrem non dixit		ne sublatū, criminatus est <u>Læo</u>
omnes Cicero	<u>95</u>	bienus <u>135</u>
orationum Ciceronis pulcherri-		pergula, in qua res uenduntur
ma, quæ est scripta pro Do-		<u>509.510</u>
mo	<u>462</u>	periurijs delibutus <u>160</u>
orationum contra Rullum argu-		personarum ratio hoc Dialogo
mentum	<u>130</u>	habita <u>7</u>
C. Orchinius Ciceronis collega		Petrus Bembus <u>14</u>
in pratura	<u>114</u>	<i>φιλῆλκον</i> Cicero <u>109</u>
ordo huius <i>Quæstura</i> quis	<u>20</u>	Philo Academiæ princeps quan-
L. Otbo	<u>131</u>	do Romam uenerit <u>48</u>
P		<i>φιλῆλεγει</i> <u>109</u>
Pacorus	<u>338</u>	Philosophiæ multum studij con-
Pansa qualis	<u>399</u>	tulit Cicero <u>63</u> philoso-
pantheras à Cicerone petit M.		phiam Latinè literis illustra-
Cælius ædilis	<u>343.344</u>	uit <u>66</u>
L. Papius Patus scurræ		<i>φιλοσοφώμενα</i> quando scripserit
uelitem uocauit Ciceronem		Cicero <u>371.378.390</u>
<u>74</u>		Pierius Aegyptiorum obscuras
parens patriæ uocatus Cicero à		literas explicauit <u>317</u>
Qu. Catulo	<u>145.146</u>	Pindenissum quando cepit Cice-
Paterculus mortem Ciceronis		cero <u>342</u>

I N D E X.

T. Pinnius Ciceronem tutorem	narrat	108. 111. 112.
Secundum heredem insti- tuit	Plutarchi error	82. 132. 136.
	Plutarchi loci expensi	30. 69. 71.
L. Piso & App. Claudius Sallus- tium senatu mouerunt		72. 73. 111. 112. 125. 126. 227.
Pisoni Macedoniam cur sine for- te dederit Clodius		228. 230. 232. 236. 250. 252.
L. Pisonem cur asinum appella- rit Cicero		253. 259. 265. 270. 280. 289.
M. Pisonis probitas		294. 312. 319. 322. 331. 346.
Cn. Plancius		347. 349.
Cn. Plancius Dyrrachij Cicero- nem peramanter suscepit, ac Thessalonicam perduxit	Politianus quid in Cicrone no- tauerit	180. 435.
Plato castissimè uixit	Polybius historicus diligens	465. 148.
Platonis Timæum uertit Cicero	Pompeius augur fuit in adoptan- do P. Clodio à P. Fōteio	264.
	cur Cn. Cicero à multis di- ctus	246. plurimi fecit Cice- ronem 113. suspicione non ca- ruit oppressi Ciceronis 266.
M. Pletorius Ciceronis in pratu- ra collega		267.
Plinij locus	Pompeij fugam non probat Ci- ro	114. 346.
Plutarchus & Dion nonnunquā in historia discrepant	Pompeium à Cicerone alienauit Cæsar	267. cum exercitu re- uocandum qui nam tentarint
Plutarchus in Ciceronis uita mul- ta prætermisit		54. de Cicero nis decemuiratu tacet, ac ue- ris quibusdam laudibus
	Cn. Pompeij Strabonis consulis tyro fuit Cicero	411. 47.
dissentit à multis de Ciceronis percussore	Pomponia Attici soror, nupsit Q. Tullio Ciceroni	417. 492.
sentiāt à Suetonio	Pontifex in publica domo habi- tabat Romæ	402. à T. Linio 416. in exquisitè di- stinguendis personis negligens tior
	Pontium Glaucum scripsit puer Cicero	52. 58. 62. Latinus lite- ras serò didicit, ac senex attis- git
	Popiliam uxorem quando duxe- rit Cicero	57. 58. 349. refellitur 372. 373. 374. 390. 394.
	Cn. Popilius Lænus Ciceronem interfecit	400. 401. sibi repugnantia 417. eiusdem ca- put Antonio uēdidit, & quan-

INDEX.

fi	<u>418</u>	et Censorino	<u>32</u>
Posidonium Stoicum suum fami-		Quintilianus Ciceronē semper	
liarem uocat Cicero	<u>65</u>	defendit	<u>447. fallitur 150</u>
pralucere maioribus an possi-		Quintiliani locus	<u>137. 427. 453</u>
mus	<u>200</u>	Quintiliani sententia de iocis Ci-	
præterire	<u>195</u>	ceronis	<u>74. 75</u>
Prætor interdum Proconsulcm		R	
denotat	<u>216</u>	C. Rabiriū perduellionis reum	
Prætor quādo fuerit Cicero	<u>123</u>	quādo defenderit Cicero	<u>115</u>
Prætores octo uno tempore	<u>114</u>	reis quot dies dabāt prætores	<u>119</u>
Prætores quando magistratum		Rhodi quos nā audiuerit docto-	
inibant	<u>244</u>	res Cicero	<u>66</u>
Prætores quot dies dabant reis		Rhodum quando uenerit Cicero	
<u>119</u>		<u>60</u>	
præture collegas quos hab uerit		ridicula quatenus admiscēda pu-	
Cicero, et quot	<u>114</u>	tet Cicero	<u>78</u>
Prognostica scripsit Cicero	<u>459</u>	ridiculus consul an à Catone uo-	
proscriptor. im filij, ac eorundem		catus Cicero	<u>79</u>
negotium quale.	<u>136</u>	rogatores in comitijs	<u>509</u>
publicani equites fuerunt	<u>504</u>	Roma quando profectus Cicero	
Punici belli secūdi tempore pri-		<u>58</u>	
mum aurei nummi signati	<u>23</u>	Romani populi acres oculi, et	
Q		aures hebetiores	<u>82</u>
Quadrantaria et Quadrantia		Romanorum applausus Cicero-	
que	<u>256</u>	ni exhibitus oppressa coniu-	
quæstor quomodo et quo tēpo-		ratione Catilinæ	<u>242</u>
re factus Cicero	<u>80</u>	Romulus Amasæus eloquentia	
Quæstorij qui dicti	<u>115</u>	clarus	<u>4. 14.</u>
Quæstura Corradi à quibus lau-		Roscii seditionis causa factæ in	
data	<u>14</u>	theatro inter equites et ple-	
Quæstura huius ordo quis	<u>20</u>	bem	<u>133</u>
quæstura nomē quid Corrado	<u>7</u>	Roscio Comædo an dederit ope-	
Quæstura scribendæ quis scopus		ram Cicero	<u>72</u>
potissimum Corrado	<u>25</u>	Sex. Roscium quo tempore de-	
quæstura qñ petierit Cicero	<u>70</u>	fenderit Cicero	<u>55</u>
quintana et septimana quid		L. Roscij Othonis lex que	<u>131</u>
Macrobio	<u>31</u>	L. Roscio Othoni leges signoue-	
		m	runt

INDEX.

- runt Cicerone patrono 131
 8 scriptorum uitas descripsit Cor-
 radus 188
- C. Sacerdoti pratori successit in
 Sicilia Verres 89
 Scurra consularis uocatus Cice-
 ro ab inimicis 74
- Salustius in Africa prator fuit
 213
 Scyriam capram cur uocet Plu-
 tarchū Corradus 246. 247
- Salustius de Cicerone & Milo
 ne inimicissimus conciones
 habuit. 149 idem in adulte-
 rio deprēsus à Milone, lo-
 ris cæsus ibid. in libertinus
 insanibat 210 ubi natus, &
 quando 157 tribunus plebis
 quādo. ibid. uerborū nouator
 153. 157 uita improbus 148
 laetaurus, lurco, nebulosus et po-
 pino uocatus. ib. uiuente Cæ-
 sare in Rep. uersatus 186
- Salustij & Ciceronis nomine
 aduersariae orationes ficticiae
 sunt, & falso hysdem adscri-
 ptæ 149 & deinceps
- Salustij locus 128. 138. 139. 225.
 236. orationes in honorem
 historiarum leguntur 161 te-
 stimonium de Cicerone 177
- Sallustium Appius Censor senae-
 tu mouit 148
- Sallustium inter & Ciceronem
 non fuerunt tantæ inimici-
 tiæ, ut uulgò existimatur 223
 sapientiæ neruus, non temerè
 credere 524
- Phalaridis an uocitatus Cicero
 69
- scriptores aliquot de seipsis scri-
 pserunt, & qui 429
- Seb. Corradus Ciceronis ualde
 studiosus 191 Brutum Ci-
 ceronis propemodum ad uer-
 bum edidit 61. in Ciceronis
 Brutū copiosus scripsit coma-
 mē. 232. 244. 245 & pas-
 sim toto hoc opere episto-
 las Ciceronis interpretatus
 est 528 ædilis curulis designa-
 tus à Regiis 14. neminē
 nisi honorificè nominat 51
- Seb. Corradi scholia in epistolis
 ad Attic. 36 in Valer. Ma-
 ximum ibid.
- Senecæ iudicium de Ciceronis
 compositione 478
- Senecæ locus 96
- sententiam mutare, prudentis a-
 liquando uiri est 185
- L. Sergius Catilina, Ciceronis
 in consulatu competitor 226
- Ser. Galba dicendo quā scri-
 bendo maior 4
- Seruiliam legem quibus Cos-
 suasit Crassus 27
- seruitutis uox quid 173
- P. Sestius C. Antonij quæstor
 243. quando absolutus
 463. uulneratur à Clodia-
 nis 305
- Sestium defendit Cicero 205
- Siculi

INDEX.

Siculi Ciceroni coniuncti fuerunt	101	Tbebis iudicum imagines cur sine	
Silani sententia de coniuratis	235	ne manibus, & oculis clausis	
Solon audita filij morte, concidit	382	erant	117
Sophocle tragicorum principē iudicauit Q. T. Cicero	502	Themistocles quod acroama iudicauerit iucundissimum	14
sperare, protimere	202	Tigranes iunior dimissus	296
Staseam Peripateticum audiuit Cicero	66	timiditas obiecta Ciceroni, et ab eodem agnita	426
Stoicos iocose perstrinxit Cicero	243	Tiro an turpiter à Cicerone amatus fuerit	425, 426
Suetonij locus	236, 237, 263, 496	Tiro tribus libris collegit iocos Ciceronis	74, 79 et uitam Ciceronis 4 libris ibid.
P. Sulpitius Galba	506	toga pacis & ocij insigne	179
ronis in consulatu competitor	126	translatio uerecunda sit	190
P. Sulpitij genus dicendi quando cognouerit Cicero	48	Tribuni plebis, quando fungebatur suo munere	245
supplicatio Ciceroni togato priuam decreta	130	Tullie Ciceronis filie mariti qui	379
Sylla legatis immolationē quam nam fecerit in agro Nolano	47	Tulliam filiam C. Pisoni quando despondit Cicero	108
Sylla miles fuit Cicero	48	L. Pisoni quando	126
T		Craſipedi	326
Tabula auctoris argētarij	508	quando amiserit Cicero	371
suſſragij	ibid.	Tulliam legem de ambitu tulit Cicero	142
L. Tantaſius à Catilina necatus	514	M. Tullius Decula	453
Terentia Ciceronis uxor	159	L. Tullius Cicero M. T. C. patris	38
168		Tully unde dicti	43, 44
Terentia quando nuncium remiſit Cicero, & cur	375	Tuſculanae quaſtiones quando ſcripta à Cicerone	382
Terentia Q. Marcij regis uxor à Clodio ſuprata	257	V	
θαλαττης δαίμων	448	Val. Maximi locus	116
		L. Vargunteus conatus Cicero nem domi conſodere	163
		230	

I N D E X.

Vatinio quomodo responderit Cicero	118	uita multa notata in oratione Ciceronis nomine contra Salustium	192
L. Vettij iudicium de traducendo Clodio ad plebem	263	uixerunt, de quibus dixit C. Cero	240
Verres, cui successerit in Sicilia	82	Vlpiani iureconf. locus	32. 33
repetundarum reus appellatus à Siculis	90	uocalium concursiones uastam reddunt orationem	192
à quibus defendebatur. ibid. spon te in exilium abiit	95	Q. Voconius collega Ciceronis in prætura	114
Verris defensores oppressit industria Ciceronis	ibid.	M. Voluminus à Catilina necatus	514
Verrem quâdo accusauit Cicero	82	nota pro salute principis quo die nuncupantur	30. 31
uersus aliquot ex Ciceronis Marius	463	uultus Ciceronis qualis	78. 79
uertere Græca in Latinum, laudabile	450	uxorem puellam uirginem cur duxerit Cicero	375
C. Vibienus	273	X	
Vibius Siculus in Ciceronem ingratus	283	Xenocles Adramytenus Ciceronis in Asia comes	60
C. Vigilius Q. fratris collega	495	Xenophontis Oeconomicum iu uenis in Latinum uertit	64
P. Virgilius quando natus	82	Z	
Virgilij locus consideratus	133	Zephyri Seb. Corradi argumentum quale	187
uitâ æqualem uerbis agere.	189		

F I N I S.





